

ԶԱՀՈՒԿՅԱՆԱԿԱՆ ԸՆԹԵՐՑՈՒՄՆԵՐ-2008

Հանրապետական գիտական նստաշրջանի գեկուցումներ
(Երևան, մայիսի 7-8, 2008թ.)





НАЦИОНАЛЬНАЯ АКАДЕМИЯ НАУК РА
ИНСТИТУТ ЯЗЫКА ИМ. Р. АЧАРЯНА

**ДЖАУКЯНОВСКИЕ
ЧТЕНИЯ–2008**

доклады республиканской научной сессии
(Ереван, май 7–8, 2008г.)

INSTITUTE OF LINGUISTICS OF NAS OF RA

JAHUKIAN REDINGS – 2008

Republican Scientific session reports
(Yerevan, May 7–8, 2008)

ЕРЕВАН
ИЗДАТЕЛЬСТВО “ГИТУТЮН” НАН РА
2008

929.809.198.1 Յահան կը լ

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ

ՀԱՌԱՎԱԿԱՆ ԱՆՎԱՆ ԼԵԶՎԻ ԻՆՍԻՏՈՒՏ

ԶԱՀՈՒԿՅԱՆԱԿԱՆ ԸՆԹԵՐՑՈՒՄՆԵՐ-2008

Հանրապետական գիտական նախաշրջանի գեկուցումներ
(Երևան, մայիսի 7-8, 2008թ.)

A 937 46



ԵՐԵՎԱՆ

ՀՀ ԳԱԱ «ԳԻՏՈՒԹՅՈՒՆ» ՀՐԱՏԱՐԱԿՈՒԹՅՈՒՆ
2008

ՀՏԴ 80

ԳԱԴ 81

Զ 229

Ժպագովիս է ՀՀ ԳԱԱ ՀԱմայնքի անվան լեզվի ինստիտուտի
գիրական խորհրդի ողբանակը

Զ 229 Զահուկյանական ընթերցումներ-2008

Հանրապետական գիտական նստաշրջանի գեկուցումներ

(Երևան, 2008թ., մայիսի 7-8). – Ել.: «Գիտություն» հրատ., 189էջ:

ԳԱԴ 81

ISBN 978-5-8080-0739-0

© ՀՀ ԳԱԱ Հ. Աճառյանի անվան լեզվի ինստիտուտ, 2008թ.

ԱՐՈՐ ԳՈՐԾԻՔԱՆԻԾ ՀԱՍԿԱՑՈՒԹՅԱՆ
ԲԱՌԱԶՈՒՎԱԲԱՆՈՒԹՅՈՒՆՆԵՐԸ ՀԱՅԵՐԵՆԻ
ԲԱՐԲԱՌՈՆԵՐՈՒՄ

Արոր (գրք. *արօր*) բառանունը ընդգրկված է «Հայերենի բարբառագիտական ատլասի նյութերի հավաքման ծրագրի» բառային գուգարանությունների բաժնում (հոդված 95):

Ըստ Հ.Աճառյանի¹ և Գ.Զահորյանի² արօր բառը ծագում է հնիս. aratrom «վարելու գործիք» ձևից, որը կազմված է *arə - «հերկել» արմատից և -*տօ- գործիք նշանակող գոյականակերտ ածանցից³: Իր հոդվածներից մեկում այլ տեսակետ է առաջ քաշել Ն.Սկրտչյանը⁴, ըստ որի՝ արօր բառը փոխառված է ակկադական *harār-* «ակլոսել» բայից⁵: Այդ կապակցությամբ հրապարակված են Գ.Զահորյանի և Ի.Դյակոնովի հոդվածները⁶, որոնցում հերթվում են ոչ միայն արօր, այլև Ն.Սկրտչյանի նշած մի շարք այլ բառերի, այդ թվում փէտատ, մանգաղ, մանկեռ, ցարան և այլ գործիքանիշ բառերի՝ ակկադերենից փոխառված լինելը:

Հայերենում արօր բառանվան գործածության մասին վկայություններ կան դեռևս V դ. հայ բարգմանական գրականության մեջ⁷:

¹ Տե՛ս Հ.Աճառյան, Հայերեն արմատական բառարան /այսուհետ՝ ՀԱԲ/, հ.Ա, Երևան, 1971, էջ 350:

² Տե՛ս Գ.Բ.Զահորյան, Հայոց լեզվի պատմություն. Նախագրային ժամանակաշրջան /այսուհետ՝ ՀԼՊՆԺ/, Երևան, 1987, էջ 58:

³ Տե՛ս նաև Գ.Բ.Զահորյան, ՀԼՊՆԺ, էջ 468-474, Մ.Հաննեյան, Հայերենի հենքվրոպական բառապահարի թեմատիկ-իմաստային մի բանի խմբերի տարածքային բնուրագիրը. – Հայոց լեզվի համեմատական թերականության հարցեր, պր.2, Երևան, 1998, էջ 187-189 և այլն:

⁴ Տե՛ս Հ.Ա.Մկրտչյան, “Отклонения” от закономерностей армянского языка в свете лексических академического языка.–Պատմա-բանափրական հանդես /այսուհետ՝ ՊԲՀ, 1979, 4, էջ 219–234/

⁵ Տե՛ս նոյն տեղում, էջ 220, նաև Հ.Ա.Մկրտչյան, Семитские языки и армянский, Ереван, 2004, էջ 200–201:

⁶ Տե՛ս Գ.Բ.Ջայուկյան, Ов аккадских заимствованиях в армянском языке. – ՊԲՀ, 1980, 3, էջ 107–119, 1980, 4, էջ 96–106, Ի.Մ.Дъяконов, К древневосточному субстрату в армянском языке. – ՊԲՀ, 1981, 1, էջ 56–78:

⁷ Տե՛ս Ա.Աբրահամյան, Գործիքանիշ բառերը V դարի հայ մատենագրության մեջ և դրանց արտացոլումը հայերենի բարբառներում. – Հայոց գրեր. 1600, Երևան, 2006, էջ 339:

ՆՀԲ-ն ու ՀԱԲ-ը հղում են Ս.Գիրքը, Սերեբրանոսին, Ուսկերածին, Բարսեղ Կեսարացուն⁸: Բառը գտնել ենք նաև Ուսկերածինի այլ երկերի ոսկեղարյան թարգմանություններում, որ չեն հղել ՆՀԲ-ն ու ՀԱԲ-ը⁹: Բառանունը վկայված է նաև հետիինգերորդարյան հայ մատենագրության մեջ և թարգմանություններում, որոնցից ՆՀԲ-ն հղել է Նարեկացուն, Սարգիս վարդապետին, Գրիգոր Սկևորացուն, Վարդան Բարձրբերդցուն, Հովհաննես Երզնկացուն¹⁰: Գտել ենք ՆՀԲ-ում չհղված այլ վկայություններ ևս¹¹:

⁸ Տե՛ս Նոր բառզիք հայկակեան լեզուի (ՆՀԲ), հ.Ա. Երևան, 1979, էջ 386-387, ՀԱԲ, հ.Ա, էջ 350:

⁹ «...դու քեզն սերմանեա յակօսս. չիր անդ արօր/այս և հետազա ընդգծումներն իմն են - Ա.Ա./, չիր մաճ ունել և ոչ եզինս հարկաց լծել...» (Ուսկերեան, Սեկնութիւն Սոաչին թղթոյն Տիմորեայ / Ծառ ԺԳ/ . - Յովիաննու Ուսկերեանի Կոստանդնուպօլիսի եպիսկոպոսապետի Մեկնութիւն Թղթոցն Պատրոսի, հ. I, Վենետիկ-Ս.Ղազար, 1862, էջ 122), «...բայց անդ առանց արօրոյ և եզանց և մշակաց և ամենայն տարժանման սերմանողացն բուսանին պտուղը...» (Նոյնին, Յարածան, Ա.-Յովիաննու Ուսկերեանի Կոստանդնուպօլիսի եպիսկոպոսապետի ճառը, Վենետիկ-Ս.Ղազար, 1853, էջ 64), «Եւ որպէս ի մասն արօրոյ վաստակաւորն արկանէ ի խոր և ի ներքոստ պատառք զերկիրն և զգուշութեամբ պատրաստէ տեղի պահատեան սերմաննե..., այսպէս հարկ է և մեզ առնել. ըստ օրինակի արօրոյ վարել և խօսել զսիրոս խորին երկիր» (Նոյնին, Անդրիական ճառը, Դ. - Նոյն տեղում, էջ 709), «Սորա խրաքանչիր զայս իմացեալ՝ այժմ լծեալ եզինս յարօրի ոսանին զմանս վարել ի խոր ակօսս հատանելով. այժմ ի սուրբ քեմս ելանելով և զանձինս աշխատելոց ի մեղս իրը ճանգաղաւ՝ որ զիոնի հատանէ զերկիր՝ այնպէս բանի զմեղս մաքրեն ի ձենց» (Նոյն տեղում, ԺԹ, էջ 891) և այլն:

¹⁰ Տե՛ս ՆՀԲ, հ.Ա, էջ 386-387:

¹¹ Մասնի օրինակ Ուսկերեանի «Ի Սեծն Գրիգորիոս Լուսատրիչն Հայաստանեաց» գործի միշնադարյան թարգմանությունից. «...և նա (Գրիգոր Լուսատրիչը - Ա.Ա.) ինքն մի մշակ՝ միով բազկաւ կալեալ զմանոյ արօրոյ...» (Նորին Յովիաննու Ուսկերեանի ի Սեծն Գրիգորիոս Լուսատրիչն Հայաստանեաց. - Սովորք հայկականը, հ.Դ, Վենետիկ-Ս.Ղազար, 1853, էջ 97): Այսուեկ, անշուշտ, կա այլաբանություն: Ի դեպ, մեր գոտած վկայությունների մի մասը այլաբանական իմաստ ունի, ինչպես, օրինակ, Հակոբ Սծրնեցու («Դիցէ զլուծ իր վերայ ուսոց ապրատամբաց. և զարօր խաչի քոյ սիրով ընկացին ի պարսնոց իրեանց» / Ծառ երանելոյն Յափօրայ Սծրնայ եպիսկոպոսի ասացեալ յաղաք աստենն և մողոցն և մանկացն Բերդեհեմի. - Գիրը և Ծառ հոգեշահ արարեալյուրլպափառ և յաստուածաբան վարդապետաց, Կոստանդնուպօլիս, 1722, էջ 124/), Հովհաննես Երզնկացու («...և ձգեցին արօրով/բանին զերմն հաստոյ ի սիրոս դաշտաց բանական ազգաց մարդկային» / Ուսկերեան Սուրբ Աւետարանին, որ ըստ Մատթեոսի, արարեալ ի սրբոյն Ներսիս շնորհալոյ մինչ ի համարն 17. հինգերորդ գլուխյն. և անտի աւարտեալ յերանելոյն Յօհաննու Երզնկացու՝ որ և կոչ Շործորեցի, Կոստանդնուպօլիս, 1825, Ժ, էջ 224/) գործերում և այլն:

Հայ մատենագրության մեջ և բարգմանություններում ավանդված են նաև *արոր արմատով կազմված բարդ և ածանցավոր հետևյալ բառերը. *արօրաքեկ*, *արօրաբար*, *արօրադիր*, *արօրադիր լինել/առնել*, *արօրադրել*, *արօրադրութիւն*, *արօրածից*, *արօրայեղ*, *արօրավար*, *արօրել*, *արօր ձգել*, *կրկնարօր*, *երերկնարօր*, *անարօր*, *անարօրադիր* և այլն:

Հայերենի բարբառագիտական ատլասի (ՀԲԱ) նյութերում բառանունը գրաբարյան (*արօր*) ձևով գրանցված է 25 խոսվածքներում և ընդգրկում է արևմտյան խմբակցության Փոքր Ասիայի բարբառախմբի Պոլսի միջբարբառը (Պարտիզակ, Օրդու), Ակնի (Ակն), Կարինի (ք. Ախալքալաք), Խարբերդ-Երզնկայի (ք. Խարբերդ, Քազմաշեն, Զմշկածագ), Սեբաստիայի (Զարա) բարբառները, Մուշ-Տիգրանակերտի բարբառախմբի Մուշի (Սառնաղբյուր /Անիի շրջան, Վլ. Ալաշկերտից/) և Սասունի (Մշկեն) բարբառները, Համշենի միջբարբառախմբի Համշենի (Ծենիկ) բարբառը, Վանի միջբարբառախմբի Վանի (ք. Վան, Տղացպար) բարբառը, Կիլիկիայի միջբարբառախմբի Մարաշ-Ձեյրունի (ք. Մարաշ) բարբառը, արևելյան խմբակցության Խոյ-Մարաղայի (Ն. Խարբունարիս /Էջմիածնի շրջան, Վլ. Խոյից/, Թուրաստան /Արտաշատի շրջան, Վլ. Խոյից/ և Չամախչի /Արարատի շրջան, Վլ. Խոյից/ Թաղիաբաղ /Մարաղա/) բարբառը, Արարատյան բարբառախմբի Երևանի կամ Արարատյան (Երևան /կենտրոն/), Քայազետի (Արծավի) բարբառները, Ղարաբաղ-Շամախիի միջբարբառախմբի Ղարաբաղի (Հաղորդ, Մեծ շեն) բարբառը և այլն:

Տարածական լայն ընդգրկում ունեն բառանվան հատկապես հնչյունական զուգաբանությունները՝ *հարօր¹²*, *հարուր*, *հրօր*,

¹² Հարօր ձևը նույնպես վկայված է հայ միջնադարյան բարգմանություններում. օրինակ՝ «Սա է Հայրն, որ ի ձեռն Որդոյն զնեաց զմարդկային զափտանացու. զամենայ ինչ վաճառեաց զերկրային ստացուածս իւր, զի զնեսց զհարօրն երկրիս զոր ինքն ստեղծ» (Տեառն Եփրեմի Խարգարիսն յայտնութիւն. – Մըրյն Եփրեմի Մատենագրութիւնն, Վենետիկ-Ս. Ղազար, 1836, էջ 359), «Եւ զմէկ հարօրն չորս եղոր պարտ է բանեցընել, որ փոփոխեն զիրեար, և երեկեն զգեստին ծանր խոփովը. և առնեն զիերկն երեք հարօր, և զհարօրն խոփովն խորու տանին, որ ի զետենին պարարտութիւնն հասանի» (Գիրք Վաստակոց. բարգմանութիւն նախնաց յարաբացի լեզուէ, Վենետիկ-Ս. Ղազար, 1877, Դուռն ԺԸ, էջ 17) և այլն: Բառաձևն առկա է նաև Ներսէս Շնորհալու համելովներից մեկում /բանար/. «Սերմն սև ու ջրաց հոլով, / Դաշտը ներկած սպիտակ բամբկով. / Ի հինգ լուծն հարօրով, / Ի իրեանց վաստակն ընթանալով» (Ներսէս Շնորհալի,

խարօր, խարուր, խերոր և այլն, որոնք ՀԲԱ նյութերում գրանցված են 143 խոսվածքներում և հիմնականում ընդգրկում են արևմտյան խմբակցության Մուշի (51 խոսվածք), Սասունի (19), Վանի (19), Կարինի (29), Խարբերդ-Երզնկայի (5), Համշենի (3), Զեյթունի (1՝ Ֆուռնուս), Սեբաստիայի (2՝ Մանջալիկ, Խուռնավիլ), Ջեսարի (1՝ Խորբեկ), Մալարիայի (1՝ Մալարիա), Եղեսիայի (1՝ Կարմունջ), Պոլս (2՝ Արմաշ, Խասկալ) և արևելյան խմբակցության Երևանի (8), Ղազախ-Կիրովաբադի (1՝ Նյուսգեր) բարբառները: Կան նաև եզակի՝ միայն մեկ խոսվածքում հանդիպող տարբերակներ, ինչպես, օրինակ, *արուր* (ԼՂՀ գ. Խանարադ), *արօլ* (Սասունի գ. Ուարատ), *հայէյ* (ք. Հաջըն), *հայույ* (ք. Զեյթուն), *հէրոր* (ք. Ջեսար): Հ. Աճառյանը Ասլանբեկի բարբառում արձանագրել է *արէօ՛ր*, իսկ Զեյթունի բարբառում՝ *հնյէօյ* և *հնըրէօր* տարբերակները¹³:

Հայերենի բարբառներում «արոր» հասկացությունն ունեցել է նաև այլ բառանվանումներ՝ *ալար*, *զյործեն*, *չորոց*, *վեցլի*, *չոր*, *կեռ*, *գուրամ* և այլն:

1. Ալար

Հ. Պոզաճյանը իր «Տաճկերեն-հայերեն» համառոտ բառարանում բառը ծագեցնում է արաբերենից, որում այն նաև «գործիք» նշանակությունն ունի¹⁴: Բառը նույն այդ նշանակությունն ունի նաև պարսկերենում¹⁵: Թե որ լեզվից է հայերենը փոխառել, բարբառագիտական ու ազգագրական գրականության մեջ նշված չէ: ՀԲԱ նյութերում բառանունը «արոր» նշանակությամբ գրանցված է 20 բնակավայրերի խոսվածքներում և ընդգրկում է Ղարաբադի (Ղարադադ /6/, Ղարաբադ /11/, Սյունիք /3՝ ք. Կապան, Ներքին և Վերին Խոտանան զյուղեր/) և Շամախիի (1՝ Շահումյանավան) բարբառները: Նկատի ունենալով բառանվան տարածման շրջանակները /այդ տարածքը դարեր շարունակ եղել է պարսկական տիրապետության տակ/ և այն, որ որպես գործիքի անուն բառը գործածված չէ մեզ ծանոթ մատենագրական

Յաղաց երկնի և զարդուց նորա, Հանելուկներ, Ոդք Եղեսին /կազմեց, առաջարանը և ձանորագրությունները գրեց՝ Գ. Ա. Հակոբյան/, Երևան, 1968, էջ 41):

¹³ Տե՛ս ՀԱԲ, հ.Ա, էջ 350:

¹⁴ Տե՛ս Համառոտ բառարան տաճկերեն-հայերեն, հորինեալի Յակովլոս Պոզաճյանի Սյիխարեն ուստին, թ տպագրութիւն, ի Վիեննա, 1858, էջ 9:

¹⁵ Տե՛ս Պերսիակա-ռուսական համառոտ բառարան, տ. 2, Մոսկվա, 1985, էջ 115:

գրականության մեջ, գտնում ենք, որ այն կարող էր փոխառված լինել պարսկերենից:

Ի դեպ, միայն այս տարածաշրջանում է, որ արոր գործիքը կոչել են հենց «գործիք» նշանակությամբ, ընդ որում՝ ոչ միայն փոխառյալ բառանվամբ:

2. Գյործեն

Բառի արմատն է *գործ, որը ծագում է հնդկուական նախալեզվի vorg՝ «գործ, աշխատանք» արմատից և հայերենում նաև «հողը մշակել» նշանակությունն է ունեցել¹⁶: ՀԲԱ նյութերում բառանունը գօրծին ձևով գրանցվել է Սյունիքի մարզի Կարճևան գյուղի խոսվածքում¹⁷, որն ընդգրկված է Մեղրու բարբառում: Փասնորեն «գործիք» ընդհանուր հասկացությունը, որի ծավալում ներառվում են բոլոր գործիքները, այս խոսվածքում դարձել է դրանցից միայն մեկի անվանումը, այսինքն, ինչպես նշում է Հ.Մուրադյանը, «այստեղ կատարվել է իմաստի նեղացում»¹⁸: Է.Աղայանը բառանվան գործածությունը գօրծէն տարբերակով արձանագրել է Մեղրի գյուղի խոսվածքում¹⁹: Պետք է նշել, որ բառածեղ գործածվել է Մեղրու բարբառի ոչ բոլոր խոսվածքներում: Օրինակ՝ Հ.Մուրադյանն իր «Կաքավարերդի բարբառը» գրքում, որում խոսում է Վարհավար, Գուրդեմնիս, Կուրիս, Ազարակ գյուղերի խոսվածքների մասին, բառանվան գործածությունը փաստել է միայն Վարհավար գյուղի խոսվածքում՝ գօրծանը տարբերակով²⁰:

3. Չորոց

Բառը վկայված է դեռևս XV դարի սկզբի (1412 թ.) մի վիմական արձանագրությունում²¹:

Ըստ Հ.Աճառյանի՝ չորոց բառանունը ծագում է քնիկ հայկական *չորս/ ձևից²²: Իր «Գաւառական բառարանում» նա «Չորոց» բառահոդվածում նշում է, որ Ղարաբաղի և Վանի

¹⁶ Տե՛ս ՀԱԲ, հ.Ա,էջ 583–584:

¹⁷ Տե՛ս նաև Հ.Դ.Մուրադյան, Կարճևանի բարբառը, Երևան, 1960, էջ 191:

¹⁸ Նոյն տեղում, էջ 184:

¹⁹ Տե՛ս Է.Աղայան, Մեղրու բարբառը, Երևան, 1954, էջ 266:

²⁰ Տե՛ս Հ.Դ.Մուրադյան, Կաքավարերդի բարբառը, Երևան, 1967, էջ 168:

²¹ «Ես Գրիգոր տվի զնագունանց հողերն զմեր բաժինն իր չորեցովն...» (Արցախ, երկասիրեց Մակար եպս. Բարխստարեանց, Բագու, 1895, էջ 205):

²² Տե՛ս ՀԱԲ, հ.Գ, Երևան, 1977, էջ 632, նաև Հ.Աճառեան, Հայերենի գաւառական բառարան /այսուհետ՝ ՀԳԲ/, Թիֆլիս, 1913, էջ 884:

բարբառներում այն նշանակում է «չորս եզ՝ այն է երկու լուծ լծուած արօր», իսկ Բարերդի և Ախալցխայի խոսվածքներում (*չորոշ*)՝ «չորս լուծով լծուած գործան»²³, այսինքն՝ բառանունը տրվել է գործիքին՝ նկատի ունենալով քաշող կենդանիների կամ լուծերի քանակը: Նույնին է նշում նաև Մ.Բարխուդարյանցը. «Արցախում արօրով հերկած ժամանակ լծում են երկու գոմեշ եւ երկու եզն, որ կոչում է չորեց, չորուց, չարկով, ծագած չորս բառից»²⁴: Բառը հայերենից փոխառվել է նաև թուրքերենի մի բարբառում՝ չօրօն «չորոց, չորս եզով արոր»²⁵: Վ.Բդրյանը գտնում է, որ «անունը թեև ծագում է չորս բառից, բայց կապ չունի եզների քանակի հետ», այլ արտահայտում է «արորին լծելու մասնակցած հարակաշի կոչումը կամ նման մի սկզբունք»²⁶: ՀԲԱ նյութերում բառանունը (իր հնչյունական տարրերակներով՝ *չիրօց, չուրուց, չօրէց* և այլն) գրանցվել է ընդամենը 25 բնակավայրերի խոսվածքներում և ընդգրկում է Մուշի (14), Վանի (2՝ Կտրածքար, Հազարեն), Կարինի (1՝ գ.Բուլանըս /Կարս/), Դիաղինի (3), Բայազետի (1՝ Կարմիր /ՎԲ Բայազետից/), Երևանի կամ Արարատյան (1՝ Աստապատ), Ագուլիսի (1՝ Տանակերտ), Ղարաբաղի (2՝ Վերին Հոռարադ, Վաղուհաս), բարբառները:

4. Վեցկի

Բառը վկայված է դեռևս XI դարի մի վիճական արձանագրությունում²⁷, Մատքեռս Ուռիայեցու (XII դար)²⁸, Սմբատ Սպարապետի (XIII դար, կրկնում է Մատքեռս Ուռիայեցուն)²⁹ գործերում և հետագա շրջանի հայ մատենագրության մեջ³⁰:

²³ Տե՛ս ՀԳԲ, էջ 884:

²⁴ Մակար Եպս. Բարխուտաքենանց, նշվ. աշխ., էջ 205:

²⁵ Տե՛ս ՀԱԲ, հ.Գ, էջ 632:

²⁶ Վ.Հ.Բդրյան, Երկրագործական մշակույթը Հայաստանում, Երևան, 1972, էջ 249:

²⁷ «...ազատեցին զիեցկէ կոռ...» (հղովան է ըստ ‘Վ.Հ.Բդրյան, նշվ. աշխ., էջ 248):

²⁸ «... բայց զայս բազում անզամ լուեալ է մեր ի բազմաց յալազս բորեավիկոպսիսին՝ որ ասէին Դաւթովկ, երէ զզանձատունն նորա Աբրիիին էառ և բառասուն ուղտ բարձամ զզանձարանն նորա, ուր հարիր վեցկի եզանց ելանէին ի տան նորա» (Մատքեռս Ուռիայեցի, Ժամանակագրութիւն, Վաղարշապատ, 1898, էջ 103):

²⁹ «Էր անդ բոր եպիսկոպոս մի Դավիթ անուն. առին զզանձս նորա. բարձին բառասուն ըլլուու. եւ հարիր վեցկի եզանց ելանէր ի տանէն» (Տարեգիրք արարեալ Սմբատայ Սպարապետի Հայոց, որդույ Կոստանդնակա կոմսին Կորիկոսյ, ի լոյս ընծանական հանդերձ ծանօթթաւմբ Կարապետ վարդապետ Ծահնազարեանց, Փարիզ, 1859, էջ 66):

³⁰ Օրինակ, բառը գործածված է XV դարի (1415 թ.) մի Ավետարանի հիշատա-

Հ.Աճառյանը վեցկի բառանունը ծագեցնում է քնիկ հայկական *վեց արմատից՝ այն նշելով համապատասխան բառահոդվածի գավառական բառերի շարքում³¹, այդտեղ ընդգրկելով նաև վեցկատոր բառը, որ նշանակում է «հերկող, երկրագործ»³²: ՀԳԲ-ում նշում է, որ Բարերդի խոսվածքում վեցկին նշանակում է «վեց լուծ լծուած գութան», իսկ արոր նշանակությունն ունի Երևանի (վեսրի), Խոյի և Ղարաբաղի (վօսկի), Սալմաստի և Վանի (վիծկի) բարբառներում³³: Կ.Շահնազարյանցը, որը հրատարակության է պատրաստել Սմբատ Սպարապետի Տարեգիրը, վեցկի բառի ծանրագրության մեջ նշում է. «Գոքան եւ վեցկի՝ կրկին գործիք արօրադրելոյ զերկիր, այսու տարբերին ի միմիւնեանց. զի առաջինն ձգի յեօթն լուծ եզանց կամ գոմշոց. երկրորդն՝ յերից լծոց, ուստի վեցկին նշանակէ որպէս թէ վեցեկի»³⁴: Նոյն բացատրությունն ենք կարդում նաև Սահակ Վրդ. Ամատունու «Հայոց բառ ու բան»-ում, որը, հղելով «Սանան» ժողովածուն, նշում է. «Արօրը... տեղ կայ, որ չորս լուծ կը լծեն, ուստի կանուանեն «Չորոց», տեղ ալ կայ, որ վեց լուծ կը լծեն, ուստի և կանուանեն «Վեցկի»»³⁵: Վ.Բդյանը, վերլուծելով վեցկի բառանվան նշանակությունը Սյունիքի տարբեր շրջանների խոսվածքներում, եզրակացնում է, որ «Սյունիքում վեցկի-վեսկի-վեցկան ոչ մի առնչություն չունի վեց բառի հետո», այլ «կորնալերս է նշանակել» և «փր մեջ ունի խմբական աշխատանքն արտահայտող իմաստ»: Նա նաև նշում է, որ բառանունն այդ իմաստը պետք է

կարանում. «...և նոյն իսկ Թումայ վանից հօր ձեռօր Նաջրադնի վեցրու հողն արտ՝ ամիրաց մլարդրովն և նշանովն, Սուրբ Վարդանայ մուլք (սեպհականութիւն) զնուաւ» (Սուտարք Հայոց, հաւաքեալ եւ լոյս ածեալ ձեռամբ Ղետնի վարդապետի Փիրդակմեան Տուրեցոյ, Կ.Պոլիս, էջ 46): Բառն առկա է նաև միջնադարյան հետեւյալ վիմական արձանագրության մեջ. «Կաման Աստուծոյ եւ Թաճ Մրլարս դուստր Սիմբարայ բռու Խապայ շահին տվի մեկ վեցկի իմ զերեզմանաստունս, միաբանք սահմանեցին Գ ժամ Սանդստոյ տօնին»՝ թիճ, թիճ մօրն: Կատարիչը օրինին յԱստուծոյ» (Տանապարհորդութիւն ի Սեծն Հայստան, աշխատափրութեամբ Տեառն Սարգսի Սանահնեցոյ Զալալեանց, մասն Բ, Տիղիս, 1858, էջ 212):

³¹ Տե՛ս ՀԱԲ, հ.Դ, Երևան, 1979, էջ 333:

³² Տե՛սՀԳԲ, էջ 1000:

³³ Տե՛ս նոյն տեղում:

³⁴ Տարեգիրը արարեալ Սմբատայ Սպարապետի Հայոց, ծան. 31, էջ 147:

³⁵ Սանանայ, ժողովեաց և ի լոյս էած Գ.Վ.Սրուանձտեանց, Կ.Պոլիս, 1876, էջ 453 (տե՛սՀայոց բառ ու բան, աշխատափրեց Սահակ Վրդ. Ամատունի, Վաղարշապատ, 1912, էջ 390):

ունենար ոչ միայն Սյունիքի, այլև հայերենի բարբառների բոլոր այն խոսվածքներում, որոնցում «արորը վեսկի-վեցկի անունով է հայտնի»³⁶: ՀԲԱ նյութերում բառանունը (իր հնչյունական տարբերակներով՝ վէսկի, վիսկի, վիցկի, վօսկի և այլն) գրանցված է 145 բնակավայրերի խոսվածքներում և ընդգրկում է արևմտյան խմբակցության Մուշի (3), Վանի (33), Կարինի (4), Դիաղինի (1՝ Զուջան) և արևելյան խմբակցության Երևանի (13), Բայազետի (4), Ջուղայի (6), Ազուլիսի (2), Խոյի (30), Ղարաբաղի (8) և պարսկահայոց (Աստրախանի, 36) բարբառները: Կան նաև միայն մեկ խոսվածքում հանդիպող տարբերակներ, օրինակ՝ վէշճի (Նախիջևանի գ. Ազա), վեցկ (Վանի գ. Ալյուր), վիծկի (ք. Վան), յէսկի (Սյունիքի գ. Խնձորեսկ), ուսճի (Ուրմիայի գ. Բաղդիլո):

5. Չուր

Ըստ Հ.Աճառյանի՝ բառը ծագում է պահլավերեն յուժ «զույգ» ձևից. պարսկերենից է փոխառյալ թուրքերեն չիտ «զույգ, հերկ» բառը: Հայերենը բառը փոխառել է թուրքերենից և քրդերենից³⁷: ՀԲԱ նյութերում բառանունը (իր հնչյունական տարբերակներով՝ չուր, չուտ, ջուր, ճուր) գրանցված է շուրջ 115 բնակավայրերի խոսվածքներում և ընդգրկում է հայերենի արևմտյան խմբակցության Մալարիայի (1՝ Մալարիա), Տիգրանակերտի (2՝ Տիգրանակերտ, Սևերեկ), Բեյլանի (2՝ Սովորուս և Արջիս), Եվդոկիայի (1՝ Եվդոկիա), Եղեսիայի (1՝ Եղեսիա), Մուշի (6), Սասունի (12), Վանի (2՝ Վան, Ծոկու), Դիաղինի (1՝ Զուջան), Խարբերդ-Երզնկայի (2՝ Քազմաշեն, Սվոռոյ), Կարինի (10) և արևելյան խմբակցության Երևանի կամ Արարատյան (31), Բայազետի (1՝ Աշտարակի շրջանի Կարրի գյուղի խոսվածք, վերաբնակեներ Բայազետից), Խոյ-Մարաղայի (25), Ազուլիսի (1՝ Ցղնա), Ղազախ-Կիրովարանի (7), Ղարաբաղի (9) բարբառները: Շապին-Գարահիսարի բարբառում արձանագրվել է չիժք տարբերակը:

6. Կեռ

ՀԱԲ-ը բառանունը ծագեցնում է եռ «ծուռ, կոր» հայակերտ բառից³⁸: Բառանունը գործիքին է անցել՝ նկատի ունենալով դրա կառուցվածքը: ՀԲԱ նյութերում բառանունը (իր հնչյունական

³⁶ Վ.Հ.Քդյան, նշվ. աշխ., էջ 247:

³⁷ Տե՛ս ՀԱԲ, հ.Դ, էջ 133:

³⁸ Տե՛ս նույն տեղում, հ.Բ, Երևան, 1973, էջ 574:

տարբերակներով՝ կէռ, կրէռ, կըռ) գրանցվել է 29 քնակավայրերի խոսվածքներում և ընդգրկում է Ղարաբաղ-Շամախիի բարբառախումբը (Անհտիշեն /1/, Ղարաբաղ /25/, Ղազախ-Կիրովարաղ /3/):

7. Գուրան

Որոշ վայրերում արորը անվանվել է գուրան, թեև որպես գործիք գուրանի կառուցվածք չի ունեցել: Հայ լեզվաբնորյան մեջ բառանվան փոխառության աղբյուրի վերաբերյալ կան տարբեր տեսակետներ: Ըստ Հ.Աճառյանի՝ բառը փոխառյալ է հարավկովկասյան լեզուներից /հմտ. Վրացերեն ջշտաճո մինգրելերեն gutani, ինգուչերեն gotanger, չեչեներեն got‘a, թուշերեն / Վրաց. բարբառ/ gut‘a, gutan, ավարերեն k‘ot‘an, kutan, օսերեն gut‘on, արխազերեն a-k.wata/n(a) բոլորն էլ «արոր կամ գուրան» նշանակությամբ³⁹: Հ.Աճառյանը նաև նշում է, որ բառի «փոխառնեալ լինելը հաստատում է խունսագ. kutan «ցանել», որ ցոյց է տալիս թէ բառը բնիկ է հիսախային կովկասեան լեզուներին»⁴⁰: Գ.Զահուլյանը նշում է, որ «գուրան (գուրայ) բառը զուգահեռներ ունի կովկասյան նաև այլ լեզուներում, այդ թվում նաև իրանական բնույթի օսերենում (guton, gotten), ընդ որում դրանք կովկասյան արմատներով չեն մեկնաբանվում. պետք է ենթադրել հայերենի և այդ լեզուների համար մի ընդհանուր աղբյուր (ուրարտերե՞նը)»⁴¹:

Բառը վկայված է հայ միջնադարյան մատենագրության մեջ: Նորայր Բյուզանդացին, ՆՀԲ-ն և ՀԱԲ-ը հղում են «Ուսկիփորիկ» ժողովածուն⁴²: Բառը գտել ենք նաև XV դ. մի ձեռագրի հիշատակարանում⁴³: Բառաձեզ վկայված է նաև հետագա դարերի հայ

³⁹ Տե՛ս նոյն տեղում, հ.Ա, էջ 587:

⁴⁰ Նոյն տեղում:

⁴¹ ՀՀՊՆԺ, էջ 592:

⁴² «Գորայ/լի բոլոր ես յիշատակ (ի վասն Արծուաբեր Աստուածածնի) եւ միաբանք ոխատին պաշտմանք եւ պատարագօք աղաքեցին զուրք Աստուածածինն» (տե՛ս Նորայր Ն. Բիզանդացի, Բառզիքը ստորին հայերենի ի մատենագրութեանց ԺԱ-ԺԷ դարուց /այսուհետև՝ ԲԱՀ/, Ժնե, 2000, էջ 148, ՆՀԲ, Մնացորդը և յանելուած, հ.Բ, Երևան, 1980, էջ 1049, ՀԱԲ, հ.Ա, էջ 548):

⁴³ «Քրիստոս Աստուած քր սովոր ծնաւիք բարեխաստութեամբդ ողորմեա ամենայն հաստացելոց. ես առաել ուար խալիքին, որ յամեն տարի Բ (2) գուրան է տուէր սովոր Վարդանայ...» (Մ.Մաշտոցի անվ. Մատենադարան, ձեռ. 1524, էջ 921թ. հղվում է ըստ Լ.Խաչիկեան, Աշխատություններ, հ.Բ, Երևան, 1999, էջ 322):

մատենագրության մեջ⁴⁴: Նորայր Բյուզանդացին գտնում է, որ գութայ բառին նախորդել է գուղան ձևը, և հղում է ճառընտիր ժողովածուն⁴⁵:

Բառանունը «արոր» նշանակությամբ /հնչյունական տարբերակներ՝ գյութան, գ'ստան, կ'ութան, կ'ուստան և այլն/ գործածվել է 14 բնակավայրում՝ ընդգրկելով Վանի (2), Կարինի (3), Զուղայի (1՝ Նախիջևանի գ. Կյառ), Ղազախ-Կիրովարադի (3), Ղարաբաղի (5) բարբառների առանձին խոսվածքներ: Գրանցվել են նաև քօրան (ք.Օրդու) և քէտան (Տրապիզոնի գ. Բալլուդ) տարբերակները:

Ինչ վերաբերում է բառանվան «զութան» նշանակությանը, ապա այն գրանցվել է հայերենի բարբառների շուրջ 400 խոսվածքներում՝ հիմնականում հնչյունական տարբերակներով:

8. Խիշ /իխշ

ՀԲԱ նյութերում գրանցվել է «արոր» հասկացության նաև հիշ (1՝ Իրանի Մուժումբար քաղաքի խոսվածք) / խիշ (2՝ Հավարիկի /Աղբեցանի Արեշի շրջանում/ բարբառ, Շամախիի Սաղյան գյուղի խոսվածք) զուգաբանությունը⁴⁶:

Ա.Դ.Լուսենցն իր «Արեշի բարբառ» գրքում /խիշ «արօր» բառանվան կապակցությամբ նշում է մի շաբթ բառեր /մեծ մասը՝ ՀԱԲ-ից⁴⁷/ խիշոտ «տէզ, նիզակ», խշտառոր «նիզակաւոր», խշթել /Վանում՝ «միսը ասեղ, փուշ և այլն խրել»/, խշթիկ /Վանում՝ «էշ քշելու խրան»/, խշտիկ /Մուշում՝ փայտի ծայրին անցկացրած սուր երկաք»/ և այլն, և թերած օրինակների հիման վրա պնդում, թե այդ «քառերի արմատը... հայկական խիշ բառն է, և բոլորն ել նշանակում են որևէ սրածայր՝ սուր գործիք»⁴⁸: Այդունից էլ նա եզրակացնում է, թե խշել բայց /Հ.Աճառյանի մոտ՝ «դադարիլ»/ «կարող է նշանակել խիշով հերկել, արորով վարել, արորել», խշխել բայց նշանակում է «ոչ թե «սփոփել, հոգալ», այլ խիշ խրել, ծակծկել, կոխել... խշտրել՝ ոչ թե «արհամարհել...», այլ

⁴⁴ Տե՛ս, օրինակ, Զամբռ, համաժողովեցեալ և տարադրեցեալ ի Սիմեոն կաթողիկոս Երևանցւոյ, Վաղարշապատ, 1765, էջ 28, 107, 114, 131, 132–133, 215:

⁴⁵ «Ոչ ուստեք զտանի ողորմութիւն, բայց ի տեղիս տեղիս շարժին ի սերն Ծիրատոսի, ոմն պատարաց եւ ընծայ նուիթելով, ...եւ ոմն ոխվ առնելով, երեւ ազարակ եւ կամ ջրաղաց, եւ այլ որ՝ գուղան» /ճառընտիր, Իթ, 715/(սե՞ն ԲԱՀ, էջ 147):

⁴⁶ Տե՛ս նաև Ա.Դ.Լուսենց, Արեշի բարբառ, Երևան, 1982, էջ 150:

⁴⁷ Տե՛ս ՀԱԲ, հ.Բ, էջ 368, 381, 382, 431:

⁴⁸ Ա.Դ.Լուսենց նշվ. աշխ, էջ 150:

ծակել, նիզակահար ամել... /սրիշել՝ ոչ թե «փրտնել», այլ խրել խչել, որևէ սուր գործիքով խոր ծակել...»⁴⁹: Անշուշտ, այստեղ արհեստական մոտեցում է ցուցաբերված: Նաև հաշվի չի առնված այն հանգանանքը, որ Հ.Աճառյանը տարբերակել է դրանք, իսկ «Խիշտ» բառահորդվածում ուղղակի նշել, որ բառը փոխառված է պարսկերեն չիշ «նիզակ, աշտէ» ձևից⁵⁰: Ինչ վերաբերում է /սիշ «արոր» բառանվանը, կարծում ենք, որ այն փոխառված է պարսկերեն չիշ «զուբան, արոր» ձևից⁵¹:

9. Սարան

Թուրքիայի Ռողոսրո քաղաքի խոսվածքում գրանցվել է սարան բառաձևը: Բառի սոուզաբանությունը հայերենի բառարաններում չենք գտել: Բառանունը փոխառվել է թուրքերեն տառ [գուբան, արօր] ձևից⁵²:

ՀԲԱ նյութերում գրանցվել են նաև արոր հասկացության հազվադեպ հանդիպող այլ բառանուններ ևս, ինչպիսիք են՝ բարանա (գ.Մյասնիկով /Արխազիա/), լուսկ (գ.Դենդիլ /Սեբաստիա/), ծան (ք.Վան), կօրատ (ք.Խանլար /Աղքարեցան/), վար (ք.Մուժումբար /Խրան/), փանդա (ք.Օրդու /Տրավիզոն/):

Վ.Բրոյանը արձանագրել է այլ բառանուններ ևս՝ հարօնա (Ախալքալակ, Ախալցխա), արօնա և հառել (Ախալքալակի գ.Գյումրուրդա), կըռաչութ (Իջևան), ծղլա-ծղլի-ծղլի (Կարին, Մակու)⁵³:

Այսպիսով, «արոր» հասկացությունը հայերենի բարբառներում ունի ավելի քան 15 զուգաբանություն, որոնցից, ըստ ՀԲԱ նյութերի, լայն տարածական ընդգրկում ունեն արոր (168 խոսվածք), վեցլի (145 խոսվածք), չութ (115 խոսվածք) բառանունները՝ իրենց հնչյունական տարբերակներով: ՀԲԱ նյութերում խոսվածքների քանակով թիշ գրանցում ունեն կեռ (29 խոսվածք), չորոց (25 խոսվածք), աղար (20 խոսվածք), զուբան (արոր նշանակությամբ՝ 14 խոսվածք) բառանունները: Մնացածը (/սիշ, սարան և այլն) դասվում են հազվադեպ հանդիպող բառանունների թվին:

⁴⁹ Նույն տեղում:

⁵⁰ Տես ՀԱԲ, հ.Բ, էջ 368:

⁵¹ Տես Պերсианско-русский словарь, т.1, Москва, 1985, էջ 595:

⁵² Տես Մ.Фасмер, Этимологический словарь русского языка, т.3, Москва, 1964, թ. 541, Түрекко-русский словарь, Москва, 1977, էջ 740:

⁵³ Տես Վ.Հ.Բղոյան, նշվ. աշխ., էջ 246:

ԼՐԱՑՈՒՑԻՉ ՏՎՅԱԼՆԵՐ ՇԱՄՇԱԴԻՆԻ
ԽՈՍՎԱԾՔԻ ՄԱՍԻՆ

Բ.Մեծունցի «Շամշադին-Դիլիջանի խոսվածքը» աշխատությունն իր ուրույն տեղն ունի հայ բարբառագիտական ուսումնասիրությունների մեջ: Այն Շամշադին-Դիլիջանի խոսվածքն նվիրված միակ աշխատությունն է, որտեղ հեղինակը ներկայացնում է խոսվածքի հնչյունական, ձևաբանական և բառապաշտային առանձնահատկությունները, բառացանկ՝ ցոյց տալով գրաբարյան բառերի փոփոխությունները խոսվածքում, տարբեր զյուղերից հավաքված նմուշներ, ինչպես նաև գավառական որոշ բառերի բացատրություններ: Աշխատության բոլոր արժանիքները բարձր գնահատելով հաղերձ՝ ուզում ենք խոսել աշխատությունում եղած հնչյունական, ձևաբանական և բառային որոշ վրիպումների մասին, որոնք, անկասկած, պայմանավորված են աղբյուրների կամ տեղեկորդների պակասով:

Մեր նկատած վրիպումները կարելի է խմբավորել հետևյալ կերպ:

1. Հեղինակը չի նկատում հնչյունափոխական որոշ երևոյթներ, այդ թվում նաև զուգաձևություններ:

2. Որպես օրինաչափություն ներկայացնում է քերականական այնպիսի երևոյթներ, որոնք խոսվածքում կամ մահացման եզրին են, կամ շատ քիչ են գործածվում:

3. Բառացանկում ներկայացնում է մի խումբ բառեր, որոնք խոսվածքում ընդհանրապես չեն գործածվում:

4. Եվ հնչյունափոխության, և ձևաբանության, և բառային կազմի մեջ եղած զուգաձևությունները ներկայացնելիս հազարեալ չեն նրանց կիրառման տարածքը:

5. Կիրառում է խիստ անհասկանալի տերմիններ՝ չներկայացնելով դրանց իմաստը և չնշելով ոչ մի օրինակ:

Մենք անդրադարձել ենք Տավուշի շրջանի խոսվածքի այն ձևերին, որոնք ներկայացված չեն, կամ նշված ձևերից ոչ մեկը չի համապատասխանում խոսվածքի հնչյունափոխական, ձևաբանական երևոյթներին կամ բառային կազմի իրական փաստերին:

ՀԱՅՈՒՆԱՎԻՌԻՍՏԱԿԱՆ ՎՐԻԱՊՈՄԾԵՐ

Նշված աշխատության մեջ նկատված հնչյունափոխական վրիպումները հիմնականում վերաբերում են ձայնավորներին:

Ա ձայնավորի պատմական ա>լ հնչյունափոխության որոշ դեպքեր հեղինակը ներկայացնում է կամ որպես ա>է հնչյունափոխություն կամ չի նկատում, ինչպես՝ ծէք, կարօտիլ, հասնիլ, պակասիլ, հարջատանալ, փոխանակ ծըք, կըրօտիլ, հըսնիլ, պըրկասիլ, հըրըստանալ և այլն:

Կան որոշ բառեր, որոնց մեջ ա ձայնավորը քնայնանում է, բայց ներկայացված են առանց դրա, ինչպես՝ թառ, լծկան, դաղին, փոխանակ թառ, լծկան, դաղին և այլն:


Հանդիպում է նաև հակառակ երևոյթը, երբ խոսվածքում բառը չի քնայնանում, սակայն աշխատությունում ներկայացված է քնայնացմամբ, ինչպես՝ զանգ, շուշան, պաղպաղ, փոխանակ զանգ, շուշան, պաղպաղ և այլն:

Հատկապես մեծ թիվ են կազմում է /ե/ր հնչյունափոխությանը վերաբերող վրիպակները: Բ.Մեժունցը անդրադառնում է հնչյունափոխական նշված երևոյթներին, սակայն ստորոտերյալ բառերը, որոնք խոսվածքում ենթարկվում են այդ հնչյունափոխությանը, աշխատության բառացանկում ներկայացված են առանց հնչյունափոխության, ինչպես՝ հաներ, անքեղ, խէխտիլ, կէռ, նէղանալ, փէսա, փոխանակ հանըր, անքըր, խըխտիլ, կըր, նըղանալ, փըսա և այլն:

Խոսվածքում ո ձայնավորը ենթարկվում է նաև ո>ու հնչյունափոխության, որը հեղինակն ընդիմանրապես չի ներկայացնում, ինչպես՝ խօրըցընիլ, հօվանալ, մօտըցընիլ, օռնալ, փոխանակ խուրըցնիլ, հովանալ, մուտըցնիլ, ուսնալ և այլն:

Հանդիպել են մի քանի բառեր, որոնք ներկայացված են առանց քնայնացման, ինչպես՝ քօռ, պօխի, փոխանակ քօռ, պօխի և այլն:

Բառամիջում նախաշեշտ ո ձայնավորը ենթարկվում է ո>ը հնչյունափոխության, որին թեև հեղինակը անդրադառնում է, սակայն նշված հնչյունափոխությանը ենթարկվող որոշ բառեր ներկայացնում է որպես ո>է հնչյունափոխության պատկանող բառեր, այսպես՝ սավէր, սըվէրիլ, փոխանակ սավըր, սըվէրիլ և այլն:



Ըստ Բ.Մեծունցի՝ -ավոր ածանցը Դիլիջանում արտասանվում է ավօր, իսկ մնացած շրջաններում՝ ավեր: Տավուշի շրջանում -ավոր ածանցը արտասանվում է ավըր, ինչպես՝ բախտավըր, կեղծավըր, ճրճնավըր և այլն:

Որս, որսկան բառերը հեղինակը ներկայացնում է վէրս, վէրսկան ձևով, մինչդեռ խոսվածքում այդ բառերը հանդես են գալիս հ-ի հավելմամբ՝ հօրս, հօրսկան:

Խոսվածքում հանդիպում են նաև հնչյունափոխական զուգաձևություններ, որոնց հեղինակը չի անդրադառնում, ինչպես՝ անըմ/անում, կ'էլ/կիլ, կ'ըօլիս/կ'ըոլլիս, կ'օդանալ/կ'ուղանալ, հարիր+հարռիր և այլն:

Խոսվածքում այսպես, այդպես, այնպես ցուցական դերանունները հնչյունափոխվելով դառնում են ոչ թե էսպէս, էդպէս, էնպէս, այլ սրիը, տըիը, նըիը:

Բառապաշտային վրիպումներ

Աշխատության բառացանկում ներկայացված են մի խումբ բառեր, որոնք գործածական չեն խոսվածքում, ինչպես՝ ախապ, տիլար, մաճառ, ապուր, մարագ, առնետ, քաղիան և այլն: Մրանց փոխարեն խոսվածքում կիրառվում են ընթափքար, զիբիլ, մատղաշ, ամլիկ, շիրա, տակի տուն, շորվա, խորակ, սուպ, կոխի, թօխա բառերը:

Որոշ բառեր ել իրենց օտար համարժեքների համեմատությամբ շատ քիչ են կիրառվում, այսպես՝ նոր, օգնել, նայել և այլ բառերի փոխարեն ավելի շատ գործածվում են թագան, քօնակ անիլ, քըմաշ անիլ բառերը:

Կան մի շարք բայեր, որոնք խոսվածքում ունեն հարադրական կազմություն, սակայն բառացանկում ներկայացված են ոչ այդպես, օրինակ՝ անցընիլ, կաղիլ, խօստանալ, լիզիլ, պանալ, մաշտոիլ, նշանիլ, փոխանակ անց կընալ, կաղի տալ, խօսկը տալ, լուզ տալ պանց անիլ, մաշտ անիլ, նշան տընիլ և այլն:

Ըստ հեղինակի՝ բարձել, իմանալ, լսել, մլավել բայերը խոսվածքում հնչյունափոխվում են՝ դառնալով պարզիլ, մանալ, լրսիլ, մըլավիլ, սակայն խոսվածքում դրանք կազմված են այլ արմատներից, ինչպես՝ պէռնիլ, զիդալ, մանալ, կըլավիլ:

ԶՆԱՐԱՆԱԿԱՆ ՎՐԻՓՈՒՄՆԵՐ

Խոսվածքում ներգոյական հոլովի, ինչպես նաև անկատար դերայի -ում վերջավորությունը գյուղերի մի մասում մնում է անփոփոխ՝ -ում, իսկ մյուս մասում դառնում է -ըմ, մինչդեռ հեղինակը ներկայացնում է միայն -ըմ ձևը:

Ըստ Բ.Մեժունցի՝ -ուրին ածանցով կազմված վերացական գոյականները ենթարկվում են ի հոլովման, բայց ժամանակակից հայերենի ազդեցությամբ թերվում են նաև ներքին ա հոլովմամբ: Ներկայում /հաշվի ենք առել երեք սերնդի լեզվական տվյալները/ -ուրյուն ածանցով կազմված բոլոր գոյականները ենթարկվում են ա ներքին հոլովման՝

ուղղ. ախալըրուցյուն

սեռ. ախալըրուցյան

տր. ախալըրուցյանը

բաց. ախալըրուցյունից

գործ. ախալըրուցյունով

ներգ. ախալըրուցյունումը /ըմք/

Ըստ Բ.Մեժունցի՝ ընկեր բառը ենթարկվում է և ի, և ոչ հոլովման, սակայն վստահ ենք, որ այս բառը ենթարկվում է միայն ի հոլովման, բանի որ երբեք չենք հանդիպել հընգերօշ, հընգերօշից, հընգերօշօվ, հընգերօշը ձևերին:

Ա /ա/ ձայնավորով վերջավորվող բառերը որոշյալ հոդից առաջ մշտապես ենթարկվում են հնչյունափոխության՝ դառնալով ը, այսպես՝ տղա և գուլպա բառերի ուղղականը կիմի ոչ թե տղղան, զյուլքան, այլ՝ տղղըն, քյուլքէն: Եվ ուղղական հոլովով պայմանավորված՝ գործիական և ներգոյական հոլովները չեն լինի տղղայօվ/ը/, տղղայըն/ը/, այլ՝ տղղօվը, տղղումը:

Ըստ հեղինակի՝ եղբայր բառի բացառական, գործիական և ներգոյական հոլովները կազմվում են և ուղղական, և սեռական հոլովներից, ինչպես՝ ախալերիցը, ախալերօվը, ախալերընը և ախալպօթը, ախալորովը, ախալորումը: Սակայն խոսվածքում եղբայր բառի նշված հոլովները կազմվում են միայն սեռականից:

Տուն և շուն բառերի բացառական ու գործիական /ներգոյական հոլովը առանձին ձև չունի/ հոլովները խոսվածքում ունեն միայն մեկ ձև՝ տաճիցը, տաճովը, շաճիցը, շաճովը, թեև հեղինակը ներկայացնում է նաև շընիցը, շընովը, տընիցը, տընովը ձևերը:

Կանայք բառը սեռականում ունենում է ոչ թե -օց/ը/ վերջավորությունը, ինչպես ներկայացված է աշխատությունում, այլ՝ - ունց/ը/՝

- ուղղ. կընանիք/ը/
- սեռ. կընանունց/ը/
- տր. կընանունց/ը/
- բաց. կընանունցից/ը/
- գործ. կընանունցով/ը/
- ներգ. կընանունցում/ը/

Մենք և դու դերանունների տրականի ձևերի մեջ նշված են նաև մեզ և քեզ ձևերը, և սրանցով կազմված բացառական, գործիական, ներգոյական /մեզանից, մեզանով, մեզանըմ, քեզանից, քեզանով, քեզանըմ/ գուգահեռ ձևերը, որոնք խոսվածքին հատուկ չեն:

Ըստ Բ.Մեժունիցի՝ սա, դա, նա ցուցական դերանունները կարող են հոլովվել և քմայնացմամբ, և առանց քմայնացման: Սակայն խոսվածքին հատուկ չէ նշված դերանունների առանց քմայնացման կիրառումը:

Որտեղ հարցական դերանունը հնչյունափոխվում է ոչ թե վէ՞րդէ, այլ վէրդի՞՝, որի բացառականը կազմվում է ոչ թե -ից-ով, այլ յան-ով և ներգոյականի ձև չունի.

- | | |
|-------|----------|
| ուղղ. | վէրդի՞՝ |
| սեռ. | վէրդիի՞՝ |
| տր. | վէրդիի՞ն |
| բաց. | վէրդյա՞ն |
| գործ. | վէրդյօ՞վ |
| ներգ. | |

Տափուշի շրջանի խոսվածքին հատուկ չեն ամէնը, ամէնքը, դիվը, չիմը որոշյալ դերանունները: Խոսվածքի որոշյալ դերանուններն են՝ լօխ, սաղ, լրիվ, ամըն մինը, ամըն մի:

Ոչինչ ժխտական դերանվաճ փոխարեն ավելի շատ գործածվում է մի զատ էլ ա, մի պան էլ ա արտահայտությունները, իսկ ոչինչ դերանվաճ հոլովված ձևերի փոխարեն՝ պան և զատ բառերի հոլովված ձևերով կազմված արտահայտությունները՝ մի պանից էլ ա, մի պանօվ էլ ա, մի զատից էլ ա և այլն:

Գ-քում կան լծորդության վրիփումներ, որոնցից նկատելի են խոսել, աղալ և տեսնել բայերը, որոնք ներկայացված են

խօսիլ, աղիլ, տէսնիլ ձևով, մինչդեռ ճիշտ են խօսալ, աղալ, տընալ ձևերը:

Ըստ Բ.Մեժունցի՝ Շամշադին-Դիլիջանի խոսվածքում կա ուր դերբայ՝ անորոշ, անկատար, ապակատար, վաղակատար, հարակատար, ենթակայական, համակատար և ձևի:

Ըստ հեղինակի՝ խոսվածքում գործածվում է ապակատար դերբայի մեկ ձև՝ անորոշ+ի կազմությամբ, ինչպես՝ խըմիլ-խըմիլի, ուտիլ-ուտիլի և այլն: -Ի վերջավորությամբ ապառնի դերբայն արտահայտում է կատարելի կերպային գաղափար և ունի միայն անվանական գործածություն: Սակայն հեղինակի ներկայացրած բոլոր օրինակները ցույց են տալիս, որ դրանք ոչ թե ապակատար դերբայ են, այլ անորոշ դերբայի սեռական հոլովածեր:

Բ.Մեժունցն ընդունում է հարակատար դերբայով և օժանդակ բայով հարադրված հարակատար ներկա և հարակատար անցյալ ժամանակածերը, մինչդեռ դրանք խոսվածքում կիրառվում են միայն վիճակային բայերի հետ, ինչպես ժամանակակից հայերենում: Խոսվածքին հասուկ չեն լրվացած եմ, լրվացած ի, մընթցրած եմ, մընթցրած ի և նման ձևերը:

Մեժունցն առանձնացնում է նաև -ին վերջավորությամբ ձևի դերբայ, որը ցույց է տալիս գործողության կատարման ձևը և ունի մակրայական գործածություն: Խոսվածքում իսկապես գոյություն ունի -ին վերջավորությամբ ձև, ինչպես՝ քընալէն, պիրիլէն, նըստիլէն և այլն: Սակայն սրանք գործողության ձևը չեն ցույց տալիս, սրանք ավելի շուտ ժամանակ ցույց տվող ձևեր են, որոնք համապատասխանում են ժամանակակից հայերենի անորոշ դերբայի բացառական հոլովին՝ գնալուց, բերելուց, նստելուց, և նախադասության մեջ կատարում են ոչ թե ձևի պարագայի պաշտոն, այլ ժամանակի պարագայի պաշտոն:

Գրում նշվում է, որ սահմանական եղանակն ունի 8 ժամանակածեն, որոնցից վեցը բաղադրյալ են՝ ներկա, անկատար անցյալ, վաղակատար ներկա, վաղակատար անցյալ, հարակատար ներկա, հարակատար անցյալ, իսկ երկուսը՝ պարզ՝ անցյալ կատարյալ և անկատար անցյալ երկրորդ ձև: Սակայն խոնարհման հարացույցում ոչ մի տեղ անկատար անցյալ երկրորդ ժամանակածեն չի նշվում, և մեզ համար խիստ անհասկանալի է, թե ինչ ձև նկատի ունի հեղինակը: Անորոշ է նաև ապառնի

Ժամանակի հարցը, թերևս այն պատճառով, որ խոսվածքում այդ ժամանակաձևը նման չէ ժամանակակից հայերենի համապատասխան ձևին: Սահմանական եղանակի ապառնին և ապակատար անցյալը խոսվածքում այժմ կազմվում են անորոշ դերքայով և օժանդակ բայի ներկայի և անցյալի ձևերով, որոնց վրա ավելանում է դ եղանակիչը, որը պիտի եղանակիչի կրծատված ձևն է, և իմաստով լիովին համապատասխանում են արդի հայերենի համապատասխան ժամանակաձևերին:

Սահմանական ապառնի

պիրիլ դէմ	պիրիլ դէնք
պիրիլ դէս	պիրիլ դէք
պիրիլ դի	պիրիլ դէն
Ապակատար անցյալ	
պիրիլ դի	պիրիլ դինք
պիրիլ դիր	պիրիլ դիք
պիրիլ դէր	պիրիլ դին

Խոսվածքում գրեթե մահացած են քնալ բղեն, քնալ բղես, քնալ բղի, քնալ բղենք, քնալ բղեք, քնալ բղեն ձևերը:

Իսկ հարկադրական եղանակը ներկայում կազմվում է արդի հայերենի նման՝ պետք է / պիտի եղանակիչը չի գործածվում/ եղանակիչը ավելանում է ըղձական եղանակի ձևերին.

ապառնի

պըտկ ա կըրէմ	պըտկ ա կըրէնք
պըտկ ա կըրէս	պըտկ ա կըրէք
պըտկ ա կըրի	պըտկ ա կըրէն
անցյալ	
պըտկ ա կըրէի	պըտկ ա կըրէինք
պըտկ ա կըրէիր	պըտկ ա կըրէիք
պըտկ ա կըրէր	պըտկ ա կըրէին

Հարկադրական եղանակի անցյալի իմաստն արտահայտվում է նաև հետևյալ կերպ

պըտկ ա կըրէլ ի	պըտկ ա կըրէլ ինք
պըտկ ա կըրէլ իր	պըտկ ա կըրէլ իք
պըտկ ա կըրէլ էր	պըտկ ա կըրէլ ին

Սեժունցը ներկայացնում է ըղձական անցյալի ի, իր, ար, ինք, իք, ին վերջավորություններով կազմված ձևերը /մընի, մընիր, մընար, մընինք, մընիք, մընին/, սակայն այս ձևերը ներկայում

այնքան էլ գործածական չեն: Ավելի շատ գործածվում են ըղձական անցյալի՝ արդի հայերենին նման ձևերը՝ մընայի, մընայիր, մընար, մընայինք, մընայիք, մընային: Ըղձական անցյալի ժխտականը ևս կազմվում է արդի հայերենի նման՝ չըմընայի, չըմընայիր և այլն:

Վրիպումներ ենք նկատել նաև որոշ անկանոն բայերի անցյալ կատարյալ և հրամայական ձևերում, այսպես՝ տընիլ բայը անցյալ կատարյալում ունենում է ոչ թե ա, ար, ավ, անք, աք, ան վերջավորությունները, ինչպես կարծում է հեղինակը, այլ ի, իր, ավ, ինք, իք, ին.

տըրի	տըրինք
տըրիր	տըրիք
տըրավ	տըրին

Անցյալ կատարյալ երրորդ դեմքում տալ բայը չունի իրեւ ձևը, իսկ պիրիլ բայը՝ էպիր ձևը, ինչպես կարծում է հեղինակը: Նշած բայերի անցյալ կատարյալ երրորդ դեմքն ունի տըվապ/տըվուց և պիրապ/պիրուց ձևերը:

Բանալ բայի հրամայականը ոչ թե պա՛ց է, այլ պա՛ց արա, տընիլ բայի եզակի հրամայականը ոչ թե տի՛ր է, այլ տըրո՛ւ, տօղալ բայի հրամայական հոգնակին տուղըցըք է և ոչ թե տօղացէք:

Խոսվածքում չի գործածվում ունիլ բայը, հետևարար այն բոլոր ժամանակային ձևերը, որոնք ներկայացնում է հեղինակը, խոսվածքին հատուկ չեն: Կալ արմատը պահպանվում է որոշ քարացած ձևերում, ինչպես՝ կըլօխը կալած, նի կալ և այլն:

Խոսվածքում ա խոնարհման բայերի կրավորականը կազմվում է և ներկայի հիմքից, և կատարյալի հիմքից, ինչպես՝ աղվիլաղացվիլ, կառքվալ-կառքացվիլ, խոսվալ-խոսացվիլ և այլն, սակայն հեղինակը ներկայացնում է միայն ներկայի հիմքից կազմված ձևերը:

Այսպիսով, ներկայացնելով մեր ճշգրտումները, հուսով ենք, որ դրանք կնպաստեն խոսվածքի իրական փաստերի ներկայացմանը հայ քարքառազիտության մեջ:

Օգտագործված գրականություն

1. Ս.Հ. Բաղդասարյան-Թափալցյան, Արարատյան բարբառի խոսվածքները Հոկտեմբերյանի շրջանում, Երևան, 1973:
2. Կ.Դավթյան, Լեռնային Ղարաբաղի բարբառային բարտեզը, Երևան, 1966:
3. Ա.Ղարիբյան, Հայ բարբառագիտություն, Երևան, 1953:
4. Բ.Մեժունց, Շամշադիմ-Դիլիջանի խոսվածքը, Երևան, 1989:
5. Գ.Զահորյան, Հայ բարբառագիտության ներածություն, Երևան, 1972:

ՅՈՒՅԱԿԱՆ ԴԵՐԱՌՈՒՆՆԵՐԻ ԶԵՎԱՀԱՍԱՍԱՅԻՆ
ԴՐՍԵՎՈՐՈՒՄՆԵՐԸ ՀԱՅԵՐԵՆԻ ԲԱՐԲԱՌՈՒՄՆԵՐՈՒՄ

Մեծանուն գիտնական Անտուան Մեյեն հին հայերենը ներկայացնում է որպես խևական ժողովրդական լեզու, որ զրի է առնվել իր զարգացման այնպիսի պահին, երբ նրա կառուցվածքային տարրեր մասերը հասել էին ամենակատարյալ համաձայնության վիճակին: Խոսելով ցուցականների մասին՝ Մեյեն նկատում է, թե վերին աստիճանի համաշափ այդ համակարգը հայերենի ստեղծագործությունն է. հնդեվրոպական ոչ մի ուրիշ լեզու չունի դրա համազորը,և միայն հասուլինտ լեզուներից կարելի է համեմատելի ծներ ներկայացնել: Ապա ավելացնում է. «Նույնիսկ դա էլ դժվար է, որովհետև հնդեվրոպական լեզուներն իրենց քերականության և քառագանձի ոչ մի մասում այնքան տարրերություններ չեն ներկայացնում, որքան դերանունների հարցում»¹:

Մեյեն հայերենի դերանվաական համակարգի հարցը քննելիս հանգամանորեն անդրադառնում է ս, դ, ն արմատական տարրերի ծագմանն ու նշանակությանը և զարգացնում այն միտքը, որ հայերենում քերականական սեռի գաղափարն անհետացել է և դա մասամբ փոխարինվել է այն ճշգրտությամբ, որով դեմքերը որոշվում են ցուցական տարրերի միջոցով: Իր քնույթով դիմային տարրերակումը գրավոր լեզվում նույն ծառայությունները չի մատուցում, ինչ խոսակցականի մեջ, ուր ցուցականների կիրառությունը խիստ որոշակիություն և հստակություն է մտցնում եռադիմային հարաբերակցությամբ:

ճանաչված բարբառագետ Ա. Ղարիբյանը բարբառների ձևաբանության մեջ դերանվաական համակարգը համարում է ամենահետարբերականը՝ նկատելով, թե շատ հաճախ դերանուններն են բարբառների հարևանության հանգամանքը պարզելու հուսալի հայտանիշը, թեև ոչ մի բարբառ դերանվաական նոր արմատ չի գործածում: Բոլորն օգտագործում են համա-

¹ Տե՛ս Ա.Մեյեն, Հայագիտական ուսումնասիրություններ, Ե., 1978, էջ 293:

ժողովրդական լեզվի միևնույն արմատական ձևերը՝ տարբեր արտասանությամբ:²

Հայտնի է, որ դերանուններին նվիրված 1-ին ամբողջական ուսումնասիրությունը Հ. Աճառյանի Լ.ՉՀԼ բազմահատորյակի 2-րդ գիրքն է:³ Պատմահամենատական մեթոդով գրված այս աշխատության մեջ առանձին բաժիններ են նվիրված դերանունների ծագմանը, գրաբարում, միջին հայերենում, աշխարհաբարում, ինչպես նաև բարբառներում նրանց ունեցած քերականական առանձնահատկություններին:

Քննության առարկա դարձնելով հայերենի բարբառներում գործառող դերանունները՝ մասնավորապես ուզում ենք անդրադառնալ ցուցական դերանուններին:

Ըստ Հր. Աճառյանի՝ ցուցական դերանունների թիվը հայերենի բարբառներում 100-ից անցնում է: Հին գրական հայերենի առավել գործածական սա, դա, նա, սորա, դորա, նորա, այս, այդ, այն, սոյն, դոյն, նոյն և նման ձևերը միջին հայերենում ներկայանում են մասնակի փոփոխությամբ՝ պահպանելով եռադիմային հարաբերակցությունը: Ցուցական դերանունները, արտահայտելով հաղորդակցողների նկատմամբ հարաբերակցություն ունեցող առարկայի կամ հատկանիշի գաղափար, դրսերում են ձևաբանական ու գործառական նույն հատկությունները, ինչ հարաբերակից խոսքի մասը (գոյական, ածական, քվական, մակրայ): Ցուցական դերանունների համար դիմացուցական իմաստավորումն է հատկանշականը, ոչ թե դիմառությունը, ինչն առկա է անձնական դերանունների մեջ:

Հարցի քննության համար հայերենի բարբառները շատ հարուստ նյութ կարող են տալ: Հաշվի ենք առել բարբառագիտական մենագրություններում, ազգագրական-բանահյուսական ուսումնասիրություններում եղած փաստերը, հայ ժողովրդական հերիաքներից դուրս գրած նյութերը: Խսկ ամենահիմնավոր փաստերը քաղել ենք հայերենի բարբառների հավաքչական աշխատանքների արդյունքում ՀՀ ԳԱԱ լեզվի ինստիտուտի բարբառագիտության բաժնում կուտակված 500 խոսվածքային միավորների նյութերից:

«Հայերենի բարբառագիտական ատլասի նյութերի հավաք-

² Տե՛ս Ա. Ղարիբյան, Հայ բարբառագիտություն,Ե.,1953թ

³ Տե՛ս Հ. Աճառյան, Լիակատար քերականություն հայոց լեզվի, հ. 2, Ե.,1954:

ման ծրագրի» (այսուհետ՝ Ծրագիր) առաջին բաժինը, որ վերաբերում է հասկացական-բառանվանդական զուգաբանություններին, իր մեջ ընդգրկում է նաև որոշյալ հարցական և ցուցական դերանունների մասին հարցում կատարող բառահոդվածներ (համապատասխանաբար՝ 459-465 կետերը): Իսկ Ծրագրի քերականական բաժինը, որի առանցքը հայ բարբառների ձևաբանական, մասամբ նաև շարահյուսական համակարգում հանդես եկող տարբերություններն են, իմքում ունի այն սկզբունքը, թե տվյալ քերականական իմաստը ձևական ի՞նչ միջոցներով է արտահայտվում:

Ինչպես հայտնի է, Ծրագրով հավաքված բարբառային նյութերը հետագա քարտեզագրության համար նախապատրաստման փուլում են: Լեզվի ինստիտուտի բարբառագետների կողմից մշակվում են քերականական բաժնի նյութերը, և մենք ստանձնել ենք 593-611 կետերի հարցումով հայերենի բարբառների դերանվանական համակարգի իրողություններն արտացոլող նյութերի դասդասումը: Ընդ որում՝ 602-606 կետերը նվիրված են ցուցական դերանուններին: Հետաքրքիրն այն է, որ խոսվածքների գրանցման փուլում նկատել ենք, թե ցուցական դերանունները Ծրագրում բերված հարացույցով՝ *սա, դա, նա, այս, այդ, այն* կամ ասենք, շարահյուսական մակարդակում այդ խնդիրն ամբակայող՝ *Սա Հակոբն է, դա տուն է...* հարցումին պատասխանելիս ի՞նչ չփոքություն և տարակուսանք են ապրում այն բարբառախոսները, որոնց մայրենի խոսվածքում բացակայում են համարժեք ձևերը: Իսկ իրականում բանն այն է, որ հայերենի ոչ բոլոր բարբառներն են դրսևորում միաժամանակ *սա, դա, նա և այս այդ, այն* ցուցականների գործառույթ: Նոյնպիսի տարակուսանքի մեջ են հայտնվում բարբառախոսները, երբ գրանցողի հարցումին ի պատասխան եռադիմության փոխարեն երկդիմություն են արձանագրում: Ասենք, Մշո բարբառում *իդա, իդա, իճա* ցուցականների 1-ին և երկրորդ ձևերի նոյնություն կա:

Ինչպես գիտենք, ակադ. Գ. Զահոնկյանն իր վիճակագրական բարբառագիտության տվյալները համակարգելիս ելակետային հասկացությունը բարբառային հատկանիշն է համարել: Ընտրված 120 բարբառախոս վայրերի համար ներկայացված 100 հատկանիշների աղյուսակի 68-րդ հորիզոնականն

գրադեցնում է ցուցական դերանունների երկդիմության հատկանիշը՝ մի դեպքում 1-ին դեմքի բացակայությունը, մյուս դեպքում՝ 2-րդ դեմքի: Հատկանիշի առկայությունը նշանակվում է պլյուսով, բացակայությունը՝ մինուսով, իսկ միաժամանակ երկու նշանների առկայությունը միևնույն սյունակում փաստում է սկզբնավորման կամ մահացման գործընթացը: Ահա այս հատկանիշի առկայությունը վկայված է 20 վայրի համար:

Բերենք օրինակներ՝ ապացուցելու համար, որ տարրածքային մոտիկությունն այս հարցում խիստ էական չէ, ինչպես կարծում է Ա. Ղարիբյանը: Այսպես, ըստ Գ. Զահորկյանի՝ բազմահատկանիշ վիճակագրական դասակարգման՝ Մշո և Տիգրանակերտի բարբառները ներառված են Արևմտյան խմբակցության հարավկենտրոնական բարբառախմբում: Ի տարրերություն Մշո բարբառի՝ Տիգրանակերտի բարբառը ճանաչում է էս, էմ, ըսի, ընի, ըսիդի, ընիդի ձևերը, ուր, ինչպես նկատելի է, բացակայում է հին հայերենի այդ-ը, այլ խոսքով՝ դարձյալ 1-ին և երկրորդ ձևերի նույնություն կա՝ այդ-ի բացակայությամբ: Ասենք, եթե Վանա բարբառում առկա է էսա, էտա, էնա եռադիմությունը, ապա Մոկսում այս բառը, ինչպես վկայում է «Արմատական բառարանը», ջնջված է:⁴

Ցուցական դերանունները մատնացույց են անում առարկան կամ նրա հատկությունը, թիվը, ինչպես նաև գրձողության հատկանիշը՝ ձևը, չափն ու քանակը և այլն: Բերենք մեր ձեռքի տակ եղած նյութերից քաղած օրինակներ՝ փաստելու համար հայերենի տարրեր բարբառներում ցուցական դերանունների գործառույթը: Այսպես՝ Արևելյան խմբակցության բարբառներից Արարատյան բարբառի տարրեր խոսվածքների գրանցումները փաստում են, որ դերանունների հարցում գրական արևելահայերենից տարրերություններ գրեթե չկան, բացի ցուցական դերանուններից՝ էս, էդ, էն (սեռ-տր հոլ՝ ըստոր, ըտուր, ընդուր և այլն): Նույն խմբակցության Ագուխի բարբառում՝ հօկ, դօկ, նօկ, աս, ատ, ան, սօ, դօ, նօ և այլն:

Պոլսի բարբառում՝ աս, ադ, ան, սա, դա, մա, ասի, ադի, անի, ասիգա, ադիգա, անիգա, սասանը, ադանկ, անանկ և այլն:

Մշո բարբառում՝ իդա, ինա, իդադէխ, ինադէխ, իդաքան,

⁴ Տես՝ Հ. Աճառյան, Հայերեն արմատական բառարան, հ. 1, Ե., 1971, էջ 171:

իմարան, իդախըզրիգ (այսչափ), իմախըզրիգ: Առկա է Երկդիմություն:

Համշենի բարբառում՝ *աս* կամ *իսա*, *ադ*, *իդա* կամ *էդ*, *ըմ* կամ *իմա*: Կան նաև *հօս*, *հօդ*, *հօմ* և այլն:

Օրինակ՝ *Օրի՞՞ մըմնագ նըտած էս հօդ* (Ինչո՞՞ ես մենակ նստել այդտեղ):

Այն, որ ցուցական դերանունները հոլովվում են, ներկայացնենք Վանի բարբառում գործառող ցուցական դերանունների օրինակով: Ասենք, ես կամ էսա, էտ կամ էտա, էն կամ էնա և հոգնակին՝ *իսօնքյ*, *իտօնքյ*, *ինօնքյ* ցուցականները .

Եզակի՝

Ու. հ.	էս, էսա,	էտ, էտա,	էն, էնա
Ս. տ.	իսօր,	իտօր,	ինօր
Բ.	իսօրից,	իտօրից,	ինօրից
Գ.	իսօրօվ,	իտօրօվ,	ինօրօվ

Հոգնակի՝

Ու. հ.	իսօնքյ, իտօնքյ, ինօնքյ
Ս. տ.	իսօնց, իտօնց, ինօնց
Բ.	իսօնցից, իտօնցից, ինօնցից
Գ.	իսօնցօվ, իտօնցօվ, ինօնցօվ :

Բերենք 1-2 օրինակ .

Էսա պիպեռ պիպոի պատ (Այս մեխը մեխիր պատին):

Կէլնի-չէլնէ մէյ մարք-կընիկ. ինօնց մէյխատ տըղա կէլնի, անոն Ալքսանու:

Էտա տըղին կըպախէն փակ էօդի մէչ:

Կան նաև *էսիկ*, *էտիկ*, *էնիկ* ձևերը, բայց սրանք անհոլով են: Նույնը կարեի է ասել նաև այն բարբառների մասին, որ էս, էդ, էն ձևերին զուգահեռ գործառում են -իկ ածանցումով ձևերը, ինչպես Կարնո բարբառում *էս*, *էդ*, *էն*, *իսի*, *իդի*, *ինիկ*, *իտիկ*, *ինիկ*, *էսիկ*, *էտիկ*, *էնիկ* (Գյումրի) և *աս*, *ադ*, *ան* (Զավախը):

Մեր ձեռքի տակ եղած բարբառագիտական, ազգագրական նյութերը վկայում են, որ գրաբարյան *սա*, *դա*, *նա* շարքը շատ բարբառներում բացակայում է: Պետք է նկատի ունենալ, որ *սա*, *դա*, *նա* դերանուններն ունեն գոյականական գործածություն և

նախադասության մեջ հանդես են գալիս ենթակայի և խնդրի պաշտոնով, իսկ էս, էտ, էն դերանուններն ունեն նաև ածականական գործածություն և նախադասության մեջ կարող են հանդես գալ ոչ միայն ենթակայի և խնդրի, այլև որոշչի պաշտոնով։ Ընդ որում՝ սա, դա, նա ցուցականները, չտարբերվելով առարկայական նշանակությամբ, տարբերվում են քերականական նշանակությամբ՝ արտահայտելով առարկայական ընդհանուր նշանակություն ըստ առաջին, երկրորդ կամ երրորդ դեմքի նկատմամբ ունեցած տարածական հարաբերության։ Այս մասին հետաքրքիր դիտողություն ունի ճանաչված լեզվաբան, բարբառագետ Մ.Ասատրյանը. «Ս.դ.ն հոդերը, սկզբնապես ունենալով ցուցական իմաստ, հետագայում վերածվել են զուտ ստացական իմաստի, բայց *սա-այս*, *դա-այդ*, *ճա-այն* դերանունների մեջ տարածական իմաստը միշտ եղել է ու կա: Հոլովման տեսանկյունից հարցը քննելիս կարելի է *սա-սրա*, *դա-դրա*, *ճա-ճրա* ձևերը տարարմատ ձևեր համարել: Տրականաձև սրան, դրան, ճրան ձևերում առկա մ-ն փաստորեն որպես հոդ չի գիտակցվում, և սրան դրան, ճրան ձևերն ել ընկալվում են որպես պարզ բառեր, թեև ծագումնարանորեն առկա է ն որոշիչ հոդը»:⁵ Այլ խոսքով՝ *սրան, դրան, ճրան* ձևերը պիտի համարենք պարզ բառեր՝ ձևաբանորեն անտարբալուծելի:

Ներկայացնենք հայերենի բարբառներում ցուցական դերանունների իմաստային կողմին առնչվող որոշ խնդիրներ:

Սա-ն հավասարապես կարող է մատնացույց անել թե՛ անձ, թե՛ իր: Արևելյան խմբակցության բարբառների համար սովորական է *սա*, *դա*, *ճա*-ի առարկայական, գոյականական իմաստը: Օր՝ Սա հենց կարծըմա՝ մենք դավի փօր էնք ճըդէ (Երևանի Նորքի խոսվածք): Իսկ, ասենք, արևմտահայ գրական լեզվի հենքը դարձած Պոլսոն բարբառում *սա*, *դա* ձևերին բնորոշ է ածականական-հատկանշային իմաստը՝ *սա մարթը, սա դրդան, սա շունը*:

Այս, այդ, այն ցուցականները արևելյան խմբակցության բարբառներում հանդես են գալիս օրինաչափորեն հնչյունափոխված՝ էս, էդ, էն ձևերով: Իսկ լայն գործառույթ դրսեալող

⁵ Տե՛ս՝ Մ.Ասատրյան, ժամանակակից հայոց լեզվի ձևաբանության հարցեր» Ե., 1973, էջ 139:

Էսէնց, Էտէնց, Էնէնց և անկումով՝ *սէնց, տէնց, նէնց* ձևերը ընդունված է այն դերանվան գրաբարյան հոգմակի սեռական-տրականի քարացած հոլովածներ համարել:

Հայերենի և արևելյան, և արևմտյան խմբակցությունների քարբառներում լայնորեն գործառող Հսի, Էտի, Էնի ձևերի ծագումը Հ. Աճառյանը համարում է -իկ ածանցումով Հսիկ, Էնիկ ձևերից կ-ի անկումով առաջացած ձայնավորահանգ ձևեր, իսկ ըսիզի, ընիզի (ասիկա, անիկա) դերանունների իկ մասնիկը կապում է գրաբարի *այս, այդ այն* ցուցականների մասնիկավոր հոլովածների հետ (այսորիկ, այսմիկ) և դիտում որպես ետզրաքարյան գոյացումներ:⁶

Գ. Զահուկյանը ցուցական դերանունների իկ-ը հակված է համարելու իին հայերենի համապատասխան ձևերի մնացորդ:⁷

Մշո քարբառում, ուր առկա է երկդիմություն, իդա, ինա, քառաբարդումով առաջացած մնացած ցուցականներն ել հանդես են զալիս երկդիմությամբ՝ իդադէխ, ինադէխ, իդաքան, ինաքան, իդապէխ, ինապէխ, իդախրդրիզ (այսչափ), ինախրդրիզ: Խարբերդի քարբառում (ըստ Վիճակագրական դասակարգման՝ քարբառների արևմտյան խմբակցության Փոքր Ասիայի կամ արևմտյան քարբառախմբի Խարբերդ-Երզնկայի քարբառ), ձևի մակրայի արժեքով գործառող այսպէս, այդպէս, այմպէս ձևերին համարժեք քարդություններ է հանդես քերում՝ սարէս, տարէս, ճարէս, անցէխ, անցէխ, անցէխ (համարժեք է այսպիսի, այդպիսի, այմպիսի ձևերին), հօս, հօս, հօս և դրանցից ածանցված՝ հուսա, հուզա, հունա ցուցականները:

Միջին հայերենի հուշարձաններում վկայված հօս, հօզ, հօն ցուցականները, որոնք Աճառյանը չի ստուգաբանում, հայերենի շատ քարբառներում առկա ցուցական դերանուններ են, և նրանց ցուցականությունն արժելորվում է հենց այդ ս, դ, ն վերջնահնչյուններով: Դերանվանական արմատական այդ հնչյունները վկայում են բնիկ հայկական ծագում:

Ցուցական դերանունները անպայմանորեն ներառում են մատնանշական իմաստ: Այդ մասին հետաքրքիր դիտարկումներ

⁶ Տես՝ Հ. Աճառյան, Հայոց լեզվի պատմություն, հ.2, Ե. էջ246:

⁷ Տես՝ Գ. Զահուկյան, Հայ քարբառագիտության ներածություն, Ե. էջ 87:

ունի Հակոբ Չոլաքյանն իր մայրենի Քեսարի բարբառի իրողություններն արտացոլող մենագրության մեջ: Խոսելով *աս, ադ, աճ, իսու, իդու, ինու* ցուցականների մասին՝ Հ. Չոլաքյանն անդրադառնում է նաև բանագետ-բանահավաք Տիգրան Անդրեասյանի՝ Սվեդիայի բարբառի ուսումնասիրության մեջ արտահայտած մտքին, թե *ըսու, իդու, ինու* ցուցականներին բնորոշ է մատնանշական իմաստ, ինչը չունեն *աս, ատ, աճ* զուգաձևությունները: Չոլաքյանը գտնում է, որ ցուցական դերանուններին իմաստային այդպիսի զատորոշում վերագրելը սխալ է, քանի որ մատնանշական իմաստ պարունակելը պարտադիր պայման է ցուցական դերանունների համար, և որ «Որեւէ ցուցական դերանուն ցուցական է ճիշդ այդ **մատնանշական** իմաստին համար միայն»⁸: Քեսարի բարբառում այս, այդ, այն ցուցականների դիմաց օրինաչափ հնչյունափոխության արդյունքում (այշա) առկա են *աս, ադ, աճ* ձևերը և մասնակի այշի հնչյունափոխությամբ՝ իս: Վերջինս հանդիպում է ժողովրդական խաղիկներում՝ այս ցուցականի արժեքով, ինչպես՝

Հուօրս պըր ըննուոս իս դարա (Հարս պիտի լինես այս տարի):

Անդրադառնանք նաև ցուցական դերանունների՝ որոշ բարբառներում առկա ինքնատիպ ձևերին: Բերենք բառակազմական հետաքրքիր դրսևորումների օրինակներ, ասենք, Մոլսի բարբառով: *Այս* ցուցականի համար ունենալով *աճ, նաև՝ նաև*, այդի համար *ատ, և այն- աճ, այսպես, այդպես, այնպես* ձևերի համար բուրքերն կանգար փոխադարձ ձևի հետ հայաբանության արժեք է ձեռք բերել *նականդարձ* ձևը՝ *այսպես*, իսկ *անկանդարձ*՝ *այնպես* իմաստներով:

Հատուկ մատնացույց անելիս կիրառելի է նաև *ատաճ*, որ նշանակում է՝ *ահա այդ*: Նմանատիպ ձևեր կան նաև Մշո բարբառում, ուր *իդա, իդա, ինա* երկդիմության կողքին կա նաև *հայդա* ձևը՝ *ահա դա, ինաց դա* նրբերանգով: Օր՝ *Իդա իմուն է: Հայդա է իմուն:*

Հետաքրքիր ձև է նշված Ն. Հովսեփյանի՝ Ոզմի բարբառի ուսումնասիրության մեջ: Հեղինակը գրում է, թե այստեղ ցուցական դերանունները, խիստ տարբերվելով Վանի բարբառի նույն

⁸ Տե՛ս Յակոբ Չոլաքյան, Քեսարի բարբառը, Հալէպ, 1986, էջ85:

դերանուններից, հանդես են զալիս մի առանձնահատկությամբ, որ տարրերում են հեռվում գտնվող, բայց տեսանելի առարկաները եօ, դօ, զօ ձևերի և հան ցուցականի կապակցությամբ՝ նույն ձևերի օ ձայնավոր հնչյունի խիստ երկարացումով: Օրինակ՝ Մասեիս զօ՝ հան ա (Սա Մասիս է):

Նօ՝ հան հախալըրի ճուր անօշ ա (Այն աղբյուրի ջուրը անուշ է):

Բարբառագետը նկատում է, որ երբեմն ցանկալի հեռուն ցույց տալու համար իր հայրենի երկրին կարուտած ոզմեցին կարող է նույնատիպ կառույց կազմել՝ այդ զօ կամ մօ մասնիկը առանց երկարացնելու, ինչպես՝

Նօ հան մը Շըքյիրու մըէրէն ա (Այն մեր Շքիրի անտառն է):

Ընդ որում՝ զօ -ն դրվում է 1-ին և 2-րդ դեմքին մոտ առարկաները մատնացույց անելու համար, մօ-ն՝ 3-րդ:⁹

Բարբառագետ Ա.Ղարիբյանը, ներկայացնելով Արամոյի բարբառը, էական է համարում հարազատությունը գրաբարին: Նաև այն միտքն է զարգացնում, թե որոշ դեպքերում բարբառն առավել հետևողականություն է դրսեռում, քան գրաբարը: Ասենք, հատկանշական է, որ երբ Արամոյի բարբառում ցուցական դերանունը նախադաս է, հաջորդող գոյականը ստանում է այն դերանվան արմատական բաղաձայնը, որը գործածվում է գոյականի հետ, ինչպես գրաբարում: Օրինակ՝

Նօու յաս ըտկուլիս հայ ուդա (Նա այս գդալով(ս) ուտում է):

Իսկ այդ ցուցականի գործածության դեպքում կունենար՝ յադ ըտկուլիդ - այդ գդալով, կամ, ասենք, հոգնակի թվով՝ այդ գդալներով- յադ ըտկալնայդ¹⁰:

Միանգամայն օրինաչափ է, որ ածականներին հարաբերակից դերանունները՝ այսպիսի, այդպիսի, այնպիսի, բարբառներից յուրաքանչյուրում հանդես է զալիս բարդությամբ, որի առաջին բաղադրիչը հնչյունափոխություն կրած տարբերակն է (էս, էդ, էն կամ աս, ադ, ան), իսկ երկրորդը պես կապին համարժեք ձևերը:

⁹Տե՛ս՝ Ն.Հովհաննեսիան, Ոզմի բարբառ, Ե., 2001 (ատենախոսության սեղմագիր):

¹⁰Տե՛ս՝ Ա.Ղարիբյան, Հայերենի նորահայտ բարբառների մի նոր խումբ, Ե., 1958, էջ 14:

Թուրքերենից փոխառյալ չէշիդ բառի բաղադրությամբ ձևերը գործողության կատարման ձևը կերպը ցույց տալու համար այսպես, այդպես, այնպես իմաստներով կիրառելը Մշո բարբառմ, ասենք, զշէշիդ, բարբառախոսներից մեկի վկայությամբ Երգից բերված իրողություն չէ այլ՝ Կարճո բարբառի ազդեցություն է: Շիրակի մարզում Մշո խոսվածքներ գրանցելիս ունենք ուշիմ բարբառախոսներ, որոնք տարբերակում էին նաև այդ կարգի իրողություններ:

Անփոփելով այս փոքրիկ անդրադարձը հայերենի բարբառներում ցուցական դերանունների ձևակիմաստային դրսևորումներին՝ նշենք, որ բարբառագիտական մենագրություններից քաղած հարուստ տեղեկություններին հավելելով քարտեզագրման համար մշակվող նյութերը՝ կարելի է ամբողջացնել ցուցական դերանուններին նվիրված հետաքրքիր ուսումնասիրություն:

Օգտագործված գրականության ցանկ

- 1) Աճառյան Հ., Լիակատար բերականություն հայոց լեզվի, հ. 2, Ե., 1954:
- 2) Արքահամյան Ս. Գ., Արդի հայերենի դերանունները, Ե., 1956:
- 3) Բարսեղյան Հ. Խ., Հայերենի խորի մասերի ուսումնը, Ե., 1980:
- 4) Հարուրյունյան Հ. Ա., Ածական. դերանուն, Ե., 1976:
- 5) Աճառյան Հ., Քննուրյուն Վանի բարբառի, Ե., 1952:
- 6) Աճառյան Հ., Քննուրյուն Համշենի բարբառի, Ե., 1947
- 7) Աճառյան Հ., Քննուրյուն պոլսահայ բարբառի, Ե., 1941:
- 8) Ասատրյան Մ., Լոռու խոսվածքը, Ե., 1968:
- 9) Բաղդասարյան -Թափիացյան Ս., Մշո բարբառը, Ե., 1958:
- 10) Գրիգորյան Ա., Հայ բարբառագիտության դասընթաց, Ե., 1957:
- 11) Կոստանդյան Դ., Երգմկայի բարբառը, Ե., 1979:
- 12) Հանեյան Ա., Տիգրանակերտի բարբառը, Ե., 1978:
- 13) Հովսեփյան Ն., Ոգմի բարբառը, Ե., 2001 (ատենախոսության սեղմագիր):
- 14) Ղարիբյան Ա., Հայ բարբառագիտություն, Ե., 1953:
- 15) Ղարիբյան Ա., Հայերենի նորահայտ բարբառների մի նոր խումբ, Ե., 1958:
- 16) Մարգարյան Ալ. Գորիսի բարբառը, Ե., 1975:
- 17) Մարկոսյան Լ., Արարատյան բարբառ, Ե., 1989:
- 18) Մեյն Ա., Հայագիտական ուսումնասիրություններ, Ե., 1978:
- 19) Մկրտչյան Հ., Կարճո բարբառը, Ե., 1953:
- 20) Մուրադյան Հ., Կարճնանի բարբառը, Ե., 1960
- 21) Մուրադյան Մ., Շատախի բարբառը, Ե., 1962:
- 22) Զոլարեան Հ., Քեսասի բարբառը, Հալէպ, 1986:
- 23) Պետոյան Վ., Սասոնի բարբառը, Ե., 1954:
- 24) Զահոնյան Գ., Հայ բարբառագիտության ներածություն, Ե., 1972:

ԽՆԴՐԱՌԱԿԱՆ ԿԱՊԱԿՑՈՒԹՅՈՒՆՆԵՐԻ ՍԽԱԼ
ԴՐՍԵՎՈՐՈՒՄՆԵՐԸ ԱՐԴԻ ՄԱՍՈՒԼՈՒՄ

Խնդրառությունը բառերի ստորադասական կապակցության եղանակ է, ինչպես և առդրությունը: Ի տարրերություն վերջինիս՝ խնդրառության ժամանակ ստորադաս անդամն ընդունում է գերադաս անդամի պահանջած համապատասխան ձեռք (հոլովք), որը պայմանավորված է լրացյալի իմաստով, իսկ եթե այն բայ է, նաև սեռով: Միևնույն բայը կարող է ստանալ ուղղականաձև կամ տրականաձև արտահայտված լրացում՝ պայմանավորված լրացման բնույթով (սիրել երեխային, սիրել վարդը):

Սեր խոսքն այստեղ ոչ ճիշտ խնդրառական կապակցությունների մասին է:

Արդի մամուլի լեզվի տարատեսակ շարահյուսական կապակցություններին ևս բնորոշ են խնդրառական կապակցությունների սխալ դրսւումներ: Սեր նկատած սխալները հիմնականում բաժանվում են.

ա. Ոչ ճիշտ ձևեր՝ պայմանավորված եղանակավորողների խնդրառական առանձնահատկություններով:

Հայերենը հարատանում է նաև այլ ժողովուրդներից կատարած փոխառություններով, որոնց մի մասը, իհարկե, ճիշտ է և նպաստում է մեր լեզվի զարգացմանը: Սակայն նույնությամբ ընօրինակվում են այնպիսի շարահյուսական կառույցներ, որոնք հայերենում ընդունելի չեն: Սա հիմնականում վերաբերում է քարզմանական գրականությանը և մամուլին, որտեղ նույնացվում են հայոց և ռուսաց լեզուների իրողությունները՝ հաշվի չառնելով, որ ռուսերենի անորոշ դերբայը չի նույնանում հայերենի անորոշ դերբայի հետ:

Օր.՝ «Ես կուզենայի, որ անուններ տայիք, քանզի շատերն են խոսում ձեռքբերումների ու լավ գրքերի մասին, բայց անուններ տալ (-ոց) խոսափում են» (ԳԹ, 13.5.2005):

Ճիշտ չեն՝ պատվիրել, առաջարկել, քույլ տալ, հաճճարարել, հրամայել եղանակավոր բայերի և անորոշ դերբայի թերձները: «Տնօրինը առաջարկել էր արտաժամյա աշխատելու(-ել) (Հայոց աշխ., 17.1.2008): «Քնավ կարիք չկա քույլ տալ ինչ որ

հատուկ քարտերի միջոցով այդպիսի տվյալներ հավաքելու(-ել) (Հայոց աշխ., 17.1.2008): «Առողջական ծանր վիճակում գտնվող շարքային անդամին հանձնարարել էր օգնություն տրամադրելու (-ել) (Իր., 13.7.2007): «Կուտենայի Ձեզ շհավատարու (-ալ)» (Իր., 22.1.2008):

Բ. Արդի մանուկում հաճախակի են հանդիպում շարահյուսական այնպիսի կառույցներ, որոնցում պետք, պիտի, հարկավոր, հմարավոր, պարտավոր, անհրաժեշտ, կարելի և նման նշանակությամբ այլ միավորների, էական բայի և անորոշ դերքայների կառույցներում հոլովառությունը տատանումներ է տալիս հօգուտ ուղղականի: Սա որոշակի միտում է: Մինչդեռ նոյն կառույցներում անորոշ դերքայի փոխարեն գոյական դրվելիս կանոնավորապես պահանջվում են թեք հոլովածներ: Նախադասի դեպքում թեք ձև է ճիշտ (սիրելու, վիճելու կարիք չկա), իսկ հետադասի դեպքում՝ կարիք չկա սիրելու (-ել), վիճելու (-ել) ուղիղ ձևերը: Ճիշտ կամ ոչ ճիշտ լինելը հետագայի հարց է:

Գ. Ոչ ճիշտ ձևեր՝ պայմանավորված բարբառի կամ խոսակցական լեզվի ազդեցությամբ:

Եղանակավոր բայերի կողքին անորոշ դերքայի փոխարեն ըղձական եղանակով դիմավոր բայի գործածությունն բարբառայնության արտահայտություն է և գրական հայերենում՝ անընդունելի:

Օր.՝ «Ես *n^oնց* կարամ նրա առաջարկությանը միանգամից պատասխան տամ» (ԶԻ, պատգամավորի խոսք, 22.6.2007):

Ճիշտ է՝ Ես *ինչպես* կարող եմ ... պատասխան տալ:

Ժողովրդախոսակցական ոճի լրաւորում պետք է համարել *սեռակամ+վրա* կապակցությունները, որոնցում *վրա* կապը գործածված է *համար*, *մասին* իմաստներով:

Օր.՝ «Երեկ օրվա կեսը վատնեցինք մի պարզ տեղեկատվություն ճշտելու վրա» (Առ., 23.2.2007):

Ճիշտ է՝ վատնեցինք մի պարզ տեղեկատվություն ճշտելու *համար*:

«Արևմուտքը, ըստ էության, *սկսել* է «մատերիալ» հավաքել ՀՀ իշխանությունների *վրա*» (Իր., 8.11.2005):

Ճիշտ է՝ *սկսել* է «մատերիալ» հավաքել ՀՀ իշխանությունների *մասին*:

«Ուղևորահոսքը նվազել է, և բացի այդ, գազալցակա-

յաններում ունեցած նախկին վճարվող գումարի դիմաց ավելի քիչ զազ են լցնում, իսկ զազի գումարը վարորդների վրա է» (Հայկ. Ժամ., 4.7.2006):

Վերջին օրինակում *սեռական + վրա կառուցում վրա-ի կապական իմաստը մթագնված է*, և կապակցությունը ձեռք է բերել դարձվածի արժեք:

Մեր համար, քո համար կապակցությունները հատուկ են խոսակցական լեզվին, քանի որ առաջին և երկրորդ դեմքի անձնական դերանուններով արտահյտված կապի խնդիրը դրվում է տրական հոլովով, իսկ մյուս դերանուններով կապի խնդիրը՝ սեռական հոլովով:

Օր.՝ «Իզուր տեղը չեղած տեղից քո համար պրոբլեմներ մի ստեղծի» (Հայկ. Ժամ., 15.3.2008):

Ծիշտ է՝քեզ համարմի ստեղծիր:

«Որ մեր համար նորանոր բարդություններ է ստեղծում» (Ազ., 8.10.2004):

Ծիշտ է՝ Որ մեզ համար է ստեղծում:

Կապակցության մեջ իմ դերանվան սեռական հոլովածեկի հետ ս հոդի կիրառությունը ճիշտ չէ: Քանի որ վերջինս ունի դերանվանական ծագում և պահպանում է ես-ի սեռական հոլովի իմաստը:

Օր.՝ «Իմ ցուցմունքս սկսում եմ նրանից» (ՀՀ, 6.7.2007):

Ծիշտ է՝ Իմ ցուցմունքը կամ ցուցմունքս ...

դ. Ոչ ճիշտ ձևեր՝ պայմանավորված օտար լեզվի ազդեցությամբ:

Հայերենի համար օրինաչափական չեն, և սովորաբար ներգոյական հոլովածերը գործածական չեն շահում է այն բանում, խնդիրը նրանում է, ինչում է մեղքը կապակցությունները:

Օր.՝ «Պետությունը շահում է այն բանում, որ երիտասարդ ընտանիք է ձևավորում» (Իր., 17.4.2007):

Ծիշտ է՝ Պետության շահը այն է, որ:

«Մեր ժողովրդի ամենամեծ խնդիրը կայանում է նրանում, որ զուրը շուրջօրյա չէ» (Փակ., 19.4.2007):

Ծիշտ է՝ ամենամեծ խնդիրը այն է, որ ...

«Հիվանդանոց այցելելով՝ մենք փորձեցինք հասկանալու, բւինչ է պատահել և ինչում է բժշկուհու մեղքը» (Հայկ. Ժամ., 19.7.2005):

Ծիշտ է փորձեցինք հասկանալ, թե ինչ է պատահել և ինչն է բժշկությունը:

Օտարաբանության դրսեռումներ կան հետևյալ նախադասություններում.

«Եվ ասեմ, որ ջերմուկ հանքային ջուրը դա արտադրողների սեփականությունը չէ, դա Հայաստանի Հանրապետության, հայ ժողովրդի սեփականությունն է» (Իր., 20.3.2007):

Ծիշտ է ջերմուկ հանքային ջուրը արտադրողների սեփականությունը չէ, այլ Հայաստանի Հանրապետության, հայ ժողովրդի սեփականությունն է:

«Վերագրման մյուս ռեզերվը դա բացականերն են» (Առ., 24.4.2008):

«Այս բացքողումը սկսել է աղետալի արդյունքների բերել» (Հայկ. Ժամ., 2.2.2006):

Ծիշտ է՝ Այս բացքողումը աղետալի արդյունք է տվել:

Կամ՝ Այս բացքողումը սկսել է աղետալի արդյունք տալ:

«Որը նշել է, թե իրենց գործընկերոց հիմնավորումները շատ լուրջ անհանգստություն են առաջացրել իր մոտ, և ԵԱՀԿ-ն պետք է անպայման ուշադրությամբ անդրադառնա այդ հարցին» (Առ., 23.2.2007):

Ծիշտ է հիմնավորումները շատ լուրջ անհանգստացրել են իրեն:

Ոչ ծիշտ կապային կապակցություններ:

Ինչպես հայտնի է, կապերը հարաբերակից են հոլվներին և դրվելով այս կամ այն հոլվածների վրա՝ արտահայտում են տարրեր հարաբերություններ, այսինքն՝ մի դեպքում առկա է հոլվներով, մյուս դեպքում՝ հոլվական կապով արտահայտված խնդրառություն:

Սակայն մեր խոսքը այստեղ ևս ոչ ծիշտ կապային կապակցությունների մասին է:

Արդի մամուլում ոռուերենի ազդեցությամբ առավելապես տարածված են պայքարել, պատերազմել բայերի գործածությունը հետ կապով լրացումների հետ: Հետ կապը միասնության իմաստ է արտահայտում, մինչդեռ այդ բայերը պահանջում են ընդդիմության իմաստ արտահայտող դեմ կապը:

Օր.՝ «Նա խոստացավ, որ ամեն ինչ անելու է, որ կառավարությունն այդ նախագիծը չհաստատի: Այսինքն՝ միայնակ պայ-

քարելու է Երևանի քաղաքաշինական խորհրդի հետ» (Առ., 27.10.2005):

«Թիշտ է՝ պայքարելու է ... խորհրդի դեմ:

«ԱՄՆ-ը պատրաստվում է պատերազմելու Իրանի հետ» (Իր., 13.4.2007):

«Թիշտ է ... պատրաստվում է պատերազմել Իրանի դեմ:

Ուստե՛նի ազդեցությամբ է նաև պայմանավորված պատահել բայի հետ կապի խնդիրը:

Օր.՝ «Նույն բանը պատահեց նոր խորհրդարանի հետ» (ՀՀ, 13.4.2008):

«Թիշտ է ... պատահեց նոր խորհրդարանին:

Իբրև մի բանի հետևանքի իմաստ արտահայտող հետևանք կապը պետք է գործածվի իր լրացման հետ:

Օր.՝ «Ապրիլի 25-ին Մարտիկ գետի վարարման հետևանքով ողողվել է Գեղարքունիքի մարզի Շատվան գյուղի հողատարածքները: Խոկ Վայոց ձորում Արփա գետի հետևանքով ջրածածկվել են Վայրի Թես-Խարավի քաղամասին հարակից ցանքատարածությունները» (Հայկ. Ժամ., 27.4.2005):

«Թիշտ է ... Արփա գետի վարարման հետևանքով ջրածածկվել են ...

Իբրև մի բանի պատճառ չի կարող գործածվել հետևանք կապը:

Օր.՝ «Գլխավոր քարտուլար Վալենկ Ռոպեն թողեց պաշտոնը հիվանդության հետևանքով»:

«Թիշտ է ... թողեց պաշտոնը հիվանդության պատճառով:

Սեռակամ + հետ կապային կառույցով ձևավորված միասնության հարաբերությանը անձի դեպքում բնորոշ է փոխադարձ գործողությունը և ընդունում է միասնության պարագա, իսկ իրի դեպքում՝ հանգման խնդիր:

Օր.՝ «Հասցրել ենք ծանոթանալ Երևանի նոր հատակագծի հետ» (Իր., 2.9.2005):

«Թիշտ է՝ Հասցրել ենք ծանոթանալ Երևանի նոր հատակագծին:

Նույնը կարող ենք ասել հանդիսել բայի մասին, որը ըստ իմաստի կարող է ընդունել միասնության պարագա (հանդիպել (հանդիպում ունենալ) ուսանողության հետ) կամ հանգման խնդիր (հանդիպել ընկերություն):

Օր՝ «ԱՄՆ պետքարտուղար Քոնդլիկզա Ռայսը հանդիպեց Հայաստանի արտգործնախարար Վ.Օսկանյանի հետ և այժմ էլ հանդիպելու է Աղրբեջանի արտգործնախարար Է.Մամեդյարովին» (ՀՀ, 13.3.2007):

Ծիշտ է՝ հանդիպելու է Է.Մամեդյարովի հետ:

«Նախորդ շաբաթ Բյուսելում ոչ պաշտոնական հանդիպում է տեղի ունեցել ՀՀ ԱԳ նախարար Վարդան Օսկանյանի և Աղրբեջանի ԱԳ նախարար Էլմար Մամեդյարովի միջև» (Հայկ. Ժամ., 29.6.2005):

Ծիշտ է՝ ... ոչ պաշտոնական հանդիպում է ունեցել Վ.Օսկանյանը ... Էլմար Մամեդյարովի հետ:

Ոչ ծիշտ ձևեր՝ պայմանավորված անվանական խնդրառական առանձնահատկություններով:

Եթե բայական խնդրառության մեջ վճռական դերը կատարում են բայիմաստն ու սեռային հատկանիշը, ապա անվանական խնդրառության մեջ՝ բառիմաստը, երբեմն նաև բայական հատկանիշ ունենալը:

Զերծ ածականը, իր բառիմաստով պայմանավորված, պահանջում է բացառական հոլովով դրված խնդիր:

«Մինչդեռ Վենետիկի հանձնաժողովն էլ պնդրում էր, որ հանձնաժողովը լինի պրոֆեսիոնալ՝ զերծ քաղաքականությունը» (ՀՀ, 2.4.2005):

Ծիշտ է՝ զերծ քաղաքականությունից:

Հարձակում բառը՝ իր անվանական խնդրառությամբ, պահանջում է ուղղություն, տարածական հարաբերություն արտահայտող վրա կապով լրացում, սակայն բերված օրինակում հակառակության, ընդդիմության իմաստ արտահայտող դեմ կապ է գործածված:

Օր՝ «Թույլ չտանք Աղրբեջանին խախտել պայմանագիրը, մենք կապահովենք Հայաստանի անվտանգությունը և կկանխենք Աղրբեջանի հնարավոր հարձակումը և Լեռնային Ղարաբաղի, և Հայստանի դեմ» (Իր., 1.6.2007):

Ծիշտ է՝ ... կկանխենք հարձակումը Հայաստանի վրա:

Ոչ ծիշտ հոլովածեներ՝ պայմանավորված բայերի խնդրառական առանձնահատկություններով:

Սա այն դեպքն է, եթե լրացումը՝ ստորադաս անդամը, չի ընդունում լրացյալի՝ գերադաս անդամի պահանջած համապատասխան ձևը:

Ներկայացնել բայց պահանջում է ուղիղ խնդիր լրացում:
Ներկայացնել մի բան (մեկնի):

Օր.՝ «Խսկ հանդիպման ընթացքում նրանց շատ հստակ
ներկայացրեց իր ապագա ծրագրերին ու անելիքներին» (Իր.,
13.4.2007):

Ծիշտ է՝ ներկայացրեց իր ապագա ծրագրերը ու անելիք-
ները:

Նույն քերքի մեկ այլ համարում հանդիպում ենք ներկայաց-
նել բայի ենթակայի ուղղական հոլովի փոխարեն, բացառական
հոլովի գործածությանը:

Օր.՝ «Այս խնդիր շուրջ պարզաբանումներ է ներկայացնում
«Զերմուկ գրուպ» ՓԲԸ հիմնադիր ՀՀ ԱԺ պատգամավոր Աշոտ
Արսենյանից»:

Ծիշտ է՝ պարզաբանումներ է ներկայացնում Աշոտ
Արսենյանը:

Կամ՝ ... պարզաբանումներ Աշոտ Արսենյանից:

Մասնական բացառական ենթակայի ձևավորումը, ամբող-
ջությամբ գործողությանը մասնակցելով, ծիշտ չէ, որովհետև
անվանումն էլ ասում է, որ նա մասամբ է մասնակցում գործողու-
թյանը:

Օր.՝ «Ինչեւ, դեռ գրեթե մեկ ամիս ժամանակ կա, որպեսզի
քեկնածուներն ամեն մեկը յուրովի ընտրողների գլխին քարոզ
կարդա» (Հայոց աշխ., 22.1.2008):

Ծիշտ է՝ քեկնածուներից ամեն մեկը քարոզ կարդա:

Հորդորում են դադարեցնել բայական կառույցը պահանջում
է ուղիղ խնդիր:

«Կոչի հեղինակները Թուրքիային հորդորում են դադարեցնել
ազգային փոքրամասնությունների նկատմամբ խորականու-
թյանը» (Հայկ. Ժամ., 10.4.2007):

Ծիշտ է՝ հորդորում են դադարեցնել խորականու-
թյունը:

Կամ՝ «Դուք ինչպե՞ս եք պատրաստվել քվեարկել «Հեռուս-
տատեսության և ուղիղոյի մասին օրենքի փոփոխություններին»
(ԶԻ, 4.7.2007):

Ծիշտ է՝ պատրաստվում քվեարկել ... օրենքի փոփոխու-
թյունները:

Պատասխանել բայլ ուղիղ խնդիր չի պահանջում, ներգործական սեռի բայ չէ (պատասխանել ինչի):

Օր.՝ «Ես կարծում եմ, որ նա պետք է պատասխանի այդ մեղադրանքները» (Հայր, 8.11.2008):

Ծիշտ է՝պետք է պատասխանի այդ մեղադրանքներին:

Կրավորական կառուցվածքի նախադասությունում ներգործող խնդիրը լինում է բացառական կամ գործիական հոլովներով:

Օր.՝ «Մենք չենք ուզում, որ բոլոր հարցերը քննարկվեն միայն կառավարությունների մակարդակում» (Իր., 14.8.2007):

Ծիշտ է՝ քննարկվեն միայն կառավարությունների մակարդակով:

Կամ՝ «Այն մինչ այդ ուսական մայրաքաղաքում պարբերաբար էր իրականացվում «Ուսկենուո» կոչվող առևտրական տոնավաճառի մակարդակում» (Իր., 23.3.2008):

Ծառայել չեզոք սեռի բայ է, պահանջում է մի բանի / մեկին ծառայել, հանգման խնդիր:

Օր.՝ «Արյունքում ազատված շինությունները, որտեղ կրօշախներ են տեղակայված եղել, պետք է ծառայեն միայն կրթական նպատակներով»:

Ծիշտ է՝ պետք է ծառայեն միայն կրթական նպատակների:

Ծնչել բայը պահանջում է ուղիղ խնդիր:

Օր.՝ «Պարոնայք ամերիկացիներ, դուք երբեքեք մեր խորհրդարանի մքնուրուտում գտնվել եք, խորհրդարանի օդով շնչել եք» (Չի, 8.3.2005):

Ծիշտ է՝ օդը շնչել եք:

Գնալ բայը պահանջում է ո՞ր հարցը և ոչ թե՝ որտեղով հետևյալ նախադասության մեջ.

Օր. «Կզնանք մինչև այստեղ, ու նոր բոլորս կզնանք մեր տներով» (Հայկ. Ժամ., 26.2.2008):

Ծիշտ է՝ կզնանք մեր տները:

Զիջել բայը պահանջում է մի բան / մեկին խնդիր:

«Այն ոչնչով չի զիջում միջազգային բեմերի մակարդակից» (Իր., 12.4.2005):

Ծիշտ է՝ չի զիջում բեմերի մակարդակին:

Այսպիսով, արդի մասնութի խնդրառական կապակցություններին ևս բնորոշ են ոչ ծիշտ դրսևորումներ՝ պայմանավորված եղանակավորողների, բայերի, անվանական, հոլովներով և հոլո-



Վական կապով արտահայտված խնդրառական առանձնահատկություններով:

Համառոտագրություններ

Առ. – Առավոտ (քերք)

Ազ. – Ազգ (քերք)

Գ.Թ – Գրական թերթ (քերք)

Իր. – Իրավունք (քերք)

ՀՀ – Հայաստանի Հանրապետություն (քերք)

Հայկ. ժամ. – Հայկական ժամանակ (քերք)

Հայոց աշխ. – Հայոց աշխարհ (քերք)

ԶԻ – Զորբորդ իշխանություն (քերք)

Փակ. – Փակագիծ (քերք)

Գայանե Գևորգյան

Վ.Քյուտովի անվան լեզվաբանական համալսարան

ԲԱՅԻ ԱՆԴԵՄ ԶԵՎԵՐԻ ԳՈՐԾԱՌԱԿԱՆ
ՏԱՐԱՐԺԵՔՈՒԹՅԱՆ ՎԵՐԱՑՈՒՄԸ ԲԱՐԲԱՌՆԵՐՈՒՄ

Հայտնի է, որ դերբայների գործառական դասակարգմանը տարբերակվել է անդեմ բայերի երկու խումբ, որոնց տարարժեքությունը նրանց գործառական հատկանիշների մեջ է դրսևորվել։ Այս մոտեցմանը առանձնացվել են անկախ և կախյալ դերբայներ /Ս. Արքահամյան, 1969, Մ. Ասատրյան, 1973/, ինչպես նաև՝ դերբայներ և ձևաբայեր /Ֆ. Խլդարյան, 1999/։ Տարբերակման հիմունք է համարվել այն, որ անդեմ բայաձևերի մի մասը ունի վերլուծական բայահիմքի գործառույթ, իսկ մյուսներին այդ հատկանիշը բնորոշ չէ։ Վերջիններս հատկանշվում են որպես գոյականի, ածականի, մակրայի գործառությամբ հանդես եկող անկախ ձևեր։

Բայական անդեմ միավորների վերոնշյալ բաժանումը բարբառներում չի գործում։ Այստեղ անկախ և կախյալ դերբայների միջև եղած տարարժեքությունը համահարեցվել է, և դերբայական բոլոր ձևերին որպես գործառական հատկանիշ բնորոշ է կախյալությունը, այսինքն՝ որպես կախյալ անդամ հանդես գալը։ Նկատի ունենալով, որ առավել հետաքրքրություն է ներկայացնում անկախ դերբայների գործառությունը որպես եղանակային ձևերի բաղադրիչ կամ որպես վերլուծական բայահիմք, այս հոդվածում կանդրադառնանք անդեմ բայերի այդ գործառույթին։

Արևելահայ և արևմտահայ գրական լեզուներում անորոշ դերբայը դիմաեղանակային ձևերի համար դիտվում է որպես ելակետային միավոր, ունի անկախ գործածություն։ Եղանակային ձևերի կազմությանը չի մասնակցում։ Նրան հատուկ է հոլովման քերականական կարգը և խոսքաշարում շարահյուսական տարբեր պաշտոններով գործառելը։

Այլ է պատկերը բարբառներում, որտեղ անորոշ դերբայը հանդես է գալիս որպես եղանակաժամանակային զուգորդումների հիմնական իմաստի կրոռ։

Այսպես՝ Նախիջևան, Եղեգնաձոր տարածքի մի շարք խոսքածքներում, որոնց բնակչությունը գաղթել է Խոյից և Մարա-

դայից, անորոշը ձևավորում է սահմանական եղանակի ներկա և անկատար ժամանակաձևերի խոնարհման հարացույցը՝ սիրել էմ, սիրել էս, սիրել ի, սիրել էնք, սիրել էք, սիրել էն /Հայերենի բարբառագիտական ատլասի նյութեր, այսուհետև՝ ՀԲԱՆ, Նախիջևան, Նորս, 144/:

Անորոշի՝ ներկայի իմաստով գործածությունը գալիս է հին-հայերենյան շրջանից: Դրա առաջին վկայությունները հասնում են 7-րդ դար, իսկ նախատիպերը առկա են արդեն իսկ մեր մատենագրության սկզբնավորման փուլում:

Հավանաբար անորոշով ներկան և անկատարը սկզբնական շրջանում, երբ արդի բարբառների հնչյունական և ձևաբանական էական առանձնահատկությունները դեռ նոր էին սկսում զծագրվել, ընդգրկել է հայերենի ողջ տարածքը՝ կիրառվելով գրաբարյան ներկային զուգահեռ: Հետագայում միայն՝ հին շրջանում զոյություն ունեցող բարբառային տարրերությունների խորացմանը զուգընթաց, անորոշով կաղապարային կառույցները կենտրոնացել են արևելյան տարածքի բարբառների մի մասում /Մարաղա, Խոյ/՝ որպես սահմանական ներկայի և անկատարի կազմության հիմնական ձև:

Անորոշով հարադրությունները գործածվում են նաև Համշենի տարածքում: Այստեղ, սակայն, կիրառվում է անորոշի ուշ ձևույթով փոփոխակը:

Հիշյալ հարադրություններով, ըստ Աճառյանի, դրսերվում է շարունակական ներկայի իմաստ, որը կազմության երկու ձև ունի. «...հները դնում են ուղղական ենթակա, որին կցում են անորոշ դերբայք՝ ավելացնելով էական բայի եզակի Գ դեմքը, իսկ նորերը այս ձևը զգիտեն և ենթական դնում են սեռական հոլովկը: Այսպես ըստ նորերի՝ յետ էգոշ ա, տու էգոշ ա...» /Հ. Աճառյան, 1961, էջ 100/:

Հետագա ուսումնասիրողների կողմից ևս /Ղարիբյան, 1953, Ա. Արքահամյան, 1953, Ա. Գրիգորյան, 1957/ Համշենի տարածքում շարունակականի վերոնշյալ կազմությունն է ներկայացվել:

Սակայն Հայերենի բարբառագիտական ատլասի /այսուհետև՝ ՀԲԱՆ/ ծրագրով հավաքված նյութերում, որոնք լրացված են համշենցիների օգնությամբ, շարունակականի կազմության ոչ մի դեպք նշված չէ /Համշեն, Շենիկ /39/, Օրդու /94/, Զիբլուխու /52/:

Շարունակականի հիշյալ ձևերի առկայությունը ստուգելու նպատակով տարրեր վայրերում բնակվող համշենահայերին ուղղված մեր հարցումները ևս դրական արդյունք չեն տվել / բարբառախոսները շարունակականի այդպիսի ձևեր չեն ճանաչում/: Հետևաբար կարելի է ենթադրել, որ վերորերյալ կազմությունները գրաբարյան անորոշով ներկայի վերապրոկային ձևերն են, որոնք, սակավ գործածություն ունենալով, կիրառվել են կը նախանասնիկով ներկային գուգահեռ և հետագայում դրւու մղվել գործածությունից:

Անորոշ դերբայը Համշեն, Նոր Նախիջևան տարածքում մասնակցում է նաև Ժխտական ներկայի հարացույցի ձևավորմանը, այսպես՝ չիմ բերիլ, չիս բերիլ, չի բերիլ, չիք բերիլ, չէր բերիլ, չին բերիլ /ՀԲԱՆ, Համշեն, Չիրլուխու, 52/:

Հայտնի է, որ միջինհայերենյան շրջանից սկսած՝ գրաբարյան ներկա և անցյալ անկատար բայաձերի ժխտական կազմություններին գուգահեռ առաջացել է ժխտականի նոր ձև՝ անորոշով կազմված, որն անշուշտ պայմանավորված էր հինհայերենյան բայական ժամանակների դրական խոնարհման փոփոխությամբ:

Ըստ մատենագիտական վկայությունների՝ անորոշի ժխտական կազմությունները, ի տարրերություն դրականի, լայն գործածություն են ունեցել և հանդիպում են միջինհայերենյան գրեթե բոլոր գրավոր առյուլումներում:

Դրանք ժամանակի ընթացքում ենթարկվել են ձևափոխությունների, և ներկայումս հայերենի տարածական տարրերակներում գործառում են անորոշի փոփոխակները:

Անորոշ դերբայը մասնակցում է նաև ենթադրական եղանակի ժամանակաձևերի կազմությանը: Ազուլիս, Կարճեան, Կաքավարերդ, Մեղրի, Կողեն, Հավարիկ բարբառային գոտում ենթադրական եղանակի ժամանակաձևերին բնորոշ է անորոշ դերբայ+օժանդակ բայ կաղապարային կառույցը՝ խըմիլ իմ, խըմիլ իս, խըմիլ ա, խըմիլ իք, խըմիլ իք, խըմիլ ին /Սուրանյան, 1967, էջ 140/:

Թերևս վերոնշյալ բարբառային գոտում անորոշով ապառնիի առկայությունը կապվում է հինհայերենյան անորոշով ներկայի հետ, որն ունեցել է նաև ապառնիի իմաստ: Հավանաբար այս բարբառային տարածքում ևս դրանք ունեցել են երկակի արժեք:

Հետագայում թերևս սահմանական ներկայի և ենթադրական ապառնիի ձևային տարրերակման անհրաժեշտությամբ պայմանավորված՝ ստեղծվել են ներկայի արտահայտման նոր ձևեր /Ազուլիսում՝ ում վերջույրով, Մեղրի, Կարձևան, Կոզեն քարքառային գոտում՝ լիս վերջավորությամբ դերբայներով և նրանց փոփոխակներով/, իսկ անորոշով կազմությունները պահպանվել են միայն ենթադրական ապառնիի հարացույցում:

Քարքառներում անորոշով կազմությունները արտահայտում են նաև հարկադրական ապառնիի իմաստ: Այսպես՝ անորոշով և պիտիլ բայի խոնարհված ձևերի հարադրմամբ կազմվում է Արարատյան, Շաղախի, Թրիլիսի, Գորիսի, Հաղորդի բարքառների հարկադրական եղանակը՝ ասիլ պէտէմ, ասիլ պէտէս, ասիլ պէտի, ասիլ պէտէնք, ասիլ պէտէք, ասիլ պէտէն /Մարգարյան, 1975, էջ 179/:

Արարատյան բարքառի որոշ խոսվածքներում /Ալավերդի, Ստեփանավան, Իջևան, Դիլիջան/ պիտիլ եղանակիչը կրել է հնչյունական փոփոխություններ, և նրանից մնացել է միայն երկրորդ վաճակը, այսպես՝ կըրիլ դէմ, կըրիլ դէս, կըրիլ դի, կըրիլ դէնք, կըրիլ դէք, կըրիլ դէն /ՀԲԱՆ, Շամշադին, Նավոր, 175/:

Քարքառներում անորոշ դերբայը նաև արգելական հրամայականի ժամանակաձևեր է կազմում: Այսպես՝ Նոյեմբերյան, Իջևան, Շամշադին, Նախիջևան, Գորիս, Ղափան, Սիսիան, Ղարաբաղ, Ղարադար, Շամախի, Արեշ, Համշեն բարքառային տարածքում գործառում է անորոշով արգելական հրամայականը՝ մի քաշիլ, մի տալ /Մարգարյան, 1975, էջ 179/:

Անորոշով ժխտականը հատուկ է եղել միջին հայերենին ներկայի և ապառնիի իմաստով և հավանաբար սրա հետ է կապվում նաև արգելականի՝ անորոշով կազմությունը. թերևս ապառնիության իմաստով գործածող բայաձևը օժանդակ բայի փոփոխությամբ կարող էր արտահայտել նաև արգելական հրամայականի իմաստ: Այս վարկածի հավաստիությունը հետևյալ փաստարկով կարելի է հիմնավորել: Վերոբերյալ տարածքում արգելական հրամայականի և ենթադրական ապառնիի կազմությունները հատկանշվում են ձևային նոյնարթեքությամբ. դրանք ունեն միևնույն հիմքը /անորոշ դերբայ/, և տարբերությունները միայն օժանդակ բայերի մեջ են. ենթադրական ապառնիի դեպքում՝ եմ,

արգելական հրամայականի դեպքում՝ մի: Այսպես՝ կյիրիլ չըմ, չըս չի /Ենթադրական ապառնի/ և մընալ մի /արգելական հրամայական/ /Շամշադին, 175/:

Համակատար դերբայը ևս բարբառներում մասնակցում է եղանակաժամանակային ձևերի կազմությանը: Գրական լեզուներում այն ներկայի հարացույցում գործառում է միայն գալ, լալ, տալ միավանկ բայերի դեպքում: Այլ է պատկերը բարբառներում, որոնցում այն գործածվում է սահմանական ներկայի և անկատարի հարացույցում: Համակատարի այս հատկանիշը հատուկ է արևելյան խմբակցության բարբառների մի մասին՝ Արդվին, Ղարադադ /մասամբ/, Մեղրի /Կուրիս, Ազարակ Վարհավար, Գուղեննիս գյուղերում՝ եւ, ալ լծորդության բայերում/, Դզմար, Քեյվան, Հաղորութ /մասամբ/, Շաղախ, Խոյ /մասամբ/, Սալմաստ, Ուրմիա, Կարճեան, Կողեն, այսպես՝ ուզիս ըմ, ուզիս ըս, ուզիս ա, ուզիս ըք, ուզիս էք, ուզիս ըն /Ղարադադ, Քեյվան, 101/:

Նշված տարածքում լիս ձևույրով դերբայը գործառում է յիս, յս, ս, և փոփոխակներով, որոնց համար ենթադրվում է զարգացման երկարատև ուղի:

Հիշյալ դերբայի զարգացման ընթացքը առաջին անգամ տվել է Աճառյանը. «Ամենահին ձևը պահում է Արդվինը /ինտուելիս է/, որ ուրիշ բան չէ, եթե ոչ անորոշ դերբայի ներգոյականը օժանդակ բայի հետ խոնարիված: ...Քարբառների Ել ճյուղի մեջ ներկայի այս ձևի կազմությունը ընդհանուր է դարձել: Այնուհետև արագարանության օրենքով այդ ձևը սկսել է սղվել երկու ուղղությամբ: Նախ՝ շրջման ժամանակ՝ դերբայը մնալով ծայրին, կորցրել է իր ս ձայնը...: Ղարաբաղի բարբառը այնուհետև շրջալ կրծատման այս ձևը ընդհանրացրել է և գործածում է նաև դրականում, ինչ ասելի եմ, բերելի եմ և հետո օժանդակի միացմանը է՝ ասելիմ, բերելիմ են:

Երկրորդ ուղղության հետևում են Ուրմիա, Սալմաստ, Խոյ, որոնք թեև շրջման ժամանակ ընդունում են հիշյալ ձևը, բայց սովորական գործածության մեջ սղելով անորոշի վերջավորությունը՝ բայարմատը ուղղակի կցել են ներգոյականի վերջավորության և օժանդակ բային, այսպես՝

Երբալիս եմ > Երբալս եմ > Երբաս եմ » /Հ. Աճառյան, 1926, էջ 279-280/:

Աղայանը լիս-ով դերբայի պատմական զարգացումը ներկայացնում է հետևյալ հաջողականությամբ՝ գնալիս >/ գ/նելիս /Կարավաքերդ/ > /գ/ նեխ > /գ/նեյս /Մեղրու հնագույնը/ >գինես /Մեղրի/ > /գ/նեյ /Կարճևան/: /Է. Աղայան, 1954, էջ 12:/

Աղայանը չի նշում լ > յ անցումը և յ-ի առկայությունը բացատրում է էի > էյ փոփոխությամբ:

Սուլրադանի կարծիքով նախ՝ լ > յ հնչյունափոխության հետևյան առաջացել է յիս դերբայական տարրերակը, ապա շեշտազուրկ ի-ն, զրկվելով իր ձայնավորական հատկանիշից, վերածվել է յ հնչյունի և նույնացել իրեն նախորդող յ ձայնորդի հետ, որի հետևանքով ստացվել է յս վերջավորությամբ ձևը: Բարբառների մեկ այլ խմբում շեշտակիր ի-ն է իրեն ձուլել հաջորդ յ ձայնորդը, և առաջացել է ս հնչյունով վերջավորվող դերբայը. «Մյուս բոլոր բարբառներում փոփոխությունն այստեղ էլ կանգ է առնում, մինչդեռ Կարճևանի բարբառում փոփոխությունը մի աստիճան էլ առաջ է ընթանում: Կարճևանի բարբառում այդ նոր փոփոխության հետևանքով առաջանում են մընայ, զիրիյ, մընիյ, բիձրինիյ դերբայական ձևերը , որոնք իրենցից ներկայացնում են դերբայական նույն ձևերը, որ, սակայն, ընկել է վերջնահանգ ս-ն» /Հ. Սուլրադան, 1960, էջ 10/:

Ընդհանրացնելով վերը բերված փաստերն ու կարծիքները՝ կարելի է լիս-ով դերբայի հնչյունափոխության երկու ուղի նշել. առաջին՝ լիս >յիս >յս >յս /շեշտազուրկ ի-ի անկմամբ և ոչ թե ի >յ փոփոխությամբ/ > ս > օ > յ /մընալիս >մընայիս >մընայս >մընա > մընա >մընայ/, երկրորդ՝ լիս >լս >ս /մընալիս >մընալս >մընաս/:

Ամենայն հավանականությամբ առաջին ճանապարհով են առաջացել Մեղրի, Ղարադադ, Հադրութ, Կողեն բարբառային գոտու խոսվածքների մընաս տիպի ձևերը: Երկրորդ ուղիով է զարգացել հավանաբար Ուրմիա, Խոյ, Սալմաստ տարածքի համակատար դերբայը:

Հարակատար դերբայը ևս բարբառներում հանդես է զալիս որպես վերլուծական բայահիմք:

Երկու գրական լեզուներում էլ գործածվում են հարակատար ներկա և անցյալ ձևերը, որոնք ունեն վերլուծական կազմություն՝ հարակատար դերբայ և օժանդակ բայի համապատասխան ժամանակաձև: Հիմնական տարբերությունը կիրառության

ոլորտների մեջ է: Եթե արևմտահայերենում այս ժամանակածերը գործառության լայն ոլորտ ունեն. հնարավոր է բոլոր բայերի հարակատարների զուգորդումը օժանդակ բայի հետ, ապա արևելահայերենում հարակատարով ձևերը ունեն ծավալային սահմանափակում. հատուկ են միայն կրավորական սեռի բայերին և չեզոք սեռի այն բայերին, որոնց ցույց տված գործողությունը ունի հետևանքային ավարտ կամ որոնք վիճակ, դրություն են ցույց տալիս:

Բացի այդ, արևելահայերենում դրանք որևէ ժամանակակետի հետ չեն առնչվում, չեն հակադրվում այլ ժամանակածերի, հետևապես եղանակաժամանակային կազմություններ չեն և դուրս են մնում սահմանական եղանակի խոնարհման հարացուցից /տես Է. Աղայան, Հ. Բարսեղյան, 1974/:

Հարակատարով կազմությունների գործածությունը տարբեր է նաև բարբառներում, որոնցում դրանք երկակի արժեք ունեն. արտահայտում են վաղակատարի և հարակատարի իմաստ: Մենք իմնականում կանդրադառնանք դրանց՝ վաղակատարի քերականական իմաստով դրսնորումներին, քանի որ, ինչպես արդեն ասվեց, հարակատարության իմաստի դեպքում դրանք եղանակաժամանակային ձևեր չեն, հետևաբար չեն առնչվում հարցի քննությանը:

Բարբառային մի որոշակի տարածքում հարակատարը հանդես է գալիս որպես սահմանական եղանակի վաղակատար ներկա և անցյալ ժամանակածերի բաղադրիչ, այսպես՝ բիձրիյած ըմ /բարձրացել եմ և բարձրացած եմ/, բիձրիյած ըս, բիձրիյած ա, բիձրիյած ըք, բիձրիյած ըք, բիձրիյած ըն /Մոլաղյան, 1960, 146/:

Վերջիններս ներգործական սեռի բայերի դեպքում արտահայտում են վաղակատար ներկա ու անցյալ ժամանակների իմաստ, իսկ չեզոք և կրավորական սեռի բայերի դեպքում՝ միաժամանակ վաղակատար և հարակատար ներկա ու անցյալ ժամանակների իմաստ, այսպես՝ ասած ըմ - ասել ըմ, էի, բայց մընացած ըս - մընացել ես, էի, մնացած ես, էի և այլն:

Այս երևույթը բնորոշ է Ղարաբաղ-Ծամախիի կամ ծայր հյուսաքելյան միջբարբառախմբի Ղարաբաղի բարբառի որոշ խոսվածքային միավորների (Չաղախ, Հաղբուր, Ղարադաղ) և Ազուլիս-Մեղրիի կամ արևելյան բարբառախմբին:

Բարբառային հիշյալ տարածքը հատկանշվում է անցյալ կատարյալի բաղադրյալ կազմությամբ: Այստեղ անցյալ կատարյալ ժամանակահմաստը դրսեռքվում է վաղակատար դերքայ և օժանդակ բայ կաղապարային կառույցով:

Գուցեն հարակատար դերքայի վերոբերյալ բազմիմաստությունը պայմանավորված է վաղակատարի՝ կատարյալի իմաստով գործառությամբ և նախապես բնորոշ է եղել կատարյալի բաղադրյալ կազմությամբ բարբառներին՝ որպես տվյալ տարածքին բնորոշ բարբառային իրողություն, իսկ ավելի ուշ համարանությամբ ընդգրկել նաև այլ բարբառային միավորներ:

Հիշյալ վարկածի հավաստիությունը թերևս հիմնավորվում է այն փաստով, որ կատարյալ պարզ կազմությամբ բարբառների մեծ մասը զուրկ է հարակատարով ժամանակաձևերից և վաղակատարության քերականական իմաստը դրսեռքում է վաղակատար դերքայով, այսպես՝

ՎԱՂԱԿԱՏԱՐ

զըրէր էմ	զըրէր էնք
զըրէր էս	զըրէր էք
զըրէր է	զըրէր էն

/Շապին Գարահիսար, 3/

Բարբառների մեկ այլ խնճում վաղակատար ժամանակների իմաստը ներգործական սեռի բայերի դեպքում արտահայտվում է հարակատար դերքայով և ունել բայի խոնարհված ձևերով, իսկ չեզոք և կրավորական սեռի բայերի դեպքում՝ հարակատար դերքայով և օժանդակ բայով՝ զըրած ունիմ, զըրած ունիս, զըրած ունի, զըրած ունինք, զըրած ունիք, զըրած ունին, իսկ չեզոք բայի դեպքում՝ մընացած իմ, մընացած իս, մընացած ա, մընացած ինք, մընացած իք, մընացած ին /ՀԲԱՆ, Խոտքուր, Միջին բաղ, 59/: Չուզաբանական այս հատկանիշով միավորվում են Համշեն, Կարին, Խոտքուր տարածքները:

Հարակատար դերքայի հետաքրքիր գործառություն է առկա Ալաշկերտ, Շատախ, Բիթլիս, Մոլս, Աղբակ /Հասպատան/, Գավաշ /Հարպերտ/, Բայազետ բարբառային տարածքում: Այստեղ հարակատարով կազմությունները հատուկ են ներգործական սեռի որոշ բայերի, որոնք գործածվում են վաղակատարով հարացուցային միավորների միայն Յ-րդ դեմքում՝ արտահայտելով

ԱՆՑՅԱԼ ԿԱՏԱՐՅԱԼ

սիրէցի	սիրէցինք
սիրէցիր	սիրէցիք
սիրէց	սիրէցին

վասդակատար ժամանակի մի նրբերանգը՝ ընդհանրապես կատարված գործողություն՝ կըրած ի /նշանակում է՝ ընդհանրապես գրել, վերջացրել են/, տարած ի /ընդհանրապես տարել են/, օրինակ՝ Պուլո ախչիկ տարած ի /Պողոսի աղջկան տարել են, այսինքն նա ամուսնացել է:/ Հատախ, 17/: Հարկ է նաև հավելել, որ հիշյալ ձևերը Ալաշկերտում թե հոգնակի, թե եզակի թվում ունեն նույն կազմությունը, այսպես՝ քաղեր իմ, քաղեր իս, քաղած ա, քաղեր ինկ, քաղեր իկ, քաղած ա /Մադարյան, 1985, 123/:

Թերևս նախապես այս տարածքում հարակատարով կազմությունները, ինչպես այլ վայրերում, դրսերել են վաղակատարի իմաստ, իսկ հետագայում դրանք ծավալային սահմանափակման հետևանքով պահպանվել են միայն 3-րդ դեմքում:

Ենթակայական դերքայը բարքառներում ժամանակների կազմությանը չի մասնակցում և ունի զուտ դերքայական ու փոխանվանական գործածություն: Այս առումով բացառություն է կազմում Համշենը, որտեղ այն ապառնիւթյան գաղափար է արտահայտում: Ընդ որում Զիրլուխու, Օրդու բնակավայրերում այն սահմանական և ենթադրական ապառնիի իմաստ է դրսերում, այսպես՝ ասօղ ըմ, ասօղ ըս, ասօղ ա, ասօղ ընկ, ասօղ ըկ, ասօղ ըն /ասելու եմ, կասեմ/ / ՀԲԱՆ, Համշեն, Զիրլուխու, 52/:

Օրդուում հարկադրականի հարացույցում օղ-ով ձևերին զուգահեռ գործածվում են պիտի-ով կազմությունները՝ նըստիմ բիդի, նըստիս բիդի, նըստի բիդի, նըստինք բիդի, նըստէք բիդի, նըստին բիդի կամ փօրօղ ըմ, ըս, է, ընք, էք, ըն պիտի նստեմ և պիտի փորեմ /Համշեն, Օրդու, 94/: Սինչդեռ Համշենի Սամսուն գավառում ապառնիի վերորերյալ ձևերը գործառական հստակ տարբերակվածություն ունեն: Օղ-ով կազմությունները սահմանական ապառնիի հարացույցում են գործառում, իսկ պիտի-ովը՝ հարկադրական, այսպես՝ ուղօղ իմ, ուղօղ իս, ուղօղ ա, ուղօղ ինկ, ուղօղ իկ, ուղօղ ին /ուտելու եմ/ և կըրիմ իդի, կըրիս բիդի, կըրա: բիդի, կըրինկ բիդի, կըրիկ բիդի, կըրին բիդի /հարկադրական ապառնի/ /Համշեն, Սամսուն, 187/: Հետաքրքրական է նաև այն փաստը, որ Տրապիզոնի Ծինգիր և Սիմեր խոսվածքներում /տես ՀԲԱՆ, 99/ օղ-ով ձևերը պահպանվել են միայն հարկադրականի ժխտական

կազմություններում, այսպես՝ կը քող չիմ, չիս, չիկ, չէկ, չին /շպիտի գրեմ/ /Տրավիզոն, Ծինգիր և Միմեր, 99/:

Այս փաստերը հիմք են տալիս Ենթադրելու, որ հիշյալ վայրերը սահմանական և հարկադրական ապառնիների տարբերակման ձևաբանական միջոց են ընտրել Ենթակայական դերայը, որը, նախապես գործածվելով պիտի-ով նախամասնիկավոր ձևերին զրկանուու, հետագայում ձեռք է բերել միայն սահմանական ապառնիի իմաստ, իսկ որոշ վարերում պահպանվել է միայն ժխտական խոնարհման հարացույցում:

Դերբայների կիրառական առանձնահատկությունների քննությունից հետևում է, որ դրանց եղանակային ձևերը բնորոշ են եղել լեզվի զարգացման նախորդ փուլերին և բարբառներին, իսկ արևելահայ և արևմտահայ գրական լեզուներին հատկանշական է դերբայների անկախ գործածությունը, շարահյուսական տարբեր պաշտոններով կիրառվելը՝ այս կամ այն հոլովածելով պայմանավորված:

Այսպիսով, բարբառային միավորները դերբայական ձևերի թե կազմության և թե գործածության տեսակետից գրական լեզուների և լեզվի նախորդ շրջանների համեմատությամբ երևան են հանում որոշակի ընդհանրություններ և տարբերություններ՝ դրանցով իսկ ակնառու դարձնելով բարբառների դերբայական համակարգի միանգամայն ինքնատիպ բնույթը:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

- Ս. Արրահամյան, Հայերենի դերբայները և նրանց ձևաբանական նշանակությունը, Երևան, 1953:
- Ս. Արրահամյան, Ժամանակակից հայերենի բերականություն, Ե., 1969:
- Է. Աղայան, Հ. Բարսեղյան, Հայոց լեզու, Ե., 1974:
- Հ. Աճառյան, Սարաղայի բարբառը, Երևան, 1926:
- Հ. Աճառյան, Համշենի բարբառը, Երևան, 1947:
- Հ. Աճառյան, Հայ բարբառագիտություն, 1911, էջ 69:
- Հ. Աճառյան, Լիակատար բերականություն հայոց լեզվի, Խտ.4, մաս Բ, Երևան, 1961:
- Մ. Ասատրյան, Ժամանակակից հայոց լեզվի ձևաբանության հարցեր, Ե., 1973:
- Ա. Գրիգորյան, Հայ բարբառագիտության դասընթաց, Երևան, 1957:
- Ֆ. Խոլդրյան, Հայոց լեզու, Երևան, 1999:
- Հայերենի բարբառախոսական ատլաս, Երևան, 1985:
- Ա. Ղարիբյան, Հայ բարբառագիտություն, Երևան, 1953:
- Ա. Մադարյան, Ալաշկերտի բարբառը, Երևան, 1985

Ա. Մարգարյան, Գորիսի բարբառը, Երևան, 1975:

Հ. Սուրառյան, Կարճևանի բարբառը, Երևան, 1960:

Գ. Զահոռկյան, Ժամանակակից հայերենի տեսության կիմոնքները, Երևան, 1974:

Գ. Զահոռկյան, Հայոց լեզվի զարգացումը և կառուցվածքը, Ե., 1969:

Օգտագործված են Հայերենի բարբառագիտական ատլասի ծրագրով հավաքված նյութերը, որոնք պահպում են ՀՀ ԳԱԱ Հր. Աճառյանի անվան լեզվի ինստիտուտում:

Աստղիկ Գրիգորյան
Ռուս-հայկական (լավոնական)
պետական համալսարան

ՕԺԻՏ ՀԱՍԿԱՑՈՒԹՅՈՒՆԸ ՀԱՅԵՐԵՆԻ ԲԱՐԲԱՌՈՆԵՐՈՒՄ

Հայոց հարուստ և բազմաշերտ քառապաշարի մեջ կարևոր տեղ են գրավում հազուստ և զարդ նշանակող բառերը: Դրանք գալիս են խոր հնադարից՝ կապված հայ ժողովրդի մտածողության, նիստուկացի, պատկերացումների և այլին հետ: Հազուստն առաջին անհրաժեշտության պարագաներից է, ուստի հնդեվրոպական նախալեզվում, ի թիվս այլ բառերի, գտնում ենք նաև հազուստ մատնանշող բնիկ հայերեն բառեր, ինչպես օրինակ՝ *անկողիմ /անկ-արմատից/, արդ, բարձ, գինդ, զգեստ/զգենուլ բայից/, օդ/կոշիկ/ և այլն: Իր դարավոր զարգացման ընթացքում մարդը համարել է կենսականորեն անհրաժեշտ հազուստի և արդուզարդի պարագաները՝ դրանք վերափոխելով և հասցնելով գեղագիտական կատարելության: Ուստի հազուստը ոչ միայն անհրաժեշտություն է, այլև դարձել է գեղագիտական պահանջներ բավարարող պարագա: Այլապես ազգային հազուստները/տարագ/ այդքան գեղեցիկ և բազմագույն չեն լինի, եթե չարտացուեն դրանք կրող ժողովրդի հոգու գեղեցկությունը, գեղագիտությունը, գույնի, ձևի, չափի նուրբ զգացողությունը և ընկալումը:*

«Հայերենի բարբառագիտական ատլասի նյութերի հավաքման ծրագրում» տեղ են գտել հազուստի և արդուզարդի որոշ անվանումներ: Դրանք են՝ *անկողին, ակնոց, վզնոց, ծեռնոց, գոտի, օձիք, վարտիք, բղանցք, տրեխս, տրեխսի քուղ, մաշիկ, տակաշոր և օժիտ:* Այս բառերը մի փոքր մասն են կազմում հազուստ նշանակող բազմաթիվ բառերի, որ գոյություն ունեն քեզ գրական հայերենում և քեզ հայերենի բարբառներում: Այսպես, օրինակ՝ Հ. Փափազյանի «Հայկական տարագ» գրքում առանձին շարքերով տրվում են կանանց և տղամարդկանց հազուստի և արդուզարդի անվանումները, ինչպես նաև դրանց նկարագրությունը: Այդ արժեքավոր աշխատության մեջ ներկայացվում է հայ ազգագրության տարբեր ոլորտների վերաբերող հարուստ նյութ, որի տարագ ընդհանուր բաժնի մեջ մի առանձին մաս են կազմում արդուզարդը, հազուստը: Այսպես՝ զարդերից՝ խազ «մազը

մեջտեղից բացված, մազի հետ հյուսած կարմիր բամբակե դերձան», սաշլիս «ծամկալ», ճակտոն «շղթա՝ ոսկե դրամներով, գագարի շուրջը կապելու համար», գեարդանլիս «կրծքագարդ, արծարներ, մեջտեղը կիսալուսին/ միջից կկախվի ոսկե կամ արծարե դրամ/, քի զարդ «քի աջ կողմը ոսկե դրամ» և այլն: Հագուստի տեսակներից նշվում են՝ սրտանոց «սև չոխա, վրան սըրմայով նախշ, օձիքը հետևից կոճկված», չատըրիկ «գոգնոց, միզար, բուրդ՝ կարմիր սըրմայով բանված», պուճ «գունավոր գուլպա, զարդերով նախշված¹ և այլն:

Վերադառնալով բուն նյութին՝ «Ծրագրում» գետեղված հագուստների և զարդերի անվանումներին, նշենք, որ այս դեպքում անդրադառնում ենք միայն *օժիտ* բառին: *Օժիտ* հասկացության անվանումները գործածվել են հայերենի գրեթե բոլոր բարբառներում և ունեն իրենց մի քանի տասնյակից ավելի տարրերակները, ինչպես՝ ջրհեղ, բաժինք, կալան, փայ, բօխչա, կուրի, օժիր, պարաք, գումաշ: Ընդ որում պետք է նշել որ բերվածներից յուրաքանչյուրն ունի իր այս կամ այն կարգի հնչյունափոխության ենթարկված դրակորումները: Ստորև ըստ այդմ առանձնացնում ենք հետևյալ խմբերը.

ա/ ձայնավորների տարբերակմամբ, օրինակ՝ ջրհեղ- ջիհեղ-ջէիիզ, բաժինկ-բէժինք, պաժինք-պէժինք, ջեղ-ջէղ, ծրհեղ-ծիհեղ, ծայէղ-ծէյէղ, թ/ձայնորդների տարբերակմամբ, օրինակ՝ ջէհեղ-ջէյէղ, ծէհեղ-ծէյէղ, բաժինկ-պաժինք, գ/բաղաձայնների տարբերակմամբ, օրինակ՝ ջիհեղ-ծայէղ, բաժինք-պաժինք և այլն: Մնացածները հանդես են բերում մեկ կամ մի քանի տարբերակ, այսպես՝ կալան-խալան-կալան, բօխչա-բօխճա-բոխչա, օժիտ-օժիր-ուժեղ:

Հ. Աճառյանի «Հայերեն արմատական բառարանում»² օժիտ բառն ունի «հարսի բաժինք», «ընծա, պարզև» իմաստները, որից ունենք օճուել «պարզեներ» բառը: Ըստ Հ. Աճառյանի՝ Հյուրշանը գտնում է, որ օժիտ բառի ծագման վերաբերյալ եղած ստուգաբանական փորձերը համոզիչ չեն՝ նշելով «բառի համեմատությունը անստույգ է», որովհետև համեմատություն անցկացնելով սանսկրիտի *ahiti* բառի հետ, որ զայխ է հնդեվրոպական նախալեզվի *anglhitī-* նախաձևից, հայերենում ստացվում է ընծա:

¹ Հ. Փափազյան, Հայկական տարագ, Երևան 2002 թ., էջ 28:

² Հ. Աճառյան, Հայերեն արմատական բառարան, 1979, էջ 611:

Հայ հին մատենագրության մեջ հանդիպում է *օժիտ հասկացության* մեկ այլ անվանում՝ *պաշտառական բառը*. օրինակ՝ «Ետզնա փարաւոն պաշտառական դստեր իւրում» կամ «Պաշտառական այս ամուշայ ի նոյն մարաց, որ առ ոտամք լերինն բնակեցան»¹: Նոյն բացատրությունն ենք տեսնում «Նոր բառգիրք հայկացյան լեզվի» բառարանում՝ «պաշտառական, պաշտառական»²: Հ.Աճառյանը նույնպես տալիս է *պաշտառական բառի* մեկնաբանումը՝ «հարսի բերած օժիտը փեասյին»³: Այնուհետև նշում է ծագումը՝ կապելով պարսկերեն *pesdar* «կանխագույն տուեալ, կանխիկ հարուցյալ» բառի հետ, հունարեն *pactas* «առագաստ» բառի հետ: Գ. Զահուկյանն իր «Հայոց լեզվի պատմություն. նախագրային ժամանակաշրջան» գրքում ևս անդրադարձել է այս բառին՝ նշելով օժիտի *«պաշտառական»* հոմանիշը⁴:

Այսուհանդերձ նշենք, որ հայ բարբառներում ամենից տարածված բառածերը *օրիէզմէ*, որը հանդիպում է, օրինակ՝ Քիրլսի, Սասունի, Վանի, Խոյի, Ղարսի, Երզրումի,

Սալմաստի, Ապարանի, Աբովյանի, Ղարքաղի բնակավայրերի բարբառներում և խոսվածքներում: Ինչպես նշվեց վերում այս բառն ունի հնչյունափոխված տարբերակներ՝ կապված բարբառի հնչյունական կազմի և արտասանության հետ, ինչը ներկայացրինք առանձին խմբերով՝ նկատի ունենալով հնչյունական տարբերակները: Այժմ անդրադառնանք այդ տարբերակների տարածքներին, այսինքն՝ թե որ բնակավայրում ինչպիսի տարբերակով է հանդես գալիս: Այսպես, մի շարք բարբառներում գործածում են զիելզ տարբերակը՝ պայմանավորված *ըշի* հնչյունափոխությամբ: Նման հնչյունափոխություն ունեն Եղեսիայի, Ուրմիայի, Սեբաստիայի, Արեշի, Մարտակերտի շրջանների բարբառները: Փոքրաքի բարբառներ կան, որտեղ գործածական են՝ *քէյիզ, քէյիզ, քէյէզ, քէհեզ, քիյէզ, քեզ, ք'էզ* տարբերակները: Այստեղ հարկ է խոսել հ > հնչյունափոխության մասին: Սովորաբար հ-ն հնչյունափոխվում է՝ վերածվելով /և կամ ֆ հնչյունների՝ հայ-խայ, հող-ֆող: Բայց այստեղ հնչյունա-

¹ Մեջբերումն ըստ «Նոր բառգիրք հայկացյան լեզվի», Վենետիկ, 1836, էջ 597:

² Նոյն տեղում:

³ Հ.Աճառյան, Արմատական բառ., էջ 23:

⁴ Գ. Զահուկյան, Հայոց լեզվի պատմություն. նախագրային ժամանակ., Ե., 1978, էջ 393:

փոխվել է բառամիջի և հնչյունը: Այսպիսի հնչյունափոխության երևույթ ունեն Նիկոմեդիայի, Բոգդանովկայի, Ռոդոսովյի, Ալաշկերտի խոսվածքները:

Աստրախանի, Չամախու, Ղարաբաղի, Հաղբուրի, Խոյի, Մարաղայի, ՈՒրմիայի, Վանի բարբառներին բնորոշ է ձայնեղ բաղաձայնների խլացման երևույթը¹: Այսպիսի հնչյունափոխության են Ենթարկվել ծրիեզ, ծիեզ, ծէյեզ, ծէյիզ, ծայեզ ձևերը, որոնք գործածվել են Բոգդանովկայի, Տրապիզոնի, Եղովկիայի, Նիկոմեդիայի, Ախալքալաքի, Զեյրունի խոսվածքներում:

Ծայեզ /Բոգդանովկայի շրջան, Մարաղա գյուղ/ բարբառային տարբերակում առկա է այս ձայնավորի փակության երևույթը, որը բնորոշ է հայ բարբառների մի մեծ խմբի՝ Ազուխս, Ուրմիա, Կարճևան, Մարաղա, Վան, Կարին, Կիլիկիա և այլն:

Կա բարբառների մի խումբ, ինչպես, օրինակ՝ Մշո, Նոր Նախիջևանի, Ջուղայի, որոնց բաղաձայնական համակարգում առկա են շնչեղ ձայնեղներ՝ բ'զդճճճճճճ:

Բառասկզբում շնչեղ ձայնեղ / ջն ունեն ջհէզ, ջէյէզ, ջէհէզ, ջէկ բարբառային ձևերը, որոնք գործածվել են Ալաշկերտի, Թալինի, Խուրի, Խնուսի, Բայազետի, Բասենի խոսվածքներում:

Բավական շատ տարբերակներ ունի բաժինը ձևը: Նախնկատելի է բառասկզբի շնչեղ ձայնեղների առկայություն՝ բ'աժին /Սուրմալու՝ Մոլլաղամար/, բ'աժինը /Ապարան, Վարդենիս, Մակու, բ'աժին /Սուրմալու՝ Բլուր/, բ'աժինը /Փերիա, Ապարան, Սառնեով, Կոշ, Զալմահալ.../: Հաջորդը ձայնեղ բաղաձայնների խլացման երևույթն է. պայմինը (Իջևան), պայմին /Վան, Դոնաշեն գյուղ/, պէժինը /Հաղբուր, Մարտակերտ, Ղարաբաղ/, պէժինը /Ղարաբաղի Վաղոնիս, Կոճորդոտ, Շարտար գյուղեր/, պէժինը /Մարտակերտ, Առաջանոր, Սողոմագոներ/, պաժինը /Զրվեժ, Պտղնի, Իջևան, Քանաքեռ/, պըժինը /Շամխոր՝ Լղարակ/, պըէժինը /Շուլավեր/, պէժինը /Շամշադին, Գորիս, Գանձակ, Շամխոր, Գետաշեն և այլն/, պէժինը /Ղարաբաղ/, պաժինը /Շատավի:

Բաղաձայնի քմայնացման երևույթ կա նաև բառավերջում՝ պէժինը /Հաղբուր, Մարտակերտ, Վաղոնիս, Առաջանոր/:

¹Ա.Ղարիբյան, Նյութեր հայ բարբառագիտության, Ե., 1945, էջ 13:

Բառակազմորեն բաժինը բառը դիտվում է որպես ածանցավոր՝ ք-ն գրաբարյան հոգնակերտն է: Խսկ բաժին /Սուրմալու, Սոլլաղամար/, պաշին /Վան՝ Դռնաշեն գյուղ/, պաժին /Քիթլիս, Սոտկան, Թաղիաբադ գյուղ/ բարբառային ձևերում առկա է ին ածանցը: Ուսումնասիրված բարբառներում կազմությամբ պարզ ձևեր են՝ ջէզ /Էրգրում/, ջեզ /Ախալքալաք/, ջէզ /Ուչքիլիսա/, փայ /Փերիա, Ապարան/, կուրի /Արտաշատ՝ Արևշատ/:

Բօխչա-թօխճա բարբառային տարբերակներում նկատելի է շնչեղ բաղաձայնի խլացման երևույթը, որը բնորոշ է Զուղայի բարբառին: Բօխճա ձեզ Զալմահալ գավառի Մեծովի գյուղի բարբառային տարբերակն է: Շնչեղ ձայնեղ բաղաձայն է առկա բօխչա /Զալմահալ, Աղբալաշ/ ձևում, խսկ բօխչան /Խոյ/ տարբերակում՝ ա ձայնավորի փակության երևույթը:

Կալաճ /Արճակի Մանդան/- խալաճ /Քասեն՝ Գոմածոր/ - կալաճ /Քիթլիս՝ Խիզան/- կալաճ /Սոտկան՝ Մցու/ բարբառաշարքում նկատելի է կխոլ բաղաձայնի՝ արաբերենից փոխառյալ արտասանություն:

Օժիտ /Թաղիաբադ/- օժիթ /Ախալքալաք՝ Բեժանոն/- ուժեղ /Սվեղիա՝ Խտրբեկ/ տարբերակներում առկա են և ձայնավորների /օ>ու, ի> ե /, և բաղաձայնների /դ>տ>թ / հնչյունափոխության երևույթները: Կուրի /Արտաշատ՝ Արևշատ/, պարաք /Զեյքուն/, գումաշ /Քարուսիե/, փայ /Փերիա՝ Հազարջիրիք, Ազնավուլ/ տարբերակներում չեն նկատվել այլ՝ հնչյունափոխված ձևեր: Այսպիսով օժիտ բառը հայերենի բարբառներում ունի հարուստ դրսերուումներ՝ շուրջ 57 բարբառային տարբերակ: Հարկ է նշել, որ օժիտ բառն անվանում է մի շատ հին և հետաքրքիր ավանդույթ՝ կապված ամուսնացող աղջկա հարսանելան պատրաստության հետ: Ավանդույթն այնքան հին է, որքան վկայում են ազգագրական փաստերը. «Օժիտը հնամենի ինստիտուտ է և նրա արմատները պետք է փնտրել համայնական-տոհմային կարգերի պայմաններում»: «Ամուսնացող աղջկան օժիտ տալու սովորույթը հայերի, ինչպես և այլ ժողովուրդների մեջ պատմական տարբեր ժամանակաշրջաններում շատ տարածված երևույթ է եղել»¹: Որքան հին է աղջկան օժիտ տալու երևույթը, այնքան էլ արդիական: Այն այսօր էլ պահպանվում է հայերի մեջ և համարվում է ավանդական կարևոր և հե-

¹Ե. Կարապետյան, Օժիտը հայոց մեջ, Ե., 1978, էջ 9 և 15:

տաքրքիր սովորույթներից մեկը: Միայն հնում, հատկապես հայկական գավառներում, այն խորհուրդ ուներ իր մեջ, օրինակ՝ Սեբաստիայում հարսն անպատճառ ինքը պետք է նախօրոք պատրաստեր իր օժիտը՝ գոլպաներ, վերնաշապիկ, գույնզգույն թելերից գործած բրդե շալ, հատակի կարպետ /ջեջիմ/, գործած սփոռոց, ոսկեզգույն նախշակարով բրդե գոզնոց, ինչպես և նվերներ սկեսրայիրի և սկեսուրի համար: Նույնիսկ օժիտի պատրաստմանը մասնակցում էին հարսնացուի ընկերուիները: Բերենք մի շարք օրինակներ բանահյուսությունից:

«Ընեհեղ դրվի ախճկոնը»¹: «Ըխճըկանը մառքու տրվավ, լավ պէժինք տրվավ»²: «Ախճրգան կարկեծ ու վենձ ջըյէղ տրվէծ»³: «Ախչիգը գարքեց հեմ դե աղօր ջիյէղ տուվավ»⁴:

Օգտագործված գրականության ցանկ

1. Աճառյան Հ., Հայերեն արմատական բառարան հի. 1-4, Երևան, 1979:
2. Աւետիքյան Գ., Սիրմէլյան Խ., Աւգերյան Մ., Նոր բառզիրք հայկագեան լեզուի Վ., 1836:
4. Կարապետյան Է., Օժիտը հայոց մեջ, Ե., 1978:
5. Համշենահայ բանահյուսություն, Ե., 1991:
6. Ղարիբյան Ա., Նյութեր հայ բարբառագիտության, Ե., 1945:
7. Զահոնլյան Գ., Բարբառագիտության ներածություն Ե., 1972:
8. Զահոնլյան Գ., Հայոց լեզվի պատմություն: Նախագրային ժամանակաշրջան, Ե., 1987:
9. Փափազյան Հ., Հայկական տարագ, Ե., 2002:

¹ Համշենահայ բանահյուսություն, Ե., 1991, էջ 21:

² Բարբառագիտական տեսք, Ղարաբաղ՝ Մարտակերտ ալիան:

³ Նույնը՝ Կարս՝ Փալրրվան:

⁴ Նույնը՝ Ռոդոսը:

«ԱՐԵՎԵԼԱԻՐԱՆԱԿԱՆ ՄԻՋՆԱՇԵՐՏԻ» ՈՐՈՇ
ՆՄՈՒԾՆԵՐ ՀԱՅՈՅ ԲԱՆԱՊԱՇԱՐՈՒՄ

Իրանական ծագում ունեցող բառերն այն աստիճանի են համարկվել հայերենում, որ «անզեն աչքով» բավական դժվարությամբ են տարրերվում «քնիկ» բառերից և դեռևս գրաբարյան շրջանից սկսած՝ կազմում են հայոց բառապաշարի անբաժան մասը¹:

Այդ բառերը, սակայն, իին պարսկերենից կատարված փոքրաթիվ փոխառություններից և որոշ միջին պարսկական («պահլավական») բառերից զատ, մեծ մասամբ պարսկական, այն է՝ հարավարևմտափրանական ծագում չունեն: Ավանդաբար դրանք համարվում էին պարբեական բառեր, որոնք ներմուծվել են ոչ թե դրսից՝ միջցեղային հարաբերությունների արդյունքում, այլ սերում են Մեծ Հայքում Արշակունյաց գահատոհմի տիրապետության շրջանից:

Ընդ որում՝ պարբեական պարմ կամ սկյութական դահ ցեղերից սերող Արշակունյաները դուրս են եղել զրադաշտական կրոնի ազդեցության ոլորտից², ինչպես և սկյութներն ու ալանները: Հետևաբար և այդ ժողովուրդները մշակույթով ու լեզվով զգալիորեն կտրված են եղել հարավարևմտափրանական հանրությից: Ուշագրավ է, որ Մեծ Հայքի՝ պարբեական ու ալանական ծագում ունեցող որոշ իշխանական տոհմեր (ինչպես, օրինակ՝ Կամսարականները, Առավելյանները ևն) արդեն երկրորդ կամ երրորդ սերնդում ամբողջովին հայացել են՝ իրենց տոհմական լեզուների շատ բառեր ինքնարերաբար ներմուծելով գրական հայերեն:

20-րդ դարավերջի ուսումնասիրությունները փորձ արեցին

¹ Դրա հետ մեկտեղ, գրաբարի իրանական բառաշերտերի գիտական վերլուծությունը մեծապէս նպաստում է նաև իրանական լեզուների ու բարբառների ուսումնասիրության առաջընթացին, տես Լ. Շ. Հովհաննիսյան. Հայերենի իրանական փոխառությունները, Երևան, 1990, էջ 5:

² Ա. Սեյե. Հայագիտական հետազոտություններ, Երևան, 1978, էջ 18, 121; Գ. Ասատրյան. Կонтакты армянского с новоиранскими языками (дис. на соискание ученой степени доктора фил. наук), Ереван, 1991, с. 5-6.

սահմանելու հայերենում նաև «մարական» կամ «միջինմարական» կոչվող բառաշերտի առկայությունը³: Ալանա-սկյուրական ազդեցությունը, սակայն, երբեք հատուկ ուշադրության առարկա չի եղել հայագիտության մեջ: Այնինչ հայերենի և արևելահրանական լեզուների միջև առկա բազմաթիվ զուգարանությունները մասսամբ պետք է բացատրվեին նաև հայ-ալանական շփումներով:

Հետաքրքիր է, որ հայերենում մոտ երեսուն օսական (ալանական) փոխառություններից բացի, առկա են բազմաթիվ բառեր, որոնք զուգահեռներ ունեն արդի օսերենում, սակայն, ըստ ամենայնի, ծագում են երրորդ աղբյուրից: Ներկա հոդվածում ընդգրկված են հայոց լեզվի՝ հենց այդ իրանական կազմություններից մի քանիսը. դրանք առավել մոտ են արևելահրանական ձևերին և հատկապես կամ ի մասնավորին՝ օսերենին, սակայն առկա փաստերը թույլ չեն տալիս այդ բառերը հայերենում համարելու ալանական կամ օսական փոխառություններ:

Դեռք է նշել, որ արևելահրանական ձևերի հետ հայերենի ունեցած մերձակցության մեջ կարևոր տեղ ունի նույն պարբերենը, որը, բերականությամբ լինելով արևմտահրանական լեզու (ինչպես պարսկերենը) թեև հյուսական խմբին պատկանող, զգալիորեն կրել է արևելահրանական լեզուների լեզվամշակութային ազդեցությունը, որոնց թվին է դասվում նաև օսերենը՝ ալանների լեզվի միակ ժառանգորդը: Հայերենի մեծարիվ զուգադիպումները Միջին Ասիայի արևելահրանական լեզուների՝ սողդերենի, սակերենի, նանիքեական տեքստերի լեզվի, ինչպես և օսերենի ու պարբերենի հետ, թույլ են տալիս խոսելու հայերենում առանձնահատուկ «արևելահրանական ենթաշերտի» գոյության մասին, որը պայմանականորեն կարելի է կոչել միջնաշերտ:

Ստորև բերվում է այդ «միջնաշերտին» պատկանող բառերից մի քանի տիպական նմուշ: Նախ տրվում են համապատասխան իրանական կազմության՝ ժամանակակից օսերենում պահպանված տարբերակները, ապա դրանց հայերեն զուգահեռները և հնարավոր ստուգաբանությունները:

1. *Ou. amayən* (դիզորական բարբառով՝ amayun) «շարել»,

³ А.Г. Периканян. Материалы к этимологическому словарю древнеармянского языка, часть I, Ереван, 1993.

«սարքավորել», «կառուցել» – *հայ.* հմայ-ել «կախարդել»: Առաջին հայացքից տարբեր թվացող այս նշանակություններն իրականում սկզբնապես միավորված են եղել մեկ հասկացության մեջ, ինչպես *հ.-ե.* **uerg'-ե-* նախաձեկից ունենք *հայ.* գործ և *միջ.* պարսկ. *warz-* «հմայր, դյուրանք» բառերը: Օսերենը, իր սովորության համաձայն, չի պահել բառասկզբի /հ/-ն, քանի որ այդ հագագային հնչյունն օսերենում բացակայում է, իսկ այլ դիրքերում տալիս է /x/:

Բառը հայտնի է դեռ Ավետարյաց՝ **humaya-** / **humāya-**, որը տարբեր կերպ է բարգմանվել (*օրհնյալ, հնարագետ, առողջ, ծառայության պատրաստ, ամճնվեր ևն*), համեմատվել է *հ.հնդ. su-māya-* «հրաշալի զորություն, հնարագիտություն, խորամանկություն» բառի հետ, ինչպես նաև *միջ.պարսկ. humāy-* «օրհնված», պարսկ. **humāyūn-** همایون «բախտավոր», **humāy-** ای «փյունիկ, բախտի քոչուն», որոնց բոլորի արմատը համարվում է ***māyā-** «օրհնություն, երջանկություն» ձևը⁴: Հ. Աճայյանը հայերեն ձևը համարում էր փոխառյալ միջին պարսկերենից, սակայն Հ. Հյուրշմանն այս մոտեցումը չէր ընդունել՝ հայերեն և միջին պարսկերեն բառերի իմաստների տարբերության պատճառով⁵:

Իրամ. հս- «զավ» նախածանցը ծագում է *հ.-ե.* **su-* «զավ» ձևից, որից հայերենում ունենք *հ(ը)-սաստկականը՝ կլու, հնուտ բառերում, հետազայում այս խառնվել է *իրամ. հս-* մասնիկին և հաճախ գիտակցվել որպես հայկական, օր. *հ-զօր*⁶: *Osl. amayən* բառը Վ. Արակի կողմից բխեցվում է **mā-*, *ավետ. māy-* «կառուցել, չափել» արմատից, որը սակերենում բարդություն է կազմում նույնպես *հ-* նախամասնիկով՝ *սակ. hamən* «կառուցել, ամել» (? *ha-mā*)⁷:*

Ըստ ամենայնի, ի դեմս հմայ- արմատի՝ գործ ունենք

⁴ Հ. Աճայյան. Հայերեն արմատական բառարան (ՀԱԲ), հ. III, Երևան, 1977, էջ 103:

⁵ H. Hübschmann. Armenische Grammatik, II Teil, Leipzig, 1897, S. 180.

⁶ Գ.Բ.Զահորելյան. Հայոց լեզվի պատմություն. նախագրային ժամանակաշրջան, Երևան, 1987, էջ 245, 567:

⁷ В.И Абаев. Историко-этимологический словарь осетинского языка (ИЭСОЯ), т. I, М.-Лен. 1958, с. 140.

հայերենի «արևելահրանական միջնաշերտին» պատկանող մի բառի հետ, ընդ որում սրանից կազմված Հմայեակ անձնանվան գուգահեռը գտնում ենք նաև սկյուրերենում՝ 'Ամասակօս / 'Ամասեակօս, որը Վ. Արակի կողմից բխեցվում է հենց օս. **amayən** «կառուցել», **amayəg** «շիմարար» արմատից⁸:

2. *Ou. ամբնձօն* (*դիգորական բարբառով՝ ամբօծոն*) «հոտ առնել, զգալ» – հայ. համբոյր. Վերջինս ենթադրվում է առաջացած իրանական **ham-bōd** ձևից և համեմատվում մանիքեական սողդ. 'ոթյօ (*< *ham-baudaya-*) «իրար հավել, համբորել» բառի հետ⁹, գրեթե նույնանում է պարբ. 'մեան (**ham-bōy**) «համբույր» ձևին¹⁰: Օւերենը ծագում է նույն նախաձևից, հմմտ. նաև պարսկ. **anboyidan** «հոտ առնել», «քորել»¹¹. նշված բոլոր բառերի արմատը **ավեստ. баօծ- / baod** - «զգալ» (> հայ. բոյր) ձևն է: Սակայն քանի որ այս արմատը, ինչպես և համ- նախանցը անկախարար գործածվել են հայերենում¹², տեսականորեն միանգամայն հնարավոր է, որ սույն բարդությունը կազմվեր հայերենում՝ թեկուզ պատճենման միջոցով: Այնպես որ, համբոյր բառի ընդգրկումը «արևելահրանական միջնաշերտի» խմբում պայմանական բնույր է կրում:

3. *Ou. անձօն «պողպատ»* – հայ. ասպանդակ / ասպանտակ, տարբերակներն են՝ ասպատան, ասպատանկ/զ: Հայերեն բառն ակնհայտ իրանական կազմություն է, սակայն ծագումը համարվել է անհայտ. «ասպանդակ» իմաստով բնիկ հայերեն ձևն է՝ ամբարձի¹³:

Ասպանդակները պատրաստում էին պողպատից, ուստի կարելի է վերականգնել *իրան*. **asp-andān-* նախաձեռ, որից /ն/-ի սղմանք և /դ/-ի խլացմանք առաջացել է հայ. ասպատան

⁸ В.И. Абаев. Осетинский язык и фольклор, т. I, М.-Лен. 1949, с. 153.

⁹ Գ.Բ. Զահորկյան. Նշվ. աշխ., էջ 530:

¹⁰ L.Ը. Հովհաննիսյան. Հայ-իրանական գուգադիպումներ. – Բանքեր Երևանի Համալսարանի, 1988, N 3, էջ 170:

¹¹ В.И Абаев. ИЭСОЯ, т. I, с. 140.

¹² Ընդ որում համ- նախանցը կարող էր ուղղակիորեն ծագել հ.-ե. * սամ- «սեկ», միակ» նախաձևից (L.Ը. Հովհաննիսյան, 1990, էջ 145), թեև նախանցից արդեն իսկ առկա է ամ- ձևը՝ *ամուսին*, *ամորձիք* բառերում (Գ.Բ. Զահորկյան. Նշվ. աշխ., էջ 245):

¹³ Հ. Աճառյան. ՀԱԲ, հ. I, Երևան, 1971, էջ 272, 413:

«ասպանդակ» ձեզ, իսկ *asp-andān-ak տարբերակից՝ *հայ.* *ասպանդանակ (> ասպանդակ) > ասպատանկ/q ձեռքը: Փաստորեն, սույն հայերեն բառի ծագումը վերականգնելիս՝ մեզ անգնահատելի օգնություն է ցուցաբերում օսերեն «պղղպատ» բառը, որի ծագումը թեև միանշանակ չէ, սակայն այն զուգահեռներ ունի իրանական այլ լեզուներում և մասնավորապես՝ սկյուրերենում:

Իրամ. -ak ածանցի -ik տարբերակով է կազմված *andanik* պղղպատի տեսակի անվանումը, որի մասին հաղորդում է Պարսկատանում ճանապարհորդած Մարկո Պոլոն¹⁴: Ըստ երևույթին, սկյուրերենում *asp-andān-ak ձեի զոյությունն է հաստատում Տանիխում՝ Դոնի շրջանում տարածված *'Իաσα[n]δάնակօς* կամ [’Իաσ]անձանակօς անձնանունը¹⁵, հմմտ. նաև նույն տարածքներում հանդիպող սկյուր. *'Ասπանձանօς* անունը (III դ.), որը բարգմանվում է որպես «պղղպատածի»¹⁶:

Հայ. ասպանդակ բառը կարող է և փոխառյալ լինել սկյուրենից (ալաներենից) կամ պարբերենից, սակայն քանի դեռ նշված լեզուներում այդ փոխառու ձեզ չի գտնվել, անհնար է ապացուցել սույն ենթադրությունը: Այս է պատճառը, որ բառը զետեղում ենք «արևելաբանական միջնաշերտի» խմբում: Ինչ վերաբերում է օսերենին, ապա նրանում այս կազմությունը կունենար *(y)əfsəndon կամ *(y)əfsənd[on]æg ձեզ¹⁷:

4. *Ou. awazən* (դիգոր. *awazun*) «գետն ամրարտակել» – *հայ.* աւազան. համարվում է իրանական փոխառություն¹⁸, բայց

¹⁴ В.И. Абаев. Об иранских названиях сталин:– Иранский сборник (к семидесятипятилетию профессора И.И. Зарубина), Москва, 1963, с. 206.

¹⁵ Stein Corpus восторских надписей (под редакцией В.В. Струве), М.-Лен., 1965, с. 778-779, 765-766.

¹⁶ Նույն տեղում, էջ 767-768; В.И. Абаев. Осетинский язык и фольклор, с. 153, 157.

¹⁷ Ou. əndon «պղղպատ» բառը (փոխառությա՞նը) հանդիպում է ուզո՞-ֆիննական և կովկասյան (ինգուշ. onda «պղղպատ», չեչեն. ondu «ամոր» ինչպես հայ. պղղպատ > պղղպատյա «ամոր, պինդ», ուրց. andən «դոր, հատիչ») լեզուներում: Սկյուրական նշված անձնանունները հավաստում են ou. əndon բառի հնությունը և Հյուքժմանի՝ օսերենը ինգուշերենից փոխառյալ համարելու ենթադրության սխալականությունը (տե՛ս H. Hübschmann. Etymologie und Lautlehre der Ossetischen Sprache, verlag von Karl J. Trübner, Strassburg, 1887, S. 124): Վ. Արակը ou. əndon բառի համար ենթադրում է իրանական ծագում՝ *ham-(han)-dāna-նախածելից (В.И. Абаев, 1963, с. 206):

¹⁸ H. Hübschmann, 1897, S. 111-112.

բուն փոխատու ձեզ հայտնի չէ: Հայերենին ամենամոտ զուգահեռները բերվում են սողդ. "w'zh (āwaza) «լիճ, ավազան»¹⁹ և բուդրայական սողդ. "w'zn ձերը²⁰. օսերեն բառը ցույց է տալիս, որ սրանք, ինչպես և հայ. աւազան ձեզ նշանակում են բառացիորեն «ամբարտակված»:

Ou. awaz- արմատը ծագում է *vaz-* «շարժման մեջ լինել» ձեկից (որից ունենք հայ. վազ-ել)` ա- նախամասնիկով²¹: Հայ. աւազ բառը, որին վերագրվում է հ.-ե. ծագում *psə~bh- նախաձեկից, և -ազ վերջավորությունը մնում է չբացատրված²², կարող է նույնպես ծագած լինել *a-waz ձեկից՝ որպես «(ջրից) դրւս հոսած, դրւու բերված». *waz- արմատի զուգահեռները հայտնի են այլ հ.-ե. լեզուներում՝ ոուս. ազտի, գերմանական լեզուներում՝ vāgr «ծով», wāg «ալիր» ևն:

5. *Ou. awærdən* (դիզոր. awærdun) «խմայել, ափսոսալ» – հայ. աւարտ. համեմատվում է մանիքեական պարբ. *an-āvard* «անվերջ, անավարտ» բառի հետ²³: Հայերենն ու օսերենը բավական հեռու են իմաստներով, բայց երկուսն էլ կարող են բխել *ā-var-t «ծածկված, փակված» ձեկից, որի արմատը նոյնն է, ինչ *ou. nəwærdən* «ծածկել» բառում, և հանգում է հ.-ե. *wer- «փակել, ծածկել, պատճեշել» նախաձեկին: Օսերենի *awærdən* ձեզ համոզիչ ստուգաբանություն չուներ²⁴:

Հնարավոր է, որ նոյն արմատը երկար ձայնավորներով առկա է *ou. wajavard* «պապանձված, լեզուն կապ ընկած» բառում, որի առաջին արմատն է՝ *ou. wac* (դիզոր. wac[æ], was) «զույր» (< իրան. *vāč «խոսք»), իսկ երկրորդ բաղադրիչը կարելի է համարել վերի ձեերին և ամբողջ կազմությունը բացատրել որպես «խոսքավարտ» կամ «խոսքի փակում, կապում»:

6. *Ou. ævdīsən* (դիզոր. ævdesun) «ցույց տալ» – հայ. հանդէս «ցույց, տեսարան». հայերեն ձեզ ենթադրվում է կազմված *հան-* / *համ-* ածանցով՝ *դէս- արմատից, որը համեմատվում է

¹⁹ Գ.Բ. Զահոռիկյան. Նշվ. աշխ., էջ 517:

²⁰ Տե՛ս Գ.С. Աստրյան. Սկզ. սու, ս. 14.

²¹ Վ.Ի. Աբաև. ԻԷԾՕՅ, տ. I, ս. 85-86.

²² Հ. Աճառյան. ՀԱԲ, հ. I, էջ 351; Գ.Բ. Զահոռիկյան. Նշվ. աշխ., էջ 116:

²³ Հ. Աճառյան. ՀԱԲ, հ. I, էջ 356:

²⁴ Հմմտ. Վ.Ի. Աբաև. ԻԷԾՕՅ, տ. I, ս. 87.

ավեստ. **daēs**, սակ. dis «ցույց տալ» բառերի հետ²⁵: Օսերեն ձեզ՝ այս- նախամասնիկով նույնպես ծագում է dis- / des- արմատից, որը հանդիպում է նաև օսերենի որոշ բարդություններում. այն զուգահեռներ ունի նաև պամիրյան լեզուներում²⁶: Սողոքերենում նույնպես հայտնի են այս արմատից՝ տարրեր նախամասնիկ-ներով գործածվող կազմություններ, որոնցից հայերենի հետ է նույնանում՝ 'ոճ'ys- «ցույց տալ» ձեզ²⁷:

7. *Ou. ասաւայառ* (դիզոր. աշ[w]այսն) «կժկվել, կոչ գալ» – հայ. հաւաք / աւաք. ծագումն անհայտ է համարվում: Հայերեն ձեռում -ք վերջավորությունն անջատելու դեպքում՝ *հասա- հիմքը կրկին մնում է անհասկանալի: Օսերենը ենթադրվում է *աս-ասաւայառ ձեփից, սակայն վերջին բաղադրիչն օսերենում հայտնի չէ²⁸:

8. *Ou. ասաւանդառ* (դիզոր. ասավանդոն) «կստահել», «հա- վատալ» – հայ. հաւատ / աւատ «հավատք, հավատարմություն, վստահություն»: Գ. Զահորկյանը այս բառի h.-եւ ստուգաբանությունը՝ *աս- «ընկալել, ըմբռել» նախաձեփից, համարում է կաս- կաձելի²⁹, ուստիև նմանությունը հ.սլավ. *ան «հասկանալի, հայտնի, ակնհայտ» արմատի հետ³⁰, հավանաբար, պետք է որ պատահական լինի:

Հայ. հաւատ բառը Վ. Հեմինջի կողմից համադրվել է պարբ. հմուդ «հավատալ» ձեփի հետ, ակնհայտ է այս բառերի նմանությունը նաև քրիստոնեական սողոքերենում և խորեգմերենում հայտնի ”wt, ’wd «հավատ, կրոն» ձետին: Մրանց հիման վրա

²⁵ Գ.Բ. Զահորկյան. Նշվ. աշխ., էջ 530, 566:

²⁶ Բ.Ի. Աբաև. ԻԷСՕՅ, թ. I, ս. 198.

²⁷ Ou. dīs / des արմատն անկախ գործածվելին նշանակում է «զարմանք», ինչպես սողություն-ս- «զարմանալ» (Բ.Ի. Աբաև. ԻԷՍՕՅ, թ. I, ս. 363): Նույն արմատն առկա է նաև օս. fældīsen (ոյիզոր. fældesun) 1.«արարել», 2.«հանգույալին նվիրաբերել» բառի մեջ, որը ծագում է իրան. *pari-dais- «զուրջը ցույց տալ, շրջանշել, պատել» ձեփից (Բ.Ի. Աբաև. ԻԷՍՕՅ, թ. I, ս. 435-436). սրբնից հայտնի են՝ ավեստ. pairi- daēza «շրջապարհսպ», սողություն-ս- «պարձ- (prđ'ys-)», հայ. պարտեզ, նաև՝ արարենն (կապարսկ.) firðaus سوس، فارس، faliz فارس «պարտեզ, դրախտ» և այլ վոխառություններ եվրոպական լեզուներում (H. Hübschmann, 1897, S. 229):

²⁸ Հմմտ. Բ.Ի. Աբաև. ԻԷՍՕՅ, թ. I, ս. 215.

²⁹ Գ.Բ. Զահորկյան. Նշվ. աշխ., էջ 113, 254, 274:

³⁰ Տե՛ս Л.А. Сараджева. Древнейшие религиозные представления праармян и праславян в свете данных сравнительно-исторического языкоznания.– ИФЖ, 1988, N 1, с. 79.

Վերականգնվում է իրա՛. *ham-vāta- նախածեր, որի *vat-*արմատն ավեստերենում նշանակում էր «ընկալել, հասկանալ, իմանալ»³¹:

Վ. Արակի կողմից *ou. æwwændən* բառը համարվում է ծագած *æm-wændən ձևից՝ /m/-ի տարնմանմաբ, սակայն *ou. wændən* բայր պահել է միայն «համարձակվել» նշանակությունը³²:

Ինչպես տեսնում ենք, հայերենի և արևելահրանական լեզուների տվյալները հուշում են *(h)aw-wa(n)t- ձևի գոյության հնարավորությունը, ըստ որում հայերենն առավել մոտ է այդ ձևից ծագած քրիստոնեական սողոերենի տարբերակին: Մինչդեռ *ou. æwwændən* ձևին նույնանում է հայ. աւանդ «պահ տրված իր, կտակ, գաղտնիք, խորհուրդ» բառը, որը հենց զարգացել է «վստահել, հավատալ» նշանակությունից. այս բառի ծագումն անհայտ էր համարվում³³:

9. *Ou. bīræ* (դիգոր. *beræ / bewræ*) «շատ» – *հայ.* բիւր / բեւր «քյուր, 10 հազար»: Հայերենը համարվում էր փոխառյալ մ.պարսկ. *bēvar* «քյուր» բանից³⁴, սակայն, ամենայն հավանականությամբ, իրավացի է Վ. Արակը՝ հայերեն բառը կապելով ալաներենի հետ³⁵, քանի որ *հայ.* բիւր ձևը լրիվ նույնանում է օսերենի արևելյան՝ իրոնական բարբառի *bīwræ > *bīræ*, իսկ բեւր ձևը՝ արևմտյան՝ դիգորական *bewræ* տարբերակների հետ (վերջինից, ըստ Վ. Արակի, փոխառյալ են նաև *չերքեզ. beurə* և *վրաց. bewri* «շատ» բառերը):

Հայ. եւ / իւ երկրաբառային տարբերակների գոյությունը համարվում է հայոց լեզվի հնագույն բարբառային տարբերություն³⁶. հնարավոր է, որ այդ բարբառային խմբերի տարածման շրջանն ինչ-որ ժամանակ սահմանակցել է համապատասխանաբար դիգորական և իրոնական բարբառների նախակրողների հետ:

³¹ А.Г. Периканян. Указ. соч., с. 55-56.

³² Stein B.I. Абаев. ИЭСОЯ, т. I, с. 215.

³³ Վ. Աճառյան. ՀԱԲ, հ. I, էջ 354:

³⁴ H. Hübschmann, 1897, S. 121.

³⁵ В. Абаев. ИЭСОЯ, т. I, с. 262.

³⁶ Հայերենում եւ / իւ հերթագայության մասին տես U. Մեյե. Նշվ. աշխ., էջ 455-457; Գ.Բ. Զահուլյան. Նշվ. աշխ., էջ 374:

Ինչպես նշում են հետազոտողները, բառս զալիս է Ավեստայի լեզվից՝ *ավեստ*. *baevare* «քյուր», ընդ որում իրանական մյուս բոլոր ձևերն ունեն /v/ կիսաձայնին հաջորդող /a/ ձայնավոր, բացի սակ. *byūra*, *byurru* «քյուր, շատ» բառի. հայերենն, այսպիսով, մոտենում է արևելահրանական ձևերին՝ օսերենին և սակերենին³⁷: Հետաքրքիր է, որ թիւր բառն առաջին անգամ Վկայված է «Արտաշես և Սարենիկ» վիպաշրի պահպանված պատառիկում՝ ալանաց արքայի խոսքում. «Եւ ուստի՝ տացէ քաջն Արտաշես / Հազարս ի հազարաց և թիւրս ի թիւրոց / Ընդ քաջազգոյ կոյս օրիորդիս Ալանաց» (Խորենացի II, Ծ.)³⁸:

10. *Ou. būd* (դիգոր. ծօճ) «ամուշահոտոթյուն, խունկ» – հայ. բուրվառ «խունկ ծխելու աման». միանգամայն կարող է կազմված լինել հայ. բոյր և վառ- արմատներից, սակայն Հ. Աճառյանը *բոյր- արմատը նույնացնում է *ou. būd* «խունկ» բառի հետ, որը նույնպես ծագում է իրան. *bauda-, ավեստ. եաօծ «քույր» ձևից³⁹ (տե՛ս սույն հոդվածում N 2):

Ա. Մեյեն բուրվառ բառը համարում էր ժողովրդական ստուգարանության արդյունք, և *բուրվար անհայտ ձևը փոխառյալ էր դնում սոլյ. թագավորից: Սակայն այս եզրը կարող էր քրիստոնեական կրոնի հետ միասին թափանցել արևելահրանական լեզուներ, ընդ որում հայ. բոյր բառի համար հնարավոր է ենթադրել նաև «խունկ» նշանակությունը, հմտ. բուրկէն «ամպար» բառը:

Ամեն դեպքում, *ou. būd* - հայ. *բոյր- համապատասխանությունը դիտարկելի է միայն ընդհանուր իրանական լեզվաբանության համատեքստում⁴⁰, և այդ բառերը մեկը մյուսից փոխառյալ չեն, ինչպես *ou. առնս* (դիգ. առնօս) «հավերժություն» – հայ. անոյշ, անուշ-ակ «անմահական» զուգահեռները հնարավոր չեն պայմանավորել մեկը մյուսով:

³⁷ Հմմտ. Բ.Ի Անաս. ԻԷСՕՅ, տ. I, ս. 262; Գ.Բ. Զահոռվյան. Նշվ. աշխ., էջ 366, 519, ծանոթ.29:

³⁸ Ինչ վերաբերում է վրաց. *bewri* բառին, ապա այն կարող էր փոխառվել թե՝ ալաներենից, թե՝ հայերենից (հմմտ. Գ.Բ. Զահոռվյան. Նշվ. աշխ., էջ 555):

³⁹ Հ. Աճառյան. ՀԱԲ, հ. I, էջ 471; Բ.Ի Անաս. ԻԷՍՕՅ, տ. I, ս. 269. Նմանապես, իրան. *խաւա- ավ. խաօձ- «զիլսարկ, սաղավարտ» ձևից ունենք օս. *xūd* (դիգոր. ծօճ) «զիլսարկ, փափախ», հայ. խոյր:

⁴⁰ Հետաքրքիր է, բայց իմաստային տեսակետից՝ փոքր-ինչ տարօրինակ, որ օս.դիգոր. ծօճ առ «ախտոր» բառը նոյնպես բխեցվում է իրան. *bauda-na- ձևից (Բ.Ի Անաս. ԻԷՍՕՅ, տ. I, ս. 264):

ՏԵՂԱՆՎԱՆԱԿԵՐԸ ԿԵՆՍՈՒՄԱԿ ԱԾԱՆՑՆԵՐՆ ԱՐԴԻ
ՀԱՅԵՐԵՆՈՒՄ

Յուրաքանչյուր լեզվի բառապաշար բաց համակարգ է, որը ոչ թե քարացած, այլ շարունակաբար փոփոխվող միավորների ամբողջություն է: Բառապաշարի տեղաշարժերն ուղղակիորեն արտահայտում են այդ լեզվի կրող հանրության կյանքի զարգացումը՝ բոլոր ոլորտներում՝ սկսած քաղաքականությունից, տնտեսությունից, մինչև հոգևոր մշակույթ և լեզվամտածողություն: Բաց համակարգ ներկայացնող բառապաշարի մեջ տեղանունները կազմում են հարաբերականորեն փակ ենթահամակարգ, որովհետև այս բառաշերտում փոփոխություններ թեև կատարվում են, սակայն շատ ավելի դանդաղ. տեղանունների համար ժամանակն ավելի դանդաղ է հոսում, և գոյության հաշվարկային միավորը ոչ թե դարերն են, այլ հազարամյակները: Անգամ այլալեզու նվաճողների ասպատակությունները կամ երկարամյա տիրապետությունը տեղանունների վրա անդրադառնում է ոչ այնքան արմատական փոփոխություններով, որքան հնչյունական պատկերի խաթարմամբ, նվաճողները կամ բնակիչների նոր մեծամասնությունը բնիկ տեղանունների արտասանությունը համապատասխանեցնում է իր հնչարտաբերական հնարավորություններին և ոչ թե վերանվանում դրանք: Ըիշտ է, տեղանունների բառաշերտում կան այնպիսի միավորներ, որոնք առավել ենթակա են ժամանակի ընթացքին, ինչպես օրինակ՝ բնակվայրերի անունները, իսկ լեռնանունները և ջրանունները այս ենթահամակարգի ամենակայուն միավորներն են:

Ա. Մարգարյանն իր «Ժամանակակից հայոց լեզու. Բառագիտություն» աշխատության մեջ գրում է. «Լեզվի բառապաշարը մի հայելի է, որը պատկերում է ժողովրդի պատմական կյանքը, ցույց է տալիս, թե նա այլ ցեղերի, ժողովուրդների, ազգերի հետ ինչպիսի շփումներ, տնտեսական-հասարակական ինչպիսի կապեր ու հարաբերություններ է ունեցել տարբեր ժամանակներում»:¹ Տեղանուններն այս տեսանկյունից առավել հարուստ

¹ Ա.Ս.Մարգարյան, Ժամանակակից հայոց լեզու. Բառագիտություն, Եր., 1993, էջ 126:

պատմական վավերագրեր են, որոնց ուսումնասիրության և ստուգաբանության միջոցով հնարավոր է բացահայտել ցանկացած տարածքի հնաբնակների և հետագա նվաճողների կամ խաղաղ վերաբնակների լեզվական ինքնությունը, անվանված աշխարհագրական օբյեկտների կամ բնակավայրերի նախնական տեսքն ու բնութագրական հատկանիշները: Հայտնի տեղանականգետ Վ.Նիկոնովն անդրադառնալով տեղանվանգիտության զարգացման միտումներին՝ արձանագրում է, որ վերջին տասնամյակներում տեղանվանագիտական հետազոտություններում ծանրության կենտրոնը ծագումնաբանությունից տեղափոխվում է դեպի բառակազմություն: «Տեղանվանագիտությունը դուրս է զալիս մանկական տարիքից, երբ նրան հետաքրքրում էր միամիտ հարցը՝ «Ի՞նչ է նշանակել այս անվանումը»: Գիտությունը սկսվում է այնտեղ, որտեղ հետաքրքրասիրությունը բարձրանում է օրինաչությունների որոնման մակարդակի»²: Տեղանունների բառակազմական բնությունը թույլ է տալիս բացահայտել տվյալ լեզվին բնորոշ տեղանվանակերտ միջոցները, տիպաբանությունը, վերականգնել որոշակի տարածքների աղավաղված կամ անզամ կորսված տեղանվանական շերտերը, իսկ համաժամանակյա կտրվածքով դա հնարավորություն է ստեղծում նոր տեղանուններ կազմելիս հարազատ մնալ տվյալ լեզվի բնույթին և հնի հետ ոչ թե հակասության մեջ մտնող, այլ տրամարանական և ներդաշնակ, այսինքն՝ նոր տեղանունների մնայուն, ժառանգորդական կապը պահպանող ենթահամակարգ ձևակորել:

Բառակազմության տեսանկյունից, ինչպես լեզվի սովորական բառերը, տեղանունները բաժանվում են արմատական, պարզ և բաղադրյալ կառույցների, որոնք բառակազմական վերլուծության ընթացքում վերածվում են մեկից ավելի բաղադրիչների: Գ.Զահուկյանը, անդրադառնալով բուն հայկական տեղանունների կազմությանը, առանձնացնում է 4 տիպ. 1) բաղադրյալ (տեղանուն-բառակապակցություններ), 2) բարդ, 3) ածանցավոր, 4) պարզ: Ընդ որում նշում է, որ բաղադրյալ տեղանունները հաճախ ունեն զուգածն բարդ տարատեսակներ, մասամբ ըստ էության՝ *Ազուավուց քար-Ազուավաքար*, մասամբ ըստ գրու-

² Никонов В.А. Славянский топонимический тип// Географические названия, М.1962, т.2 17:

թյան՝ Զորոյ փոր-Զորովոր (Զորափոր):³ Տեղանվանգիտության մեջ ընդունված է առանձնացնել 5-րդ տիպը, որ կոչվում է՝ թերոյ-թային (Փլեքսիվ), դրանք որոշ պայմանականությամբ կարելի է միավորել ածանցավոր կազմությունների հետ՝ տարրերություն չդնելով բառակազմական և բառահարաբերական ձևույթների միջև:

Արմատական տեղանունները բնականաբար մենաձևույթ են, իսկ նրանց հակադրվող բաղադրյալ տեղանունները՝ բազմաձևույթ, ընդ որում այդ ձևույթները կարող են լինել և հիմնական, և երկրորդական: Մեկ կամ ավելի հիմնական և մեկ կամ ավելի երկրորդական ձևույթներից կազմված հայկական տեղանունների, այսինքն՝ պարզ և բարդ ածանցավոր կառույցների ի մի բերումը և քննությունը հնարավորություն է տալիս բացահայտել այն ածանցները, որոնք դարերի ընթացքում իրենց այլ իմաստների հետ մեկտեղ ձեռք են բերել զուտ տեղանվանակերտ արժեք, ընդ որում երբեմն նման դեպքերում կարելի է խոսել ածանցների ոչ միայն բազմիմաստության, այլև համանունության առաջացման մասին, եթե հնչյունական կազմով նույն ածանցներն իմաստով հստակ տարրերակվում են: Այսպես՝ ական վերջածանցը հայերենում անուն խոսքի մասերից և բայարմատներից ու մակրայներից հարաբերական ածականներ կազմող կենսունակ, արտադրողական ածանցներից է, որը միաժամանակ նաև տեղանվանակազմից հայկական ածանցներից է, ինչպես անցյալում, այնպես էլ այսօր: Արցախյան շարժումից հետո սկսված տեղանունների հայացման, վերանվանման վերջին զործընթացը ցույց տվեց, որ ական ածանցը կայուն տեղանվանական կաղապարներ է ստեղծել և ստեղծում հայերենի զարգացման բոլոր փուլերում՝ Զանգեղան – Կովսական, Զարրայիլ – Զրական, Վերին Կորչլու - Զորական, Ալխասյի - Արվական և այլն: Նման իրողություններն ապացուցում են, որ ածանցները ոչ միայն բառակազմական, այլև իմաստաբանական արժեք են ստանում լեզվի պատմական զարգացման ընթացքում:

Էդ. Աղայանի սահմանմամբ. «Ածանցումներն այն համադրական բաղադրություններն են, որոնք իրենց կազմում ունեն մեկ և ավելի ածանցներ (երկրորդական բառակազմական ձևույթ-

³ Գ.Բ. Զահորելյան, Հայոց լեզվի պատմություն/Նախագրային շրջան, Երևան, 1987, էջ 412-413:

ներ)....իրենց կազմում ածանց կամ ածանցներ ունեցող համադրական քաղաքրությունները կոչվում են ածանցավոր քառեր»:⁴ Ըստ ածանցների քանակի՝ ածանցավոր քաղաքրությունները լինում են մենածանց, նման տեղանուններն ամենահաճախադապես են, դրանք կազմված են մեկ արմատից և մեկ ածանցից *Արևոտ, Արեգ-ունի, Զոր-ակ, Չաղ-իկ, Ջր-ական...*, և քազմածանց՝ քաղկացած մեկ արմատից և մի քանի ածանցից. տեղանունների պարագայում այսպիսի կառույցները շատ ավելի սակավ են հանդիպում, քան մենածանցները: Բերենք քազմածանց տեղանունների օրինակներ՝ *Ավետ - արան-ոց, Կայ-ան-իկ, Վարդ-են-ի ... Բավական տարածված են մենածանց քարդ տեղանունները, հատկապես երկարմատ՝ Հայկ-ազ-յան, Ջր-ափի-ի, Արտ -ա -բույն-ը, Ուղտ-ակ-ունը...*

Ածանցները քաղաքրական հիմքին միանում են և սկզբից, և վերջից: Ածանցներն ինքնին օժտված են որոշակի իմաստով, ուստի ճիշտ չէ դրանք դիտարկել իբրև աննշանակ նասնիկներ, որովհետև դրվելով քառերի կամ արմատների վրա՝ ածանցները փոփոխում են նրանց իմաստները և ստեղծում նոր քառեր: ⁵ Գ. Զահոնիկյանը, քննելով ածանցման դերը հայկական տեղանունների առաջացման ընթացքում, նշում է. «Բուն հայկական ծագման տեղանունների մեջ ածանցավոր կազմությունները քաղաքրյալ և քարդ տեղանունների համեմատությամբ ավելի փոքր տեղ են գրավում: Մասնավորապես քիչ են բուն հայկական հիմքերով և հայկական ածանցներով կազմությունները»:⁶

Լեզուները դարերի ընթացքում ձևավորում են իրենց տեղանական տիպը, այսպես՝ վալվոնական լեզուներին բնորոշ են ածանցավոր տեղանունները, գերմանական լեզուներին՝ քարդ տեղանունները⁷, իսկ հայերենի հիմ և հնագույն շրջանում տեղանուններ որպես կանոն կազմվել են արմատական քառերից, որոնք կամ նարուր ձևով էին դառնում տեղանուն, կամ բերքված՝ հոգն. թիվ, սեռական հոլով, իսկ հետազա շրջաններում տեղանուններ ստեղծվում էին քառարարդման եղանակով՝ հիմնականում որոշիչ-որոշյալի կամ հատկացուցիչ-հատկացյալի իմաստ արտահայտելով:

⁴ Էղ.Բ.Աղայան, Ընդհանուր և հայկական քառագիտություն, Եր., 1984, էջ 279:

⁵ Տես Ս.Ա.Էլյոյան, Ածանցները ժամանակակից հայերենում, Եր., 1965, էջ 23:

⁶ Տես Գ.Բ.Զահոնիկյան, նշյալ աշխատությունը, էջ 415:

⁷ Никонов, В.А., Славянский топонимический тип/ Вопросы географии, 1962, էջ 12:

Հայերենի նախածանցները, վերջածանցների համեմատությամբ, ավելի սակավաթիվ են և գործառական ու ձևահմատային հատկանիշներով սահմանափակ: Տեղանունների բառակազմական քննությունը ցույց է տալիս, որ նախածանցավոր կազմությունները խիստ հազվադեպ են, ընդ սմին՝ տեղանուններում վկայված են հիմնականում խոր հնադարից եկող հայերենի ժխտական ածանցները կամ, ինչպես Մ.Աբեղյանն է կոչում՝ բացասական մասնիկները, և ոչ թե 6-րդ դարից հետո հունարան հեղինակների շնորհակալ ջանքերով ստեղծված շուրջ երկու տասնյակ համեմատաբար երիտասարդ դրական նախածանցները: Բերենք նախածանցավոր տեղանունների մի քանի օրինակ՝ *Ան-արծաթ, Ան-կշտան, Ան-մահ-ության ջուր, Դժ-գույն, Դժ-գույնը, , Նախ-ա-վկա, Նախ-ե-դուռն, Անդր-կովկաս կամ Այսր- կովկաս, Նախ-իջե-վան* ... Այս և այլ նախածանցավոր տեղանունների պարզ դիտարկումն ակնհայտ է դարձնում, որ դրանք տեղանվաճակներու արժեք չունեն հայերենում, ընդամենը հնարավոր է նախածանցավոր կառուցվածք ունեցող հասարակ գոյականների տեղանվաճացում՝ ելնելով անվանակոչվող միավորի այլևայլ բնութագրիչներից՝ *Անարծաթ - գյուղի բնակիչները հայտնի են եղել իրենց անշահախնդրությամբ, Անկշտան - բնակիչները անկուչտ մարդկանց համբավ են ունեցել, Անմահության ջուր՝ աղբյուրի հանքային ջուրը հայտնի է եղել իր բուժիչ հատկություններով, Դժգույն կամ Նախեդուռն - ավանները կարող եր այսպես անվանակոչվել տեղանքի բնակլիմայական կամ դիրքային հատկանիշների շնորհիվ: Նույնը վերաբերում է Անդրկովկաս կամ Այսրկովկաս տեղանուններին: Անքերդ (Ամբերդ) տեղանվան վերաբերյալ կան ստուգաբանական երկկույթուններ: Գ. Զահուկյանը ան/ամ բաղադրիչների համար երկու ենթադրություն է կատարում, կամ բուն հայկական «ան- համա-, միա-» իմաստով, կամ պահլավական ամ/առ նախածանցից:⁸ Գ. Ղափանցյանն ավելի վաղ պնդում էր, որ այս ան/առ-ը*

* Այս տեղանվան ստուգաբանության վերաբերյալ կան տարբեր վարկածներ, սակայն Նախ- իջևան առասպեկտական երանգ ունեցող բացատրությունը հիմնավորվում է հետևյալ փաստով՝ գրավոր աղբյուրներում (1-ին դ.) առաջին անգամ Նախիջևանի մասին իշխատակել է Հովհաննես Փալավիսոր, որն այն կոչում է Ապովատիրին՝ հունարեն նշանակում է իջևան: Տեղանվան բառապատճենում է արքել:

⁸ Գ. Զահուկյան, նշյալ աշխատությունը, էջ 415:

խուրիտական արմատ է «աստված» նշանակությամբ, որի վերապրուկային ձև է համարում *Ծովիան -Ծովիճար* հատկանվան վերջին բաղադրիչը:⁹

Բուն նախածանցների հետ մեկտեղ ժամանակակից հայերենում բառակազմական արժեք են ստացել գրաբարյան նախողիրները՝ *առ, զ, ի(j), ընդ, ըստ, ց*: Մեր լեզվի հին շրջանում նախողիրները գործածվել են տարբեր հոլովներով դրված գոյականների հետ՝ արտահայտելով քերականական բազմազան իմաստներ: Լեզվի պատմական զարգացման ընթացքում նախողիրների արտահայտած բազմազան իմաստները և տարբեր հոլովների հետ գործածվելու հատկանիշը սկսել են նքազնել և ջնջվել, հաղբանակել է խոսքում ամենահաճախ դրսեռորդող իմաստներից մեկը, որի պատճառով էլ նախողիրները աստիճանաբար վերածվել են բառակազմական ձևույթների: Տեղանունների պարագայում այսպիսի արժեք ունի առ նախողիրը, որով հետև այս հայցական կամ տրական հոլովների հետ դրվելով՝ արտահայտել է ինչ-որ բանին մոտ լինելու իմաստը, իսկ տեղանվանակոչման ժամանակ շատ կարևոր է տեղանքում արդեն հայտնի միավորին մոտ գտնվելու հանգամանքը, որը տեղանունների առաջացման հատկապես հնագույն հատվածում դառնում էր անվանման հիմք: Այս եղանակով են հայերենում կազմվել հետևյալ տեղանունները՝ *Առ-ինձ, Առ-քերդ, Առ-ավան, Առ-զոմ, Առ-ուս, Առ-միստ, Առ-ափի* և այլն:

Մնացյալ նախողիրները տեղանվանակերտ արժեք չեն դրսեռութել հայերենի զարգացման ոչ մի փուլում: Գ. Զահուկյանը նման տիպի կազմությունները պայմանականորեն է համարում նախածանցավոր, որովհետև, նրա դիտարկմամբ, օրինակ, բուն հայկական հիմքով և ածանցով *Առքերան(ի) –ն*, նախողրավոր կապակցության (առ քերան(ի)) միասնացումն է որպես տեղանուն և ոչ թե բուն նախողրավոր կազմության:¹⁰

Հայերենի ածանցները բավական մանրամասն քննարկված են և տարթամանակյա, և համաժամանակյա կտրվածքներով, սակայն տեղանվանակերտ դարձած ածանցները յուրահատուկ քննույթ ունեն և դրանց առանձին վերլուծություն, եթե եղել է, ապա՝

⁹ Գ. Ղափանցյան, Սովորական Հայաստանի նոր տեղանունների մասին, ՀՍՍՀ ԳԱ «Տեղեկագիր», N1, 1954, էջ 15:

¹⁰ Գ. Զահուկյան, նշյալ աշխատությունը, էջ 415:

բոլոցիկ: Առաջացած լինելով հասարակ գոյականներ, ածականներ, անգամ բայեր կերտող ածանցներից՝ այսպիսի ձևույթները հատուկ գոյականներ կազմելով՝ ըստ Էության փոխում են իրենց ունեցած առաջնային իմաստները:

Հայերենում, ինչպես և այլ լեզուներում տեղանվանակերտ հատակ արժեք ունեն վերջածանցները: Մեր լեզվում վերջածանցների ընդհանուր թիվը հասում է 200-ի: Վերջածանցներն իրեն բառակազմական ձևույթներ ձևի և իմաստի միասնություն կազմող լեզվական միավորներ են, որոնց ձևը հնչյունական կազմն է, իսկ իմաստը՝ այն նշանակությունը, որ արտահայտվում է նրանով: Ունենալով թե՛ ձև, թե՛ իմաստ՝ վերջածանցները, սակայն վերացարկված լեզվական միավորներ են՝ նյութական որոշակի իմաստ չարտահայտող: Ծագումնաբանական տեսանկյունից վերջածանցները՝ ա)մբագնած իմաստով բառարմատներ են՝ հնչյունափոխ կամ անհնչյունափոխ՝ հատ - ատ, կերտ, շեն, վաճ, վետ ... բ) քերականական իմաստը կորցրած ձևույթներ՝ հոգնակերտներ, հոլովիչներ, հոլովակերտներ, խոնարհման վերջավորությունները...՝ թ, ս, ի, ոգ, եալ, ող...և զ) փոխառյալ մասնիկներ՝ ան, աշ, են, պատ... Գ.Զահուկյանը տեղանունների առումով նշում է, որ հնդեվրոպական ծագման ածանցների հետ մեկտեղ հայոց լեզվում տեղանվանակերտ գործառույթ շատ ավելի հաճախ ստացել են փոխառյալ ածանցները՝ հիմնականում իրանական՝ ակ, ական, իկ, պատ, ստան, վան...

Ընդունված դասակարգմանը՝ տարբերակվում են անվանական և բայական վերջածանցները: Անվանական վերջածանցները կազմում են անուն խոսքի մասեր, իսկ բայական ածանցները՝ բայեր կամ դերբայներ: Տեղանունների բառակազմական քննության տեսանկյունից ուշադրության են արժանի ոչ միայն անվանական վերջածանցները, այլև բայական: Ծիշտ է, վերջիններս տոկոսային հարաբերակցությամբ շատ ավելի փոքր տեղ են գրավում անվանական վերջածանցների համեմատությամբ, սակայն հայոց լեզվի զարգացման տարբեր փուլերում դերբայակերտ վերջածանցները կազմել են նոր տեղանուններ: Արդի հայերենում դերբայակերտ ածանցներն այլևս տեղանավանակերտ արժեք չունեն: Թվարկենք դերբայակերտ այն վերջածանցները, որոնք հայերենում տեղանուններ են կազմել՝ -յալ-Առաքյալ, Երևյալ, -իշ- Զարդարիչ, -ելի- Զմայելի, Առակելի,

-ող- Աղորող, Ծաղկող...Միաժամանակ նշենք, որ նման ածանցներն այսօր կենսունակ չեն, նրանցով նոր տեղանուններ չեն կազմվում:

Տեղանվանակերտ այն ածանցները, որոնք իբրև բառակազմական ձևույթներ շարունակում են նոր բառեր ստեղծել, կոչվում են գործուն կամ կենսունակ՝ ի տարրերություն այն ածանցների, որոնցով առհասարակ նոր տեղանուններ չեն կազմվել: Այս հոդվածի նպատակը արդի հայերենում տեղանվանակերտ կենսունակ այն ածանցների վերհանումն է, որոնք գծային շարքեր են կազմում՝ ջրանուն-հարակից բնականուն – մանրատեղանուն և այլն: Դրանք սակավաթիվ են, որովհետև ներկայումս հայկական տեղանվանակազմության հիմնական եղանակը բառաբարդումն է: Հայերենի զարգացման տարրեր փուլերում տեղանվանակազմից արժեք ունեցող շուրջ 3 տասնյակ ածանցներից (-աշ, -ակ, -արան, -ան, -անի, -աս, -ատ, -ավոր, -եկ, -են, -ես, -ի, -իկ, -ին, -իս, -իք, -կան, -նի, -ոս, -ող, -ստան, -վետ, -ուկ, -ունի, -ունիք....) այսօր կենսունակ է ոչ լրիվ մեկ տասնյակը, այն էլ ներքին վերապահումներով: Այս երևոյթը վկայում է հայոց լեզվում տեղանվանակազմության մեջ միօրինակացման և համակարգայնության հաստատման հզոր միտումի մասին: Մեր կողմից առանձնացված կենսունակ ածանցների վերհանման համար հիմք են ծառայել 1990 – 2006քք. Հայաստանի և Ղարաբաղի Հանրապետություններում պաշտոնապես կատարված տեղանունների վերանվանումները կամ անվանակոչումները, որ արտացոլված են նոր վարչատարածքային բաժնումներն արտացոլող ժամանակակից քարտեզներում և պետական գրագրության մեջ:

1. ԱԿԱՆ- պարթևական ծագման այս ածանցը(ական) և հին, և՛ նոր ժամանակներում կազմել և կազմում է նահանգների, մարզերի անուններ, բնականուններ, անգամ ջրանուններ ամենատարրեր ծագման հիմքերից՝ Կովսական, Ջրական, Գիճական, Կուտական, Արփական, Արզական, Բուժական, Տափերական, Այգեգործական, Լեռնական, Կոծդական, Գետական....

2. ԱԿ- իրանական ծագման ածանց է (ակ) գերազանցապես բնականուններ, սակավ՝ ջրանուններ կազմող, իր կենսունակությամբ զիջում է ական-ին, նվազական իմաստը մեծամասամբ ուժեղ արտահայտված է, թեև կարող է նաև բացակայել՝ Անտառակ, Բերդակ, Գանձակ, Դարանակ, Երիզակ, Զորակ, Ծովակ, Համակակ, Ծամբարակ, Հանդակ...

3. ԻԿ- իրանական ծագման ածանց է (նկ)` դարձյալ տեղանուններում ևս զգալի նվազական իմաստով, բնականուններ, գետանուններ կազմող՝ *Աղվորիկ*, *Բերդիկ*, *Դարբնիկ*, *Դարիկ*, *Դրախտիկ*, *Իշխանիկ*, *Հացիկ*, *Հերիկ*, *Հողմիկ*, *Խաչիկ*, *Քաղաքիկ*...

4. ԿԵՐՏ-(ակերտ)- իրանական ծագման ձևույթ է, որը հիմնականում ստեղծում է բնականուններ՝ *Գեղակերտ*, *Լեռնակերտ*, *Հայակերտ*, *Ձեռնակերտ*, *Մարտակերտ*, *Մարակերտ*, *Տիգրանակերտ*, *Տուֆակերտ*, *Ջարակերտ*

5. ՅԱՆ- իրանական ծագման այս ածանցը (յան), որը գրաբարյան ա ներդրական հոլովման սեռական հոլովաճեն է և հայերենում ազգանվանակերտ, ինչպես նաև ածականակերտ բազմիմաստ կենսունակ ձևույթներից է, անցյալի և ներկայի բնականունների, գործուն տեղանավանակազմիչ՝ *Ախուրյան*, *Արտավանյան*, *Մայիսյան*, *Նոյեմբերյան*, *Հոկտեմբերյան*, *Հայկազյան*, *Սիլիկյան*, *Բաղրամյան*, *Իվանյան* ... Այս ածանցի պարագայում առկա է հետաքրքիր երևույթ. հնագույն՝ ուրարտական ժամանակներից եկող յան ածանցը որոշ տեղանուններում հնչյունական համարանուրյան նույնացել է աստիճանաբար կայուն տեղանավանակազմիչ դարձող յան ածանցի հետ՝ *Ախուրիանի* - *Ախուրյան*...

6. ՈՒՏ- Գ.Զահուկյանը այս տեղանավանակազմիչի ծագումը կապում է հնդեվրոպական *օծ ածանցի հետ: Այս ածանցի հիմնային նշանակուրյունը ինչ-որ բանով հարուստ վայր ցույց տալին է, այսինքն՝ այն ի սկզբանե տեղանիշ է՝ *Այգուտ*, *Արևուտ*, *Գաղրուտ*, *Գիհուտ*, *Թեղուտ*, *Թխուտ*, *Լեռնուտ*, *Լորուտ*, *Ծաղկուտ*, *Կավճուտ*, *Կառնուտ*, *Կեչուտ*, *Տանձուտ*....

7. Ք- Տեղանավանակերտ արժեք ունեցող ուղղական հոլովի այս հնագույն հոգնակերտը (հ.-ե. *-es) հատկանուններ է կազմում ինչպես առանձին, այնպես էլ այլ կազմիների հետ՝ *Երք*, *Եղր*, *Երք*, *անք*, *ունք*, *անք*, *ինք*, *իք*, *ունիք*... հավաքականուրյան իմաստով: Վերջիններս, սակայն, տեղանավանակազմուրյան արդի փուլում գործուն չեն: Գ.ր. Ղափանցյանը կարծում է, որ նախնական լեզվամտածողուրյանն ընդհանրապես բնորոշ է հոգնակի թվով դրված անվանմանը փոխաբերաբար հաղորդել նաև տեղանիշի նշանակուրյուն: Նա բերում է իր ասածի հիմնավորումներ տարբեր լեզուներից՝ հայկական՝ *Պարնի*, *Բջնի*,

Սուղնի, Գառնի, Կորճայք, Կոտայք, Վիրք, Հայք, Թելեր, Ծովեր,
վրաց.՝ *Notanebi, Vašlebi..., ոուս.*՝ *Боровичи, Черкасы, Сумы,*
Киевы, հուն.՝ *Athenai, Thebai* և այլն¹¹:

Բերենք ք ածանով ներկայումս գործուն տեղանունների
օրինակներ՝ *Վանք, Բերք, Այրք, Արտարպոյնք, Գլմք, Դալք,*
Դժգույնք, Զովք, Ծավալք, Կայք, Կիցք, Հովք, Մարմարք...
Բաղադրյալ կազմություններից՝ *Արեգունիք, Բարձրունիք,*
Ծաղկունիք, Վանեք, Աղբերք....

¹¹Տե՛ս Հր. Կապանյան, Суффиксы и суффигируемые элементы в топонимике древней
Малой Азии, Ереван, 1948, էջ 22:

ՈՐՄՆԱՌԵՐԸ ՀԱՍԿԱՑՈՒԹՅԱՆ
ԶՈՒԳԱԲԱՆՈՒԹՅՈՒՆՆԵՐԸ ՀԱՅԵՐԵՆԻ
ԲԱՐԲԱՌԵՐՈՒՄ

Տուն և տնտեսություն իմաստային դաշտն արտացոլող բառանվանումներից ցանկում ընդգրկել ենք նաև սենյակում պատի մեջ թողած, երեսը բաց պահարան հասկացության բառազուգարանությունները։ Նշված հասկացության բարբառային ներկապնակը բավականին խայտարդեալ է։ Մասնավորապես այն կարելի է տարանջատել երեք խմբի՝

1. բնիկ հայերեն բառեր.
2. բարբառային բառեր.
3. փոխառյալ բառեր։

Բնիկ հայերեն բառերից սենյակում պատի մեջ թողած, երեսը բաց պահարան հասկացության բառազուգարանություններ են ականատ, դոնակ, աճկոծ, աչկոնք բառանունները։

Ականատ-ը բնիկ հայերեն բառ է, որն առաջացել է ակն(աչք) և հատ(ել) բառերի բառաբարդումից։ Ակն բառի սեռական հոլովը՝ ական-ը, անկախ գործածված չէ, սակայն շատ սովորական ոճ է ական հատանել «փոս փորել, պատ ծակել» (տե՛ս՝ Հրաչյա Աճառյան, Հայերեն արմատական բառարան, հու. 1, Երևան, էջ 107)։ Հր. Աճառյանը բերում է ականահատ «գերեզմանակրկիտ», «ականամոն» մի տեսակ մոմ, որով մեղրուները փերակի մուտքն են փակում, ական հատանել «ոճի վրայից» կազմված ականատ «մկան և ուրիշ կենդանիների թակարդ», որը և բարբառներում առկա է նաև ակնատ տարբերակով։ Այնուհետև լեզվաբանը վկայակրծում է ականատ բառի գավառական ձևերը՝ ակնատ և ականատ, որոնք բարբառներում հանդես են գալիս թոշուն որսալու ցանց իմաստով, ինչպես նաև ակնատ, ականատ՝ պատի մեջ բացված դարան կամ սենյակից սենյակ բացված փոքր պատուհան նշանակությամբ, որը և հաստատում է ականատ բառի բացատրությունը՝ ական հատանել (Հր. Աճառյան, ՀԱԲ, հու. 1, էջ 109):

Նույն բացատրությունն է տալիս Հայկագեան բառարանը. ականահատ- որ ական հատանել գտուն. ծակ բացող,

պատը ծակող (*Նոր բառզիրք Հայկագեան լեզուի, հտ 1, Ե., 1979, էջ 22*):

ՀՀ ԳԱԱ լեզվի ինստիտուտի բարբառագիտության բաժնում առկա բարբառագիտական նյութերը և հայերենի բարբառներին նվիրված մենագրությունները ևս գալիս են հաստատելու Հր. Աճառյանի և ՆՀԲ-ի՝ ականատ բառի բացատրությունները:

Ականատ բառանունը հայերենի բարբառներում հիշատակված է մի շարք հնչյունական տարրերակներով՝ ակընատ (Խոյ-Սալմաստ), ականատ (Վան, Նախիջևան), ագնատ (Մուշ, Կարս), ականատ (Շատախ), հականատ (Սոկսի Մամոտանց), ակնատ (Արտաշատի խոսվածք, Խոյի Փայաջուկ գ.), ակնադ (Մուշի Վարդենիս գ.) և այլն: Այսպիսով՝ ականատ բառանունը հնչյունական տարրերակներով առկա է հիմնականում հայերենի բարբառների արևմտյան խմբակցության Վանի միջրարբառախմբի խոսվածքներում, մասամբ՝ հարավկենտրոնական բարբառախմբում, ինչպես նաև բարբառների արևելյան խմբակցության Խոյ-Մարաղայի բարբառախմբի խոսվածքներում: Ականատ բառի առկա երկու իմաստները՝ թակարդ և պատի մեջ բացված դարան, հետաքրքիր զուգահեռ ունեն վարմ և որմ բառերի հետ, որոնցից առաջինը իմաստով առնչակից է ականատ բառի թակարդ իմաստին, իսկ երկրորդը՝ որմ իմաստին (չնայած որ վարմ-ը համարվում է փոխառություն պարսկերենից, իսկ որմ-ը՝ բնիկ հայերեն բառ):

Սենյակում պատի մեջ թողած, երեսը բաց պահարան հասկացության բառանվանում է նաև ակն արմատից սերված աչկունք բառաձևը: Ըստ Աշոտ Արրահամյանի՝ ակն բառը աղբյուրի ակի իմաստով հոգնակի ուղղականում ունենում է ակունք ձևը, զոհաբեղենի իմաստով՝ ականք ձևը, իսկ աչքի իմաստով հոգնակի թվում զործածվում է աչք ձևը (*տե՛ս Ա. Արրահամյան, Գրաքարի ճեռմարկ, Ե., 1976թ., էջ 29*): Արդի հայերենում և բարբառներում աչք-ը ունի եզակի իմաստ և հոգնակում ստանում է -եր վերջավիրություն՝ աչքեր:

Ինչպես հայտնի է, բազմիմաստ աչք բառն ունի նաև դարակնշանակությունը, և հայերենի բարբառներում աչկունք բառանունը աչք բառի բառիմաստային ճյուղավորմամբ առաջացած բառաձևն է՝ սենյակում պատի մեջ թողած, երեսը բաց պահարան՝ դարակ իմաստով: Հայերենի բարբառներում առկա

հիշյալ աչկունքը բառանունը սերտորեն առնչվում է Գողթան
երգերից ավանդված «Վահագնի ծնունդ»-ի աչկունք-ի հետ.

Նա հուր հեր ունէր,

(Ապա թէ) բոց ունէր մօրու

Եվ աչկունքն էին արեգակունք: (*Մովսես Խորենացի, Պատմութիւն Հայոց, Գիրք առաջին, ԼՍ/ԼԲ*):

Աչկունք բառաձևն առաջացել է աչիկ=աչ+իկ փոքրացուցիչ-փաղաքշական բառային տարբերակից՝ զրաբարյան -ունք հոգնակերտի հավելմամբ:

Աչկունք-ը՝ իրեւ սենյակում պատի մեջ քողած, երեսը բաց պահարան հասկացության բառանվանում, գործածական է հայերենի Մուշ-Տիգրանակերտի բարբառախմբի որոշ խոսվածքներում (Մուշի Բոլանուխի Միրրար գ.՝ աչկունք, Կոպ գ.՝ աճկունք և այլն):

Ալաշկերտի որոշ խոսվածքներում փաստված են նաև աչք բառային սկզբնաձևից առաջացած աճկոծ, աճկոնծ, աճկունծ բառազուգարանությունները՝ վերոհիշյալ իմաստով:

Սենյակում պատի մեջ քողած, երեսը բաց պահարան հասկացության հաջորդ բառազուգարանությունը, որ առկա է հայերենի բարբառներում, դռնակ բառանունն է: Այն որոշ դեպքերում զուգահեռաբար գործածվում է պատըրհան և ականատ բառաձևերի հետ: Դռնակ բառաձևը կղզյակի ձևով գործառում է Զուղայի բարբառում (Նախիջևանի Փարադաշտ՝ տըռնակ//պըտըրհան, Փառակա՝ տըռնօկ//ականատ, Հին Զուղա՝ տըռնակ):

Դուռն-ը բնիկ հայերեն բառ է՝ հնիս. *dbur ձևից: Ըստ Հր. Աճառյանի՝ այն ունի նաև կիրճ, լեռների մեջ անցք իմաստը (Հր. Աճառյան, ՀԱԲ, հտ. 1, 1971, էջ 684):*

Գևորգ Զահորկյանը, ներկայացնելով իմաստային-թեմատիկ խմբերը, «քնակարան, տուն, կահկարասի» խմբի մեջ ընդգրկում է նաև դրուն բառը՝ որպես հնդեւրոպական բառանուն (*Գ. Զահորկյան, Հայոց լեզվի պատմություն, մախսգրային ժամանակաշրջան, Երևան, 1987, էջ 264*): Խոսելով սեմական լեզուների և հայերենի բառապաշտիքի զուգադիպությունների մասին՝ լեզվաբանը նկատում է, որ դրանք հայերենի՝ այլ լեզուներից կատարած փոխառությունների արդյունք չեն: Ըստ նրա՝ առաջին շերտը կազմում են այն զուգադիպությունները, որոնք,

անկախ ցեղակցական հարաբերություններից և շփումներից, առկա են զրեք բոլոր լեզուների մեջ. այս շերտը նա պայմանականորեն անվանում է «տարրական ցեղակցության բառեր»: Երկրորդ շերտը կազմում են այն զուգայիպությունները, որոնք արդյունք են սեմականից կատարված հնդկության հագույն փոխառությունների (*Գ.Զահուկյան, ՀՀՊ, ՆԺ, էջ 450*): Եթրայերենում *dhuer բառն ունի բարե պատ, սյունաշար իմաստը. գուցեկ հնագույն ժամանակներում այն հայերենում ևս ունեցել է պատ իմաստը, որը իմաստային փոխանցումով պահպանվել է հայերենի բարբառներում՝ արդեն պատի մեջ բաց արած պահարան իմաստով, ինչպես պատուհանի դեպքում, որի սկզբնական նշանակությունն է եղել «Ծակ որմոյ տան առ ՚ի կողմանէ կամ ի վերուստ ի պէտս անցից լուսոյ և հողմոյ, որպէս թէ հողմանցոյց, որպէս դռնակ»:

Հայերենի բարբառների մի ստվար մասում սեմյակում պատի մեջ քողած, երեսը բաց պահարան իմաստով գործածվել է պատրիան բառանունը: *ՆՀԲ-ում վկայաբերված է պատուհան բառի երկու իմաստ՝*

1. Ծակ որմոյ տան առ ՚ի կողմանէ կամ ի վերուստ ի պէտս անցից լուսոյ և հողմոյ. լուսամուտ, լուսանցոյց.

2. Պահարան, խորշ, ծակ ի մեջ որմոյ (*ՆՀԲ, ԽԱ. 2, Ե., 1981, էջ 621*):

Հք. Աճառյանը պատուհան բառի համար ներկայացնում է հետևյալ իմաստները՝

1. լուսամուտ, 2. պատի մեջ պահարան:

Ըստ նրա՝ պատուհան-ի հնագույն ձևը պատուրիան-ն է (*Հր.ԱՃ., ՀԱԲ, ԽԱ. 4, 1979, էջ 50*): Գիտնականը *ՆՀԲ-ի* մեկնությունը (պարսկերեն «պատիոն, պատխէն, որպէս թե հողմանցոյց և յն որպէս դռնակ» կամ այլ մեկնաբանությամբ հողմամուտ, պատուհան» «անհարմար» է համարում և վկայակոչում է *Փ.Տեր-Մովսեսյանին*, որը պատուհան-ը ստուգաբառում է որպես հայերեն պատ և հանել բառերից առաջացած բառածե, իբր պատի մէջ ծակ:

Ըստ *Գ. Զահուկյանի*՝ իին ձևը պատուրիան-ն է՝ առաջացած իրանական *pati-frāna*(*pati-frāna*) ձևից (*Գ. Զահուկյան, ՀՀՊ, ՆԺ, էջ 540*): Լավենտի Հովհաննիսյանը նշում է, որ պատուհան-ը ստուգաբառում է որպես հայերեն պատ և հանել բառերից առաջացած բառածե, իբր պատի մէջ ծակ:

կումներ կան մի շարք իրանագետների կողմից: Առանձնացված է հատկապես Է. Բենվենիստի ստուգաբանությունը. «Միջին իրանական *pātfrās*-ի համարանությամբ՝ հյ. պատուհան, տեսնում է միջ. իրանական **pātrfān*<**pāti.pāna.*frāna*, սնս. *prāna*, սողդ., *br' n. br' n*(=fran) «փչել» **patifrana* կազմության մեջ տեսնելով «օդանցք, լուսամուտ» խմաստը (BSL, 1957, 63): Ըստ գիտնականի՝ ավելի հավանական է թվում Բենվենիստի բացառությունը, մանավանդ որ **patifrana*-ի համապատասխանությունը ակնհայտ է հատկապես պատուհանի պատուրիան տարբերակի հետ, որն ավելի հին ձև է և պահպանված է նաև արդի որոշ բարբառներում (*անս L.Հովհաննիսյան, Հայերենի իրանական փոխառությունները*, Ե., 1990, էջ 257):

Հայերենի բարբառներում սենյակում պատի մեջ քողած, երեսը բաց պահարան հասկացության բառազուգարանություններ են պատուհան և պատրիան բառաձևերը՝ մի շարք հնչյունական տարբերակներով:

Պըտըրիան հնչյունական տարբերակն առկա է բարբառների արևելյան խմբակցության Ղարաբաղ-Շամախիի միջ-բարբառախմբի խոսվածքներում (Գորիս, Հաղորութ, Կիրովագան և այլն): Նախիջևանի Տանակերտ գյուղում փաստված է պըտօրան, Ագուլսում՝ պըտըրիօն, Եղեգնաձորի Հորս գ.-ում՝ բըդըրիան տարբերակը:

Պատուհան կամ պատուխան հնչյունական տարբերակները փաստված են Վանի միջբարբառախմբի խոսվածքներում (Վանի Արճակ, Արտամետ գ., Արծկեի շրջ. Հառեն և Արջրա գ.-եր), կղզյակների ձևով՝ նաև Մուշ-Շիգրանակերտի բարբառախմբի բարբառներում (Մուշի Եկմալ, Լաթար գ.-եր, Քաղեշի Շամիրամ գ.): Առավել «աղավաղված» հնչյունական տարբերակներով հանդես են գալիս բարբառների արևմտյան խմբակցության մի շարք խոսվածքներում, օրինակ՝ Սվեղիայի Խտրբեկ գ. - բաղիկուն, Զնշկածագ - բաղիկօն, բաղիֆօն, Շիգրանակերտ - բըդնիան, Քեսար - բեղիկուն, Խարբերդ - բաղիֆօն (բաղիֆօն): Որքան էլ տարօրինակ թվա, պարզվում է՝ այս «աղավաղված» ձևերը հնագույն անաղարտ տարբերակներն են:

Մյուս բառանունը, որը գործածվում է սենյակում պատի մեջ բացված պահարան խմաստով, խլվակ բառազուգարանությունն է, որ առկա է Կարճևանի բարբառում: Հիշյալ բառը

փաստված է նաև Աճառյանի գավառական բառարանում: Խլուակ - պատի մեջ փորուած դարակ, ըրաֆ (*Հ. Աճառյան, Հայերէն գաւառական բառարան, Թթվլիս, 1913, էջ 472*): Ըստ Է. Աղայանի բացատրական բառարանի՝ խլվակ-ը նաև խովակ իմաստն ունի, որն է՝ ջրի անցք, ծակ, որ քողնում են այգու և պարտեզի պատերի տակից, որտեղից ջուրը մտնում է այգին կամ պարտեզը: Խովակ բառը արձանագրված է նաև Ս. Ամատունու «Հայոց բառ ու բան»-ում (*Ս. Ամատունի, Հայոց բառ ու բան, Վաղարշապատ, 1912, էջ 295*)՝ նույն բացատրությամբ:

Կարծում ենք՝ բարբառային խլվակ զուգաբանությունը սերտ առնչություն ունի խողովակ բառի հետ: L-ի և դ-ի՝ որպես ինքնուրույն հնչույթներ գիտակցվելու և հնդեվրոպական L-ի տարատեսակները լինելու օգտին են խոսում մեր բարբառներում պահպանված այն բառաձևերը, որոնք մերք դ-ով, մերք լ-ով են հանդես գալիս: Հ. Մուրադյանը, խոսելով այս երևույթի մասին, գրում է, որ հայերենում երկու L-երի տարրերակումը ամենայն հավանականությամբ կատարվել է հնդեվրոպական լեզվավիճակից հայերենին անցնելու ճանապարհին, երբ աստիճանաբար ձևավորվում ու կայունանում էր նախահայերենի արտասանական բազան: Այն հանգամանքը, որ դասական հայերենի շրջանից մեզ ավանդված են ծագումնաբանական նույն արմատից սերած, բայց իմաստային տարրեր երանգներ ունեցող բառեր, որոնք հակադրվում են իրար միայն լի կամ դի գրությամբ, խոսում է հենց այդ երկու հնչույթների մասին: (Հ. Մուրադյան, *Հայոց լեզվի պատմական քերականություն, Ե., 1982, էջ 209*): Այսինքն՝ նույն կերպ խլվակ-ը խողովակ բառի մի տարրերակն է՝ խողովակ > խըղըվակ - խըլվակ: Ի հաստատումն այս ամենի՝ բերենք խողովակ բառի մեկնությունը ըստ Աճառյանի. «Խողովակ - (գրված է նաև խողովակի, խողուակ, խուղակ) «փողրակ, ջրի կամ ուրիշ մի հեղուկի անցք»: Ըստ Ալիշանի Հին հաւ. 127, 129՝ աստիճ անունը գրուած է նաև խողովակ, հոլովակ... զվո. նույն բառերն են խովակ՝ Սվ. պատերի ստորոտը բացուած ջրի շատ նեղ անցք, խլվակ՝ Հին Զդ. «պատի ստորոտը բացուած ծակ, որից ջուրը ներս է հոսում» (*ՀԱԲ, հատ 2, 1973, էջ 389*):

Այս ամենից կարելի է եզրակացնել, որ պատի մեջ ծակ, որով

զուրը ներս է հոսում, իմաստից բառիմաստային ճյուղավորմամբ առաջացել է պատրիան՝ սենյակում պատի մեջ քողած, երեսը բաց պահարան իմաստը:

Քարբառներում հանդիպող թարեք բառաձևը՝ սենյակում պատի մեջ քողած, երեսը բաց պահարան իմաստով, գարակ բառի բարբառային տարրերակն է: Հր. Աճառյանը այս բառը համարում է իրանյան փոխառություն՝ պիլ daran ձևից առաջացած» (*ՀԱԲ, հա 1, 1971, էջ 633*): Ա.Սուրիհասյանը «Հայոց լեզվի հոմանիշների բառարանում» դարակ գլխաբառի տակ զետեղել է թարեք բառը՝ որպես պատի միջի դարակ (*Ա.Սուրիհասյան, Հայոց լեզվի հոմանիշների բառարան, Ե., 1967, էջ 163*): Հայոց լեզվի բարբառային բառարանում ևս փաստված է հիշյալ բառը. Թարեք՝ պատին ամբացված հորիզոնական տախստակ՝ վրան ամանեղեն և ուրիշ մանրմունք իրեք դնելու համար (*Հայոց լեզվի բարբառային բառարան, հա 2, Ե. 2002, էջ 86*): Ըստ ՀԲԱ ծրագրի հավաքած նյութերի՝ առկա է Համշենում՝ թարակ, Սասունում՝ թարիկ. Ախալցխայի Ջուղա և Ծղալթքիլա գյուղերում՝ թարեք, Կարսում, Մուշում՝ թարեք և այլն:

Լոռու տարածքում (Թումանյանի Շամուտ, Իջևանի Ծաղկավան գյուղերի խոսվածքներում) կղզյակի ձևով առկա է զանցինա բառանունը՝ որպես որմնախորշ հասկացության բառագուգարանություն:

Գանցինա բառազուգարանությունը սերտորեն առնչվում է զանձանակ բառի հետ: Հր. Աճառյանը զանձանակ բառի հանար տախս է հետևյալ բացատրությունը. «Գանձարան, սնդուկ, դրամարկղ»: Նույն պիլ. *ganjānak* համենատում է պլր. *ganjēna* «զանձարան մքերանոց, նկուղ», որը ծագում է *ganj* «զանձ» բառից: Ծրողերը հունարեն և պարսկերեն ձևերը հայերենից փոխառյալ է համարում:

Գ. Զահորկյանը զանձ-ը և նրանից ածանցված զանձանակ բառերը համարում է պարսկերեն փոխառություն: Գիտնականը հիշատակում է Հ. Հյուրշմանի «Պարսկական ուսումնասիրություններ» աշխատությունը, որում մեղական աղբյուրից փոխառյալ են համարվել հայերեն թրիճ, զանձ, պղիճ բառերը, որոնց մեջ առկա են ժ՝ փոխանակ ք-ի: Խսկ մեղերենը համարվում է հյուսիսարևմտյան իրանական լեզու, և այն հայերենի հետ

ամենից ավելի վաղ շփման մեջ մտած իրանական լեզուներից մեկն է, ընդ որում՝ այդ շփումը բավական երկարատև է եղել (տե՛ս Գ. Զահուկյան, Հայոց լեզվի պատմության Նախագրային ժամանակաշրջան, էջ 505, Ե. 1987թ.):

Մեր կարծիքը հետաքրքիր ճանապարհորդություն է կատարել զանձանակ բառը: Վերջինս պարսկերենից անցել է Վրացերենին, իսկ վրացերենից՝ զանցինա տարբերակով Լոռու բարբառին: Այսինքն՝ զանցինա-ն զանձանակ բառի այլափոխված (աղավաղված) տարբերակն է (հմմտ. Գանձակ-Գյանջա): Հր. Աճառյանը ՀԱԲ-ում ևս փաստում է զանցինա բառածերը. «Վրաց. զանձանակի «նկեղեցու պնակ» համարում է հայերենից փոխառյալ» նշանակության պատճառով, իսկ զանցինա՝ «զանձանակ, դարակ» պարսկերենից փոխառյալ ձևի պատճառով, (տես Հր. Աճառյան ՀԱԲ, հոդ. 1, էջ 517-518, Ե. 1971թ.):

Սասունի Հազգո գյուղի խոսվածքում հանդիպում է պըդնորտ բառածեր՝ քննության առարկա իմաստով: Ենթադրում ենք՝ այն պահենորդ բառի բարբառային տարբերակն է:

Բարբառային բառերի մեջ սենյակում պատի մեջ երեսը բաց պահարան նշանակությամբ հիշատակելի է նաև ծալքատեղ բառանունը, որը գործածական է Արարատյան բարբառի խոսվածքներում՝ իմաստային որոշակի տարբերակնամբ: Օրինակ՝ Օշականի խոսվածքում պըդըրիան-ը պատի մեջ փոքր պահարան է, իսկ ծալքատեղ-ը՝ մեծը, որը ծառայում է անկողին պահելու համար:

Պատի մեջ պահարան հասկացության համար, ինչպես արդեն նշել ենք, բարբառներում գործածվում են նաև մի շարք փոխառյալ բառեր: Այսպես՝

1. Փանջարա: Պարսկական փոխառություն է: Մեր բարբառներում այն փաստված է դեռևս միջնադարյան քնարերգության մեջ (իիշենք Սայաթ-Նովայի «Աշխարս մե փանջարա է» տաղը), իսկ մի շարք հնչյունական տարբերակներով դրսորվում է Փոքր Ասիայի բարբառախմբի Կարինի բարբառում (Ախալքալաքի Վաշիան գ.՝ փընճըրը, Գյումրի՝ փանջարա, Ախալքալաքի Օլավերդ գ.՝ փանճարան): Երբեմն բարբառներում տեղի է ունենում իմաստային տարբերակում. հիշատակված փանճարան-ն Ախալքալաքի Օլավերդի խոսվածքում, օրինակ,

ափսեների համար հատկացված պահարանն է, իսկ անկողնու պահարան իմաստով գործածվում է տօլապ-ը:

Փանջարա բառանունը փաստված է նաև հարավկենտրոնական բարբառախմբի որոշ խոսվածքներում (Խութի Շեն, Թաղավանք գ.-եր, Սասունի Իրիցանք գ. և այլն): Հիշյալ բառանունը վկայված է նաև Օրդուի Չիբլուխու գյուղի խոսվածքում (Փանջարա):

2. դոլաբ: Պարսկական փոխառություն է՝ պատի մեջ խորշ իմաստով: Ցրիկ տարածքի հատկանիշ է դրսնորում՝ հանդիպելով Հաջընի բարբառում՝ դոլօթ, Վանում՝ դոլապ, Պարտիզակում՝ տոյօլաբ, Գանձայում՝ դոլափ, Խարբերդում, Արաքիրում, Մալաթիայում, Ալաշկերտում, ինչպես նաև Պարսկահայրի խոսվածքներում՝ դոլաբ:

3. շըքաբ: Փոխառյալ է արարերենից: Գործառում է հարավկենտրոնական բարբառախմբի Տալվորիկ-Մոտկանի (Նիշ գ.) և Բուն Սասունի բարբառներում:

4. յուր: Թուրքերեն-ռուսերեն բառարանում այս բառը հետևյալ բացատրությունն ունի՝ 1. խորշ, 2. պահարան անկողնու և հազուստեղենի համար, յուրքով պատի մեջ փորփած անկողնակալ, որի երեսին շոր են քաշել: Արձանագրփած է Մերաստիայի Զառա գյուղաքաղաքի խոսվածքում, Ակնում, Ասլանբեկում, լնուազլուկ ձևով՝ Անտիոքի Բեյլանում՝ որպես անկողնու պահարան:

5. մուսլուղ, մուսանդարա: Թուրքերեն-ռուսերեն բառարանում մուսլուղ-ը բացատրված է որպես ծորակ՝ հավանաբար ջուրը հոսելու անցք (ինչպես խլվակի դեպքում) իմաստով, իսկ մուսանդարա-ն՝ որպես պատի մեջ մեծ պահարան անկողնու համար (Վան, Նիկոմեդիայի Ադրբազար):

6. ռաֆք: Թուրքերեն փոխառություն է՝ փաստված Երևանի Նորքում:

7. դկուրալա: Հիշատակված է Եղեսիայի Գարմունջ գյուղում, դկուրալա-ն՝ Սևերեկում. հնարավոր է՝ փոխառություն է արարերենից:

8. դիլով: Ծագումը մեզ անհայտ է: Քանի որ բառը փաստված է Վարդաշենի Յաղափլու գ.-ում, հնարավոր ենք համարում աղվանական ցեղերի լեզուներից փոխառություն լինելը:

9. բախչա: Պարսկերենից փոխառյալ բառ է՝ պատի մեջ

խորշ ամանեղենի կամ անկողնու համար իմաստով (Պարսկահայք՝ Փերիա, Ջյարվանդի շրջան, Չահարմահալի շրջան):

Հայերենի բարբառներում սենյակում պատի մեջ բացած պահարան իմաստով առկա են նաև նոր՝ ոռուսերենից փոխառյալ բառեր՝ ակոշկա, շկաֆ (Մուշի Դուզնուգ գ., Նախիջևանի Շուռուտ գ.):

Այսպիսով՝ սենյակում պատի մեջ պահարան հասկացության բառանունների քննությունը հայերենի բարբառներում մեկ անգամ ևս վկայում է, որ հնագույն ժամանակներից մինչև մեր օրերը ավանդվել են ժողովրդական լեզվամտածողությանը բնորոշ տարրեր, որոնք իին հայերենից անցել են բարբառներին՝ իմաստային որոշակի զարգացումներով, ինչպես նաև գործածվել են փոխառյալ բառեր, որոնք բարբառներ են մուտք գործել այս կամ այն ճանապարհով:

Ընդհանուրիայերենյան լեզվական հատկանիշները
բարբառներում

Մարդկային լեզուն դրսորվում է առանձին լեզուների ձևով, որոնցից յուրաքանչյուրը մյուսներից տարբերվում է իր հնչյունական համակարգով, բառապաշարով և քերականական կառուցվածքով: Միաժամանակ, տարբեր լեզուներ հանդես են թերում առավել կամ պակաս ընդհանրություններ: Լեզուների համեմատական ուսումնասիրությունը վեր է հանում նրանց թե տարբերությունները, թե ընդհանրությունները, ինչը բույլ է տալիս կատարել տիպարանական ու ցեղակցական դասակարգումներ:

Անցյալ դարի վարսունական թվականներից սկսած՝ լեզվաբանության մեջ կարևորվել է լեզվական այնպիսի հատկանիշների վերլուծության անհրաժեշտությունը, որոնք միավորում են լեզուների որոշակի բազմություն կամ աշխարհի բոլոր լեզուները: Լեզվաբանության պատմության մեջ հարցադրումը նորություն չէր: Լեզուների ընդհանրությունները այս կամ այն չափով դիտարկվել են դեռևս հին ժամանակներից սկսած: Լեզվաբանական գրականության մեջ նշվում է, որ գրեթե բոլոր դարաշրջաններում էլ լեզվաբանները դեկավարվել են լեզուներում որոշակի երևույթների ընդհանրականության վերաբերյալ պատկերացումներով¹: Նոր ժամանակներում դրանց հաճագամանորեն անդրադարձել են Պոր – Ռոյալի քերականության (17-րդ դար) հեղինակները, որոնք նպատակ էին դրել «սահմանել բոլոր լեզուների քերականական ընդհանուր սկզբունքները և նրանց հիմնական տարրերությունների պատճառները»²: Լեզուների ընդհանրությունները ժամանակակից լեզվափիլխոփիայության ու ընդհանուր լեզվաբանության հիմնադիր Վիլհելմ Ֆոն Հումբոլդտին բույլ են տվել անելու այսպիսի դատողություն. «Լեզվի մեջ այնքան հրաշալի կերպով է համաձայնեցված անհատականը համընդհանուրի հետ, որ միատեսակ ճիշտ է ասել, թե ողջ մարդկային սեռը խոսում է մեկ լեզով և որ յուրաքանչյուր մարդ ունի իր լեզուն»³:

¹ Новое в лингвистике, выпуск V, М., 1970, с. 5.

² Գ.-Զահուլյան, Լեզվաբանության պատմություն, հ. 1, Եր. 1960, էջ 253:

³ Նշվ. աշխ., էջ 343:

20-րդ դարի երկրորդ կեսին ընդհանրական երևույթների վերլուծությունը պայմանավորված էր լեզվաբանական տիպաբանության զարգացմամբ, որի խնդիրն էր աշխարհի լեզուները դասակարգել ու խմբավորել նրանց քերականական կառուցվածքի ընդհանրությունների հիման վրա⁴: Այդ նպատակին հասնելու համար առաջադրվում է լեզվական հանրույթների (ունիվերսալիաների) խնդիրը, հրապարակվում է «Լեզվական հանրույթների մասին հուշագիրը», որի հեղինակները նշում են. «Աշխարհի լեզուների անսահման ու ապշեցուցիչ բազմազանության հետևում թարմված են նրանց բոլորի համար ընդհանուր հատկությունները: Բոլոր անսահման տարբերություններով հանդերձ՝ պարզվում է, որ լեզուները ստեղծված են կարծես մեկ միասնական օրինակով»⁵: Լեզվական հանրույթը (ունիվերսալիան) Չ. Հոկետը սահմանում է հետևյալ կերպ. «Լեզվական հանրույթը որևէ հատկանիշ է կամ հատկություն, որը հատուկ է բոլոր լեզուներին կամ լեզվին՝ ամբողջությամբ վերցրած»⁶, իսկ ընդհանուր առմամբ՝ լեզվական հանրույթ են համարվում նաև այն օրինաչափությունները, որոնք ընդհանուր են լեզուների բացարձակ մեծամասնությանը, այսինքն՝ ոչ բոլոր լեզուներին⁷: Լեզվական հանրույթների ուսումնասիրությունը, վերջին հաշվով, նպատակ ունի պատասխանելու հետևյալ հարցերին. ա) ընդհանրապես ի՞նչ կարող է լինել և ի՞նչ չի կարող լինել լեզում, թ) այս կամ այն լեզվի կառուցվածքում հետաքրքրություն ներկայացնող ի՞նչ յուրահատկություն կա⁸:

Կարծում ենք՝ լեզվական հանրույթների հասկացությունը կիրառելի է նաև մեկ լեզվի շրջանակներում, եթե նկատի ունենանք տվյալ լեզվի բոլոր դրսևորումներում հանդես եկող հատկանիշները: Պարզ է, որ առանձին լեզվի հանրույթները իրենց բնույթով պակաս վերացական ու ավելի կոնկրետ կլինեն, քան ընդհանուր լեզվական հանրույթները, բայց առաջինների վեր-

⁴ Общее языкоизнание (Внутренняя структура языка), М., 1972, с. 545. Е. Р. Аղյան, Լեզվաբնության հիմունքներ,Եր. 1987, էջ 687:

⁵ Меморандум о языковых универсалиях, Новое в лингвистике, выпуск V, М., 1970, с. 31.

⁶ Ч. Ф. Хоккетт, Проблема языковых универсалий, Новое в лингвистике, выпуск V, М., 1970, с. 45.

⁷ Новое в лингвистике, выпуск V, Москва, 1970, с. 10.

⁸ Նշ. աշխ., էջ 10-11:

հանումն ու նկարագրությունը կարևոր նախապայման կարող է դառնալ երկրորդների ձևակերպման համար:

Յուրաքանչյուր առանձին լեզու, ամբողջականությամբ հանդերձ, իր բոլոր դրսերումներում միասնական ու միօրինակ չէ: Ամեն մի լեզու ունի խոսակցական, բարբառային տարրերակներ, որպես կանոն՝ նաև գրական տարրերակ, որոնցից յուրաքանչյուրը առանձնանում է տվյալ լեզվում դրսերվող հատկանիշների յուրահատուկ խնճավորումով, առանձին դեպքերում՝ նաև միայն իրեն հատուկ հատկանիշով կամ հատկանիշներով: Որևէ լեզվի ամբողջական ուսումնասիրությանը, մեր կարծիքով, կարող է նպաստել այդ լեզվի շրջանակներում հանդես եկող բոլոր լեզվական հատկանիշների վերհանումը, ինչպես նաև դրանցից այն հատկանիշների զատումը, որոնք ընդհանուր են տվյալ լեզվի բոլոր կամ գրեթե բոլոր դրսերումների համար. Վերջիններս կկազմեն տվյալ լեզվի հանրույթների ամբողջությունը, նրա հիմքը, ատաղձը կամ միջուկը, որը, համարվելով այլ հատկանիշների այս կամ այն խմբով, ձևակորում է այդ լեզվի դրսերման այս կամ այն տարրերակը: Փաստորեն, որևէ լեզվի ցանկացած տարրերակային դրսերման հիմքում ընկած են տվյալ լեզվի համար պարտադիր ընդհանուր հատկանիշներ, որոնք յուրաքանչյուր դեպքում զուգորդվում են ամբողջ լեզվի համար ոչ պարտադիր, բայց տվյալ լեզվի շրջանակներում զործառող հատկանիշների յուրահատուկ փնջով: Ե.Աղայանը այս առումով իրավացիորեն նշում է, որ յուրաքանչյուր լեզվի «բոլոր տարրերակների մեջ պահպանվում են տվյալ լեզվի բառապաշարի, քերականական կառուցվածքի, հնչյունական համակարգի ամենաէական, բոլոր տարրերակներին ընդհանուր հատկանիշներն ու միավորները: ... որևէ հանրության լեզվի ընդհանրությունն ու միասնությունը պետք է դիտել որպես նրա բոլոր տարրերակներին հատուկ, բոլոր տարրերակների մեջ դրսերվող ընդհանուր հորինվածքի, ընդհանուր բառապաշարի, հնչյունական համակարգի, քերականական ձևերի, հնչյունների, շարահյուսական կառուցվածքի ամբողջությունը»⁹: Այսպիսով, եթե նկատի ունենաք, որ առանձին լեզվի ցանկացած դրսերում իր մեջ զուգորդում է ընդհանուրը և մասնավորը, հումքոլդտյան վերը քերված արտահայտությունը հայերենի դեպքում կարող ենք

⁹ Ե.Բ.Աղայան, նշվ. աշխ., էջ 92:

Վերաշարադրել հետևյալ կերպ. միատեսակ ճիշտ է ասել, թե ողջ հայությունը խոսում է մեկ լեզվով և թե յուրաքանչյուր բարբառախոս հայ խոսում է իր բարբառով:

Պետք է նշել, որ հայ լեզվաբանության մեջ առավելաբար ուշադրության արժանացել են հայերենի տարբերակների լեզվական առանձնահատկություններն ու տարբերությունները: Այսպես, գրական լեզվի ուսումնասիրությանը նվիրված աշխատություններում ներկայացվում ու մեկնաբանվում են այդ լեզվափիճակի նորմատիվ իրողությունները, և առանձին դեպքերում մերժվում են հանդիպող սխալ, ոչ գրական իրողությունները, իսկ բարբառներին նվիրված ուսումնասիրություններում շեշտը դրվում է լեզվական տարբերությունների վրա, ընդ որում՝ այդ տարբերությունները վեր են հանվում կամ գրաբարի, կամ արդի գրական հայերենի, հետ համեմատությամբ: Բարբառներում դրսկորվող այդպիսի յուրաքանչյուր լեզվական տարբերություն համարվում է բարբառային հատկանիշ, ու բարբառները բնութագրվում են նման հատկանիշների ամբողջությամբ: Վերջին հարյուրամյակում առանձին բարբառների ուսումնասիրությանն ու նկարագրությանը նվիրված հայագիտական աշխատություններում ներկայացվում է տվյալ լեզվական համակարգը՝ իր տարբերակիշ հատկանիշներով, և այդ հատկանիշների հաշվառումով էլ կատարվել են բարբառների ծևաբանական, հնչյունաբանական դասակարգումներ: Առավել ընդգրկունք, իհարկե, Գ. Զահուկյանի կատարած բազմահատկանիշ դասակարգումն է՝ հնչյունական և ծևաբանական հարյուր բարբառային հատկանիշների ընդգրկումով, ինչը մեծ լեզվաբանին թույլ է տվել, իր խոսքերով ասած, խոսափել միակողմանիությունից, «քարբանները, ենթաբարբառներն ու խոսվածքներն առանձնացնելիս ենել օրյեկտիվ չափանիշներից և հնչյունաբանական ու քերականական առանձնահատկությունները բաշխել ըստ պատմա - աշխարհագրական սկզբունքների»¹⁰: Նշենք նաև, որ Գ. Զահուկյանի «Հայ բարբառագիտության ներածություն» աշխատությունը թե իր մերողի ու սկզբունքի նորությամբ և թե բերած հակայական նյութով նոր հեռանկարներ է բացում հայերենի բարբառների հետագա ուսումնասիրության համար:

Լեզվական տարբերությունները, տվյալ դեպքում՝ բարբա-

¹⁰ Գ. Բ. Զահուկյան, Հայ բարբառագիտության ներածություն, Եր. 1972, էջ 28:

ոային հատկանիշները ներկայացնելիս, ինչպես նշում է Գ.Զահորովը, պետք է ունենալ համեմատության որոշակի եզր: «Հարբառագիտության մեջ մինչև հիմա սովորաբար այդպիսի եզր է ծառայել գրաբարը, երբեմն էլ արևելահայ կամ արևմտահայ գրական լեզուն»¹¹, - գրում է մեծ լեզվաբանը և ապա եզրակացնում: «Այսպիսով, ստացվում են տարբեր դեպքերի համար տարբեր էտալոններ, և կորչում է մի կողմից՝ բարբառային միավորների առանձնացման ընդհանուր չափանիշը, մյուս կողմից՝ միևնույն միավորների տարբեր կողմերի նկարագրության միասնականությունը»¹²: Ելքը մեկն է՝ «ընդհանուր դասակարգում կատարելիս բոլոր դեպքերում ունենալ համեմատության միևնույն էտալոնը», բայց հարց է ծագում՝ «ո՞րը պետք է լինի այդ էտալոնը»¹³: Գ.Զահորովը առաջարկում է այսպիսի լուծում. «որոշել բարբառային հատկանիշները և դրանց հետևողական բացառմանը հասնել մի վերացական «ոչ բարբառային» վիճակի, որ կբնութագրվի բոլոր դեպքերում որպես ոչ նշանակիր անդամ: Այդ վերացական «ոչ բարբառային» վիճակը բոլոր 100 հատկանիշների համար կունենա միայն բացասական (զրո) նիշեր, իսկ գրական լեզուները և բարբառները՝ նաև դրական նիշեր՝ 1-ից մինչև 100-ի սահմաններում (ավելի ճիշտ մի քանիսից մինչև մի քանի տասնյակ), ընդ որում գրական լեզուները՝ սովորաբար ավելի քիչ չափով»¹⁴: Ի դեպ, այդ վերացական «ոչ բարբառային» վիճակը Գ.Զահորովը անվանում է նաև «փոփառական վիճակ», որին և գրական լեզուներին, նրա կարծիքով, որքան ավելի կմոտենան բարբառները, այնքան ավելի մաքուր կլինեն¹⁵: Փաստորեն, Գ.Զահորովը նշած «ոչ բարբառային, իդեալական» վիճակը գրական լեզուն է՝ առանց իր համար հիմք դարձած բարբառի բարբառային հատկանիշների: Այստեղից էլ հետևում է մեր կարծիքով ոչ ճիշտ դիտարկումը բարբառների մաքրության մասին: Բարբառը, ինչպես և գրական լեզուն, լեզվական համակարգ է, որը մաքուր կամ անմաքուր լինել չի կարող¹⁶:

¹¹ Նշվ. աշխ., էջ 39:

¹² Նոյն տեղում:

¹³ Նոյն տեղում:

¹⁴ Նշվ. աշխ., էջ 40:

¹⁵ Նոյն տեղում:

¹⁶ Գրական լեզվի կամ որևէ բարբառի մաքրության ցուցանիշ բերևս կարող է լինել միայն օտար անհարկի փոխառությունների սակագործությունը:

Խոր կարող է զնալ ընդամենը գրական լեզվին տվյալ բարբառի մերձակցության մասին, ինչը բարբառի համար՝ իբրև լեզվական համակարգի, դրական կամ բացասական բնութագրման ու զնահատման շափանիշ լինել չի կարող. Վայրի պտուղները հաճախ շատ ավելի համեղ են ու օգտակար, քան նրանց տնաբույս, մշակված կամ ջերմոցային օրինակները:

Կարծում ենք՝ բարբառային հատկանիշները որոշելիս և ներկայացնելիս համեմատության եզր կարող են դառնալ հենց համահայերենյան լեզվական հատկանիշները կամ հանրույթները, որոնց ամբողջական վերհանումն ու նկարագրությունը բույլ կտա ունենալու հայերենի հիմնական և ընդհանուր բնութագիրը՝ ավելի ամբողջական տեսքով: Ունենալով համեմատության նման ճշգրիտ ու միասնական եզր՝ ավելի որոշակի կարելի կլինի ներկայացնել գրական ու խոսակցական լեզուների, բարբառների յուրահատկությունները: Ընդհանրությունները կարելի են որոշել և համաժամանակյա, և տարածամանակյա կտրվածքներով: Համաժամանակյա մոտեցման դեպքում թերևս ճիշտ կլինի ուսումնասիրության ոլորտում ունենալ միայն բարբառները, որովհետև գրական ու խոսակցական լեզուների ընդհանուրհայերենյան բոլոր հատկանիշները գալիս են հենց բարբառներից: Տարածամանակյա մոտեցման դեպքում ուսումնասիրության ոլորտում կարող են լինել հայերենի բոլոր դրսարրումները:

Հարցը համաժամանակյա կտրվածքով դիտարկելիս, կարծում ենք, կարելի է առանձնացնել լեզվական հատկանիշների այսպիսի խմբեր.

ա/ հատկանիշներ, որոնք հատուկ են հայերենի բոլոր բարբառներին, այսինքն՝ ընդհանուրհայերենյան են.

բ/ հատկանիշներ, որոնք հատուկ են բարբառների բացարձակ մեծամասնությանը և իրենց բնույթով նույնպես ընդհանուրհայերենյան են, ուղղակի ինչ-ինչ հանգամանքների բերումով բացակայում են մեկ-երկու բարբառներում.

գ/ հատկանիշներ, որոնք բնորոշ են տարբեր բարբառների, բարբառների որևէ խմբի և կարող են բնութագրական լինել դրանց համար.

Հատկանիշների բերված չորս խմբերի համար հերթականությամբ բերենք մեկական օրինակ.

ա/ հայերենի բոլոր բարբառները բառասկզբում ունենում են *փ,թ,ք,թ,շ,չ* բաղաձայններ.

թ/ հայերենի գրեթե բոլոր բարբառներում միավանկ բառերի սկզբնային *է* - ից առաջ առկա է *յ* - ի հավելում¹⁷.

զ/ Վասպուրականի և Պարսկահայրի բարբառներում հին-հայերենյան *հ* - ի դիմաց առկա է *յն*.

դ/ Բայազետի բարբառում շրթնային *ա* ձայնավորը ունի գերինչույթի արժեք. այն մի դեպքում *ա* հնչույթի տարբերակն է, մեկ այլ դեպքում ներկայացնում է երկրաբառային արտասանությամբ *ո* : Օրինակ՝ բարբառումս բացարձակապես նույն հնչումն ունեն *շար* /շարել/ և *շոր* /հազուստ/, *պաշ* /համբույր/ և *պոչ* /ազի/ բառազույգերը:

Հատկանիշների վերջին երեք խմբերը կարելի է ձևավորել՝ նկատի ունենալով Գ. Զահուկյանի ներկայացրած հարյուր հատկանիշները, ինչպես նաև նորանոր բարբառային տվյալների հաշվառումով: Ինչ վերաբերում է հատկանիշների առաջին խմբին, ապա այն կարելի է ձևավորել ըստ հնչյունական, բառապաշտարային և քերականական մակարդակների՝ առանձնացնելով այն ընդհանուրը, որը դրսևորվում է ուսումնասիրության ենթակա բոլոր բարբառներում: Բերենք այս կարգի համբույրների մեկական օրինակներ՝ ըստ լեզվի տարբեր մակարդակների.

ա. հնչյունաբանական - հայերենի բոլոր բարբառներն ունեն *ա,է,ի,օ,ու,ը* ձայնավորները.

թ/ քերականական - հայերենի բոլոր բարբառներն ունեն *եր* հոգնակերտ մասնիկ¹⁸.

զ/ բառապաշտարային - հայերենի բոլոր բարբառներն ունեն *հայր, մայր, քույր, ես, երկու* և նման բազմաթիվ այլ բառեր¹⁹:

Կրկին անդրադառնալով լեզվական հատկանիշների վերը քերված չորս խմբերին՝ նշենք, որ դրանցից առաջին երկու խմբերը ունեն ընդհանուր բնույթ և կազմում են լեզվի բուն միջուկը, իսկ վերջին երկուսը ունեն մասնավոր բնույթ և կազմում են բարբառային հատկանիշների ամբողջությունը: Ի դեպ, բարբառային հատկանիշների հետ համեմատելի են միայն գրական

¹⁷ Նշվ. աշխ., էջ 63 – 81:

¹⁸ Ար. Ղարիբյան, Հայ բարբառագիտուրյուն, Եր. 1953, էջ 137:

¹⁹ Քերականական և բառապաշտարային մակարդակներում հնչյունական զանազանությունները եական չեն:

լեզուներին բնորոշ առանձնահատկությունները՝ իքրեւ դրանց տարրերակիչ հատկանիշներ, որոնք նույնպես ակնհայտ կդառնան գրական լեզվից ընդհանուրհայերենյան հատկանիշները առանձնացնելուց հետո:

Արդի հայերենում դրսևորվող լեզվական բոլոր հատկանիշների վերհանումը, տարրերակված քննությունն ու դասակարգումը, այսպիսով, թույլ կտա ոչ միայն համալրել մեր լեզվի մասին եղած գիտելիքներն ու պատկերացումները, այլ նաև կնպաստի հայերենի յուրաքանչյուր տարրերակի առանձնահատկությունների ճանաչմանը, դրանց ուսումնասիրությանն առնչվող մի շարք հարցերի ճշգրտմանը:

ՆԿԱՏԱՌՈՒՄՆԵՐ ԼԱՏԻՆԱԲԱՆ ՀԱՅԵՐԵՆԻ
ՏԱՐԲԵՐԱԿԻՉ ՀԱՏԿԱՆԻԾՆԵՐԻ ՎԵՐԱԲԵՐՅԱԼ

1. Տարբերակիչ հատկանիշը բնութագրում է լեզուն ժամանակային (հին, միջին և նոր), տարածքային (բարբառ, ենթաբարբառ, խոսվածք և այլն) և գործառական (գրական կամ խոսակցական, ընդհանուր կամ անհատական և այլն) տարբերակների որևէ իրողություն: Այն կարող է առանձնացվել լեզվի ինչպես համաժամանակյա կտրվածքի հարաբերությամբ, այնպես էլ նրա պատմության տարբեր փուլերում տեղի ունեցած փոփոխությունների առնչությամբ, ընդ որում լեզվի տարբեր ճակարդակների միավորների ընդհանուր տեսության մշակման, ինչպես նաև դրանց կոնկրետ վերլուծության կամ նկարագրության նպատակով:

Տարբերակիչ հատկանիշներն առհասարակ բնորոշ են լեզվին, կազմում են նրա էական կողմը: Դրանք այն առանձնահատկություններն են, որոնք հիմք են հանդիսանում լեզուների տարբեր կարգի՝ պատմական, համեմատական, տիպաբանական և այլն ուսումնասիրությունների համար, հատկապես առանցքային նշանակություն ունեն լեզուների տարբերակային ուսումնասիրության մեջ:

Լեզվի ուսումնասիրությունն ըստ տարբերակիչ հատկանիշների առաջ է քաշվում քավականին ուշ, հիմնականում կառուցվածքային լեզվաբանության մեջ: Հայտնի են, օրինակ, ժամանակակից լեզուների հնչույթային համակարգի, ավելի կոնկրետ՝ կենդանի խոսքի համաժամանակյա ուսումնասիրության մեջ դրանց առանձնացումը և բնութագրումը (Ռ. Զակրյան և ուրիշներ), գրաբարի հնչյունական համակարգի առանձին՝ ինքն իր մեջ կատարված վերլուծությունը, հայերենի նոր բարբառների վիճակագրական դասակարգումը նման հատկանիշների գործադրմանը (Է. Աղայան, Գ. Զահոնկյան), որոնք օրինակ են ինչպես ուրիշ լեզուների, այնպես էլ հայերենի հետագա ուսումնասիրությունների համար¹:

¹ Հմմտ. Р. Яковсон, Г.М.Фант, М.Халле, Введение в анализ речи: Различительные признаки и их корреляты.- “Новое в лингвистике”, вып. 2, М., 1962. с. 173-230.

Ըստ այդմ տարբերակից հատկանիշներ կարելի է առանձնացնել ոչ միայն լեզվի կամ նրա որևէ վիճակի համաժամանակյա կտրվածքի հարաբերությամբ, այլև նրա պատմության տարբեր փուլերում տեղի ունեցած փոփոխությունների առնչությամբ:

Տվյալ դեպքում փորձում ենք ներկայացնել լատինարան հայերենի տարբերակից հատկանիշները՝ ենելով այն բանից, որ այն ընդգրկում է չորսուկես հարյուրամյակից փոքր-ինչ պակաս մի ժամանակաշրջան, գործածվել է որպես մի տեսակ արհեստական, ոչ կենդանի լեզու (կամ լեզվական տարբերակ) լինելու պայմաններում, ընդ որում ունեցել է մերք բուն վերելք և մերք բավականին բույլ կամ աննշան դրսերում:

Բոլոր այն հայագետները, որոնք այս կամ այն չափով անդրադարձել են մեզանում լատինարան դպրոցի գործունեությանը, փոքրիշատե անդրադարձել են նաև այդ դպրոցի մշակած լատինարան հայերենի առանձնահատկություններին: Այս առումով բավականին նկատելի է Հ. Աճառյանի արածը, որն այնուամենայնիվ ամբողջական չէ, իեռու է այդպիսին լինելոց, որովհետև երևույթի բնորոշումը չի բխում համապատասխան գրավոր հուշարձանների տվյալներից, այլ իենվում է ընդամենը մեկ ուսումնասիրության՝ Հովհ. Հոլով Կոստանդնուպոլսեցու քերականական աշխատության տվյալների վրա: Սա թերի մոտեցում է թե՛ ժամանակային ընդգրկման և թե՛ փաստական նյութի ծավալի տեսակետից: Հետազա ուսումնասիրողներն այդ երևույթին անդրադարձալիս հիմնականում հենվում են Աճառյանի տվյալների վրա, այսինքն՝ մինչև այժմ չունենք լատինարան հայերենի պատմության որևէ ամբողջական և բատ ամենայնի ավելի նանրանասն ուսումնասիրություն: Այս տեսակետից լատինարան հայերենի տարբերակից հատկանիշներին անդրադարձալը ստանում է որոշակի կարևորություն մեր օրերի հայերենագիտության համար:

2. 14–18-րդ դդ. հայերենը որոշակի ազդեցություն է կրում ժամանակի, այսպես կոչված, մեռած լատիներենից, որը միջնադարյան Եվրոպայում կրոնաեկեղեցական, նաև ինչ-որ չափով գիտական, ընդ որում հիմնականում գրավոր, մասամբ բանավոր

М.С.Гурева, Н.А. Катагонишина, Сравнительно-сопоставительная грамматика романских языков (Галло-романская подгруппа), М., 1964. с. 22-27: Տես նաև Է.Բ.Աղայան, Գրաբարի քերականություն, հ. 1, Երևան, 1964: Գ.Բ.Զահորյան, Հայ բարբառագիտության ներածություն, Երևան, 1972:

հաղորդակցման միջոց էր, մասնավանդ կաթոլիկական եկեղեցու միջավայրում: Այն ընթանում է Հռոմի կաթոլիկական եկեղեցու միսիոներների և նրանց տեղական հետևորդների լեզվական արհեստական միջամտության պայմաններում:

Լատինաբան հայերենի տարրերակիչ հատկանիշների դրսւորումները երևան են գալիս համապատասխան գրական հուշարձաններում: Միանգամայն ընդունելի է այն մոտեցումը, ըստ որի լատինաբան հատկանիշներն, ըստ էության, այլ քանի չեն, քան մի կողմից՝ հեռացում, այսպես կոչված, «հայկաբան» հայերենից, մյուս կողմից՝ մոտեցում կամ համապատասխանեցում լատիներենին: Ուստի ստացվում է այնպես, որ հեռացումը ոչ թե հայերենի ներքին, բնականոն զարգացման ընթացքում երևան եկող «ինքնօտարում» է եղել, այլ արհեստական միջամտության հետևանք, իսկ մոտեցումն էլ ոչ այլ ինչ էր, քան անտարորդ լեզվի (որակապես «չտարրերակված լատիներենի», ասենք՝ իբրև ընդօրինակման նմուշ վերջինիս ո՞ր տարրերակն էր ընտրվում՝ դասակա՞նը, թե՞ հետդասականը) տարօրինակ ընդօրինակում²: Այս առումով ուշագրավ է այն, որ լատինաբանության սկզբնական շրջանում(14-րդ դ. 1-ին երեք քառորդում) լատինաբան հայերենի պատկերն այլ է, քան հետագայում, այսինքն՝ ավելի քիչ են լեզվական «խարարումները»: Ի թիվս այլ հանգամանքների՝ դա պայմանավորված է այն քանով, որ սկզբնապես, հատկապես այլ լեզուներից և լատիներենից կատարվող քարզմանությունների հարցում միարար քարոզիչներին զուգակցում էին հայ լուսավորչադավան կրոնավոր գործիչները: Այսպես, հայտնի է, որ լատիներենից հայերեն քարզմանություն անելիս Հովհաննես Երգնակացին (Ծործորեցին) օգնում կամ աջակցում էր Քարդուղիմեոսին, օրինակ, Թուվմա Արքինացու «Եօրն խորհրդոց գրքի» դեպքում³: Կարելի է կարծել, որ նման գործակցումը սկզբնական շրջանում դրականորեն էր ազդելու հայերենի անաղարտությանը հավատարիմ մնալու, լատինաբան, ինչպես նաև ժամանակի խոսակցական ձևերից, որքան որ հնարավոր էր, խուսափելու հարցում, որը խախտվում է հետագայում, հատկապես 17-րդ դ. ընթացքում:

² Տես «Եփոպա» (ամսաթերթ), 1848, թ. 14, էջ 16:

³ Տես Մաշտոցի անվան Մատենադարանի ծեռագիր թ. 560: Հմտ. «Բազմավեպ» (ամսագիր), 1911, էջ 140:Գար. Յովսէփեան, Խաղբակեանը կամ Պոռշեանը հայոց պատմութեան մէջ, 2-րդ հրատ, Անթիլիաս, 1969, էջ 248:

Այնուհետև, Հովհաննես Քոնեցու «Յաղագս քերականին» աշխատության գլուխական հրատարակությամբ շատ բան փոխվեց այս հարցում: Այդ գիրքը լատինարան հայերենի քերականական կառուցվածքի մի աննախօրինակ նկարագրություն է, քերականական մի շարք երևույթների վերլուծության մեջ հեղինակը հանդիս է քերում ոչ միայն ինքնուրույն մոտեցում, այլև որոշ դեպքերում (օրինակ՝ անունների սեռանիշ մասնիկների առանձնացման, դերանվան բնութագրման ու դասակարգման, բայի խոնարհման հետ կապված երևույթների բնորոշման հարցերում և այլն) տեղ է տրվում ժամանակի առումով համեմատաբար մոտ կանգնած քերականներից հատկապես Հովհաննես (Պլուտ) Երգնկացու և Հովհաննես (Ծործորեցի) Երգնկացու այս կամ այն մոտեցմանը⁴: Այս և նման մի շարք հանգամանքները բույլ են տալիս կարծելու, որ լատինարան հայերենի պատմության համեմատաբար լայն նկարագրության համար անհրաժեշտ է ամենից առաջ նկատի ունենալ հիշյալ դարերի գրական այն հուշարձանները, որոնք գրվելս են եղել լատինարան դպրոցի գործունեության ժամանակ, ինչպես նաև նրա ազդեցության պայմաններում:

3. Այդ գործունեությունն ու ազդեցությունը, կարծում ենք, եղել են քերականորեն անհավասարաշափ և գործառապես ոչ այնքան տարածված, այլև սկզբում ունեցել են համեմատաբար լայն ընդգրկում, իսկ հետագայում՝ շուրջ երկու-երեք հիսնամյակ, եղել են քավականին բույլ դրսորված, սակայն 17-րդ դ. և 18-րդ դ. առաջին կեսին վերստին դառնում են տարածված, մինչև որ լատինարանությունը լիովին հաղթահարվում է 18-րդ դ. 3-րդ քառորդից սկսած, թեև դրանից հետո նույնապես ինչ-ինչ ձևեր ինքնարերաբար տեղ են գտնում տարբեր կարգի գրական հուշարձաններում: Լատինարան հայերենով մեզ հասած գրական հուշարձանները բնութագրվում են արտաքին հանգամանքներով (բովանդակությամբ), այլև լեզվական առանձնահատկություններով (ձևով), որոնք ըստ Էության ներկայանում են իրեն տարրերակի հատկանիշներ: Վերջիններս բնորոշում են լեզվի

⁴ Տես Յովհաննես Քոնեցի, Յաղագս քերականին, բնագիրը հրատարակության պատրաստեց Լ.Ս.Խաչիկյանը, ներածությունը Լ.Ս.Խաչիկյանի և Ս.Ա.Ավագյանի, Երևան, 1977, էջ 69-72, 79, 85-86 և այլն:

տվյալ վիճակը ոչ միայն ամբողջությամբ, այլև նրա տարրեր կամ առանձին մակարդակների առումով:

Ավելորդ չեւ որ լեզվական հատկանիշները, տվյալ դեպքում, լինում են երկու կարգի՝ մենամակարդակային (միայն լեզվի տվյալ մակարդակում ի հայտ եկող) և միջմակարդակային (լեզվի երկու մակարդակներին հավասարապես վերաբերող): Առաջին դեպքում գործ ունենք հնչյունական, բառապաշարային, ձևաբանական և շարահյուսական, իսկ երկրորդ դեպքում, այսպէս կոչված, ձևահնչույթաբանական (морфофонологические) և բառակազմական-ձևակազմական (слово-формообразовательные) հատկանիշների հետ:

Լատինարան հայերենի տարրերակիչ հատկանիշների ընտրության սկզբունքների առումով կարելի է նշել հետևյալը: Նկատի ենք առնում՝ ա) նախկինում տարրեր առիթներով հայագետների կողմից նշված առանձնահատկությունները, բ)Հ.Աճառյանի «Հայոց լեզվի պատմություն» (մաս 2, Երևան, 1951, էջ 313-323) գրքում շարադրանքի ձևով բերվող տարրերությունները, գ)լատինարան հայերենի հատկություններ պարունակող կարևորագույն քերականությունների տվյալները, դ)լատինարան հայերենով ավանդված գրավոր հուշարձանների տարրեր կարգի լեզվական երևույթների կիրառությունները, ե)լատինարան նորամուծությունների հաղթահարումը (ըստ որում՝ օգտագործելով այդ խնդրին նվիրված մեր ուսումնասիրությունների արդյունքները):⁵

4. Մեր կողմից առանձնացվում է շուրջ 120 (ստույգ՝ 118) տարրերակիչ հատկանիշ՝ լեզվական մակարդակների հերթակարգությամբ, այն է՝ հնչույթային 11 հատկանիշ, բառային՝ 13, ձևաբանական՝ 76, շարահյուսական՝ 18: Ըստ էության ձևաբանական հատկանիշները 1,7 անգամ ավելին են, քան մնացած մակարդակներնը՝ միասին վերցված: Սա նշանակում է, որ լատիներենի օրինակով կազմված բառաձևերն ու կազմությունները լայնորեն տարածված են եղել լատինատիպ գրական հուշարձաններում: Ավելացնենք, որ տարրերակիչ հատկանիշների այսքան մեծ ամբողջություն նախկինում կատարված հայագիտական ուսումնասիրություններից ոչ մեկում գոյություն չունի:

⁵Տե՛ս նաև Վ.Գ. Համբարձումյան, Գրաբարի լատինատիպ նորամուծությունների հաղթահարումը XVII դարում. ՀԽՍՀ ԳԱ «Լրաբեր հասարակական զիտությունների», 1982, թ. 2, էջ 63-72: Նույնի՝ Գրաբարի գործառությունը որպես գրական լեզու ԺՀ-ԺԹ դր., Երևան, 1990:

ա)Հնչյունական հատկանիշները համեմատաբար քիչ են, ընդգրկում են սահմանափակ դեպքեր ու փաստեր, երևան են զալիս գործառական ոչ հավասար պայմաններում, գործելիս են եղել տարրեր ժամանակներում:

Դրանցից են՝ մին նախորդող ո-ի պահպանում բայի անցյալի հիմքում (*ընթեցայ, ձեռքածութիւն*), ւ-ի արժեքավորում իբրև ու, հատկապես *իւ երկրարբառի կազմում* (*արյուն*՝ «արյուն»), ք-ի վերածում գ-ի (*զիրգ «մեկ զիրք»*), նախահավելված է-ի գործածություն բոլոր դիրքերում (*էրեր, էտես «քերեց, տեսավ»*), օ և ֆ , այլև ու, և գրերի *«օրինականացում»* (դրանք բերվում են Հովի. Հովովի քերականության մեջ՝ այրութենի ցանկում), կրկնագիր դ-ի պարզեցում (*ընդէմ «ընդդեմ»*) և այլն:

բ) Ընտրված բառային տարրերակիշ հատկանիշները գրեթե նույնքան են, որքան հնչյունականը: Դրանք գերազանցապես առաձնացվում են գրական հուշարձաններից, քանի որ, ինչպես զիտենք, բառապաշարի հարցերը հայերենի քերականություններում առհասարակ ամենաքիչն են եղել, եթե շատենք ամենևին չեն եղել ուշադրության առարկա: Դրա հետևանքով, բնականաբար, շատ քիչ են, գրեթե բացակայում են «զատիճարան բառի» բաղադրության (կառուցվածքի) վերաբերյալ տվյալները: Այս դեպքում հատկանիշների առանձնացումը կատարում ենք բառակազմության և բառագործածության, այսպես կոչված, «տարրօրինակության» (լատիճարանության) ընթացիկ, բացառիկ (*էքսկլյուզիվ*) սկզբունքների հիման վրա, որքանով որ հնարավոր է փաստեր հայթայթել համապատասխան գրական հուշարձաններից:

Դրանցից են՝ մեկ և մեկից ավելի նախածանցի անհարկի, ընդ որում կից կամ անջատ գործածություն (*համախուզումն, փխի՝ խոկումն, մերապարառութիւն, ստորանկանիլ, փխ։՝ գտանել, մակ յաւելիլ, փխ. յաւելուլ*), ցուցական նա դերանվան վերածում անձնականի (*is, ea, id – նա*), բայական սոսկածանցի գործածություն՝ իբրև բառակազմական ածանց, այլև բայակազմական հիմքի տարածում (*թռչիմ ~ volo – թռնիմ ~ salto, ծանիմ ~ ծանաչիմ, յարիմ – յարնչիմ*), բարիմաստային պատճենում (*adprobatio ~ առվիրծեցումն «հավանություն», satisfactio ~ բաւարարութիւն «հատուցում», conjectura ~ փաղարկութիւն «կարծիք»), բառակապակցական պատճենում (*male sentio ~**

զգալ չարապէս), բառային փոխառություն (*Iedere «վնասել» ~ լետեմ, լետես, լետէ*) և այլն:

զ) Զեսաբանական հատկանիշները մեծ մասամբ դրսւորվում են գոյականի, ածականի, բայի և մակրայի, մասամբ խոսքի-մասային այլ միավորների (թվական, դերանուն և այլն) զանազան կազմությունների մեջ: Անհամեմատ մեծ է գոյականի և բայի բաժինը, և դա միանգամայն հասկանալի է: Նման կարգի շուրջ ուր տասնյակ հատկանիշներից նշենք հետևյալները՝ առանձին խմբերով:

1) Գոյականական հատկանիշներ. անեզական գոյականի եզականացում, և հակառակը (միտք ~ միտ, կեամք ~ կեամ, նախերգամք ~ նախերգամ, կար ~ կարք «կարողություն», գիրք ~ գիրգ «մեկ գիրք»), վերջնահանգ դ ունեցող գոյականի հոլովում է ներքին հոլովմամբ (ըլուր ~ ըլեր, մեղր ~ մեղեր), գոյականի սեղի ձևային առանձնացում (hic, haec, hoc ~ իր, էր, օր), ներգոյական հոլովի կազմում ըն (ն) մասնիկի միջոցով (ըն բանում, մաստեղ) և այլն:

2) Ածականական հատկանիշներ. բաղդատական աստիճանը գոյն, գերադրականը գունեղ մասնիկներով (լաւ ~ լաւագոյն ~ լաւագունեղ): Նման կազմություններ նկատում ենք նաև մակրայի դեպքում:

3) Դերանվանական հատկանիշներ. ցուցական որոշ դերանունների հոլովման կեղծ ձևերի հորինում (նոյն ~ նոյնոյ, նոյնում, սորա ~ սայց, սոցայց), իսկ նաև դերանվան համար նոյն դերանվան թեք ձևերի հատկացում (նա ~ նոյն, նորին, նմին):

4) Բայական հատկանիշներ. բայի –իլ լծորդության հատկացում կրավորականին (առնում ~ առնամիմ բառնամ ~ բառնիմ), ու խոնարհման կրավորականի համար արհեստական ձևերի ստեղծում (զենում ~ զենիմ, լնում ~ լնիմ «լցվում են»), ե խոնարհման բայերի կրավորած անկատարի ձևի հորինում (զրէի ~ զրեէի «զրվում էի», զրեէիր «զրվում էիր»), ա խոնարհման բայերի կրավորականի արհեստական ձևերի հորինում (զրիցեմ ~ զրիցէի «զրվեի», զրիցէիր «զրվեիր»), որոշ բայերի պակասավոր ձևերի «լրացում» (զում ~ զուցեմ, զուցես, զուցեմք), անկանոն որոշ բայերի խոնարհման «կանոնավորում» (ճանաշեմ ~ ճանաչեաց, ճանաչեցից, մեղամշեմ ~ մեղանչեաց, ուտեմ ~ ուտեցայ, ուտեցաւ, տամ ~ տրեմ, տրի, տրեցի), վերլուծական բայաձևերի ար-

հեստական կազմություններ (Երանի սիրեալ իցէի, մարքան գոեցեալ իցէին) և այլն:

դ) Շարահյուսական հատկանիշները համեմատաբար քիչ են, քանի որ այդ կարգի երևույթները չունեն այն մեծ ընդգրկումը, հատկապես ուսումնասիրված լինելու առումով, որ նկատելի է միջնադարյան քերականությունների մյուս բաժիններում: Այդուհանդեռձ, կարելի է առանձնացնել լատինարան հայերենին հատկանշական շարահյուսական երևույթները: Դրանք հիմնականում վերաբերում են համաձայնությանն ու շարադասությանը, եթե նկատի ենք ունենում առաջին հերթին հայ քերականագիտության ավանդական դրվագները:

Այնինչ լատինարան հեղինակներից առաջինները, լիովին հետևելով հոռոմեացի (իմա՞ լատին) քերականների ավանդույթին հատկապես շարահյուսության բնագավառում, հայերենի քերականական համակարգում ևս ներմուծում են շարահյուսական ինչ-ինչ երևույթներ: Նրանցից առաջինը Հովհաննես Քոնեցին է, որի քերականության մի առանձին բաժին է կազմում շարահյուսությունը: Ավելորդ չէ նշել, որ Վերջինիս քերականության մեջ այդ կարգի երևույթները քննության են առնվում բավականին մանրամասնորեն, ըստ կոնկրետ բաժինների ու գույխների: Ընդ որում ուշադրության առարկա են բառակապակցությունն ու նախադասությունը՝ առնված իրենց տեսակներով, ավելի մասնաւոր դրսւորումներով: Քոնեցին բավականին հետևողական է շարահյուսական երևույթների՝ ըստ լատիններենի օրինակի վերլուծության հարցերում: Նկատենք, որ նա ըստ անհրաժեշտության հենվում է Բարդ.Մարադացու տրամաբանական-շարահյուսական այն դրույթների վրա, որոնք ժամանակին ունեին հիմնականում տեսական արժեք: Բանն այն է, որ հետագա լատինարան քերականներն այլև այդպիսի բնդգրկումով, եթե շատենք խորությամբ շանդրադարձան շարահյուսությանը, ուստի այդ բնագավառն այդպես էլ չստացավ այն մանրամասնությունը, որը նկատելի է ձևարանության մեջ:

Ստորև ներկայացնենք շարահյուսական տարբերակիչ հատկանիշներից հետևյալները. նոր նախադրությունների առանձնացում (ըն, մակ, Ծ), նախադասության անդամների պարտադիր, առանց բացառության համաձայնություն (համայնք խորհուրդը և արարմունք), որոշչային կապակցության

պարտադիր համաձայնություն (ի շատէն ուղղականէ, ըն մարդում քեկանելում և մահկանացում), ածականի բաղդատական աստիճանի խնդիրը հայցական, իսկ գերազականը՝ սեռական և ներգոյական հոլովներով դնելը (հմնտ. պարարտագոյն քան զարդիծ, պարարտագումնեղ առիւծուց, այլն՝ ի յառիւծու) և այլն:

5. Լատինարան հայերենի տարբերակիչ հատկանիշներն առանձնացնում ենք կետ առ կետ, բնագրային հստակ օրինակների մատնանշումով, այլև երբեմն վկայակոչում ենք գիտական այն ուսումնասիրությունները, որոնցում այս կամ այն չափով խոսվում է տվյալ հատկանիշի մասին: Դրանց առանձնացումն ունի ոչ միայն հայոց լեզվի պատմության ուսումնասիրության առավել ամբողջացման նպատակ, այլ նաև նպաստելու հետագայում այդ բնագավառում ավելի ծավալուն և ավելի ընդգրկուն ու մանրամասն ուսումնասիրությունների ձեռնամուխ լինելու գործին:

ՀԱՅՈՑ ԼԵԶՎԻ ՊԱՏՄՈՒԹՅԱՆ ՀԻՄՆԱԿՐԴՄԵՐՆ ՈՒ
ՍԿԶԲՈՒՆՔՆԵՐԸ

Հայոց լեզվի պատմությունը միշտ էլ գտնվել է հետազոտողների ուշադրության կենտրոնում: Գիտական շրջանառության մեջ է դրվել փաստական հարուստ նյութ, նկարագրվել են հայերենի զարգացման տարբեր փուլերի լեզվական համակարգերը՝ ինչպես ամբողջությամբ, նոյնպես և ըստ առանձին մակարդակների, գրվել է առանձին ժամանակահատվածների պատմությունը, արվել են լեզվի զարգացման ընթացքը քիչ քե շատ ամբողջական ձևով ներկայացնելու փորձեր, և որ ամենակարևորն է, մշակվել է հայոց լեզվի պատմության գիտական շրջանաբաժնումը: Բացի այդ, ձևավորվել են պատմական լեզվաբանության տեսական որոշ սկզբունքներ ու ելակետներ:

Մյուս կողմից՝ անհրաժեշտություն է զգացվում հայոց լեզվի պատմության առանձին շրջանների ու բնագավառների հետազոտության արդյունքներն ի մի քերող, ամբողջացնող, միասնական սկզբունքներով գրված աշխատության, որտեղ հայերենի պատմական զարգացման նկարագրությանը զուգընթաց հնարավոր լայն ընդգրկմանը քննված կլինեն հայոց լեզվի պատմության կնճռոտ հարցերը, կլուծվեն ընդհանուր բնույթի խնդիրներ, կարվեն տեսական ընդհանրացումներ: Ներկայացվող հոդվածը փորձում է ներկայացնել այն ելակետներն ու սկզբունքները, որոնց հիման վրա հնարավոր կլինի լուծել նշված հարցերը:

1. «Լեզվի պատմություն» տերմինը կիրառվում է երկու տարրեր նշանակությամբ՝ ա) տվյալ լեզվի զարգացման քուն ընթացքը՝ որպես օրյեկտիվ իրականության երևույթ, և թ) այդ երևույթն ուսումնասիրող գիտություն՝ լեզվաբանական հատուկ գիտակարգ: Առաջին իմաստով գործածվելիս նշված տերմինը սովորաբար զուգակցվում է որևէ կոնկրետ լեզվի անվանման հետ (օր.՝ հայոց լեզվի պատմություն): Երկրորդ դեպքում այն ունի ավելի լայն և տարբերակված կիրառություն, ըստ այնմ՝ վերաբերում է առանձին վերցրած լեզուների, քե ընդհանրապես մարդ-

կային լեզվի զարգացման ընթացքի ուսումնասիրությանը: Կարելի է առանձնացնել նաև նշված տերմինի երրորդ նշանակությունը, որ ածանցվում է առաջիններից՝ «լեզվի պատմության նկարագրություն»՝ որպես տվյալ գիտակարգի հետազոտության արդյունք:

2. Լեզվի պատմության ուսումնասիրության առարկան է լեզուն որպես պատմականորեն զարգացող երևույթ: Պատմական լեզվաբանության գիտակարգերի մեջ այն աչքի է ընկնում հետազոտության բնագավառի լայնությամբ ինչպես ուսումնասիրության օբյեկտի ընդգրկման, այնպես էլ խնդրացանկի առումով: Ըստ այդմ լեզվի պատմությունն առնչվում է մի շարք լեզվաբանական և ոչ լեզվաբանական գիտակարգերի և ուղղությունների հետ:

Լեզվի բուն կառուցվածքի պատմական քննությամբ գրադարձում է պատմական քերականությունը (լայն իմաստով՝ ներառյալ նաև պատմական հնչյունաբանությունն ու պատմական բառագիտությունը), որի խնդիրն է ներկայացնել լեզվական կառուցվածքի տարրեր մակարդակների զարգացումը ժամանակի մեջ: Ինչ վերաբերում է լեզվի գոյության ձևերին, ապա կարող ենք ասել, որ դրանց ուսումնասիրության համար լեզվաբանության մեջ մինչև օրս որպես առանձին ձևավորված բաժիններ գոյություն ունեն միայն պատմական բարբառագիտությունը՝ լեզվի տարածական տարրերակների պատմությունը, գրական լեզուների պատմությունը՝ լեզվի մշակված ձևերի պատմական ուսումնասիրությունը և որոշ չափով նաև պատմական ոճագիտությունը՝ լեզվի պատմական ոճերի պատմական քննությունը: Ընդ որում՝ վերջին երկուսի համար միշտ չեն, որ ճշտորեն սահմանազատում են ուսումնասիրության առարկան, երբեմն նույնացնելով ինչպես մեկը մյուսի, այնպես էլ գրական լեզվի պատմությունը ընդհանրապես լեզվի պատմության հետ: Վերջին տարիներս փորձեր են արվում նաև պատմական (տարածամանակյա) տիպարանության ասպարեզում:

Լեզվի գոյության մյուս ձևերի, առավել ևս լեզվական իրադրության և լեզվի գործառության պատմական ուսումնասիրության համար լեզվաբանական հատուկ գիտակարգեր չեն առաջացել: Հանրալեզվաբանությունը (սոցիոլինգվիստիկան), գործառական (ֆունկցիոնալ) լեզվաբանությունը հիմնականում գրադարձում է պատմական լեզվաբանությունը հետազոտության արդյունք:

Վում են լեզուների արդի վիճակի քննությամբ՝ համաժամանակյա կտրվածքով:

Առավել խորությամբ և լայն ընդգրկումով վերը նշված քնազավառները պետք է մտնեն լեզվի պատմության ուսումնասիրության ոլորտը: Լեզվի պատմությունը պետք է քննության ենթարկի ոչ միայն լեզվական համակարգն իր բոլոր մակարդակներով հանդերձ, այլև լեզվի տարածական, հասարակական, գործառական տարրերակների ամբողջությունը և ժամանակի ընթացքում նրանց կրած փոփոխությունները: Այս պարագայում լեզվի պատմությունը, տվյալ դեպքում՝ հայոց լեզվի պատմությունը կունենա ընդգրկման ամենալայն սահմաններ՝ ինչպես ժամանակագրական, այնպես էլ առարկայի ծավալի առումով, այսինքն՝ կներկայացնի հայոց լեզվի բոլոր տարատեսակների պատմությունը՝ սկսած նրա ծագման պահից մինչև օրս:

3.0. Պատմական լեզվաբանության վերը նշված բաժինների՝ պատմական քերականության, պատմական բարբառագիտության և գրական լեզվի պատմության կապը լեզվի պատմության հետ կարելի է քննութագրել որպես մասի և ամբողջի հարաբերություն, քանի որ այդ գիտաճուղերը հանդես են գալիս մի կողմից որպես ամբողջ օրյեկտի, մյուս կողմից՝ որպես այդ նույն օրյեկտի բաղկացուցիչ տարրերի ուսումնասիրություն:

Լեզվի պատմությունը ամենասերտ հարաբերության մեջ է նաև համեմատական լեզվաբանության հետ: Հայերենի նախագրային շրջանի պատմությունը լեզվական համակարգի քննության առումով փաստորեն հանգում է հայերենի համեմատական քերականությանը (նույնպես լայն իմաստով՝ ներառյալ հնչյունաբանությունն ու բառագիտությունը), այն տարրերությամբ, որ լեզվի պատմությունն ավելի մեծ ուշադրություն է դարձնում լեզվական երևույթների ժամանակագրության սահմանմանը, փոփոխությունների հաջորդականությանը և ժամանակագրական տարրեր շերտերի առանձնացմանը և հիմնականում մնում է մեկ լեզվի հետազոտության շրջանակներում: Պատմահամեմատական լեզվաբանությունը պարզում է նաև համակարգի ծագումը, ներքին և արտաքին վերականգնման մեթոդներով փորձում է պարզել հնագույն լեզվական փաստերը և գտնել ծագումնաբանական ընդհանրություններ տարրեր լեզուների միջև:

Ինչ վերաբերում է լեզվական իրադրության, լեզվի գործա-

ոական կողմի և նրա հասարակական դերի պատմական ուսումնասիրությանը, ինչպես նախագրային, այնպես էլ պատմական ժամանակաշրջաններում, ապա այդ կողմից լեզվի պատմությունն առնչվում է գործառական (ֆունկցիոնալ) լեզվաբանության և հանրալեզվաբանության հետ՝ լեզվի պատմական քննության մեջ հնարավոր չափով նրանց սկզբունքների ու մեթոդների կիրառման և նրանց նվաճումների օգտագորման տեսակետից:

Այսպիսով, լեզվի պատմությունը հանդես է գալիս որպես պատմական լեզվաբանության մի շարք բաժինների յուրատեսակ համակցություն: Այդ միավորումը սակայն չի կատարվում մեխանիկական կցման ճանապարհով, այլ իրագործվում է լեզվական կառուցվածքի և լեզվի տարածական, ժամանակային, հասարակական ու գործառական տարրերակների առաջացման ու զարգացման, նրանց փոխհարաբերությունների ընդհանրացված ու միասնական քննության ձևով:

3.1. Ոչ լեզվաբանական գիտակարգերի հետ լեզվի պատմության կապը այլ քնույթի է, հիմնականում հանգում է նրանց ընձեռած տվյալների օգտագործմանը: Հանրահայտ է, որ այդ տեսակետից ընդհանրապես մարդկային լեզվի պատմությունը առաջին հերթին առնչվում է մարդկության զարգացման պատմության հետ, իսկ առանձին լեզուների պատմությունը՝ տվյալ լեզուն կրող ժողովրդի պատմության հետ: Պատմագիտությունը կարևոր տվյալներ է ընձեռում պատմական ժամանակաշրջանում լեզվի գործառույթների, նրա հասարակական դերի քննութագրման, լեզվական փոփոխությունների պատճառների բացահայտման, լեզվի տարածական ու հասարակական տարրերակների առաջացման ժամանակի ու հանգամանքների որոշման և բազմաթիվ այլ հարցերի լուծման համար: Ինչպես տվյալ ժողովրդի պատմության, այնպես էլ լեզուների նախագրային շրջանի զարգացման ուսումնասիրության համար մեծ կարևորություն է ձեռք բերում նաև հնագիտական փաստերի օգտագործումը:

Լեզվի գործառական կողմի ուսումնասիրության ժամանակ չպետք է անտեսել նաև տվյալ ժողովրդի մշակույթի և գրականության պատմությունը: Ուստի հայոց լեզվի պատմությունը ճիշտ և լրիվ կերպով ներկայացնելու համար պետք է համակողմանիորեն ուսումնասիրել ոչ միայն հայ ժողովրդի քաղաքա-

կան ու սոցիալ-տնտեսական պատմությունը, այլև լայնորեն հաշվի առնել հայկական մշակույթի և հատկապես հայ գրականության զարգացման ընթացքն ու առանձնահատկությունները պատմական տարբեր ժամանակաշրջաններում՝ լեզվի պատմության վրա նրանց ազդեցությունը բացահայտելու նպատակով:

4. Լեզվի պատմական քննության հիմնական հայեցակետերի ու սկզբունքների ընտրությունը պայմանավորվում է ինչպես հետազոտության նպատակներով, այնպես էլ ուսումնասիրության առարկայի կոնկրետ առանձնահատկություններով:

Նպատակ ունենալով հնարավոր լիակատարությամբ ներկայացնել լեզվական համակարգի ծևափորման ու նրա կրած պատմական փոփոխությունների ընթացքը, դրանք առաջ բերող պատճառները, միջավայրի ազդեցությունը լեզվի կառուցվածքի և լեզվի տարբեր գոյաձևների վրա, վերջիններիս առաջացման ու գործառության պայմանները, լեզվի զարգացման տարբեր փուլերում նրանց համամասնությունն ու գործառույթների բաշխումը և այլն՝ լեզվի պատմությունն ընդգրկում է տեսական հիմնախնդիրների լայն շրջանակ:

Լեզվի պատմության հիմնախնդիրների ամբողջությունը առնչվում է մարդկային լեզվի՝ որպես մի բարդ ու բազմակողմանի երևույթի հիմնական կողմերի՝ նրա էության, գործառության ու զարգացման հետ:

4.1. Լեզվի էության հետ կապված այն հիմնական հատկանիշը, որին առաջին հերթին անդրադառնում է լեզվի պատմությունը, լեզվական շարժումն է, լեզվի փոփոխականությունը ժամանակի մեջ: Այդ հատկանիշով սողորված է լեզուն ամբողջությամբ վերցրած, թե՛ նյութական ու համակարգային, թե՛ գործառական կողմերով: Լեզվի փոփոխականությամբ է պայմանավորվում լեզվական համակարգի ժամանակային, տարածական, հասարակական ու գործառական տարբերակների գոյությունը: Փոփոխականության հատկանիշի շնորհիվ է տեղի ունենում լեզվի զարգացումն ընդհանրապես:

Որպես պատմական գիտակարգի՝ լեզվի պատմության ուշադրության կենտրոնում է լեզվի փոփոխականությունը հատկապես ժամանակային առանցքով, նրա հիմնական խնդիրն է պատմականորեն իրար հաջորդող լեզվավիճակների ուսումնասիրությունը:

4.2. Միաժամանակ լեզվի պատմության համար նույնքան կարևոր է լեզվի փոփոխականության հետ դիալեկտիկական միասնության մեջ գտնվող՝ լեզվի հարաբերական կայունության հատկանիշի հաշվառումը: Այլապես կարելի էր կանգնել լեզվի փոփոխականությունը, լեզվական շարժումը բացարձակացնելու, լեզուն իբրև հարավոփոխ, անկայուն, հեղինակությունը ներկայացնելու վտանգի առաջ:

Լեզվի հարաբերական կայունությունը լեզվի զարգացման յուրաքանչյուր կոնկրետ պահին հնարավոր է դարձնում հաղորդակցման՝ լեզվի հիմնական գործառույթի իրականացումը: Այդ է պատճառը, որ որոշակի ժամանակահատվածում համագոյակցող սերունդների գիտակցության մեջ լեզուն հիմնականում մնում է ինքն իրեն նույնական, աննկատելի է մնում նրա շարժումը:

Լեզվի հարաբերական կայունությունն ապահովում է նրա փոփոխականության հետ միաժամանակ գործող և վերջինիս հակադիր՝ պահպանողական միտումներով, ժամանակի մեջ լեզվական փոփոխությունների դանդաղ ընթացքով, լեզվական շարժման սահմանափակ հնարավորություններով, որ պայմանավորված է լեզվի ներքին համակարգային կապերի պահպանան ձգտումով, արտաքին ազդակների նկատմամբ լեզվական համակարգի դիմադրողականության որոշակի ունակությամբ:

Լեզվի փոփոխականությունը և կայունությունը (դիմամիկան և ստատիկան) ինքնին հատուկ են լեզվին նրա զարգացման յուրաքանչյուր պահի: Սրանից ելնելով՝ լեզվի պատմությունը լեզուն պետք է դիտի որպես որքան փոփոխվող, նույնքան էլ կայուն համակարգ (թեև որպես լեզվի տարածամանակյա քննություն՝ լեզվի պատմությունն ավանդականորեն առանձնահատուկ կերպով բնորոշվում է որպես լեզվական փոփոխություններն ուսումնասիրող գիտակարգ): Հետևաբար, լեզուն պատմական դիտվածքով քննելու ընթացքում և հատուկ ուշադրություն պետք է դարձնել լեզվի կայուն, երկար ժամանակ անփոփոխ մնացող տարրերի վրա, բացահայտելով նրանց բնույթը, լեզվական համակարգում նրանց գրաված տեղը, ինչպես նաև պարզելով այդ կայունության աստիճանն ու պատճառները: Ամենայն հավանականությամբ լեզվական համակարգի առավել կայուն տարրերն են, որ կազմում են տվյալ լեզվի հիմնական նկարագիրը, պայմանավորում են նրա բնույթը ու տիպը:

4.3. Լեզվի էության հետ կապվող երրորդ հիմնական հատկանիշը, որ պետք է հաշվի առնել լեզվի ամեն մի ուսումնասիրության, այդ բվում՝ նրա պատմական քննության ժամանակ, լեզվի համակարգայնությունն է, այսինքն՝ նրա կազմակերպված լինելը որպես յուրահատուկ համակարգ:

Լեզվի համակարգայնության հատկանիշը նաև պատմական քննության դեպքում հաշվի առնելու սկզբունքը լեզվաբանության մեջ մշակվել է ի հակառապություն մի կողմից՝ երիտրերականների ատոմիզմի, մյուս կողմից՝ նաև ժամանակակից լեզվաբանության մեջ դեռևս տեղ գտնող այն ըմբռնման, ըստ որի լեզուն որպես համակարգ բացահայտվում է միայն համաժամանակյա քննության դեպքում, մինչդեռ տարածամանակյա մոտեցումը բացառում է լեզվի համակարգային ուսումնասիրությունը:

Նշված սկզբունքը լեզվի պատմության մեջ առաջին հերթին հանգում է հետևյալին. լեզուն դիտել որպես պատմականորեն զարգացող համակարգ, ժամանակի մեջ լեզվի շարժումն ուսումնասիրելիս չսահմանափակվել առանձին վերցրած լեզվական իրողությունների կրած փոփոխությունների բացահայտմամբ, այլապես լեզվական համակարգի զարգացումն իր ամբողջության մեջ կարող է դուրս մնալ ուսումնասիրողի տեսադաշտից: Մերողական տեսակետից լեզվի համակարգայնության հաշվառումը ենթադրում է տարածամանակյա քննության դեպքում ոչ թե լեզվական առանձին տարրերի, այլ հաջորդական ժամանակագրական կտրվածքների լեզվավիճակների համակարգային համեմատություն, ընդ որում այդպիսի համեմատությունը պետք է հնարավորություն ստեղծի բացահայտելու լեզվի յուրաքանչյուր տարրի արժեքը համակարգի մեջ և այդ արժեքի փոփոխությունը լեզվի զարգացման հաջորդական փուլերում կապված ամբողջ համակարգի փոփոխության հետ:

Այսուհետև, նշված սկզբունքի կիրառումը պահանջում է պարզել պատմական զարգացման ընթացքում լեզվի կրած փոփոխությունների բնույթը, դրանց ամբողջության մեջ առանձնացնելով համակարգային և ոչ համակարգային փոփոխությունները: Հասկանալի է, որ առաջին տիպի մեջ կմտնեն այն կարգի փոփոխությունները, որոնք հանգեցնում են լեզվական ամբողջ համակարգի վերակառուցմանը, ներկայացնում են համակարգային տեղաշարժերը լեզվի մեջ: Այս դեպքում պետք է նկատի ունենալ

որ համակարգային բնույթի փոփոխություններ կարող է կրել ինչպես լեզուն ամբողջությամբ վերցրած (այդ թվում լեզվի տիպարանական կառուցվածքի փոփոխությունները, ասենք՝ անցում թեքականությունից կցականության և այլն), նոյնպես էլ այս կամ այն մակարդակը իր «միկրոհամակարգերով»՝ հնչյունական, ձևաբանական, կամ ավելի նեղ՝ անվանական, բայական և այլն։ Ընդ որում, պետք է նշել, որ վերջին դեպքում փոփոխությունները թեև կրում են համակարգային բնույթ, բայց շատ դեպքերում դուրս չեն գալիս տվյալ «մանրահամակարգի» շրջանակներից և նշանակալից ազդեցություն չեն գործում լեզվի մյուս տարրերի վրա (այսպես, պայթական բաղաձայնների տեղաշարժը որևէ կերպ չի կարող կապված լինել անվանական հոլովման տեխնիկայի վերակառուցման հետ)։ Այս առումով կարելի է ասել, որ գործ ունենք որոշ իմաստով «փակ» համակարգերի փոփոխությունների հետ։

Ոչ համակարգային փոփոխություններն իրենց հերթին կարող են լինել երկու կարգի։ 1) փոփոխություններ լեզվական այն տարրերի, որոնք մնում են առանձնակի, չեն մտնում լեզվի համակարգի մեջ (բառային մակարդակի փոփոխություններ, փոխազդեցական հնչյունափոխության որոշ դեպքեր և այլն) և 2) համակարգային տարրերի մասնակի փոփոխություններ, որոնք ամբողջ համակարգի վերակառուցում չեն առաջացնում։ Պետք է նաև նշել, որ մի շարք դեպքերում լեզվի զարգացման տվյալ փուլում կարող են լինել գոյակցող համակարգեր՝ հնի տարրերի պահպանումով և նորերի առաջացնումով։

Եվ վերջապես, լեզվի պատմական փոփոխությունների բնույթը բացահայտելուն զուգընթաց պատմական քննության մեջ անհրաժեշտ է պարզել համակարգային և ոչ համակարգային փոփոխությունների համամասնությունը, որոշել յուրաքանչյուրի տեսակարար կշիռը լեզվական կառուցվածքի տվյալ մակարդակում և լեզվի զարգացման տվյալ փուլի մեջ։

5. Լեզվի համակարգայնության հաշվառման մյուս կողմը վերաբերում է լեզվական փոփոխությունների պատճառների բացահայտմանը։ Լեզվի պատմաբանի կարևորագույն խնդիրներից մեկն է լեզվի կառուցվածքի և լեզվական իրադրության ձևաբանման ու փոփոխությունների նկարագրությանը զուգընթաց ըստ հնարավորին ներկայացնել դրանք առաջ բերող պատ-

ճառները, պարզել, թե յուրաքանչյուր կոնկրետ դեպքում լեզվական համակարգի կամ նրա տարրեր նակարդակների նյութական, կառուցվածքային ու գործառական փոփոխությունները ինչ ազդակներով ու գործոններով են պայմանավորված: Այս պատճառով լեզվի տարածամանակյա քննության համար կարևոր նշանակություն է ձեռք բերում ոչ միայն ընդհանրապես լեզվի զարգացման գործոնների առանձնացումն ու դասակարգումը, այլև տվյալ լեզվի շրջանակներում այս կամ այն գործոնի բնույթի և լեզվական փոփոխությունների զանազան տիպերի միջև եղած կապի բացահայտումը:

5.1. Լեզվական փոփոխությունների հետ կապված հանգամանքների ամբողջությունը բաժանվում է երկու հիմնական խմբի՝ արտալեզվական և ներլեզվական պատճառների, կամ, այլ խոսքով, լեզվի զարգացման ներքին պատճառների մեջ զգալի դեր են խաղում համակարգային գործոնները, որոնք պայմանավորում են հատկապես լեզվի կառուցվածքային փոփոխությունները: Այդ փոփոխությունները կարող են պայմանավորված լինել համակարգով այն դեպքերում, երբ տարրերի նախկին հավասարակշռության խախտման հետևանքով առաջանում է այս կամ այն մանրահամակարգի վերակառուցման, հակադրությունների վերականգնման, այսպես կոչված «դատարկ վանդակները» լրացնելու, կամ էլ հակադրությունների համաշափություն ստեղծելու պահանջը: Որպես լեզվի զարգացման համակարգային պատճառներ կարող են հանդես գալ նաև լեզվական որոշ ձևերի կորսուի փոխհատուցման, արտահայտությունների միօրինակացման ու համահարեցման միտումները, համաբանությունը և այլն: Լեզվի զարգացման ներքին գործոններից կարևոր է նշել հետևյալները. լեզվական «մեխանիզմի» կատարելագործման պահանջ, որը դրսերվում է լեզվական արտահայտությունների ավելցուկության նվազեցման, գործառական կամ իմաստային բեռնվածությունը կրցրած ձևերի վերացման, լեզվական միավորների գործածության ոլորտների հատակացման ուղղությամբ կատարվող փոփոխությունների մեջ. լեզվական մեխանիզմը մարդու հոգեբնախոսական առանձնահատկություններին հարմարեցնելու ձգում, որի հետևանքով փոփոխություններ են կատարվում արտաքերության դյուրացման, լեզվամիջոցների

տնտեսման, լեզվական արտահայտությունների պարզեցման ուղղությամբ. լեզվի հաղորդակցական պիտանիությունը պահպանելու միտում, որով պայմանավորված է լեզվի հարաբերական կայունությունը և այլն:

5.2. Լեզվական փոփոխությունների արտալեզվական պատճառները սովորաբար հանգեցվում են լեզվի գոյության և գործառության արտաքին պայմաններին: Լեզվի մեջ նյութական, կառուցվածքային և գործառական փոփոխությունները կարող են առաջ գալ՝ կապված այդ լեզուն կրող հանրության քաղաքական, սոցիալ-տնտեսական կյանքի առանձնահատկությունների, նրա հոգևոր և նյութական մշակույթի զարգացման, պատմական գանձագան իրադարձությունների, պետական-հասարակական կյանքի, տարածքային փոփոխությունների, վերաբնակեցումների և նման կարգի այլ երևույթների հետ: Լեզվի զարգացման արտաքին գործոնների մեջ ուրույն տեղ ունեն էթնիկական, մշակութային, լեզվական շփումները, որոնք կարող են զգալի փոփոխություններ առաջ բերել լեզվական կառուցվածքի գրեթե բոլոր մակարդակներում՝ արտասանական, շեշտարանական առանձնահատկություններից սկսած մինչև ձևաբանական և շարահյուսական կադապարները:

5.3. Այստեղից ակնհայտ է դառնում, որ լեզվի զարգացման պատճառների բացահայտումը և ընդհանրապես լեզվի տարածմանակյա քննությունը թերի է դառնում առանց տվյալ ժողովրդի պատմության ուսումնասիրության: Որևէ կոնկրետ ժողովրդի պատմության և նրա լեզվի պատմության կապի հաշվառման անհրաժեշտությունը ներկայում ընդունվում է գրեթե բոլոր լեզվաբանների կողմից: Սակայն մինչև օրս դեռ հստակ կերպով բացահայտված չեն այդ կապի բնույթը, լեզվի և ժողովրդի պատմության փոխհարաբերությունների էությունը, ինչպես նաև լեզվի պատմական զարգացման քննության մեջ ժողովրդի պատմության փաստերի օգտագործման աստիճանը, եղանակներն ու նպատակադրությունը: Ժամանակակից լեզվաբանության մեջ ճիշտ կերպով հաղթահարված է լեզվի կառուցվածքի մեջ ժողովրդի պատմության կոնկրետ իրադարձությունների անմիջական մեխանիկական արտացոլումը տեսնելու վտանգը: Մյուս կողմից, սակայն, լեզվի պատմությանը նվիրված աշխատությունների մեջ հաճախ լեզվի և ժողովրդի պատմության

կապը բացահայտելու փորձերը հանգում են միայն ժողովրդի տվյալ ժամանակաշրջանի պատմությունը ակնարկային ձևով որպես լեզվի պատմական զարգացման ֆոն ներկայացնելուն, որից հետո և որից անկախ տրվում է լեզվական փոփոխությունների նկարագրությունը:

5.4. Իրականում լեզվի զարգացման և ժողովրդի պատմության փոխարարերությունը դրսերվում է միջնորդված կապի ձևով: Ժողովրդի քաղաքական, հասարակական, մշակութային կյանքի իրադարձությունները ոչ թե անմիջապես ազդում են լեզվի կառուցվածքի վրա, այլ լեզվի գործառության ոլորտների և յուրահատկությունների, լեզվի գոյածների առաջացման ու զարգացման գործընթացի վրա, պայմանավորում են այնպիսի երևույթներ, ինչպիսիք են, ասենք, լեզվի նախնական միասնության տրոհումը առանձին բարբառների ու բարբառախմբերի, գրական լեզուների ծագումն ու զարգացումը, լեզվի հասարակական գործառությների լայնացումը կամ նեղացումը, լեզվի հասարակական, գործառական, ոճական շերտավորումը, լեզվի գոյածների փոխարարերության բնույթը և այլն: Ժողովրդի պատմության ընթացքով պայմանավորված՝ լեզվի շերտավորման ու գործառության ոլորտների փոփոխություններն են, որ երկրորդարար, լեզվի ներքին զարգացման օրինաչափությունների համագործակցությամբ իրենց կնիքն են դնում բուն լեզվական կառուցվածքի փոփոխությունների բնույթի, ընթացքի, յուրահատկությունների և տեմպի վրա:

6. Այստեղից երևում է, թե լեզվի կառուցվածքի պատմական զարգացման ընթացքը ճիշտ և լրիվ կերպով ներկայացնելու տեսակետից որքան կարևոր է լեզվի գործառական կողմի ուսումնասիրությունը: Հասարակական գործառության ընթացքի մեջ է տեղի ունենում լեզվի հասարակական և տարածական շերտավորումը, կազմավորվում են լեզվի գոյության տարրեր ձևերը, հստականում է դրանց հասարակական դերը, ճշգրտվում գործածության ոլորտները, ձևավորվում լեզվի կառուցվածքի և գործառության փոխազդեցությունների պատկերը:

Անհրաժեշտ է նշել սակայն, որ բացի լեզվի կառուցվածքային կողմի ուսումնասիրությանը նպաստելուց լեզվի գործառական կողմի քննությունն ունի նաև միանգամայն ինքնուրույն արժեք, (ճիշտ այնպես, ինչպես կառուցվածքային քննությունը) որպես

միկնույն օբյեկտի հետազոտման տարրեր հայեցակետեր, այլև այն պատճառով, որ լեզվի կառուցվածքային և գործառական կողմերը կարող են ունենալ զարգացման համեմատաբար ինքնուրույն ընթացք, և նրանց փոխազդեցությունները կարող են այնքան էլ ակնհայտ քնույթ չկրել:

7. Այսպիսով, լեզվի պատճության լիակատար նկարագրության պահանջից ելնելով, որպես հիմնական ելակետային սկզբունք պետք է ընդունել լեզվի պատճական քննությունը երկու հիմնական ուղղությամբ, երկու հայեցակետով տանելու անհրաժեշտությունը։ Դրանցից մեկը պայմանավորված է լեզվի էությամբ՝ որպես որոշակի ձևով կազմակերպված համակարգի, իսկ մյուսը՝ լեզվի հիմնական՝ հաղորդակցական գործառույթով։

Առաջին դեպքում ուսումնասիրողի ուշադրության կենտրոնում են լեզվի համակարգն ինքն իր մեջ և այն կազմող լեզվական տարրերի փոխարարերությունները, լեզվի ներքին կառուցվածքն ու նրա պատճական փոփոխությունները, լեզվական տարրեր մակարդակների ու տարրերի զարգացումը, այլ կերպ ասած՝ լեզվի «գոյր» իր պատճական զարգացման մեջ։

Երկրորդ դեպքում կատարվում է լեզվի գործառական քննություն, լեզվական համակարգը և նրա տարրեր դրսերումները ուսումնասիրվում են արտալեզվական իրականության հետ ունեցած հարաբերությունների տեսանկյունից։ Մասնավորապես, լեզվի պատճական քննության ժամանակ հաշվի են առնվում լեզվի զարգացման արտալեզվական գործուները, այդ լեզուն կրող ժողովրդի պատճությունը, նրա հասարակական ու մշակութային կյանքում տեղի ունեցած փոփոխությունները և դրա հետ կապված՝ ներկայացվում են լեզվի գործառական փոփոխությունները, լեզվագործածության ընթացքում առաջացած համակարգային և այլ տարրերակումները, մի խոսքով, լեզվի գործառության հետ կապված երևույթները, որոնք անմիջականորեն չեն բխում լեզվի կառուցվածքից։ Քննութագրվում է լեզվական իրադրությունը, յուրաքանչյուր փուլի համար առանձնացվում են լեզվի գոյածները, պարզվում է նրանց համանասնությունը, հասարակական դերն ու գործածության ոլորտները։ Այսպիսով, այս երկու հայեցակետով լեզվի քննության հարաբերական ինքնուրույնության հետ զուգընթաց պետք է քննել լեզվի գործառական կողմի և նրա կառուցվածքի միջև եղած փոխարարերությունը, ըստ

հնարավորին բացահայտել լեզվական փոփոխությունների գործառական պայմանավորվածությունը: Ի դեպ նշենք, որ այս երկու հայեցակետներով լեզվի պատմության ուսումնասիրության պահանջը որոշ արձագանք է գտնում «արտաքին» ու «ներքին» լեզվաբանությունների սոսյուրյան տարրերակման մեջ:

8. Լեզվի պատմական քննության մեջ լեզվական համակարգի զարգացման ճիշտ պատկերը ներկայացնելու առումով նույնքան կարևոր է նաև համաժամանակյա և տարաժամանակյա հայեցակետերի զուգակցումը, թեև առաջին հայացքից բխում է, որ լեզվի պատմության ուսումնասիրությունը կարելի է իրագործել միայն տարաժամանակյա մոտեցմամբ: Համաժամանակյա լեզվաբանության սկզբունքների ու մեթոդների կիրառման անհրաժեշտությունը բխում է լեզվի պատմության խնդիրներից ու նպատակներից: Ամենից առաջ պետք է նկատի ունենալ, որ յուրաքանչյուր պատմությունը ըստ էության ներկայացնում է համաժամանակյա կտրվածքների համեմատություն (թեև այդ համեմատությունը ոչ միշտ է կատարվում բացահայտ, գիտակցված և հետևողական կերպով): Հետևաբար, լեզվի պատմաբանը կարիք ունի առնվազն երկու ժամանակային կտրվածքի համաժամանակյա պատկերի: Ժամանակագրական կտրվածքների թիվը պետք է որոշել կոնկրետ լեզվի զարգացման առանձնահատկություններից և ուսումնասիրության նպատակներից ելնելով: Մասնավորեցնելով այս սկզբունքը հայերենի պատմական զարգացման խնդիրների տեսակետից՝ պետք է նշել, որ համաժամանակյա հայեցակետով անհրաժեշտ է քննել հայոց լեզվի զարգացման յուրաքանչյուր փուլի համար ելակետային կամ էական համարվող համակարգերը (ինչպես գիտենք, ընդունվում է երեք հիմնական ժամանակագրական կտրվածք՝ իհն, միջին և նոր), իսկ այդ փուլերի միջև եղած տարրերությունների բացահայտումը կատարվում է համաժամանակյա կտրվածքների համեմատության միջոցով:

Լեզվական համակարգի նկարագրության ժամանակ համաժամանակյա քննության սկզբունքների պահպանումը պետք է դրսեւորվի լեզվական կառուցվածքի տարրերի դասակարգման և նրանց փոխհարաբերությունների բացահայտման մեջ, թեև երբեմն անհրաժեշտություն է զգացվում նաև համաժամանակյա քննության դեպքում դիմելու պատմական կարգի բացատրու-

թյունների, սակայն դա չպետք է անդրադառնա լեզվական համակարգի պատկերի վրա: Տվյալ դեպքում լեզվական ձևերը պետք է գնահատվեն ոչ թե ըստ ծագման կամ պատմության, այլ համակարգում իրենց գրաված դիրքի, գործառույթի և փոխհարաբերությունների:

Տարածամանակյա քննության մեթոդներն ու սկզբունքները կիրառվում են տարբեր փուլերի ելակետային վիճակների միջև ընկած ժամանակաշրջաններում լեզվական համակարգի անցած ուղու նկարագրության դեպքում, լեզվական ձևերի ծագման, զարգացման և հետագա տարածման պատկերը ներկայացնելիս, ինչպես նաև լեզվական փոփոխությունների պատճառները բացահայտելիս:

Այսպիսով, համաժամանակյա և տարածամանակյա հայեցակետերի զուգակցում ասելով չպետք է հասկանանք նրանց մեթոդների ու սկզբունքների շփոթում, այլ այս երկու մոտեցումների նպատակադրված և ընտրովի կիրառում հայոց լեզվի պատմության տարբեր հատվածների նկարագրության և տարբեր խնդիրների լուծման մեջ:

9. Լեզվի եռության հետ կապված հաջորդ հատկանիշը, որը պետք է հաշվի առնել նրա պատմության նկարագրության ժամանակ, լեզվի փոփոխակայնությունը կամ տարբերակայնությունն է (վարիատիվությունը): Այդ նշանակում է, որ լեզուների մեծագույն մասը գոյություն ունի ոչ թե որպես մեկ միասնական (այսպես կոչված ստանդարտ) լեզվական վիճակ, այլ որպես փոփոխական ամբողջություն, որը պատճական տարբեր փուլերում կարող է ունենալ տարբեր պատկեր ու համամասնություն, լեզվական փոփոխական միջև գործառույթների տարբեր բաշխում և փոխներթափակցումների զանազան առանձնահատկություններ: Այս երևույթը հատկապես բնորոշ է հայերենի զարգացման միջին և նոր շրջաններին, որտեղ համագոյակցում և միմյանց վրա ուժեղ ազդեցություն են գործում լեզվի տարբերակային ձևերը՝ գրական լեզուներն ու բարբառները, հանդես բերելով սկզբնադրյուրների լեզվական անմիջնակություն, և հարուցելով այդ լեզվական տարբերակների կարգավիճակի ու փոխազդեցությունների բնույթի հետ կապված հիմնախնդիրների ուսումնասիրության անհրաժեշտությունը:

10. Ինչպես ամեն մի լեզվի, այնպես էլ հայոց լեզվի պատ-

մությունը չի կարող լիակատար համարվել առանց տիպարանական քննության: Ընդ որում, անհրաժեշտ է ոչ միայն բացահայտել հայերենի կառուցվածքային տիպը այլ լեզուների համեմատությամբ, այլև պարզել հայոց լեզվի ժամանակագրական, տարածական, գործառական տարրերակների (հին, միջին, նոր փուլեր, գրական լեզուներ, բարբառներ և այլն) տիպարանական կառուցվածքների փոխհարաբերությունը, տալ նրանց տիպարանական դասակարգումը, դիտարկել անցումը մի տիպից մյուսին, ըստ հնարավորին բացատրել տիպարանական անցումների պատճառները և այլն: Հայոց լեզվի պատմական զարգացման ընթացքի առանձնահատկությունները, մեզ ավանդված տարրերակների առատությունը, նրանց կառուցվածքային ու տիպարանական բազմազանությունը այդ կարգի քննության համար առատ նյութ են տրամադրում:

11. Եվ վերջապես, լեզվի պատմական քննության անհրաժեշտ ելակետն ու նախապայմանը նրա պատմության շրջանաբաժանման մշակումն է: Հայոց լեզվի պատմության՝ շրջանաբաժանման առաջին քայլի հիմքում ընկած է գրավոր հուշարձանների առկայության հանգամանքը: Այս իմաստով շրջանաբաժնումը որոշ պայմանական բնույթ ունի. այն ոչ թե արտացոլում է լեզվի պատմական զարգացման երկու վիճակների իրական տարրերությունը (գրի ստեղծման պահին նախորդող և հաջորդող շրջանների լեզվավիճակները կառուցվածքային տեսակետից էական տարրերություններ ունենալ չեն կարող առնվազն մեկներկու հարյուրամյակի սահմաններում), այլ թելադրվում է այդ երկու շրջանների մասին մեր ունեցած գիտելիքների, ուսումնասիրության մեթոդների առանձնահատկություններով, ինչպես նաև հետազոտության արդյունքների բնույթով (նախագրային շրջանի համար դրանք ավելի ենթադրական են): Քացի այդ, որքան էլ լեզվի նյութական կառուցվածքի պատմական փոփոխությունների և զարգացման կոնկրետ օրենքների տեսակետից գրի ստեղծման ժամանակաշրջանը պայմանական պահ է, այնուամենայնիվ, այն որպես լեզվի զարգացման շրջանների սահմանագիծ ընդունելը արդարացվում է նաև լեզվի գործառական քննության հայեցակետից, քանի որ գրի ստեղծումը և լեզվի գրական մշակման գործընթացը իրենց հետ բերում են նաև լեզվի գործառույթների ընդլայնում, լեզվագործածության

ոլորտների, ինչպես նաև լեզվի զարգացման միտումների ընդհանուր ուղղվածության փոփոխություններ, որոնք վերջին հաշվով կարող են անդրադառնել նաև լեզվի համակարգի ու բնույթի վրա:

Ներկայումս հայոց լեզվի պատմության՝ բոլորի կողմից ընդունված գիտական շրջանաբաժանումը, որն առաջարկել է Գ. Զահուկյանը, համակողմանիորեն արտացոլում է հայոց լեզվի պատմության հիմնական առանձնահատկությունները, քեւ հետագա ուսումնասիրությունները նույնպես կարող են բերել որոշ մանրամասներ ու հավելումներ հայերենի զարգացման ընթացքի ընդհանուր պատկերի մեջ:

ԱՌԿԱՅԱՑՄԱՆ ՔԵՐԱԿԱՆԱԿԱՆ ԿԱՐԳԸ
ՂԱՐԱԲԱԴԻ ԲԱՐՔԱՌՈՒՄ

Արդի գրական արևելահայերենում գոյականի առկայացման կամ տարրոշման կարգին սովորաբար վերագրվում են քերականական հետևյալ իմաստները. ա) որոշյալություն, բ) ստացականություն, գ) դիմորոշություն, դ) ցուցականություն, որոնք արտահայտվում են ը/ն, և, ո հոդերով [տե՛ս Արքահամյան, էջ 107]: Գ. Զահուկյանը առկայացման նշված քերականական իմաստները խմբավորում են երկու ենթակարգում՝ որոշյալության և ցուցատացականության: Արտահայտության պլանում հոդերը հակադրվում են զրո վերջավորությանը (մարդ - մարդք, տղա - տղա՛ն), որով դրսկորվում է գոյականի որոշյալ և անորոշ առումների տարրերությունները [Զահուկյան, 1974, էջ 208]:

Առկայացման քերականական կարգը, որն ընդհանրապես հատուկ է հայերենի բոլոր տարրերակներին, բարբառներում, սակայն, ունի զանազան դրսևորումներ: Ղարաբաղի բարբառի խոսվածքներում, ի տարրերություն գրական արևելահայերենի և արևմտյան խմբակցության բարբառային միավորների, այն հատուկ է գոյականին իր բոլոր քերականական գործառություններում՝ թվի, հոլովի, իրի կամ անձի առումի և այլն: Մենք ուսումնասիրել ենք Ղարաբաղի բարբառի՝ ինչպես 20-րդ դարում հրատարակված, այնպես էլ այդ նույն դարում ՀԲԱ ծրագրով հավաքված համապատասխան նյութերը: Այս բարբառի մեջ մտնում են Քոլնիս-Խաչենի, Շուշիի, Հարերի, Հարավի, Կաղաքի, Շահումյանովսկի, Գորիսի, Զանյարաղի, Հադրութի, Շուշիքենդի, Տումիի, Շաղախի, Խանազահի խոսվածքները՝ իրենց ենթախոսվածքներով (Զահուկյան, 1972, էջ 136): Ընդգրկել ենք նաև Կաքավարերի, Կապանի, Սիսիանի խոսվածքները, որոնք բազմահատկանիշ դասակարգմանը չնայած ուսումնասիրված չեն, սակայն իրենց հիմնական հատկանիշներով, կարծում ենք, Ղարաբաղի բարբառի միավորներ են: Ուսումնասիրությունը կատարել ենք համաժամանակյա կտրվածքում:

Որոշյալության քերականական իմաստն այս բարբառում,

բնականաբար, արտահայտվում է և՝ որոշյալ, և՝ ստացական-դիմորոշ հոդերով: Այսպես՝ ուղղ. հլ. խօխա - խօխաս, -տ, -մ, տընէր - տընէրը, -տ, -ը, սեռ. հլ. խոխի՛, -ս, -տ, -մ, տընէրի՛, -ս, -տ, -մ, գործ. հլ. խոխա՛կ, -ըս, -ըտ, -ը և այլն: Իսկ -ա հոլովման դեպքում սեռականում դիտվում է նույնիսկ կրկնակի հոդառություն՝ ախչիկ - սեռ. ա/ըխչըկա՛, -մ(ը) (պէ՛ժիքը, հէտի), կրնի՛ էկ - կրնզա, -մ(ը) (շօրը, յվիլը): Որոշ ենթախոսվածքներում -ա հոլովմանն է պատկանում նաև հարս բառը: Օրինակ՝ պա՛տրօնը հա՛րսանը շատ ար սի՛րիս (տ. 388): Հոդառության այս երևույթը, թերևս, պետք է բացատրել այն հանգամանքով, որ տվյալ հոլովում հաճախ ավելացող -մ հոդը սկսել է գիտակցվել որպես հոլովական վերջավորության տարր, ինչպես՝ վաճքիմ տափը, կոշխօզիմ տրակտորը, Սա/ըթիկիմ կօվը : Ըստ Կ. Դավթյանի՝ Մարտակերտի և Ստեփանակերտի հարավի շատ գյուղերում «... գործածական է -մ հոդը նույնիսկ այն դեպքում, երբ հարմար է գործածել -ը հոդը, ինչպես՝ թօխտըն տա՛րէ. կավըն լավ ա ըլն...» [Դավթյան, էջ 120]:

Նարաբաղի բարբառային որոշ միավորներում, հատկապես՝ Նարաբաղի տարածքի, -ը որոշյալ հոդը ձայնավորների ներդաշնակության օրենքի հետևանքով վերածվում է ա/ն, ի, ո՛/ո՛ տարբերակների: Օրինակ՝ պա՛մքա՛նա՝ «քամքակը», մօ՛կունո՛ «մուկը», ճո՛ռի՛/ո՛ «ջուրը»[Նույն տեղում]: Նման միտում է դիտվում նաև Գորիսի շրջանի Խնածախ գյուղի ենթախոսվածքում, որի կրողների նախնիները դարաբաղցիներ են: Օրինակ՝ արխիմ ճո՛ռո՛ «ջուրը», վրխծա՛րիմ կա՛նոն «գառը» (տ. թիվ 102): Այս երևույթը հանդիպում է բարբառային այն միավորներում, որոնցում շատ հետևողականորեն է գործում վերոհիշյալ ներդաշնակության օրենքը:

Գոյականը, ինչպես նշվեց, հոդառություն ունի նաև հոգնակի թվի բոլոր հոլովներում: Այսպես. շէնէրիմ (-ս, -տ) ժուղօ՛կուրը. ծըռէ՛րան (-ս, -տ) խունձօ՛ր քա՛փէց. կէտէ՛րումը լրդա՛նում էմ: Որոշյալ հոդ են ստանում նույնիսկ ուղղ. հոլովում -ի/էք հոգնակերտ ունեցող գոյականները: Օրինակ՝ կրնա՛ն-իքը, -օցը, -օ՛ցավը, մա՛րը-իքը, -օցը, -օ՛ցավը, խօխ-է(ր)քը, -օրցը, -օ՛րցավը, ճօ՛օ՛ր-էքը «զորիները», -օցը, -օ՛օ՛ցան, -օ՛օ՛ցավը:

Հոլովական իմաստները (բացառական, գործիական, ներգոյական) հարադիր կազմությամբ արտահայտվելու դեպքում

գոյականի հոդառության սկզբունքը չի փոխվում: Օրինակ՝ կալունստիճ անա (մէստա) փիս նրդացալ էրմ. էն կը նէկը ուրան խոխի՛ն անավ (մէստավ) ուրիսանում ա (Գորիս). բուքէ՛ն անէ դի՛ն («դրշաբ») ըք ինիած. կուրկուտը հրճարէն անէ ըք սրբիս (Ղարադաղ, տ. 100): Չըմօ՛շկը մանցալ ա ցէ՛խէն մաշին (Ղարադաղ, տ. 53): Ի դեպ, հոդ են ստանում նաև անա, մէստա, մէշ կապական բառերի հոլովկած ձևերը. անավը, մէստան - մէստավը - մէտումը, մէշան - մէշավը - մէշումը, որոնք կիրառվում են և գոյականի հետ, և անկախ գործածություն ունեն (հատկապես վերջին երկուսը):

Ղարաբաղի բարբառում -վա հոլովման պատկանող բառերը սեռականում (նաև բացառականում) սովորաբար -ն որոշյալ հոդ չեն ստանում՝ տարի - տարվա (կէսը), շանիար - շանիտվան (օ՛րէրը), ուրու՛զու - ուրզու նվա (հացը), խունտվա («Խոտի») հանդը, էն բարվա («Բարվից») յէ՛կալ էր: Այս հոլովում և բացառականում հոդ չեն ստանում նաև այն տեղանունները, որոնք ունեն -ա հոլովիչը: Օրինակ՝ հունդրու՛թա («Հաղրութի») ճուրը ցօրցուտ ա. հունդրու՛թա («Հաղրութից») է՛րկու մարթ այժմակ (Պողոսյան, էջ 121). հորէ՛րքա («Հարերքից») վէրը պըտահէ, քաշ տրվաք, պիրաք (Դավթյան, էջ 259):

Թեր հոլովներից հոդառության առումով ամենամեծ հաճախականություն դիտվում է սեռականում, իսկ ցածր հաճախականություն ունի գործիականը: Օրինակ. դրմբու՛նով («քոռունցքով») տրվակ մէշկիս. սուրզանչով («վիլավրամիկով») պըրի՛նաը քանից. հանօվ կանիար յա քըխէլ (Սիսիան, տ. 435): Չըքու՛ջանվ քըխից քարիչն: Պու՛թնը տինանկանվ կըտըրալ ար (Հաղրութի խավ., տ. 388): Բայց նաև՝ քըզօրավլը նանակ դայրէց (տ. 41, 53, 104 389): սըխտո՛րին քէփուկնէ՛ն հօնին իրէ՛սանվը մէ կմըմ ա [Դավթյան, էջ 259]:

Հատկանշական է, որ արևմտահայերեն գրական լեզվի հոդառության մասին խոսելիս Ա. Այտընյանը նկատում է, թե ուղղականն ու հայցականը մշտապես հոդ են ստանում, սեռականը, տրականն ու բացառականը՝ երրեմն, իսկ գործիականը «միշտ եւ ամեն դէպքի մէջ առանց յօդի կը մնայ»[Այտընյան, էջ 24]:

Ուսումնասիրողները նկատել են, որ Ղարաբաղի խոսվածքներում ազգակցություն ցույց տվող որոշ բառեր իմ, քո անձնական դերանունների հետ գործածվելիս մեծ մասամբ որոշյալ

հոդ չեն ստանում [տես՝ Դավթյան, Մարգարյան, Պողոսյան]: Դրանք են՝ հայր, մայր, եղբայր, տատ, պապ, քեռի, քեռակիմ, հորեղբայր, հորեղբոր կիմ, հորաքուր, մորաքուր, սկեսուր, սկեսրայր և այլն: Օրինակ՝ իմ (քու/քօ) հե/ար (ա'պէր), մէ/ար, տա/տի, պա/պի, ա/խապէր, քուր, դա/յի, քըռակիմ, դօ/րփէր, դըրփըրակիմ, հըրաքուր և այլն). իմ մար էս չըսէս յէր ա լալ կընաս... [Դավթյան, էջ286, Ծուշիքենդի խավ.]. իմ քէր հաղը քօնէց, քինան ար [նույնը, էջ 258, Հարերքի խավ.]. ուրգունքը քու հէր վէր կամ ա տօն, ա'սում էմ քա զսէնց-զսէնց պան [Մարգարյան, էջ 308, Գորիսի խավ.]: Պետք է նկատել, որ տվյալ դեպքում հե/ար, մէր/ար միավանկ գոյականների շեշտը տեղափոխում է դերանունների վրա. իմ (քու) հե/ար լավ մարք ա, իմ (քու) մէ/ար ճաշ ա էփում: Այսինքն՝ ստեղծվում են քարդ քաներ: Ի դեպ, առանց հոդի գործածական է նաև մէր ա/խծիկ, ծէր ա/խծիկ ձեւերը: Վերոհիշյալ փաստը վկայում է, անշուշտ, որ նման դեպքերում հոդառության բացակայությունը հնաբանություն է, քանի որ դա բնորոշ է հին հայերենին՝ չնայած այնտեղ ստացական դերանունը մշտապես հետադաս գործածություն ունի, օրինակ՝ Հայր իմ (քո, մէր, ծէր) սկսավ պատմել :

Անորոշ առումով, հատկապես՝ ընդհանրական, գործածվող գոյականները, ինչպես և գրական արևելահայերենում, սովորաբար հոդ չեն ստանում՝ ա'րաշտ տարումը ցօրէն չի ինում. Խօ խա պահի/էլը տիժժար ա. տօնը մարք յէ՛կու/թ: Անհոդ գործառություն ունեն կոչականները, օրինակ՝ ա'յ մարք, շտէ՛ է՞ն ման կամ կամ. տեղանունները, եթե ցույց են տալիս գործողության ուղղությունը, երբեմն է՛՝ կատարման վայրը. օրինակ՝ արուսը քաշ'ալ ա քրէ՛կան. կօ՛րէս փիս քօռ ա կամ : Այլ քարբառների և գրական արևելահայերենի նման, հոդ չի ստանում նաև աստվածքանությունը բառը՝ բոլոր հոլովկերում: Խսկ մի(ն), մըմ թվականին հանգող անորոշ հոդ ունեցող գոյականի քանակը՝ մեկ հատ, որոշակիորեն ընկալելի է: Այսպես. մին ճի, մին թիվանց ալ պահանջ օնի լալ [Մուլադյան, էջ 210, Կարավարերդի խավ.]. մին քունդ ու շունց ա տրվալ [տ. 65, Կապանի խավ.]. մի/թ(ն) մարք յէ՛կու/թ, մի/թն ա/խչիկ քինանց [Գորիսի խավ.]:

Լարաբաղի քարբառում որոշյալ և ստացական հոդերի գործառության միջև տարբերություններ չկան: Այստեղ գոյականը, ինչպես գրական արևելահայերենում, ստացական հոդեր (-ս, -

տ<դ, -ը/ն> կարող է ստանալ եզակի և հոգմակի թվի ցանկացած հոլովում: Օրինակ՝ քախչումը (քախչէքումը) շատ քօթ կա, խօխօ՛րցատ խարար չօնէ՞ն և այլն: Սակայն բարբառի խոսվածքներում մեծ գործառություն ունի եզակի թվի իմ, քօ/ու դերանունների հետ ստացական հոդերի կիրառությունը. իմ տո՛նը (տղղաս, հա վէրըս), քու շօնըտ (մա՛րթըտ, ծա՛ռէրթ): Օրինակ՝ իմ տարըս («տերս») փիս խըսյաթ օնի...[Մարգարյան, էջ 281, Գորիսի խավ.]: իմ կու՛փածըս («խփածը») հինչ ա դէ՛ռայ, հօր քու կու՛փածըթ/տ ալ հինչ դէռի [Մուրադյան, էջ 213, Կարպավերդի խավ.]: Թեպես երբեմն հաճդիպում է նաև իմ տոնը, իմ խօխան, քու շօնը, քու տղղան և այլն կառույցներ:

Վերը նշվեց, որ հարազատական կապեր ցույց տվող շատ գոյականներ իմ, քօ/ու դերանունների հետ գործածվելիս ստացական հոդ չեն ստանում: Սակայն կամ նաև այդ իմաստային խմբին պատկանող որոշ թվով բառեր, ինչպես՝ տղղա, ախճիկ, խօխա, քօռ, ծօռ, հարս, փէ՛սա և այլն, որոնք նշված դեպքում հաճախ հոդառու են՝ -ս կամ -տ: Այսպես. իմ տղղա՛ն/ն, քու տղղա՛ն/ն, իմ քօ՛նըս/ը, քու քօ՛նըտ/ը, բայց նաև՝ մէր (ծէր) տղղան և այլն: Այս երևույթը հավելուրդայնություն է, որը ձևաբանական կառույցներում առաջանում է կա՞ն տվյալ ձևույթի բովանդակության պլանում թուլանալու հետևանքով, կամ էլ թելադրված է լինում քերականական իմաստի սաստկացման անհրաժեշտությամբ: Տվյալ դեպքում շեշտվում է դիմային պատկանելության քերականական իմաստը: Կարծում ենք՝ դեր է կատարում նաև, բարբառում դիմորոշ հոդերի (-ս, -տ, -՛՛) գործածության սովորույթը:

Հատկանշական է, որ հոգմակի թվի մէր, ծէր դերանունների հետ գոյականը ստանում է ոչ թե առաջին և երկրորդ, այլ երրորդ դեմքի (կամ որոշյալ) հոդ: Օրինակ՝ մէր խօ՛նչորքը/ րա խէրը (կօ վէրը), ծէր շենէրը (մա՛րթիրը):

Բարբառագետները նկատել են, որ գոյականները հոգմակի թվում կրկնակի հոգմակերտներ են ստանում, եթե պատկանելիության իմաստ են արտահայտում [Դավթյան, էջ 95. Մարգարյան, էջ 172-173]: Նման դեպքում գոյականի հետ չեն գործածվում հատկացուցիչ անձնական դերանուններ: Այսպես. վընդըրնէ՛րիս («մեր ոտերի») տակը կրակ ա է՛րում. տընըրնիս («մեր տները») մօտ ա. հէրէրնիս («մեր հայրերը») քա՛նաք էն քացալ:

Ղարաբաղի քարքառում ցանկացած խոսքի մաս, ինչպես գրական արևելահայերենում, գոյականաբար գործածվելիս ունի հոդառություն, սակայն, բնականաբար, դա կատարվում է տվյալ համակարգում գոյականին բնորոշ կանոններով։ Լավը սա յա, խօսիլը գոյն դժում չի։ Ուշագրավ է մասին կապի ստացական հոդառության փաստը իմ և քո/ու դերանունների հետ գործածվելիս՝ իմ մասին պահ չանես, քու մասիտ պահումի։ Այս հավելուրդայնությունով նույնպես կարևորվում է տվյալ քերականական դեմքի շեշտվելը խոսողի կողմից։

Ինչպես գրաբարում, այնպես էլ Ղարաբաղի քարքառում, և, տ, ը/ն հոդերը քազմիմաստ են։ նրանք ունեն նաև ցուցականության իմաստ։ Քարքառում էս, էտ, էն ցուցական դերանունների հետ և նաև առանց դրանց գործածվում են -ս, -տ, -մ/ը հոդերը։ Նման դեպքում սրանք դիմորոշ են այնքանով, որ նշում են խոսողի և տվյալ առարկայի տարածական հարաբերությունը։ Օրինակ, էս քիշէրիս լավ արագ էմ տէսալ, էտ ամէռնըտ յէս նա տու քիմնցալ ինք սարը [Դավթյան, էջ 265], իմ խուխէն էն քանիոր աշխարքը մէ քըցիլ [Պողոսյան, էջ 361]։ Այս դեպքում հավելուրդայնությունը առաջացել է, կարծում ենք, -ս, -տ հոդերի պատկանելիության իմաստի գերակայության հետևանքով։ Փաստորեն այդ հոդերի դիմորոշությունն ավելի քույլ է արտահայտված, և անհրաժեշտություն է առաջացել ցուցական դերանունների կիրառության։

Այսպիսով՝ գոյականի հոդառությունը Ղարաբաղի քարքառի բոլոր խոսվածքներում ունի մեծ գործառություն և համանման դրսորումներ։ Դրանով, նմանվելով արևելյան խմբակցության քարքառներին, ունի նաև որոշ յուրահատկություններ, ինչպես, օրինակ՝ իմ, քո դերանունների կողքին գործածվող՝ ազգակցություն ցույց տվող գոյականների հետ հոդի քացակայությունը կամ՝ մասին կապի հոդառության փաստը։

Օգտագործած գրականության ցանկ

1. Ա. Գ. Աբրահամյան, Ն. Ա. Պառճասյան, Հ. Ա. Օհանյան, Ժամանակակից հայոց լեզու, հատ. 2, Երևան, 1974:
2. Ա. Այսոբնյան, Զննական քերականություն աշխարհաբար կամ արդի հայերեն լեզվի, Երևան, 1987:

3. Կ. Ս. Դավիթյան, Լեռնային Ղարաբաղի բարբառային քարտեզը, Երևան, 1966:
4. Ալ. Մարգարյան, Գորիսի բարբառը, Երևան, 1975:
5. Հ. Դ. Մուրադյան, Կարավաքերդի բարբառը, Երևան, 1967:
6. Ա. Մ. Պողոսյան, Հաղբուրփի բարբառը, Երևան, 1967:
7. Գ. Բ. Զահմոկյան, Հայ բարբառագիտության ներածություն, Երևան, 1972:
8. Գ. Բ. Զահմոկյան, Ժամանակակից հայերնի տեսության հիմունքները, Երևան, 1974:
9. ՀՐԱ ծրագրով լրացված տեսորեր (թիվ 41, 123, 124, 125, 127, 173, 209, 217, 220, 243):

ՏԵՐ ԲԱՌՈՎ ԿԱԶՄՈՒԹՅՈՒՆՆԵՐԸ ՀԱՅԵՐԵՆԻ
ԲԱՐԲԱՌՆԵՐՈՒՄ

Կրոնական փոխառությունները, գրաբարյան շրջանում հարազատ լինելով փոխատու լեզվին, հայերենի բարբառներում հիմնականում հանդես են եկել տվյալ բարբառին բնորոշ բաղաձայնական և ճայնավորական հնչյունափոխություններով: Նման փոխառությունների հնչարտասանական կայունության վրա հետազայում ազդել են հասարակական, քաղաքական, տնտեսական պայմանները: Է. Աղայանը «Նոր հայերեն բարբառների առաջացման հարցի շորջ» հոդվածում գրում է. «Քագրատունյաց բազավորության կործանումով ջնջվեց հայ պետականությունը մեր երկրից: Միատարր կապը բացակայեց: Նույնիսկ «Եկեղեցի, եպիսկոպոս, կարուղիկոս» բառերը միաձև չմնացին հայ լեզվի մեջ» (Պատմաբանասիրական հանդես, 1958, N 2):

Բարբառային բառապաշտի գործուն բառերից է համահյկական բառաշերտին պատկանող «տէր» բազմիմաստ բառը՝ իր կրոնական և աշխարհիկ առումներով: Այն գործածվել է և գրաբարում, և միջին հայերենում, այժմ էլ գործածական է արևմտահայ և արևելահայ գրական, ժողովրդախոսակցական լեզուներում և բարբառներում:

Հր. Աճառյանը «Հայերեն արմատական բառարանում» տէր բառի մասին գրում է. «Ծագում է տի-այր ձևից, ավելի հինը՝ տէայր, որ կազմուած է տէ՝ «մեծ» և այր «տղամարդ» բառերից» (<. Աճառյան, Հայերեն արմատական բառարան, 4, Երևան, 1979, էջ 401): Բացատրական բառարաններում¹ տրված «տէր», «մեծ», «փշխան», «ամուսին», «հովանավոր» և այլ իմաստներից բացի, լայնորեն տարածված է «տէր» բազմիմաստ բառի «Աստված» նշանակությունը: Անդրադառնալով տէր, աստուած, լոյս և այլն բառերի իմաստաբանությանը՝ Վ. Համբարձումյանը «Հայերեն Աստված բառի ծագումն ու տիպաբանությունը» գրքում գրում է. «Քրիստոնեական եկեղեցին այդ անվանումներին ոչ

¹ Տե՛ս հայերենի բացատրական բառարանները:

այնքան հաղորդել է բոլորովին նոր իմաստ, որքան որ վերահմաստավորել է իր հավատքին համապատասխան՝ պահպանելով հնդեվրոպական ծագում ունեցող այդ բառերի ամենանախնական իմաստներն ու նշանակությունը» (Վ. Համբարձումյան, Հայերեն Աստված բառի ծագումն ու տիպարանությունը, Երևան, 2002, էջ 10, 25):

Այնուհետև նշվում է, որ տէր բառը, բաղադրված լինելով *տիհայր* հնդեվրոպական ձևից, նախապես նշանակել է «հայր-Աստված», «Երկինք-Աստված»:

Որպես կրոնական բառապաշարի միավոր՝ *Sէր-ը* մատնանշում է Հայր Աստծուն և Որդի Աստծուն ու գրվում է մեծատառով, օրինակ՝ «Մովսեսը լսեց *Sէրոց ծայմռ*», «Հիսուս Քրիստոս՝ *Sէրը*, պայծառակերպվեց»:

Sէր բառը հաճախ հոգևորական կամ աշխարհական բարձրաստիճան անձանց հարգական դիմելածե է. երբեմն այն մատնանշում է ընդհանրապես քահանա: Այդ մասին Ստ. Մալխասյանցի «Հայերեն բացատրական բառարանում» կարդում ենք. «Յարգական մակդիր, որ դնում են քահանայի անուան առաջ, երբեմն և առանց անուան» (Ստ. Մալխասեանց, Հայերեն բացատրական բառարան, հ. 4, Երևան, 1945, էջ 409): *Sէր-ը* քահանայի անվան փոխարեն կամ որպես որոշիչ գործածվելիս գրվում է փորբատառով. օրինակ՝ «Ա՛տէր, զատիկը էս տարի ե՞փ ա», «Հսօր պատարագիչը տէր Օհանեսն ա»: Ներկայումս Մայր Արոռ Սուրբ Էջմիածնի կողմից ընդունված է մեծատառով համառոտագրությունը. ինչպես՝ *S. Հակոբ*, *S. Հովհաննես* և այլն:

Sէր բառը նաև ազգանվան բաղադրիչ է, գրվում է մեծատառով և հատուկ անվան հիմնական մասին միանում է գծիկով, օրինակ՝ *Sէր-Գաբրիելյան*, *Sէր-Գրիգորյան* և այլն: Նախախորհրդային շրջանում *Sէր* բաղադրիչով ազգանուն ունեին հատկապես հոգևորականների արյունակիցները: Խորհրդային աստվածմերժության տարիներին քաղաքացիական գրանցումների բաժիններում ծննդյան վկայականներում այդ մասնիկը պարզապես չէին գրում: Արդի անվանադրության գործընթացում միտում կա *Sէր* բաղադրիչով ազգանունների վերականգնման:

Առանձնակի հետաքրքրություն են ներկայացնում «տէր» ձևահմաստային միավորով կազմությունների բարբառային տարբերակները: *Sէր* բառով են բաղադրված *տէրտէր*, *տէր-*

տէրակիմ, տիրուիի, տյառնընդառաջ, տերնընդայս, տերողորմյաև և այլ բառեր:

«Տեր հայր, քահանա» իմաստն են արտահայտում «տէր» բառի բարբառային հետևյալ զուգաբանությունները. *տէր* (Ալաշկերտ, Ախալցխա, Բուրդուր, Գորիս, Լոռի, Կարին, Մոկս, Սուշ, Շամախի, Ջուղա, Վան, Տփիլս, Ուրմիա), *տէ՛յր* (Մարադա), *տար* (Մեղրի, Ղարաբաղ), *տարը* (Շատախ), *տարը* (Ղարաբաղ), *տայր* (Ազլուլիս), *տէրա* (Համշեն), *տէրա* (Շապին Գարահիսար), *դէր* (Առտիալ, Ասլանքեկ, Խարբերդ, Համշեն, Նոր Նախիջևան, Ռոդոսք, Սեբաստիա, Տիգրանակերտ, Վաղուհաս, Խանագահ, Ուրգուրուն, Հաղբուր, Մեծ Շեն, Բուրաստան, Պողոսագոմեր, Հարերք, Առաջանոր, Ջանյաքաղ, Մադախս, Ղազանչի, Ծերելդա, Ներքին և Վերին Խոտանան, Վիճան, Քարագլուխ), *դէյ* (Հաճըն, Զեյթուն), *դիր//դիյր*, (*Սվենիա*), *դէրա* (Համշեն, Տրապիզոն, Ճանիկ), *դէրան* (Զիբլուխու, Ունիե, Բալլու) և այլն:

Բարբառներում *տէր-ը հայր* բառի հետ անջատ կամ միասին արտաքերմամբ երբեմն գործածվում է որպես կոչական, օրինակ՝ *տէ՛յր հայր* (Փարպի), *տէր հայր* (Պտղնի, Քյուրագդարա, Ղարաղլար), *տէր հ'այր* (Սուրմալո՛ Մոլլայնձար), *տէր հայ(r)* (Լիգ՝ Ներքին Բուլանուխ), *տէրհայ* (Նախիջևան՝ Կաղ), *դէր հայր* (Սասուն՝ Հոսներ, Գոմք, Արմաշ, Ղարաբաղ) և այլն: Քահանային դիմելիս *տէր բառի սկզբում հաճախ ավելացվում է այ կոչական բառ-մասնիկը* (այ տէր), որը երբեմն ճուղում է բառին որպես նախահավելված՝ կազմելով ձևահմաստային նոր միավորներ. օրինակ՝ *աղի* (Մուժումքար), *աղէր* (Ղափան, Խճանորեսկ), *աղը՛ր* (Քարահունջ, Վերինշեն, Բոռուն, Խոտ, Վաղատուր) և այլն: Ինչպես տեսնում ենք, լեզվական այս իրողությունը բնորոշ է և արևելյան, և արևմտյան խմբակցության բարբառներին:

Տիգրանակերտի, Շամախիի, Լեհահայոց և այլ բարբառներում *տէր բառը հանդես է գալիս պարսկերեն բարա* (>*բար*, *բուր*) «հայր» բառի հետ՝ կազմելով որոշիչ-որոշյալի բառակապակցություն կամ բարդություն, օրինակ՝ *դէր բարը* (Տիգրանակերտ), *տէր բարա* (Շամախի), *դէր բարա* (Լեհահայր), *դէր բարի//դէրբօր* (Բեյլան) և այլն: Շամախիի խոսվածքում *բարա* են կոչում Աստուն: *Բարա* բառի *բուր* հնչյունական տարբերակը Սվենիայի բարբառում բազմաստ է և նշանակում է. 1. «քահանա», 2. «կնքահայր»:

Ողողոսթոյում և Սեբաստիայի Զարա գյուղաքաղաքում դէր հայր բառակապակցությունն ունի մասնավորապես հարգական իմաստ:

Տէր բառը անձանաչելի է դարձել Սվետիայի բարբառի *ուշնադէր* բաղադրյալ կազմության մեջ, որը նշանակում է՝ «օրինյա՝, տե՛ր»:

Ախալքալաքի Բալխու և Ծալկա բնակավայրերում, որտեղ ապրում են կարնեցիներ, գործածական է *տէրք* բառը՝ «վարդագառ» իմաստով: Տվյալ դեպքում տեղի է ունեցել իմաստափոխություն կցորդության հիմունքով: Տիրոջ այլակերպության տոնը Տիրոջ պատվին կոչվում է *տէրք*:

Հոգևոր սպասավոր, քահանա է նշվում նաև այս արմատի կրկնությամբ կազմված *տէրտէր* բառով: Արևելյան և արևմտյան խճքակցության բարբառների մեծ մասում այն հնչյունափոխության ենթարկված չէ և ունի գրական արևելահայերենին բնորոշ հնչարտաքննությունն, օրինակ՝ *տէրտէր* (Ախալցխա, Արարկիր, Եղիոլիա, Չեյրուն, Կարս, Կարին, Մուշ, Նոր Նախիջևան, Վան, Տիֆլիս, Խարբերդ, Հունգարահայք, Շամախի, Տիգրանակերտ, Շատախ, Մակու, Վերին Ճամբարակ, Քյուրական, Անտառուտ, Քաղենու, Ղարուտ, Նորք, Մամզարա, Վահան, Գանձա, Ծաղկավան, Տոսու, Վերին Հովրուք, Սիփան, Շորիշկան, Մեծ Սամսար, Արտամետ, Չոլախլու, Կուրքան, Կաղ, Պոռշնենց, Բուզլուխ, Կոճերեր): Սի շարք խոսվածքներում գործածվում են երկրարդարային, բաղաձայնական և հնչերանգային տարրերություններ ունեցող բառային գուգաբանություններ, ինչպես՝ *տէրտէր* (Եզնախոչա), *տէրտէր* (Արփի), *տղէրտղէր* (Քարահունջ, Խոստ), *տէրդէյ* (Խոստքուր՝ Միջին քաղ), *տէրդէր* (Հախվերիս, Խութ՝ Շեն, Քասաղ, Հազզո, Արարկիր, Կարմիր գյուղ, Մաղինա, Մրգաշատ, Լիզ, Կարս՝ Ջյուրագլարա), *տէրդէր* (Ալիճագրակ), *տէրդէր* (Թաղավանք, Աղավնաձոր), *դէրդէր* (Լեհահայք, Մալաքիա, Տիգրանակերտ, Մուժումբար, Տրավիզոն, Հոսներ, Ընգուզնակ), Ողողոք, Իրցանք, Գոնք, Հարուսի, Արմաշ, Զարա), *դէրդէր* (Ապարանի Ղալայչի, Արագած, Ատմա) և այլն:

Արմավիրի չերքեզախոս հայերը գործածում էին *դ'ենդէր*: Ինչպես տեսնում ենք, տեղի է ունեցել ո ձայնորդի անկում, իսկ գրաբարյան և ձայնորդը պահպանվել է: Ն ձայնորդը պահպանվել է նաև նոյն տարածքի դիրանցու (=տիրացու) բարբառային

զուգարանության մեջ, որտեղ, սակայն, Ա-ն հեռացել է արմատից՝ հայտնվելով -ացու վերջածանցի մեջ:

Օհանավան զյուղի խոսվածքում գրանցված է տէտէր ձեզ. տվյալ պարագայում կա՞մ գործ ունենք սովորական վրիպակի հետ, կա՞մ տեղի է ունեցել առաջին վանկի ու ձայնորդի անկում: Հ. Աճառյանի «Գաւառական բառարանում» որպես մանկական բառեր են նշված Թիֆլիսի բարբառի տէտէր և Արարատյան բարբառի Երևանի, Խոյի բարբառի Օհանավանի խոսվածքների տէտէր բառերը: Վերջին օրինակը հնարավորություն է տալիս ենթադրելու, որ Օհանավանում ընդունված է տէտէր՝ ու ձայնորդի անկումով ձեզ, որը Աճառյանը համարում է մանկական բառապաշարի բառ:

Տիգրանակերտի բարբառում միաժամանակ գործածելի էին տէրտէր և դէրդէր հնչյունական զուգաձևությունները: Կարելի է ենթադրել, որ որպես գրական փոխառություն այն մի դեպքում պահպանել է իր ձեզ, իսկ մյուս դեպքում ենթարկվել է բարբառին բնորոշ բաղաձայնական հնչյունափոխության:

Տեր և *տերտեր* բառերի համեմատությունից պարզվում է, որ վերջինս բարբառներում ավելի լայն տարածում ունի:

Տերտեր բառին իմաստային որոշակի տարբերակմամբ հոմանիշ են *տիրացու*, *տերտերացու* բառերը, որոնք արևելյան և արևմտյան խմբակցության բարբառներում ունեն հետևյալ տեսքը՝ *տերտերացու* (Տիդիս), *տէրտէրցու* (Մանիսա, Պոլիս), *տիրացու* (Բուրդուր, Լոռի, Կաքավարերդ, Շամախի), *տիրացու* (Ալտիալ, Սեղրի, Վահրավար), *տէրացու* (Ազարակ, Գուղեմնիս, Կուրիս), *տէրացու* (Կաքավարերդ, Շամախի), *դէրացու* (Մալաթիա), *դիրացու* (Կարճևան, Պոլիս, Սուչավա), *դիրացու* (Գորիս), այսինքն՝ նա, ով պատրաստվում է տերտեր դառնալ կամ հարմար է տերտեր լինելու համար:

Ենկյուրիայի թքախոս և Արմավիրի չերքեզախոս հայերը համապատասխանաբար գործածում էին *տիրացու* բառի հետևյալ զուգաբանությունները՝ *դէրասու* և *դիրացու*, *դիրացու*:

Տերտերացու բառը Բասենի Տաղվերան և Ապարանի Մելիք-զյուղում ենթարկվել է արտակարգ հնչյունափոխության՝ ստանալով *տացու* ձեզ և ձեռք բերելով նոր իմաստ. նշանակում է «զրագետ, իմաստուն մարդ»: Տվյալ դեպքում առկա է իմաստափոխություն կցորդության հիմունքով. երկու անձերի միջև եղած

կապի (այս դեպքում գրագիտության), ընդհանրության հետևանքով կատարվել է անվանման անցում քահանայից այլ անձի:

Տերտեր բառի հոգնակին բարբառներում ունի «քահանայի գերդաստանը կամ ազգականները» իմաստները և կազմվում է -ենք, -անք հոգնակերտներով, օրինակ՝ գերդրանք (Ակն), տերտերենք (Պոլիս), տերտերեանք (Եվդոկիա) և այլն:

Հայերենի բարբառներում իմաստային արտահայտության միջոցներով առանձնանում է երեցկիմ բառը, որի հոմանշային շարքում հետաքրքրություն են ներկայացնում նաև *տէր* բառով բաղադրվածները: Դրանք հիմնականում կարելի է ներկայացնել բառակազմական հետևյալ խմբերով՝ ա) տեր+ուիի, թ) տեր+կին(իկ), զ) այ տեր+կին(իկ), դ) տերտեր+կին(իկ), ե) տերի, տիրոջ կամ տերտերի կին(իկ) հատկացուցիչ-հատկացյալ բառակազմակցություն:

ա) *Տեր+ուիի*.- Շուրիշկանում և Միլակերտում գործածական է գրականիայերենյան տիրուիի ածանցավոր կազմությունը: *Տիրուիի* բառի հնչյունական և հնչերանգային զուգաբանություններից են՝ տիրուխնի (Ապարան՝ Վարդենիս, Օհանավան, Արտամետ, Գյաբոլներ, Մանդան, Մուսուն), տիրուխնի (Փարպի), տիրոխնի (Արարատյան, Հախվերիս, Էզնախոչա, Էջմիածին՝ Արագած, Բաղնոս, Քասաղ, Կողովիտ, Մասիս, Ույա, Նորաշեն, Բուրաստան), տիրողնի (Վան), տիրոխնի (Բյուրական), տըրօխնի (Մերոպավան), տուրօխնի (Հօրմօրուր), տէրօխնի//տէրօխնրէ (Տոսու և Վերին Հոռորդ, Ուշի, Նախիջևան՝ Գյումուր), տէրօխնիք (Դերըկ) և այլն: Ինչպես նկատելի է, հ>խ (դ) հնչյունական անցումից բացի բոլոր օրինակներում առկա է ն ձայնորդի հավելում: Կարծում ենք, այդ հավելումը կատարվել է օրինելի բառիմաստի ազդեցությամբ և համարանությամբ: Շատախի տարածքում գրանցված է տըրդխորի տարբերակը, որում, կարծում ենք, առկա է ոխ>խոր դրավիխություն և առաջին վանկի ո ձայնորդի համարանությամբ բարդության երկրորդ բաղադրիչի մեջ ո ձայնորդի հավելում:

թ) *Տեր+ա+կին(իկ)*.- տէրակին (Տիգրանակերտ, Ղարաբաղ), տիրակին (Ղարաբաղ, Տանակերտ), դիրակէն (Վաղուհաս, Աստապատ), դիրակին (Զագիկ), դիրակէն (Հարեր, Զանյարաղ, Մաղաղիս, Ղազանչի, Քարազլուխ, Շուշի), դըրակէն (Վերին Հոռարաղ), դէրակըմէգ' (Ուրգուբուն), դիրակէն' (Բուրաստան,

Պողոսագոմեր, Առաջաձոր), դ'ըրանկէմ՝ (Ղազարահող) և այլն:

Ինչպես նկատելի է, տվյալ դեպքում Տիգրանակերտի բարբառի օրինակում ևս բառակզբում ձայնեղացում տեղի չի ունեցել:

գ) *Այ տեր+կիմ(իկ)*.- ըդրրակիմ (Վաղատուր), աղքակիմ (Վերինշեն, Բոռուն), աղէրակրնէզ (Ղափան), ըդրոկիմ (Վաղատուր) և այլն: Ինչպես նախորդ, այնպես էլ այս բաժնի օրինակները ևս բնորոշ են հիմնականում Ղարաբաղի բարբառի խոսվածքներին:

դ) *Տերտէր+կիմ*.- տէրտէրակիմ (Դվին, Ղազախ, Ղարաբաղ, Մուտումքար, Կիրովարաղ), տէրտէրակիմ (Վերին Շամբարակ), տիրտիրակիմ (Կիրովաբաղ), տըրտըրակիմ (Քարահունջ, Նավուր), տէրտէրազիմ (Նորք), տէրտէրագիմ (Քյուրական), տէյտէրազիմ (Փարաղի), դէրդէրազիմ (Աշնակ) և այլն: Ինչպես նկատելի է, -ում ճյուղի բարբառների շարքում տեղ է գտել արևմտյան խմբակցության Սասունի բարբառը: Երկրորդ, երրորդ և չորրորդ կետերում քերված օրինակները բացառապես հոդակապով են և բնորոշ են արևելյան խմբակցության բարբառներին, մասնավորաբար՝ Ղարաբաղի բարբառի խոսվածքներին: «Մեր հին լեզվի պատմությունն ուսումնասիրողները անհոդակապ բարդությունները համարել են բուն ժողովրդական կազմություններ և այդպիսիք հակադրել են հոդակապով բարդություններին, որոնք համարվել են զուտ գրական, ոչ ժողովրդական կազմություններ: Այսպիսի մեկնաբանությունն որոշ վերապահությամբ պետք է ընդունել», - գրում է Վ. Առաքելյանը (Առաքելյան Վ., Հինգերորդ դարի հայ բարգմանական գրականության լեզուն և ոճը, էջ 128):

ե) Երեցկին իմաստը արտահայտվում է նաև *տեր կամ տէրտէր* բառերով բաղադրված հատկացուցիչ-հատկացյալ բառակապակցություններով, օրինակ՝ *տէրտէրի կրնիկ* (Հին Զուղա, Նուխի, Շահումյան), *տէրտէրի կրնիկ'* (Մարաղա), *տիրտէրիմ կրնըէկը* (Բուզլուխ), *տէրդըրօչ կրնիգ* (Արմտլու), *դէրային զընիզը* (Տրավիզոն, Ծինգեր, Միմեր, Բազարյաշա), *դէրդէրիմ զընիզը* (Տրավիզոն), *դէրու կրնէգ'* (Ներքին և Վերին Խոտանան), *դէրի կրնէգ'* (Վիճան), *դէրէն կրնէգ'* (Ղասմաշեն, Քեյվան) և այլն: Գորիսում և Խնձորեսկում նշված բառակապակցության սկզբում ավելանում է այ կոչական բառ-մասնիկը՝ համապատաս-

Խանաքար կազմելով աղօրը կը ճը՞կ, ըդէրի կը ճէկ բարբառային գուգարանությունները:

Երեցկին-տիրուիին հասարակ անունից անցում է կատարել հատուկ անվան և լայն տարածում ունի հայերենի բարբառներում: Օրինակ՝ *Sիրուիի* (Մարտակերտ՝ Զագլիկ, Աղաբազար, Առատաշեն), *Sիրուի* (Ղարաբյարիս), *Sիրույի* (Չիբլուիսու, Բեթանո, Փողա, Չոլախլու, Սխլյա, Սխկներ, Մոլլաղամանք), *Sիրոհի* (Նախիջևան՝ Մեծովի), *Sարուիի* (Շուշի), *Sըրուիի* (Քարազլուիս), *Sուրուիի* (Վիճան), *Sըրունիի* (Գորիս), *Դիրուիի* (Քոփի, Մարաշ), *Դիրույի* (Ռոդոսքրո, Բազմաշեն, Բեյլան), *Դուրուիի* (Մալաթիա), *Դիրիֆի* (Չմշկածագ) և այլն: Չմշկածագի օրինակում ունենք հայերենի մի շարք բարբառներին բնորոշ հ>ֆ հնչյունափոխություն (իմա՝ հող>ֆող, հոր>ֆոր), որը տվյալ պարագայում կատարվել է ոչ թե բառասկզբում, այլ բառամիջում: Հաճախադեպ են նաև արտակարգ հնչյունափոխությամբ տարբերակները: Օրինակ՝ *Sրունի* (Հարերք), *Sիրում* (Ծայծակ, Եղվարդ, Բալխո, Նախիջևան՝ Գյումոր, Քըլիսամ, Ուլյա, Ալաստան, Կտրած քար, Իրցանք, Հազարեն, Չոլախլու, Հաղպոն, Աղավնատուն, Բեթանո, Փիրան), *Sիրուխ* (Ծայծակ, Կվերս), *Sիրօ* (Գետազատ, Կողակ), *Sիրուկ* (Երգմկա), *Դուրիգ* (Մալաթիա), *Դիրուգ* (Ծինգեր, Սիմեր, Բագատյաշտա, ճանիկ, Սամսոն, օրմօնքօյ), *Դիրուխ* (Բեյլան), *Դիրօ* (Մըշկեղ, Փասնք) և այլն:

Նկատելի է, որ երեցկին>տիրուիին և հատկանուն *Sիրուիին* բարբառներում բացառապես հանդես են զալիս հնչյունափոխական տարբերություններով և առանձին ձևերով: Սիայն Արճեշի Ծայծակ և Խոշարի Հուրբուկ գյուղերում է *Sիրուխնի* ձեզ միաժամանակ նշում է և անձնանուն, և երեցկին:

Sիրուիի հատկանունը կիրառելի չէր Նախիջևանի Փարաղաջակավայրում, և տրված բառի *տիրօխնի* հնչյունափոխված տարբերակն ունի միայն երեցկին իմաստը:

Տերտեր և *տերտերակին* բառերի բարբառային ձևերի դիտարկումից և համեմատությունից կարելի է եզրակացնել, որ երեցկինը՝ որպես անհատականություն, առանձնակի ուշադրության է արժանանում բարբառախոսների կողմից և ունի ոչ պակաս դերակատարություն, քան քահանան՝ տերտերը:

Տեր բառով կազմությունների մեջ իրենց բովանդակությամբ և ընդգրկած բարբառային սահմաններով առանձնանում են

Տյառնընդառաջ և տերմընդայս բառերը: Տյառնընդառաջ եզրը առաջին անգամ հիշատակված է Կարինի ժողովի կանոնների ցանկում՝ բյուզանդական կայսեր հրամանով գրմարված մի ժողովի աղթով: Հետագայում այն լայնորեն ընդունվել է հայերենի բարբառների կողմից: Գ. Տաքեացին համոզված է, որ բառի ծագումը կապված է տոնի պատմության հետ, համաձայն որի՝ քառասնօրյա մանուկ Հիսուսին տանում են Երուսաղեմի տաճար՝ Աստծուն ընծայելու, և Սիմոն ծերունին ու Աննա մարգարեուին ընդառաջ են զալիս աստվածորդուն: «Եւ ամեներեան վառեալ լուսով եկին ի տաճարն ընդառաջ Տեառն և ասեն՝ Տէր Էանց ընդ այս դրունս. ուստի և անուանեցաւ աւորս տօն ընդառաջ և Տէր ընդ այս» (Գ. Տաքեացի, Նորին բարող գալստեան Տեառն քառասնօրեայ ի Տաճարն...», էջ 79):

Մաղաքիա պատրիարք Օրմանյանը բառի բացատրությունը կապում է Ղուկասի ավետարանի տեքստում առկա «յանդիման առնել Տեառն» կապակցության հետ, որը նման է «ընդ առաջ Տեառն»՝ «դեպի Տէրը» արտահայտություններին (Ղուկ. 2.29-32):

Օրմանյանը *Տէրնտաս* տարբերակը կապում է Տիր անվան հետ և բառը վերագրում նախարքիստոնեական մի այլ տոնի: «Եկին ի տեսանել զեկեալի ի տաճարն և միմեանց ձայն տուեալ ասէին: Տէր ընդ առաջ. և այլը պատասխանեալ ասէին. Տէր ընդ այս»: Իսկ սուրբ Գրիգոր Տաքեացին գրում է. «Տյառնընդառաջ և տէրընդայս, զոր ծերելով ասեմք տէրընդէմ» (տես Հր. Աճառյան, Հայերեն արմատական բառարան, հ. 4, էջ 402): Բերված օրինակից կարելի է ենթադրել, որ այդ բառերը ստեղծվել են միաժամանակ:

Տյառն ընդ առաջ և Տէրն ընդ այս արտահայտությունները տարբեր բարբառներում ունեն հետևյալ հասկացական-բառանվանողական գուգարանությունները՝ *տոռոնց-տոռոնց* (Ղազախ), *տառինց-տառինց* (Զուլա, Վաղարշապատ), *տէրընտաս//տէրընդաս* (Ակն, Այնքափ, Եվդոկիա, Խնոս, Կյուրին, Նոր Նախիջևան, Հին Քայազետ, Քղի), *տէրընդաս* (Երզնկա), *տէրընդագ//տէրընդագ* (Մուշ), *տէրընդէգ* (Բուլանուխ), *տըրընդէգ* (Արարատյան, Կարին, Մուշ, Շիրակ), *տէնդառաջ* (Վան), *դըրընդէգ* (Վաղարշապատ), *դառդառաճ* (Վայքի բնիկներ), *տէրինտառաջ//տաճտառէջ* (Վայքի գաղքականներ), *դէրընդաս* (Պոլիս), *դարնդաս* (Սվեդիա), *դառանչ* (Վայոց ձոր), *տըրըշքէրէնչ//թըրըշքառէնչ*

(Քուրդուր) և այլն: Ինչպես նկատելի է, երբեմն տեղի է ունեցել նշված երկու բառերի միաձուլում, սկզբնահնչյունների և այլ տարրերի համակցումով հապավական կառույցների առաջացում:

Հաճշենի բարբառում ունենք տերմոտա բառը, որ նշանակում է՝ «տան միջի մեծ գերան», որի հետ կապված են որոշակի նախապաշտումներ:

Հաճշենի Ունիե և Բալլուղ գյուղերում Քրիստոսի այլակերպության տոնը, որ հայտնի է վարդապառ անունով, վառտէվառ հնչյունական տարրերակից բացի ունի նաև տէրլընդաս ձևը: Հաճշենի բարբառում տէրն ընդ այս միջինհայերենյան արտահայտության հնչյունական զուգաձևությունն է դէյէն դէզ, որ ունի «կաղանդ, նոր տարի», այսինքն՝ աստվածահայտնություն իմաստը:

Ակնհայտ է, որ վառտէվառ օրինակում տեղի է ունեցել Քրիստոսի հրաշակերպության, իսկ դէյէն դէզ՝ ծննդյան և քառասնօրյա Տաճար գալու տոնների անվանումների շփորություն, որը բավականին տարածված է հայերենի բարբառներում:

Հաճախ բարբառախոսները տէր բառով կազմում են նորանոր բաղադրություններ, որոնց վերագրում են նոր իմաստներ: Նման բառերը կրոնական իմաստ չունեն, սակայն դրանց կազմությունը բխում է կրոնական հավատալիքներից:

Այսպես՝ «համրիչ» բառը բազմաթիվ բարբառներում ունի տէրոլորմյա ձևը: Համրիչի հատիկները գցելիս ընդունված էր ասել՝ «խեր, շառ, աստված», նաև «Տե՛ր, ողորմյա»: *Պոպին զիձում ա նէլ տէրադորմին մըտկումը նահամ՝ «խայր, շառ, աստուծ»* (Տաճակերտ): Կարծում ենք՝ այս է պատճառ դարձել համրիչը կոչելու տէրոլորմյա: Այս բառի հնչյունական զուգաբանություններից են՝ տէրոլորմյա (Մուղնի, Քանաքեռ), տէրոլորմա (Ազնավուլ, Վերին Քրդեր), տէրվոլորմյա (Վան, Սուլմալու՝ Մոլլաղամար), տէրադորմի (Տաճակերտ, Մեծոփ), տէրոլորմյիա (Մարաղա), տէրալորմի (Հաղբատ), տէրվադորմա (Կիրովարան), տէրադորմա (Շամուտ), տէրադորմա (Շավարշավան), տէրադորմիյա (Փարաղաշ), տիրիդորմա (Մեյսովան, Մեծ շեն), տիրրոլորման (Պողոսագոմեր), տըրրոլորմյա (Զափար), տըրրոլորմա (Բուզլուխ), տըրըդորման (Եարտար), տըրդորման (Զագլիկ), տըրըդօրման (Մարաղա, Քարագլուխ), տիրրդօրման (Շուշի), տիրըդորմա (Հադրութ), տուրուղորմա (Վաղուհաս) և այլն:

Տօղօրմա (Դաջան), *տօղօրմի* (Ամբերդ, Դողս, Վերին Ջրդեր), *տէղօրմի* (Ծաղկունք, Շահումյան), *տըղօրմա* (Վաղուհաս, Խնձորեսկ, Վերինշեն, Բռուն, Նավուր, Ղասմաշեն, Ջեյվան, Ներքին և Վերին Խոտանան, Վիճան) ձևերը բարբառային հապավական յուրօրինակ կառուցներ են:

Վանի բարբառում *տիրամայր* բառով կերտվել են Աստվածամոր ազդեցությանը վերագրվող մի շարք հիվանդությունների անվանումներ. *տիրամոր* ընկնավոր, *տիրամոր* յարա, (բծավոր վերք, որը բուժելու համար ապավիճում էին Տիրամոր վանքին), *տիրամօր ք'ամի* (հողացավ) և այլն: Բուլանուխի խոսվածքին հատուկ էր *տիրամօր բրող* (=բողջ) հատկացուցիչ-հատկացյալը՝ «պալար, վերք» իմաստով:

Վան-Վասպուրականի տարածքի Թիմար, Դոնաշեն, Լիմ, Հունքուկ, Խոշաբ բնակավայրերում սամիր խոտարույսը անվանում էին *տէրաղօրիկ*//*տէրաղօրիկ'*, օրինակ՝ *Պըռվածքի* (=բրովի) մէջ *տէրաղօրիկ* *տիր* (Դոնաշեն):

Ախալքալաքի Վաշիան գյուղի խոսվածքում կա *տէրտէր* բառը՝ «սարդ» իմաստով, օրինակ՝ *Տէրտէրը ճանճ էր պըռնէ*: Կարծում ենք՝ բառը պիտի ունենա գրության տարբերություն, բաղադրված չէ «տէր» բառից և լեզվի պատմության ներկա փուլում է ձեռք բերել համանություն: Հնարավոր է, որ սարդը *տէրտէր* են կոչում սև գույն ունենալու պատճառով: Տվյալ դեպքում առկա է իմաստային փոխանություն:

Այսպիսով, *տէր* բառով կազմությունների ուսումնասիրությունը ցույց է տալիս, որ դրանք բնորոշ են և արևմտյան, և արևելյան խմբակցության բարբառներին և հիմնականում կազմում են կրոնական բառապաշարի մաս: *Տէր*, *տէրտէր* բառերի դիտարկումը բացահայտեց նաև, որ բարբախոսները չեն տարբերակում կոսակորոն ու ամուսնացյալ բահանայությունը և երկու դեպքում էլ գործածում են նոյն բառերը:

Գրականություն

- ՀՀ ԳԱԱ լեզվի ինստիտուտի բարբառագիտության բաժնի բարբառային գրանցումներով տեստը:
- Աստուածաշունչ մատենա Հին և Նոր կտակարանաց, Երևան 1997:
- Ածաղյան Հր., Հայերեն արմատական բառարան, Երևան, 1971-1979:
- Ածառեան Հր., Գալառական զառարան, Թիֆլիս, 1913:

Տօղօրմա (Դաջան), *տօղօրմի* (Ամբերդ, Դողս, Վերին Ջրդեր), *տէղօրմի* (Ծաղկունք, Շահումյան), *տըղօրմա* (Վաղուհաս, Խնձորեսկ, Վերինշեն, Բռուն, Նավուր, Ղասմաշեն, Ջեյվան, Ներքին և Վերին Խոտանան, Վիճան) ձևերը բարբառային հապավական յուրօրինակ կառուցներ են:

Վանի բարբառում *տիրամայր* բառով կերտվել են Աստվածամոր ազդեցությանը վերագրվող մի շարք հիվանդությունների անվանումներ. *տիրամոր* ընկնավոր, *տիրամոր* յարա, (բծավոր վերք, որը բուժելու համար ապավիճում էին Տիրամոր վանքին), *տիրամօր ք'ամի* (հողացավ) և այլն: Բուլանուխի խոսվածքին հատուկ էր *տիրամօր բրող* (=բողջ) հատկացուցիչ-հատկացյալը՝ «պալար, վերք» իմաստով:

Վան-Վասպուրականի տարածքի Թիմար, Դոնաշեն, Լիմ, Հունքուկ, Խոշաբ բնակավայրերում սամիր խոտարույսը անվանում էին *տէրաղօրիկ*//*տէրաղօրիկ'*, օրինակ՝ *Պըռվածքի* (=բրովի) մէջ *տէրաղօրիկ* *տիր* (Դոնաշեն):

Ախալքալաքի Վաշիան գյուղի խոսվածքում կա *տէրտէր* բառը՝ «սարդ» իմաստով, օրինակ՝ *Տէրտէրը ճանճ էր պըռնէ*: Կարծում ենք՝ բառը պիտի ունենա գրության տարբերություն, բաղադրված չէ «տէր» բառից և լեզվի պատմության ներկա փուլում է ձեռք բերել համանություն: Հնարավոր է, որ սարդը *տէրտէր* են կոչում սև գույն ունենալու պատճառով: Տվյալ դեպքում առկա է իմաստային փոխանություն:

Այսպիսով, *տէր* բառով կազմությունների ուսումնասիրությունը ցույց է տալիս, որ դրանք բնորոշ են և արևմտյան, և արևելյան խմբակցության բարբառներին և հիմնականում կազմում են կրոնական բառապաշարի մաս: *Տէր*, *տէրտէր* բառերի դիտարկումը բացահայտեց նաև, որ բարբախոսները չեն տարբերակում կոսակորոն ու ամուսնացյալ բահանայությունը և երկու դեպքում էլ գործածում են նոյն բառերը:

Գրականություն

- ՀՀ ԳԱԱ լեզվի ինստիտուտի բարբառագիտության բաժնի բարբառային գրանցումներով տեստը:
- Աստուածաշունչ մատենա Հին և Նոր կտակարանաց, Երևան 1997:
- Ածաղյան Հր., Հայերեն արմատական բառարան, Երևան, 1971-1979:
- Ածառեան Հր., Գալառական զառարան, Թիֆլիս, 1913:

**Քարոզք և գամձը հայերենի երաժշտական
տերմինահամակարգում**

Հայ հոգևոր երաժշտարվեստի տերմինաբանության մեջ առանձնանում է կրոնական, բարոյագիտական, խրատական, դավանաբանական մի հասկացություն, որն առնչվում է ինչպես սաղմոսասացությանը, այնպես էլ ճարտասանությանը:

Հայկական քարոզագրությունն առնչվում է 4-5-րդ դարերի հույն և ասորի մատենագիրների (Բարսեղ Կեսարացի, Եվսեփիոս Կեսարացի, Եփրեմ Ասորի, Հովհան Ոսկերերան, Կյուրեղ Ալեքսանդրացի) երկերի թարգմանությանն ու մեկնությանը: Ակադեմիկոս Գ. Զահուկյանը գրում է, որ ասորերենի ազդեցությունը հայերենի վրա իրականանում է իհմնականում մատենագրական ճանապարհով՝ ասորերենից կատարված թարգմանությունների միջոցով¹:

Միջնադարյան քարոզների իհմնական բովանդակությունը Աստվածաշնչի դրույթների մեկնաբանումն էր, սակայն իին դարերում քարոզ է կոչվել նաև աշխարհիկ և կրոնական իշխանությունների կարգադրություններն ու պատգամները իրապակայնորեն ազդարարողը կամ մունետիկը: Ավելին՝ տերմինն առնչվում է նաև երաժշտության՝ կիրառվելով երաժիշտ, նուազածող, մասնավորապես՝ փողար իմաստներով²: Ասորերենում քարոզ են կոչվել նաև պատարագի ժամանակ կատարվող այն աղոքքները, որոնցում հիշատակվում էին եպիսկոպոսներ, պատրիարքներ, հոգևորականներ³: Նմանատիպ բացատրություն է տրված նաև ՆՀԲ-ում՝ քարոզը բնորոշելով իրեն ներքողեան. «Քարոզ ի գալուստ հոգւյն սրբոյ. Քարոզ առաքելոց »⁴:

Առավել հետաքրքիր է հասկացության բնորոշումը Հ. Մկրյա-

¹ Գ. Զահուկյան, Հայոց լեզվի պատմություն, Նախագրային ժամանակաշրջան, Երևան, 1987, էջ 481:

² Նոր բառզիրք հայկագեան լեզուի (ՆՀԲ), հատ. Բ, Վենետիկ, 1837, էջ 999:

³ A Compendious Syriac Dictionary, Oxford, 1957, p. 225.

⁴ ՆՀԲ, նույն տեղում:

նի ուսումնասիրության մեջ.« Ամեն քարոզ անուամբ ընթերցուածք, զորս սարկավազը կը կարդա աղոքքեն առաջ, ընտիր և պատուական խրատներ են, թե ինչպե՞ս պարտի քրիստոնեայն աղոքք և պատաղանք մատուցանել, և որպի՞սի վարք և առաքինութիւն ունենալ: Արդեն քարոզ բառն ինքնին կը ցուցնէ այս նշանակութիւնն, ուստի կը թուի, թե այս քարոզք ժողովրդեան դառնալով կը կարդացուին ի հնումն»⁵: Հարկ է հավելել նաև Կոմիտասի մեկնությունը. « Քարոզ, այսինքն՝ ճառ, որ ընթանում է ձայների որոշ հաջորդականութեամբ, թեև էապես միենոյն ձայնի վրա կանգնած են մնում: Յուրաքանչիւր բառի ամեն մի վանկ ունի միայն մի ձայն. բացառութիւն է կազմում վերջին հատուածի Վերջընթեր վանկը»⁶: Ուսումնասիրողները նշում են , որ գրական տեքստի եղանակավորման նմանատիպ ձևերը համընդհանուր են վաղ շրջանի եկեղեցիների պաշտոներգության համար, իսկ տարբերությունները ժողովուրդների մեղեդային ելաւագների ազգային առանձնահատկություններն են⁷:

Հայ պատմիչների երկերում հանդիպում են տերմինակազմության տարբեր օրինակներ՝ մասնավորապես բաղադրյալ կազմություններ: օրինակ՝ ծշմարտաքարոզ (Ստ. Տարոնեցի Ասողիկ, «Պատմութիւն տիեզերական»), քաջաքարոզ (Ազարանգեղոս, «Պատմութիւն հայոց»), քարոզակից, քարոզութիւն, միաքարոզ, քարոզակ (Եզնիկ, «Եղծ աղանդոց»), մարգարէաքարոզ (Թէոլորոս Քորենաւոր, «Ընդրեմ մայրագումացոյն») ⁸: «Հինգերորդ և հատկապես դասական մատենագրության մեջ հանդիպող բառերի համար, - զրում է Գ. Զահուկյանը, - պետք է ենթադրել դեռևս հնագույն շրջանում սկիզբ առած գործածություն:

Հայերենի ներգրավումը կրոնական ոլորտներում, քրիստոնեության մուտքի հետ կապված ասորական և հունական տերմինների գործածությունը հիմք են տալիս նոր կազմությունների, փոխառյալ և բնիկ հիմքերի գուցորդման: Ասորական և հունական կրոնական բառերից ու տերմիններից կազմվում են նոր հաս-

⁵ Հ. Մկրտչյան, Աղօրագիրը ըստ ժամանակագրութեան Հայաստանեայց ս. Եկեղեցւոյ, Կ. Պոլիս, 1895, էջ 91:

⁶ Կոմիտաս, Հոդվածներ և ուսումնասիրություններ, Հայ Եկեղեցական երաժշրությունն, Երևան, էջ 156:

⁷ E. Wellesz, A history of Byzantine music and hymnography. Oxford, 1961, p. 250.
Հ. Տաղման, Տեօրիա մանաւական բառարան, Երևան, 1977, ստ. 154-155:

⁸ Հր. Աճառյան, Հայերեն արմատական բառարան, հաստ. Դ. Երևան 1979, էջ 563:

կացություններ, օրինակ՝ Եկեղեցի - Եկեղեցական, քարոզ - քարոզություն»⁹: Այսինքն՝ մշակութային նոր արժեքները նոր հասկացություններ են ստեղծում:

Հայ հոգևոր երաժշտարվեստում առանձնացնելով քարոզն իբրև ուրույն ժանր՝ երաժշտագետ Ա. Արևշատյանն առանձնացնում է տերմինի ևս երկու իմաստ:

ա / քարոզն իբրև թվերզի տեսակ, որ ժամերգության ընթացքում գործածվում է որպես ասեղզ: Այս իմաստով առանձնանում է պատարազի քարոզը, որը սարկավագի կողմից կատարվող բոլոր մասերի և քահանայի ընթերցած հատվածների շնորհիվ ստեղծում է որոշակի ծավալուն երաժշտածիսական ձև, և

բ / ժամագրքի քարոզ, որն արդեն ինքնուրույն երաժշտական - քանաստեղծական տեսակ է և իբրև այդպիսին՝ հատուկ է միայն հայկական ժամերգությանը¹⁰:

Հայտնի է, որ հայոց առաջին աղոթամատույցը սաղմոսարանն է Եղել, որը Աստվածաշնչի քարզմանությունից հետո անջատվել է Հին Կտակարանից և բաժանվել ուր կանոնների հետևյալ կերպ՝ Ա - ԺԷ, ԺԸ - ԼԵ, ԼԶ - ԾԴ, ԾԵ - ՀԱ,

ՀԲ - ԶԸ, ԶԹ - ՃԵ, ՃԶ - ՃԺԸ և ճԺԹ - ՃԽՀ¹¹: Այդ կանոններից յուրաքանչյուրը եղրափակվում է մարզարեւական օրինությամբ, քարոզով ու աղոթքով, որ հորինել էին Գ.ր. Լուսավորիչը, Ս. Պարթևը և Հ. Մանդակունին¹²: Վ. Հացունին նկատում է, որ հայոց աղոթամատույցի քարոզներն « ավելի ճոխ էին, ճառածն և հայկական երանգով: Ըստ որում յոյն ժամագիրքը զուրկ քարոզներէ, չեր կրնար մերիններուն օրինակ ըլլալ»¹³:

Կարելի է եղրափականնել, որ պատարազի քարոզ հասկացությունը հիմնվում է համընդհանուր քրիստոնեական ծիսական դրույթների վրա, իսկ ժամագրքի քարոզը հեղինակային ստեղծագործության կնիք ունի:

Ժամագրքի քարոզների ակունքները, ինչպես արդեն նշվել

⁹.Գ. Զահոնյան, նշվ. աշխ., էջ 384-385:

¹⁰ Ա. Արևշատյան, Քարոզի ժանրը հայ հոգևոր երգաստեղծության մեջ, ՊԲՀ, 1992, Ն 2-3, էջ 200:

¹¹ Ն. Թահմիզյան, Հասարակ օրերի կանոնագրությունները «Եջմիածին», 1971, Դ, էջ 38:

¹² Վ. Հացունի, Պատմություն Հայոց Աղօթամատույցին, Վեճետիկ, 1965, էջ 163:

Յովհաննու Խմաստափիրի Աւճնեցոյ Մատենագրութիւնը. Վեճետիկ, 1953, էջ 42:

¹³ Վ.Հացունի, նշվ. աշխ., էջ 166:

է, վաղքրիստոնեական ասորական պաշտոներգության մեջ են: Սակայն եթե ասորական քարոզները սահմանափակվում են լրկ եկեղեցական ասերգի շրջանակներում, ապա հայկական քարոզներն ունենում են յուրօրինակ տարրեր դրսևորումներ և կոչվում ազատ երգ: «Քարոզները քազմացած են, - գրում է Հացունին, - քարոզներու նման ազատ երգեր կը գրուին»¹⁴: Այսինքն՝ ժամագրքային քարոզները, ունենալով որոշակի կանոնական ձևեր, այնուամենայնիվ, քարացած չեն, բացի այդ հայ եկեղեցական երաժշտության մեջ մշտապես կիրառվել են ինչպես կանոնական, այսինքն՝ կատարման համար պարտադիր, անպես էլ ազատ երգեր: Վերջիններս որոշակի ժամանակահատվածում կանոնացվել են, բայց դրանց փոխարեն ստեղծվել են նորերը, որոնց կատարումը դարձյալ միառժամանակ ազատ է եղել: Բնական է, որ նրանք պետք է արտացոլեին նոր ժամանակների գեղագիտական լմբոնումներն ու ենթարկվեին մշակման: Նրանցից շատերը երկար ժամանակ կիրառվել են նույնիսկ իրեն արտապաշտամունքային երգեր: Այդ առումով հիշատակելի են պարականոն շարականները, գանձ, տաղ, մեղեղի շարքերը¹⁵:

Գր. Նարեկացու օրոր է, որ հնագույն քարոզները որոշակի փոփոխություններ են կրում ինչպես բովանդակության, այնպես էլ կառուցվածքի առումով: Ըստ Էության Նարեկացին իր ստեղծագործությունները գրել է որպես կանոնացումից ազատ, տոնական երգեր և հենց այդպես էլ անվանել՝ երգ («Գրիգորի Է երգս այս»)¹⁶: Արձակ երգ հասկացությունը տվյալ դեպքում, կարծում ենք, որոշակիորեն առնչվում է հենց զանձ կոչվող նորաստեղծ երգերին: Հայկացյան քառարանը զանձը մեկնում է իրեն « երգը եւ քարոզը, առեալ ի սկզբնաւորութենէ երգոց Նարեկացույն. Գանձ լուսոյ, Գանձ քաղձալի »¹⁷:

Քարոզների և գանձերի լմբիանորությունը արձանագրել է նաև Մ. Օրմանյանը. «Գանձ կը կոչուին մեծ քարոզներ՝ որ հանդիսաւորապես կ'երգուին առտուններն ու երեկոնները մեսեղիներէն ենքը, և «Գոհանամը զրէն» և «Լուր ծայնից» աղօքքներէն առաջ:

¹⁴ Վ. Հացունին, նշվ. աշխ., էջ 256:

¹⁵ Ն. Թահմանյան, Հանդիսավոր օրերի կանոնագլուխները, «Էջմիածին», 1971, թ, էջ 43:

¹⁶ Գր. Նարեկացի, Տաղեր և գանձեր, Աշխատասիրությամբ Ա. Քյոշկերյանի, Երևան, 1981, էջ 120:

¹⁷ ՆՀԲ, հատ. Ա, Վեճետիկ, 1836, էջ 529:

Գանձ անունը պատահաբար գործածուած է, որովհետեւ այդ ձեւով մեծ քարոզմերուն առաջինները Ս. Գ. Նարեկացին գրած է, և իր անուան տառերով տուններու սկզբնագիրերը կազմել ուղեղով՝ միշտ Գ տառով ու «Գանձ» բառով սկսած է երեք քարոզներն. և անկէ առնուելով ամէն նման ձեւով քարոզներ «Գանձ» կոչուած են»¹⁸: Այսինքն՝ ոչ միայն այդ երգերի սկզբնավորումն է Վերագրվում Նարեկացուն, այլև հենց զանձ անվանումը պայմանավորված է հեղինակի ստեղծագործությունների սկզբնաբառերով: Ի դեպ, Նարեկացու զանձների հին ընդօրինակությունները պահպանվել են ոչ թե զանձ, այլ քարոզ անունով¹⁹: Մատենադարանի ձեռագրերում հանդիպում են տարբեր գրություններ, որոնք վկայում են զանձների ու քարոզների ոչ միայն միմյանց զուգահեռ գործածության, այլև մեկը մյուսով փոխարինած լինելու մասին: Օրինակ՝ «....Ասա եւ զանձս ընդ քարոզիս» կամ «....թէ զանձ չասես՝ զքարոզ ասա»²⁰: Գրչագիր տարբեր զանձարաններում Նարեկացու միևնույն երգը հաճախ վերագրվում է եկեղեցական տարբեր տոնների և անվանում մերք զանձ, մերք քարոզ, մերք էլ տաղ կամ մեղեղի: Ահա թէ ինչու, ՆՀԲ-ում և Հր. Աճառյանի Արմատական բառարանում տերմինները միանշանակ չեն. քարոզը բացատրվում է նախ՝ իբրև երգ, այնուհետև՝ զանձ տօնից, նաև՝ տօնական տաղ²¹: Ըստ երևույթին անվանումների նման բազմազանությունը պայմանավորված է ոչ այնքան գրական կամ երաժշտական առանձնահատկություններով, որքան ծիսական արարողությունների ժամանակ նրանց կատարած դերով: Ահա թէ ինչու բանաստեղծական կամ երաժշտական միևնույն կամ գրեթե միևնույն կառուցվածքի մի ամբողջ շարք կամ խումք հաճախ տարբեր տեսակներ են համարվել և պայմանականորեն էլ նրանց տարբեր անվանումներ են տրվել: Միևնույն հասկացությունը արտահայտելու համար կազմվել են հոմանիշներ, որոնք վկայում են տերմինաբանության դեռևս անկայուն վիճակի մասին: Մարդկային ճանաչողության զարգացման, երևույթների նոր ձևով ընկալման հետևանքով,

¹⁸ Ս. Օրմաննեան, Ծիսական բառարան, Անթիփաս, 1957, էջ 96:

¹⁹ Գ. Նարեկացինցվ. աշխ., էջ 23:

²⁰ Մատենադարան, ձեռ. N 3503, էջ 12 Բ, ձեռ. N 4392, էջ 1 Բ:

²¹ ՆՀԲ, հատ. Բ, էջ 999: Հր. Աճառյան, Հայերեն արմատական բառարան, հատ. Դ, Երևան, 1979, էջ 563:

անշուշտ, փոխվում է նաև հասկացությունների ըմբռնումը. այս դեպքում տերմինը թեև պահպանվում է, բայց կրում է իմաստային որոշ փոփոխություն: Ուստի կարելի է եզրակացնել, որ թե՝ *քարոզը* և թե՝ *գանձը* փաստորեն միևնույն նապատակին են ծառայում, այդ պատճառով էլ հաճախ նույնանում և փոխարինում են միմյանց:

Այսպիսով, *քարոզը* և *գանձը* արձանագրվել են հայերենի նախագրային շրջանում. առաջինը՝ սեմական լեզուներից կատարած փոխառությունների ցանկում, երկրորդը՝ հնագույն շրջանի իրանական փոխառությունների հիմնական շերտում: Առանձնացնելով հայ-ասորական էթնիկական փոխագդեցության, ասորական կրոնաքարոզական գործունեության և դպրոցական ազդեցության այս երեք շրջանները՝ Գ. Զահոռլյանը հայերենի և ասորերենի բառային գուգաղիպությունների միջև հաստատում է նույնիսկ հնչյունական համապատասխանություններ (կ - ք)՝ կարծա - քարոզ²²: Ինչ վերաբերում է իրանական փոխառություններին, ապա դրանք ևս բնութագրվում են հնչյունական մի շարք առանձնահատկություններով, հատկապես իրանական բաղաձայնների և ձայնավորների՝ հայկականների հետ ունեցած փոխհարաբերությամբ: Հայերենի իրանական փոխառություններին բնորոշ է ն - ից հետո հանդիպող ժ - ն զ - ի դիմաց (իրանական յ և հայկական ժ, օրինակ՝ զանձ, բրինձ, հմնտ, հին պր. *ganza – միջ. պր. ganj)²³:

Ակնառու բազմիմաստությունը տեղիք է տալիս տերմինային համանունության, ինչպես՝ *զանձ* – հարստություն, *զանձ* - երաժշտական - բանաստեղծական տեսակ: Ծիշտ է, ընդհանրապես բազմիմաստությունը և հոմանչությունը դժվարացնում են տերմինների ճիշտ ընկալումն ու կիրառությունը, այնուհանդերձ, դարերի ընթացքում բյուրեղացած *քարոզ* և *զանձ* հասկացությունները հայ հոգևոր երգարվեստի կարևոր օղակներից են և իբրև հայոց եկեղեցական ծիսակարգին առնչվող հասկացություններ՝ հեղինակային դրսերումներ են և այսօր էլ երգվում են մեր եկեղեցում:

²² Գ. Զահոռլյան, նշվ. աշխ., էջ 475:

²³ Գ. Զահոռլյան, նշվ. աշխ., էջ 558:

ԱՍՈՐԵՐԵՆԻՑ ՓՈԽԱՌՅԱԼ ԿՐՈՆԱԿԱՆ ՄԻ ՔԱՆԻ
ՏԵՐՄԻՆՆԵՐԻ ԻՍԱՍՏԱՅԻՆ ՓՈՓՈԽՈՒԹՅՈՒՆՆԵՐԻ
ԱՎԱԻՆ

Հայերենի ասորական փոխառություններին անդրադարձել են Հ.Հյուրշմանը, Հ.Աճառյանը, Գ.Զահուկյանը, Լ.Հովհաննիսյանը, Ա.Փերիխանյանը, Ն.Սկրտչյանը և ուրիշներ:

Ըստ Աճառյանի՝ ասորերենից կատարված փոխառությունների ընդհանուր թիվը 209 քառ է, որոնցից 120-ը գործածական են հայերենի բարբառներում կամ արդի հայերենում: Գ.Զահուկյանը այդ բառացանկից առանձնացնում է կապելայ, կոմս, մամոնայ, նափորտմ, սիմեռոլու, մարանարայ բառերը՝ գտնելով, որ այս բառերը ասորերենը իր հերթին փոխառել է հունարենից, այսինքն՝ այս բառերը միջնորդավորված փոխառություններ են:

Աճառյանի բառացանկի մեջ կրոնական տերմինահամակարգին են պատկանում հետևյալ բառերը՝ արեղայ, աղեն «եղեմ», առնակ, ատեսարոն «4 միախառնված ավետարան», բուտ «կրօնական տեսուչ», դերի «վանք», իրրամէն «Գիրք մնացորդաց», խարամանի «դև», ծոմ, մարանարայ «նզովք», մծղնեայ «աղանդ», նածրացի «քրիստոնյա», շարապայ «հորք կուոք», շուշիայ «մասութի շոր», սյրակսաւարայք «Գործք Առաքելոց», սատանայ, սիդա «քուրվառ», սինհոլու «ժողով», սերովք, քահանայ, քաղղեայ (քաւեայ) «հմայող», քարոզ, քերովք, քուեայ, քուրմ (25 քառ) (ՀՀՊ, 1, 336-342):

Այս բառերին կարելի է ավելացնել խորգ «քուրճ», քուսիրայ «կնազու», մամոնայ «սատանայ», մար «ստէր» բառերը:

Զահուկյանը հայ-ասորական հարաբերությունները բաժանում է երկու շրջանի՝

1. հայ-ասորական էթնիկական փոխազդեցության փուլ. մ.թ.ա. 2-րդ դարից մ.թ. 2-րդ դար. այս փուլում հայերի և ասորիների շփումը տեղի է ունենում ինչպես աշխարհագրական հարևանության, այնպես էլ քաղաքական սերտ հարաբերությունների պայմաններում.

2. ասորական կրոնաքարոզական և դպրոցական ազդեցության շրջան՝ մ.թ. 3-րդ դարից 4-րդ դդ. այս փուլում ասորիները, որպես քրիստոնեություն ընդունած ժողովուրդ, լայն քարոզու-

բյուն են սկսում Հայաստանում, իսկ հայերի՝ քրիստոնեություն ընդունելուց հետո ազդում հայերենի վրա ինչպես կրոնական-եկեղեցական բնագավառում (հայկական եկեղեցում ծխական լեզուներ են եղել ասորերենը և հունարենը), այնպես էլ դպրոցական ուսուցման միջոցով (Զահուկյան, 1987, 476):

Ակադ. Գ.-Զահուկյանը (Զահուկյան, 475-485) նախագրային շրջանից ասորերենից հայերենին անցած բառերի մեջ նշում է կրոնին և նախապաշտմունքին վերաբերող հետևյալ բառերը՝ *արեղայ, աղեն, խարամանի, ծոմ, հերանու, մծղնեայ, սատանայ, սրով(վ)րէ, քերովրէ, քարոզ, քահանայ, քուրմ, քուսիթայ, քաղղեայ, մաշկն «լրան, խորան»* (15 բառ):

Զահուկյանը հնարավորինս առանձնացնում է վաղ արամեական և համեմետարար ուշ շրջանի բուն ասորական փոխառությունները: Կրոնին վերաբերող վերոբվարկյալ բառերը բուն ասորական են. վաղ արամեական շրջանից կատարված փոխառությունները չեն արձանագրված:

Լ.Հովհաննիսյանի՝ հինգերորդ դարից վկայված ասորական բառերի ցանկում (88 բառ) կրոնական բնույթի են հետևյալ բառերը՝ *խորզ, ծոմ, հերանու, սատանայ, սրովրէ (սերովրէ), քահանայ, քաղղեայ, քարոզ, քերովրէ, քուեայ «հմայական քար», քուրմ, քուսիթայ «կնգուղ»* բառերը (12 բառ) (Հովհաննիսյան, 89-90):

Այժմ անդրադառնանք այդ բառերից մի քանիսին՝ նկատի ունենալով վերոհիշյալ դասակարգումները:

Աղեն (Աղիմ) - ասորերեն ածու ձկից, որ նշանակում էր «դրախտ, եղեն»: Հայերենը Ս.Գրքի թարգմանության ժամանակ եղեմ-ը տառադարձել է հունարենից, որն էլ իր հերթին տառադարձված էր եբրայերեն ածու բառից: Եբրայերեն բառը համապատասխանում է արաբերեն «ախորժելի կյանք, հաճույք» բառերին, դրա համար էլ Ս.Գրքում երբեմն եղեմ-ը թարգմանված է «դրախտ փափկութեան»: Օր.՝ «Եւ առ Տէր Աստուած զմարդն զոր արար, եւ եղ զնա ի դրախտին փափկութեան զործել զնա եւ պահել» (Ծն. Բ.15):

Աշխարհաբարում թարգմանվել է «քերկրության դրախտ»: Օր.՝ «Տէր Աստուած իր ստեղծած մարդուն տեղավորեց քերկրության դրախտում, դրախտի սա մշակի ու պահպանի այն» (Աստուածաշունչ, 1999):

Եղեմ բառը «Բառարան Սուրբ գրոցում» բացատրվում է.

«Անուն ասիական գաւառի յորում էր դրախտը» (ԲՍԳ, 151): Այս բացատրությանը տարրեր մեկնություններ են տրվել: Եղեմ-ը, որ, ըստ Աստվածաշնչի, բերկրության վայր էր, գտնվում էր Արևելքում: Մրանից ելնելով՝ շատերը եղենք կամ դրախտը զետեղում են Հայաստանում, մյուսները՝ այլ վայրերում¹: Սակայն այդ հարցը այդպես էլ լուծված չէ:

Եղեմ արմատը, ըստ ՆՀԲ-ի, նշանակում է «փափկութին. տեղի դրախտին և դրախտն» (ՆՀԲ, 646): Այս արմատից կազմված նշվում են եղեմարուղիս (եղեմարուխ), եղեմածիմ, եղեմական, եղեմահիս, եղեմային, եղեմատոնկ բառերը: Ըստ Մալխասյանցի՝ «1. Փափկութեան դրախտը, որի մէջ ըստ կրօնական աւանդութեան նախաստեղծներն ապրում էին մինչև մեղանչելը, 2. փիսր. վայելչութեան տեղ»: Եղեմ բառը «դրախտ» նշանակությամբ գործածվում է ժամանակացի հայերենում: Այն ոչ միայն կրոնական տերմինահամակարգին է պատկանում, այլև գործածվում է որպես համագործածական բառ: Աղեճ ասորերենից փոխառյալ բառը աշխարհաբարյան փուլում չի գործածվում. գրաբարում էլ նրա գործածությունը հաճախական չէ:

Առնակ – Աճառյանը փոխառություն է համարում ասորերեն harnaga բառից, որ նշանակում էր «Չնազայլ»: Բառը ՆՀԲ-ում վկայված չէ (հավանաբար կապված բառի՝ հեթանոսական կրոնին առնչվելու հետ): *Առնակ* բառը բացատրվում է «երևակայական ոգի կամ չար դես, որ հոգիներն առնում է՝ գրող, կրող» (ՀԲԲ, 1, 230): Ըստ Աճառյանի՝ harnaga ասորերեն բառը հայերենում պիտի դառնար հառնագ, բայց «հայ բերանների մէջ հայաձև կերպարանք է ստացել» (ՀԱԲ, 1, 261):

Այս բառին և նրա ծագմանը անդրադարձել է Ն.Ալիշանը «Հայոց հին հավատքը կամ հեթանոսական կրոնը» աշխատության մեջ: «Ոգենեններ» գլխում նա գրում է. «Այն հին ժամանակներում, բացի քաջերից ու նրանց նմաններից, հավանորեն կար առնակ կոչված հոգեհան մի ոգի»: Նա բերում է օրինակը Պրոխորոնի գրվածքից, որտեղ Կինոպաս անունով կախարդը ասում

1 Այս մասին ուշագրավ տեղեկություններ է հայտնում Հ.Մարտիրոսյանը «Հայաստանը և աշխարհաբարման մասին հնագոյն պատկերացումների ակունքները» հոդվածում (Աստվածաշնչական Հայաստան, Երևան, 2005, էջ 53-63) վկայակոչելով Եզեկիելի մարգարեւությունն (Եզեկիել, հԲ, 13-16) և Աւոն Ալիշանի վկայությունները (Ն.Ալիշան, Հայաստան առաջ բան զինելն Հայաստան, Վենետիկ, 1904, էջ 11) նա գտնում է, որ «... Եղեմը Մեծ Հայրի տարածքն է»:

է. «Առաքեմ Առնակ չար ի տուն՝ յորումէ, և պահանջեմ զիոզի նորա ի նմանէ» (Ալիշան, 118-119): Ալիշանը եզրակացնում է, որ ինչպես Գրողը, որ տանում է հոգիները, այնպես էլ «Առնողն» է տանում հոգիները, և առնակը ու գրողը կամ չար հրեշտակը նույնանում են: Ալիշանը բարի ծագումը կապում է «առնել» բայի հետ և առնակը և գրողը համարում է հոմանիշներ: *Առնակ* ամատից կազմված բառերը գործածվում են հայերենի բարբառներում՝ առնակավոր (կատաղի շուն, չար), առնակայիմ, առնակաշուն (Վանի բարբառ):

Վանի բարբառում «առնակաշուն» բառի առկայությունը կասկածելի է դարձնում առնակ բառի ասորական ծագում ունենալը: Ավելի հավանական է թվում առնել բայի հիմք + ակ վերջածացով կազմված կառույցը, այսինքն՝ առնող-տանող (չար ոգի):

Առեսարոն – Այս բառը սխալ ընթերցման հետևանք է: Խոսքը վերաբերում է Տատիանոս Ասորու (մ.թ. 2-դդ.) կազմած սուրբ գրական առաջին համարաբրառին: Վերջինս ձեռնամուխ էր եղել չորս ավետարանների բնագրերը իրար հետ համեմատելու բնական աշխատանքին (փաստորեն ավետարանական համարաբրան կազմելու առաջին փորձն էր): Հունալատինական աղբյուրներում Տատիանոսի կազմած այս բնագրին տրվում է diatessaron անունը, որը գալիս է հունարեն τό δια τεσσάρων εύαγγέλιον բերականական արտահայտությունից, որը նշանակում է «աւետարան ի չորից», այսինքն՝ Ավետարան, որը կազմված է չորս Ավետարանների միջոցով: Ասորական աղբյուրներում ևս օգտագործվում է հունական ծագում ունեցող diatessaron բառը, բայց նրա բուն ասորական անվանումն է evangelion daimēhallētē², որ նշանակում է «միախառնվածների (խառն բնագրերի) ավետարան, այսինքն՝ մի բնագիր, որի մեջ չորս ավետարանները միախառնված էին, համարան ու համարաբրան, և այս առումով էլ այս անվանումը հայացվել էր համարաբրառ աւետարան ձևով: Տատիանոսի կազմած այդ ավետարանի մեկնությունը գրել է Եփրեմ Խուրի Ասորին, որը 5-րդ դարում թարգմանվել է հայերեն և կրել «Մեկնութիւն Աւետարանի համարա-

2 Այս մասին ավելի մանրամասն տես՝ Ն.Ս.Անասյան, Հայ համարաբրառային գրականությունը և հայ մատենագրության համարաբրառը, «Էջմիածին», 1971, թիվ 11 և Հ. Էսապալյան, «Հանդէս ամսօրենյ», 1935, էջ 571-596:

բառ, զոր արարեալ է տեառն Եփրեմի Խորին Ասորոյ»³: Հայ քարգմանիշը ասորերեն բառի բառասկզբի d-ն համարել է նախաճանանիկ և հանել այն:

Մարտանաթայ – Սա նզովքի բանաձև է, որ մեկ անգամ զործածված է Նոր Կոտակարանում՝ «Եթէ ոչ որ սիրէ զուր Յիսոս, եղիցի նզովեալ մարտանաթայ» (Ա Կոր. ԺԶ. 22): Բառի բացատրությունը ՀՀԲ-ում հետևյալն է. «Է սա երկու բառ՝ խառն ի բարբառոյ երայեցոց և ասորոց. վասնզի բնիքեցեալ լինի այսպէս. մարան աքայ, որ քարգմանի՝ տէր մեր զայ: Եւ զայս երայեցիք բազում անգամ ի զործ ածէին ի նզովելն կամ ի յանիծանելն զոր, որով դիտէին ասել. տէր եկեսցէ դատել և պատուհասել զըեզ» (ՀՀԲ, 1749): Ասորերեն տար-ան-ատա արտահայտությունը Աստվածաշնչի քարգմանության ժամանակ տառադարձվել է հայերեն: Հունարենում նույնպես պահպանվել է այդ անեծքի բանաձևը: ՆՀԲ-ի բացատրությունը համարյա համընկնում է ՀՀԲ-ի բացատրության հետ. այստեղ ավելացված է «մարտանաթայ, այսինքն տէր զայ, մի անյոյս լինիք, և ըստ արժանեացն հատուցանել» (ՆՀԲ, 2, 217):

Մծդնեայ – ասորերեն *mysallyyyane* բառից, «մեսաղեան» (աղորական) կրչված քրիստոնեական աղանդ էր: Բառը ասորերեն (արամեերեն) *seluta* «աղորող» արմատից է (ՀԱԲ, 3, 330): Փոխարերական իմաստով նշանակում է «պիլծ, զագիր, զզվելի»: ՆՀԲ-ն բառը բացատրում է «պիլծ, պղծագործ, փծագործ որպէս պատիլիքնեանք, բորբոքիտք, բոնդրակեցիք, սողոմայեցիք» (ՆՀԲ, 2, 284): Այս բառից են մծդնեացի, մծդնի, մծդնազործութին, մծդնեութին բառերը:

Մծդնեությունը քրիստոնեական աղանդ էր, որ ծագել էր Միջագետքում, ապա տարածվել Ասորիքում, Եղիպտոսում, Հայաստանում 4-5-րդ դարերում: Այս աղանդը տարածվել է Հայաստանում և ընդգրկել ոչ միայն աշխարհականների, այլև հոգևորականների շրջանակը: Աղանդի հետևորդները խիստ մարմնական պատիժների են ենթարկվել, ճակատներին աղվեսադրոշն է խարանվել, երեխաներին հեռացրել են ծնողներից և հանձնել հոգևորականների խնամքին: Հայ մատենագրության մեջ նրանց մասին ուղղակի տեղեկություններ չկան, այլ նրանց մասին լուսանցներ են: Այսպես, Եզնիկ Կողբացին նրանց մասին գրում

3. Ս. Եփրեմի Մատենագրութինը, հ. Բ, Վենետիկ, 1836, էջ 431:

է. «Զամունութիւն տուեալ յԱստուծոյ՝ պղծութիւն համարիցին, որպէս Մարկիոնն և Սանի և մծղնեայք» (Եզնիկ, 287): Այսինքն՝ այս նախադասությունից պարզ է դառնում, որ մծղնեությունը մերժում էր աճուսնությունը:

Մծղնեների գլխավոր շեղումը քրիստոնեությունից այն էր, որ նրանք արհանարիում, մերժում էին եկեղեցական խորհուրդներն ու առհասարակ եկեղեցական աստվածապաշտությունը: Նրանց համար իսկական կրոնական խորհուրդը աղոքքն էր: Աղոքքը բավական էր բոլոր մեղքերից ազատվելու համար⁴: Նրանց մասին ահա թե ինչ է գրում «Կանոնագիրը հայոց»-ը. «...բազմանային որք յաճախտէին ի գործս պղծութեան... և ոչ ոք էր, որ քաղէր զորոմն և սրբէր զգաղջն վճասակար, քանզի արմատացեալ էր սէզն և տարածանէր օր ըստ օրէ. լինէր հաճախումն մծղնէից և այլոց չարեաց՝ կնահանէից, պոռնկաց, գողոց, ամենայն խոտորման չարազործաց յաշխարհին Հայոց, ի մէջ տանս թորգումայ, և լինէր սուզ և տրտմութիւն: Որք էին ի ժամանակին նախանձախնդիր վարդապետք, եպիսկոպոսք, երիցունք, որք ունեին զուխտ սրբութեան, պաշտոնեայք Քրիստոսի և մանկունք սրբոյ եկեղեցւոյ, այլև յուխտէ քահանայիցն ոչ գնային ըստ սրբութեան արդար ճանապարհին»⁵: Ահա այս հակաբարոյական արարքների համար մծղնեությունը բառը ստացել է «պիղծ» հմաստը՝ կորցնելով իր սկզբնական «աղոքող» իմաստը:

Հետագայում մծղնեությունը համեմատվել է բոնդրակյան աղանդի հետ:

Հավանաբար, կարող ենք արձանագրել բարիմաստի շրջում:

Նածրացի – ասորերեն nasraya բառից, որ նշանակում էր «քրիստոնյա»: ՆՀԲ-ն այս գլխաբառի բացատրությունը հղում է «Նազարացի» և «Նազովրեցի» բառերին, իսկ «Նազովրեցի» բառի բացատրությունն էլ հղում է «Ուխտատըր» բառին: Վերջինս բացատրվում է. «Ուխտադիր. որպէս նազովրեցի. եքր. նազիր, նեծիր. որ և նուիրական. Սրբեալ. Աղօքական. Ընծայաբեր» (ՆՀԲ, 2, 543):

Նազովրեցի բառը Նոր կտակարանում հանդիպում է Հովհաննեսի ավետարանում. «Գրեաց եւ տախտակ մի Պիղատոս, եւ եղ ի վերայ խաչին. եւ էր գրեալ. Յիսուս Նազովրեցի, բազաւոր հրեից» (Յովհ. ԺԹ. 19): Հայերենում այն ստուգաբանվում է որ-

4. Մ. Օրմանյան, Ազգապատում, 1, Ս. Էջմիածին, էջ 296:

5 Կանոնագիրը հայոց, 1964, էջ 425-426:

պես նազարեթցի: Ուստերենում այս նախադասությունը այսպես է. “Пилат же написал и надпись и поставил на кресте. Написано было Иисус Назорей, царь Иудейский” (Иоан. 19.19): *Նազարեթ* տեղանունը բազմից գործածված է Նոր կտակարանում և քաջ հայտնի էր մեր քարզմանիշներին, սակայն նրանք օգտագործել են նազովրեցի բառը: Այդպես է նաև ուստերենում ու հունարենում:

Նազովրեցի բառի մասին ուշագրավ դիտողություններ ունի Կ.Դալլարյանը: Նա իրավագիորեն գտնում է, որ նազովր(Եցի) բառը համապատասխանում է հունարեն նազարայու և ուստերեն հազօրեն բառերին և նշանակում է «նիվիրաբերված աստծուն»⁶: Հեղինակը գուգահեռ է անցկացնում Հին կտակարանից Սամփսոնին նվիրված հատվածի հետ, որտեղ հայերենում արձանագրված է ուխտաւոր բառը. «Զի ահա յղասցիս դու եւ ծնցիս որդի, եւ երկաք մի ելցէ ի գլուխ նորա. զի ուխտաւոր Աստուծոյ եղիցի մանուկն անդատին յորովայնէ» (Դատ. ԺԳ. 5), ուստերեն քարզմանության մեջ՝ “Ибо вот, ты зачнешь и родишь сына, и братва не каснется головы его, потому что от самого черва младенец сей будет назорей Божий” (Суд. 13.5):

ՀՀԲ-ն ուխտաւոր բառի բացատրության մեջ գրում է. «Ըստ այս էին և ի իին օրենս ոմանք ի բարեպաշտ արանց, որք ուխտիք նուիրեալ զանձինս իրեանց Տեառն իրաժարեին ի զինոյ և ոչ սափրեին զգլուխս իրեանց: Եւ ի սոցանք ոմանք ընճայեալ լինեին մշտենցենաւոր ուխտի. որպիսի էր Սամուել և Սամփսոն» (ՀՀԲ, 853):

Ժամանակի ընթացքում նազովր(Եցի) բառի իմաստը փոխվել է և նույնացվել նազարեթցի բառի հետ: *Նազովրեցի* բառի արմատը համապատասխանում է հունարեն նազոր բառին: Այստեղից հետևում է, որ Պիղատոսի մեղադրանքի մեջ կարևորվում է ոչ թե Քրիստոսի որտեղացի լինելը, այլ նրա առաքելությունը: Աստվածաշունչ մատյանի հայ քարզմանիշները ճիշտ են քարզմանել բառը՝ նկատի ունենալով ուխտաւոր բառի ուխտադիր, ուխտ ունեցող, ընծայարեր իմաստները (ՆՀԲ, 2, 543):

Քուեայ (քուէ,քւայ, քւեայ, քւայ) – այս բառը հայերենը փոխառել է արամետերեն կայա բառից, որն էլ իր հերթին փոխառել է հունարեն կυβεια «փորանարդ, վեգ» բառից (ՀԱԲ, 4, 590): Իր նախնական իմաստով բառն ունեցել է «կախարդի հմայական

6. Կ.Դալլարյան, «Նազովրեցի և հարակից հարցեր», ՊԲՀ, 2007, էջ 186-191:

քար», ապա «խաղալու վեգ» և «խորանարդ» նշանակությունները, որից քուէստարցութիւն և քուական բառերը: ՆՀԲ-ում բարի բացատրությունը հետևյալն է: «նշանակ բախտի կամ ընտրութեան.վիճակ և խիճ կամ քար վասն խաղալոյ» (ՆՀԲ, 2, էջ 1011): Օրինակներ՝ «Եւ զգինի եւ զարբեցութիւն ընկալավ սիրտ ժողովրդեան իմոյ: Ի քուէայս հարցանէին, եւ գաւազանօր նորա պատմէին նմա» (Ուզ.Դ. 12): «Թէրես ճանաչել կարասցուք զիփ քուէիցն զկախարդն» (Քուզանդ, 214): «Եւ ինքն անցեալ ըստ ուղին՝ իջանէր ի հմայս քաղդէութեան, զքուէս հարցանէր» (Քուզանդ, 213): Հետազայում բառը ենթարկվել է իմաստափոխության: Նրա առաջնային իմաստը դարձել է «քվեարկության ժամանակ հօգուտ կամ ի վճառ մեկի տրված ձայն», «որևէ առարկա (թերթիկ, առարկա), որով քվեարկում են»: Քի՞ն բարի այս իմաստափոխությունն ունի իր հիմքը. Հին Հունաստանում ընդունված էր ընտրություններն անցկացնել հրապարակային ձևով. դրվում էր երկու տակառ, որոնց մեջ ընտրողները զցում էին սև կամ սպիտակ խիճ-քիճն (դրանք հավանաբար ունեցել են խորանարդի ձև), այսինքն՝ քվեարկում էին: Իհարկե, հետազայում խիճք-քեռվ չէին քվեարկում, սակայն մնացել են սև քի՞ն և սպիտակ քի՞ն կապակցությունները՝ «դեմ» կամ «կողմ» նշանակություններով:

Համառոտագրություններ

Ալիշան – Դ.Ալիշան, Հայոց իին հավատքը կամ հերանոսական կրոնը, Երևան, 2002 (գրական արենելսահայերենի վերածեց Վ.Գ.Բարսեղյանը):

ԱՀԲԲ – Է.Աղայան. Արդի հայերենի բացատրական բառարան, հ. 1-2, Երևան, 1976-1978:

ԲՍԳ – Բառարան Սուրբ գրոց, Կոստանդնոպոլիս, 1881:

Բուզանդ – Փաստուի Բուզանդացոյ Պատմութիւն հայոց, Ս.Պետերբուրգ, 1883: Եզնիկ – Եզնիկա Կողբացոյ Բագրեանիայ Եպիսկոպոսի Եղծ աղանդոց, Վենետիկ, 1826:

ՀԱ – Հանդէս ամսօրեայ:

ՀԱԲ – Հ. Աճայյան, Հայերեն արմատական բառարան, հ. 1-4, Երևան, 1971-1979:

ՀԲԲ – Ստ. Մալխասյանց, Հայերեն բացատրական բառարան, Երևան, 1944-1945:

ՀԼՊ – Հ.Աճայյան, Հայոց լեզվի պատմություն, հ. 1-2, 1940-1951:

ՀՀԲ – Բառզիքր հայկակեան լեզուի, Վենետիկ, 1749:

Հովհաննեսյան – Լ.Հովհաննեսյան, Գրաբարի բառապաշարը (V դ.), Երևան, 2006:

ՆՀԲ – Նոր բառզիքր հայկակեան լեզուի, Վենետիկ, 1836-1837:

Զահուկյան – Գ.Զահուկյան, Հայոց լեզվի պատմություն. նախագրային ժամանակաշրջան, Երևան, 1987:

ՊԲՀ – Պատմա-բանասիրական հանդէս:

ՀԻՆ ՀԱՅԵՐԵՆԻ ԲԱՅԵՐԻ
ՎԵՐԱԴԱՍԱԿԱՐԳՈՎԱՆ ՄԻ ՓՈՐՁ

Հին հայերենի բայերի դասակարգման ընդունված եղանակը (ըստ լծորդությունների, ըստ ներկայի հիմքի կազմության) ուսուցողական նպատակներով արդարացված էր եւ է: (Յիշենք, որ գրաբարի քերականության գրքերի մեծ մասը ուսումնական ձեռնարկներ են):

Խոնարհման հարացույցներից բխող կանոնները (կատարյալի հիմքի կազմություն, կատարյալի թերույթներ են: Ճետակերպված են ըստ յուրաքանչյուր լծորդության ու ներկայի հիմքի տիպի: Դրանք յստակ են -ե-, -ի-, -ա- լծորդությունների համար: Այս կանոններից շեղվող բայերը դիտվում են անկանոն, զարտուիի:

-Ու- լծորդության պարզ բայերը նոյնպէս կանոնական են (ուրույն կանոնով, որի դրանուրումը մյուս լծորդություններում անկանոնություն է): Այս լծորդության ածանցավոր բայերը, թէեւ ունեն կանոնական խոնարհում, բայց ի տարբերություն -ե-, -ի-, -ա- լծորդությունների բայերի ելակետային (ներկայի հիմքում) ճետական որեւէ տարբերակիչ չունեն:

Իսկ եթէ մենք փոխենք դիտարկման անկյունը, այսինքն գրաբարի բայական համակարգը դիտենք կատարյալի տեսանկյունից՝ ելակետ ընդունելով անցյալ կատարյալի բայաձեւը:

Այս պարագային մեր դասակարգման համար մենք կունենանք երեք հարաշափ:

ա) կատարյալի հիմքի կազմությունը.

բ) այդ հիմքերի հետ անցյալ կատարյալի թերույթների զուգորդելիությունը.

գ) կատարյալի եւ ներկայի հիմքերի հարաբերակցությունը:

Ըստ անցյալ կատարյալի հիմքի կազմության բայերը երեք խմբի են բաժանվում.

ա) **արմատական** – ած-(ի / -այ), թող-(ի / -այ), նստ-(այ), անց-(ի), անկ-(այ), ջեռ-(այ), մեղ-(այ), հատ-(ի / -այ), առ-(ի / -այ), բարձ-(ի / այ), դարձ-(այ).

բ) -ի թույլ բաղադրիչով – փախի-(այ), սառի-(այ), երկի-(այ), յանցի-(այ), հարի-(այ), ծանի-(այ)

գ) -ց-ական – կարդ-աց-(ի), վազ-եց-(ի), իմ-աց-(այ), խօս-եց-(այ), յե-ց-(այ), զգե-ց-(այ), աղ-աց-(ի / -այ), սիր-եց-(ի / -այ), լ-ց-(ի / -այ):

Այս հիմքերի հետ անցյալ կատարյալի թեքույթների երկու շարքերի (ներգործակերպ, ակտիվ – Թ1, կրավորակերպ, պասիվ – Թ2) զուգորդվելությունն այսպիսին է.

ա) արմատական հիմք

1. + Թ1 անց-ի

2. + Թ2 անկ-այ, ջեռ-այ, նստ-այ, մեղ-այ

3. + Թ1 / Թ2 թող-ի / -այ, ած-ի / -այ, հատ-ի / -այ, առ-ի

/ -այ

բ) -ի թույլ բաղադրիչով հիմք

1. + Թ2 փախի-այ, սառի-այ, երկի-այ, յանցի-այ, յարի-այ, ծանի-այ

գ) -ց-ական հիմք

1. + Թ1 կարդ-աց-ի, վազ-եց-ի,

2. + Թ2 իմ-աց-այ, խօս-եց-այ, յե-ց-այ, զգե-ց-այ

3. + Թ1 / Թ2 աղ-աց-ի / -այ, սիր-եց-ի / -այ, լ-ց-ի / -այ

Այստեղ ընդգրկելով երրորդ հարաշավիլ (ներկայ-անկատարի հիմքի կազմությունը: Ես կստանանք բայերի հետեւյալ խմբերը (դասերը).

1. Կատարյալ՝ արմատական (պարզ) – անկատար (ներկայ), արմատական (պարզ):

Այս ենթախումբը պայմանականորեն կանվանենք արմատական դաս:

Այստեղ ընդգրկվում են -ու- լծորդության բոլոր պարզ բայերը, -ե- լծորդության ածեմ, բերեմ, հանեմ հեղուսեմ բայերը, -ի- լծորդության նստիմ բայը:

թող-ի / այ թող-ուի թող

ած -ի / այ ած-եի ած

նստ-այ նստ-եին իստ

Նշենք այս դասի բայերի առանձնայատկությունները.

1. -Ու- եւ -ե- լծորդության բայերը ներգործական են եւ կատարյալում ստանում են առաջին շարքի թեքույթներ (Թ1), իսկ կրավորական առումով՝ երկրորդ շարքի թեքույթներ (Թ2):

2. Նստիմ բայը չեղոր է եւ ստանում է երկրորդ շարքի (թ2: թերույթներ:

3. Բոլոր բայերի բուն հրամայականի եզակին արմատական է, անթերույթ:

4. Այս դասը կատարյալի եւ ներկայի հիմքերի համար ունի մի տարրերակիշ հատկանիշ՝ ներկայում լծորդ ձայնավորի առկայությունը: Չեղոր – ներգործական սեռային տարրերությունը կատարյալում (թերույթներով) տարրերակում է նաև նստիմ բայի ներկան (օր. եզ.Գ. դեմք նստի) կատարյալից (օր.Ա դեմք նստայ, եւ ոչ *նստի, ածի-ի կամ քողի-ի նման):

Իսկ եթէ բայը լինելու -ա- լծորդության եւ չեղոր. ինչպէս օրինակ՝ երբամ: Այս բայի առիստը (կատարյալը) հնում եղել է *երբայ (ինչպէս կարելի է ենթադրել թապահությունը ապ.եզ.Ա երբայց ձեւից, հմմտ. նստայց): Ըստ այս այն առիստում թերեւս ուներ (նստիմ բայի նման) հետեւյալ հարացույցը՝

*երբայ	*երբաք
*երբար	*երբայք
*երբաւ	*երբան

Այս ձեւերից եզ. Ա դեմքը համանուն է ներկայի եզ. Գ. դեմքին, յզ. թ եւ Գ. դեմքերը ներկայի համապատասխան ձեւերին, եզ. Թ դեմքը արգելական հրամայականի եզակիին: Հաւանաբար նման համանունությունից առաջացած շփորն էր պատճառը, որ երբամ բայի բուն անցյալ կատարյալը փոխարինուեր չուեմ (նույնիմաստ բայի) կատարյալի ձեւերով:

Նշենք նաեւ, որ այս բայի բուն հրամայականը արմատական է՝ երբ, երբայք, ենթակայական դերբայը՝ երբող (եւ ոչ սպասելի *երբացող). որով այն լիովին ներառվում է այս խմբի մէջ:

2. Կատարյալ՝ արմատական (պարզ) – անկատար (ներկայ)՝ սոսկածանցավոր.

Այս ենթախումբը պայմանականորեն անվանենք արմատական - սոսկածանցավոր դաս: Կատարյալ - ներկայ հիմքերի տարրերակաման այս եղանակի առանձնայատկությունն է ոնդային բայական միջածանցի գործածումը: Այն հայերենում կազմում է ներկայի հիմքեր:

Այս դասի բայերը հարացուցային առանձնայատկություններով բաժանվում են երեք ենթադասի:

1. -Ե- լծորդության -ան- սոսկածանցով (օր. հատ-ան-եմ)

Եւ -ու- լծորդության սոսկածանցավոր (օր. առ-ն-ում), -ե- լծորդության անկանոն առնեմ, -ա- լծորդության անկանոն բառնամ (*բարձ-ն-ամ) ներգործական սեռի բայերը: Այս բայերի բուն հրամայականի եզակին արմատական է՝ հատ, առ, արա(ր), բարձ: Այս բայերը կատարյալում ստանում են Թ1. կրավորական առումով՝ Թ2 թեքույթներ:

հատ-ի /այ	հատ-ան-եմ	հատ
առ-ի / այ	առ-ն-ում	առ
արար-ի / այ	առ-ն-եմ	արա
բարձ-ի / այ	բառ-ն-ամ	բարձ

2. Երկրորդ ենթադասը կազմում են -ե- լծորդության -ան- սոսկածանցով չեզոք բայերը (օր. անց-ան-եմ, բացառութեամբ յանց-ան-եմ:: Այս բայերը թեև չեզոք են, բայց կատարյալում ստանում են առաջին շարքի (Թ1: թեքույթներ: Բուն հրամայականի եզակին արմատական է՝ անց:

անց-ի	անց-ան-եմ	անց
-------	-----------	-----

3. Երրորդ ենթադասում միավորվում են -ի- լծորդության -ան- սոսկածանցով բոլոր եւ -ու- լծորդության -ն- սոսկածանցով որոշ չեզոք բայեր (օր. ջեռ-ն-ում, երդու-ն-ում:: Այս դասն ընդգրկում է նաև -ե- լծորդության մեղ-անչ-եմ, -ա- լծորդության դառ-ն-ամ (*դարձ-ն-ամ) անկանոն բայերը: Կատարյալում սրանք ստանում են երկրորդ շարքի (Թ2) թեքույթներ: Հրամայականի եզակին կազմվում է -ի՛ր վերջավորութեամբ, որ կցվում է արմատին՝ անկ-ի՛ր, ջեր-ի՛ր, երդու-ի՛ր, մեղ-ի՛ր, դարձ-ի՛ր:

անկ-այ	անկ-ան-իմ	անկ-իր
ջեր-այ	ջեռ-ն-ում	ջեր-իր
երդու-այ	երդ(ու)-ն-ում	երդու-իր
մեղ-այ	մեղ-անչ-եմ	մեղ-իր
դարձ-այ	դառ-ն-ամ	դարձ-իր

Այս դասում նոյնապէս՝ կատարյալում տարբերակվում են (ոչ այնպէս յստակ ինչպէս առաջին դասում: ներգործական եւ չեզոք սեռի բայերը (հմմտ. առաջին եւ երրորդ ենթադասերը): Ի դեպ այստեղ մէկ այլ ուշագրաւ տարբերակից յատկանիշ էլ կայ չեզոք սեռի բայերի համար՝ հրամայականում -իր թեքույթը (վերջավորությունը):

Թերեւս այս դասում ներառուեն -ի- լծորդության -չ-, -նչ-

սոսկածանցներով բոլոր (օր. փախ-չ-իմ, կոր-նչ-իմ) եւ -ուլծորդության -ն- սոսկածանցավոր այն բայերը (օր. փախ-ն-ում, սառ-ն-ում), ինչպէս նաև յանց-ան-եմ, յառ-ն-եմ, ճ/ծան-աչ-եմ անկանոն բայերը, որոնց կատարյալի հիմքում ի յայտ է զայս -ի- բաղադրիչը: Այս բոլոր բայերը չեզոք են, հարացույցով նման երկրորդ դասի երրորդ ենթադասի բայերին, միակ տարբերությունը կատարյալի հիմքում -ի բաղադրիչի առկայությունն է:

փախի-այ	փախ-չ-իմ // փախ-ն-ում	փախ-իր
սառի-այ	սառ-չ-իմ // սառ-ն-ում	սառ-իր
երկի-այ	երկ-նչ-իմ	երկ-իր
յանցի-այ	յանց-ան-եմ	յանց-իր
յարի-այ	յառ-ն-եմ	ար-ի
ճանի-այ	ճան-աչ-եմ	ժան-իր

Հիմքերի տարբերակման այս եղանակը՝ ներկայում սոսկածանցավոր հիմք, կատարյալում արմատական (կամ -ի- բաղադրիչով) թերեւս կարելի էր համարել լաւագույն, եթե լեզուի զարգացման ընթացքում այլ կարգի դժվարություններ չառաջանային:

Սինէն զարգացման յաջորդ փուլի քննարկումը դիտարկենք երկու անկանոն բայերի առիստ-կատարյալի ձեւերը:

ա) Դժեմ

Դնեմ բայը համարվում է անկանոն:

Դիտարկենք բայի հարացույցը անցյալ կատարյալի հիմքով բայաձեւերում՝

անցկատարյալ	Բ ապառնի	բուն հրամ. անցյալ դերը.
ե-դի ե-դաք	ե-դից դիցուք	ե-դյալ
ե-դիր ե-դիք	դիցես դիջիք	դիր դիք
ե-դ ե-դին	դիցէ դիցեն	

Իբրեւ -ե- լծորդության սոսկածանցավոր բայ (*դի-ն-եմ < *dhe-) անցյալ կատարյալում հանդէս է զայս արմատական (դի-) ձեւով եւ բոլոր միավանկ բայաձեւերում՝ ե- նախահաւելվածով: Բայը ներգործական սեռի է եւ քննականարար ստանում է թէ ակտիվ եւ թէ պասիվ թերույթներ. լստ այս այն կարող է ներառուել առաջին ենթադասում:

Իսկ որոնք են այս բայի անկանոնությունները: Կատարյալի եղակիում, բոլոր դէմքերում, թերույթը եւ արմատական ձայնավորը միաձուլված են, իսկ երրորդ դէմքում թերույթի կորուստը (զրոյական թերույթ) հանգեցրել է նաև արմատական ձայնավորի

կորստին: Անկանոն է նաեւ հրամայականը՝ եզակիում -ք հանգով, յոցնակիում թեքույթի եւ արմատական ձայնավորի ձուլմամբ (հմտ. տաճ բայի նույն ձեւերը):

Դիտենք մեկ անկանոն բայ եւս:

բ) *Lիմիմ*

Ընդունված է համարել, որ այս բայը կորցրել է անցյալ կատարյալի իր ձեւերը, որոնք փոխարինուել են եղանիմ բայի համապատասխան ձեւերով: Երկրորդ ապառնին ունի նաեւ լիցիմ, լիցիս, լիցի եւն ձեւեր:

անցկատարյալ	Բ ապառնի	բունհրամ	անցյալ դք.
եղէ եղաք	եղէց եղիցուք		լեալ
եղեր եղէք	եղիցիս եղիջիք	լեր լերուք	
եղեւ եղեն	եղիցի եղիցին		

Հարկ է նշել, որ կատարյալի նշված ձեւերը դարձյալ պէտք է անկանոն դիտել, քանի որ եղանիմ բայը որպէս -ի- լծորդության սոսկածանցավոր բայ կատարյալում պէտք է ունենար հետեւյալ հարացույցը՝

եղայ	եղաք
եղար	եղայք
եղաւ	եղան

Լինիմ-ը -ի- լծորդության սոսկածանցավոր բայ է. արմատն է *լե-, որ յաջորդ -ն ոնցականի ազդեցութեամբ դարձել է *լե- եւ անշեշտ դիրքում *իի-: Բուն *լե- արմատը տեսնում ենք հրամայականի լեր, լերուք եւ անցյալ դերբայի լյալ ձեւերում: Որպէս սոսկածանցավոր բայ լինիմ բայի կատարյալի հիմքը պէտք է ունենար՝ արմատական ձեւ *լե-, միավանկ բայաձեւերում ենախայայտելված, եւ ըստ այդմ անցյալ կատարյալի հետեւյալ հարացույցը՝

*ե-լեյ > *ելէ	*ելեաք>	*ելեաք	> *ելաք
*ե-լեր > *ելեր*	ելեյք	> *ելէք	
*ե-լեւ > *ելեւ	*ելեն	> *ելեն	

որի տարրերությունը առկայ հարացույցից (ըստ ընդունված տեսակետի՝ եղանիմ բայի կատարյալի ձեւերից) լ/դ հարաբերությունն է, որն իրականում տարրերություն էլ չէ: Ըստ այս լինիմ բայը բոլորովին անկանոն չէ, այլ ինչպէս դնեմ -ե- լծորդության բայը լիովին կանոնական:

Ինչպէս կարելի նկատել այս բայերի արմատները ձայնավորայանգ են, եւ դրանց «անկանոնությունները» արդյունք են այդ

հանգամանքի՝ թերույթի ձուլում արմատի ձայնավորին, արմատական ձայնավորի կորուստ: Ստորեւ կտեսնենք, թէ ինչպէս է յաղթահարուել այս կնճիռը եւս:

3. Կատարյալ՝ ց-ական – անկատար (ներկայ)՝ պարզ (արմատական).

Կատարյալում՝ -ց-ական հիմքով բայերը երկու ենթախումք են կազմում: Առաջինը՝ ներկայում արմատական հիմք ունեցող բայերն են: Այս դասը մինչեւ աւելի հարմար եզր գտնելը անվանենք **ածանցավոր-արմատական**:

Այն տրոհվում է երեք ենթադասի՝

1. -Ե- եւ -ա- լծորդությունների պարզ չեզոր սեռի բայերը (վագ-եմ, կարդ-ամ), կատարյալում այս բայերն ստանում են առաջին շարքի թերույթներ (Թ-1), բուն հրամայականի եզակիում կատարյալի հիմքն է՝ առանց ց-ի:

վագ-եց-ի	վագ-եմ	վագ-եա
կարդ-աց-ի	կարդ-ամ	կարդ-ա

2. -Ե- եւ -ա- լծորդությունների պարզ ներգործական սեռի բայերը (սիր-եմ, աղ-ամ), կատարյալում այս բայերն ստանում են առաջին շարքի թերույթներ (Թ-1), բուն հրամայականի եզակիում կատարյալի հիմքն է՝ առանց ց-ի: Կրավորական առումով ստանում են երկրորդ շարքի (Թ-2) թերույթներ:

սիր-եց-ի / -այ	սիր-եմ	սիր-եա
աղ-աց-ի / -այ	աղ-ամ	աղ-ա

3. -Ի- լծորդության պարզ բայերը, որոնք ստանում են երկրորդ շարքի թերույթներ (Թ-2: առանց սեռի խտրականության): Բուն հրամայականի եզակին կատարյալի հիմքն է:

խօս-եց-այ	խօս-իմ	խօս-եաց
-----------	--------	---------

4. Կատարյալ՝ ց-ական – անկատար (ներկայ)՝ սոսկածանցավոր.

Կատարյալում՝ -ց-ական հիմքով բայերի երկրորդ ենթախումքը այն բայերն են, որոնց ներկայի հիմքը սոսկածանցավոր է, պայմանականորեն այս դասն անվանենք **ածանցավոր** դաս: Այս դասում ընդգրկված բայերը թէ կատարյալում, թէ ներկայում ածանցավոր հիմք ունեն: Այս դասի բայերը տրոհվում են երկու խմբի:

1. -Ա- լծորդության -ան- սոսկածանցով բոլոր բայերը, -ու- լծորդության յե-ն-ում, զգե-ն-ում, ընթեռ-ն-ում բայերը: Այս

բայերը կատարյալում ստանում են միայն երկրորդ շարքի (Ծ2) թեքույթներ. բուն հրամայականի եզակիում կատարյալի հիմքին կցվում է -իր վերջավորությունը:

իմ-աց-այ	իմ-ան-ամ	իմ-աց-իր
յե-ց-այ	յե-ն-ում	յե-ց-իր
զգե-ց-այ	զգե-ն-ում	զգե-ց-իր
ընթեր-ց-այ	ընթեռ-ն-ում	ընթեր-ց-իր

Նկատենք. որ յե-ն-ում, զգե-ն-ում բայերի արմատները ձայնավորահանգ են: Եւ եթէ չլիներ -ց ածանցը, դրանք կատարյալում թերեւս կունենային լինիմ բային նման բայաձեւեր:

2. -Ա- լծորդության բա-ն-ամ, բա-ն-ամ եւ -ու- լծորդության լ(ի)-ն-ում, խ(ի)-ն-ում եւ ընկե-ն-ում բայերը: Այս բայերը ներգործական սեռի են, ստանում են Թ1 թեքույթներ, կրավորական առումով՝ Թ2 թեքույթներ: Բուն հրամայականի եզակիում կատարյալի ց-ական հիմքն է՝ բաց, բաց, լից, խից, ընկեա (վերջինում՝ ց-ի անկումով):

բա-ց-ի / այ	բա-ն-ամ	բաց
բա-ց-ի / այ	բա-ն-ամ	բաց
լ-ց-ի / -այ	լ-ն-ում լի-ց	
խ-ց-ի / այ	խ-ն-ում	խի-ց
ընկե-ց-ի / այ	ընկե-ն-ումը	նկե-ա

Այս ենթադասի բայերը, ինչպէս տեսնում ենք, ձայնավորահանգ արմատներ ունեն, եւ -ց ածանցի բացակայության դեպքում պետք է խոնրհվեին դնեն բայի հարացույցով: Թերեւս ինչ-որ ժամանակ այդպէս էլ եղել է, նշենք լիր եւ *խիր (> խր-են, խր-իմ) բառերը, որոնք ձեւով եւ կազմութեամբ նույնն են ինչ դիր, տուր, լեր ձեւերը:

Ամփոփենք: Այս հոդվածում մենք ներկայացրինք մի քանի դիտարկումներ գրաբարի բայերի դասակարգման՝ ավանդականից տարբեր մեկ այլ եղանակի մասին: Այստեղ մենք ներկայացրինք նաև նախագրային շրջանում հայերենի խոնարհման համակարգի զարգացման մի ուրվագիծ: Այն չընդունենք որպէս գիտական հետազոտության եզրակացություն կամ հետեւություն: Մեր նպատակն էր միայն ցույց տալ, թէ ինչ հեռանկարներ ունի դասակարգման այս մոտեցումը հայերենի խոնարհման համակարգի համակարգված ուսումնասիրության խնդրում:

ԱՐԵՆ ՍԱՆԹՈՅՑԱՆ

Վանաձորի Հովհ. Թումանյանի անվ.
պետական մանկավարժական ինստիտուտ

ԱՐԴԻ ՀԱՅԵՐԵՆԻ ՊԱԿԱՍԱՎՈՐ ԲԱՅԵՐԻ ՍԱՍԻՆ

Պակասավոր բայերի քանակի, ելակետային և թեք ձևերի վերաբերյալ կան տարրեր կարծիքներ¹: Հիմնականում նշվում է 13 բայ՝ գալ, լալ, տալ, եմ, կամ, զիտեմ, ունեմ, արժեմ (արժել), լվալ, հուսալ, ցանկանալ, կենալ «մնալ», կենալ «ապրել»²:

Մրանցից բացի՝ հայերենում կան պակասավոր այլ բայեր ևս:

Լվանալ բայը, որ սովորաբար նշվում է անկանոնների շարքում, իրականում պակասավոր բայ է. չունի անցյալ կատարյալ ժամանակածև և եզակի հրամայական: Պակասը լրացվում է լվալ բայի համապատասխան ձևերով:

Լվալ և լվանալ բայերի անցյալ կատարյալի հիմքը (լվաց) և սրանից կազմվող ենթակայական, հարակատար, վաղակատար դերբայներն ու հոգնակի հրամայականը ձևով նույնն են (լվացող, լվացած, լվացել, լվացեք): Հաշվի առնելով, որ այսպես կոչված «հավելավոր» ձևերից պակասավոր են անածանց բայերը, և հենվելով համարանուրյան օրենքի վրա՝ պեսք է ենթադրել, որ նշված ձևերը լվանալ ածանցավոր բայինն են:

Կարող եմ կառույցը կամ համարում են կարողանալ բայի հավելավոր ձև՝ դրանց միջև տեսնելով կերպային տարրերու-

¹ Հովհ. Բարսեղյան, Արդի հայերենի բայի և խոնարհման տեսություն, Ե., 1953: Ս. Արքահամյան, Ժամանակակից գրական հայերեն, Ե., 1981: Եղ. Աղայան, Հ. Բարսեղյան, Հայոց լեզու, դասագիրք 5-7-րդ դասարանների համար, Ե., 1985: Ս. Ասատրյան, Ժամանակակից հայոց լեզու. ձևաբանություն, Ե., 1983: Ս. Արքահամյան, Ն. Պառնայան, Հ. Օհանյան, Ժամանակակից հայոց լեզու, հ. 2, Ե., 1974:

² Հմմտ. Ս. Արքահամյան և այլը, նշվ. աշխ., էջ 432: Ս. Մուրվալյանը կեցցե և կեցցես ձևեր համարում է գրաբարյան կեալ, «ապրել» բայի թերականական ձևեր, որոնք արդի հայերենում կորցրել են իրենց թերականական արժեքը և հանդես են գալիս միայն բառական արթեքով՝ որպես բացականչություններ՝ «քող ապրի», «ապրես» նշանակությամբ: Տե՛ս Ս. Մուրվալյան, Հայոց լեզվի բառային կազմը, Ե., 1955, էջ 141-142:

բյուններ³, և կամ էլ ածականից և հանգույցից կազմված կառույց, որ մասնակցում է քայական բաղադրյալ ստորոգյալի կազմությանը⁴ (կարող է գրել): Կարող եմ - ը, սակայն, բայ է, քանի որ ժխտական խոնարհման կազմության ժամանակ եմ բայր փոխում է շարադասությունը և եզակի երրորդ դեմքում դառնում է ի (կարող է - չի կարող): Մինչդեռ բաղադրյալ ստորոգյալ լինելու դեպքում օժանդակ բայր չէր ենթարկվի շարադասական փոփխության և չէր հնչյունափոխմանի:

Կարող եմ բայն ունի միայն սահմանական ներկա և անցյալ անկատար ժամանակաձևեր, որոնք կազմվում են «ենթակայական դերքայ + օժանդակ բայ» կաղապարով:

Այդպիսին է նաև կարելի է (չի կարելի) միադիմի բայր. գործածական է այս բայի սահմանական ներկա և անցյալ ժամանակաձևերի եզակի երրորդ դեմքը⁵:

Համեցեք բայաձևը Հովի. Բարսեղյանը համարում է եղանակից մակրայ, Էդ. Աղայանը՝ ծայնարկություն⁶: Սակայն այս ձևին հատուկ է դեռևս բայական կիրառությունը (հմնտ. Վաղը երեկոյան համեցեք մեր տում՝ ճաշի): Գործածական է այս բայի հրամայական ապառնիի հոգնակի III դեմքը:

Քիչ, բայց այնուամենայնիվ հանդիպում ենք չիք բայաձևի գործածության՝ սահմանական ներկայի եզակի /?/ III դեմքի իմաստով:

Յանկալ և հուսալ բայերի համար նշվում է, որ դրանք ունեն ըղձական, ենթադրական և հարկադրական եղանակների ժա-

³ Հովի. Բարսեղյան, Արդի հայերենի բայի և խոնարհման տեսություն, Ե., 1953, էջ 432; Մ. Ասատրյան, ժամանակակից հայոց լեզու, ձևաբանություն, Ե., 1983, էջ 349:

⁴ Ս. Աբրահամյան և այլք, ժամանակակից հայոց լեզու, հ. 3, էջ 161:

⁵ Նկատելի է, որ՝ 1) կարող (եմ), կարելի (ե) ձևերից առաջինը օժանդակ բայից սանկախ, ածականական կիրառություններ կարող է ունենալ՝ կարող ուժեր, երկրորդը՝ ոչ. 2) կարող, կարելի ձևերը ածական հականիշներ ունեն՝ անկարող, անկարելի: Այնուամենայնիվ, պետք է փաստել, որ այս բայերի՝ բայից ածական խորհմաստային փոխանցումը լիակատար չէ. օժանդակ բայի հետ կապակցություններում սրանք բայեր են, անկախ կիրառություններում (եթե կան)՝ ածականներ:

⁶ Էդ. Աղայան, Արդի հայերենի բացատրական բառարան (ԱՀԲԲ), Ե., 1976, էջ 808:

⁷ Արդի հայերենում կա նաև համեմալ կանոնավոր բայր՝ «ուշանա, դանդաղել», իմաստներով (տես ԱՀԲԲ, էջ 807), որը համանունություն է դրսկորում համեցեք բայաձևի ենթադրյալ ելակետային ձևի հետ:

մանակաձևեր: Սրանք, սակայն, ունեն նաև ժխտական դերբայ, որով կազմվում են ենթադրական եղանակի ժխտական խոնարհման ձևերը (հմնտ. չեմ ցանկա, չեմ հուսա):

Այսպիսով՝ արդի հայերենում կարելի է առանձնացնել 18 պակասավոր բայ: Սրանցից եւ խոնարհման են 3 բայ՝ ունեմ, գիտեմ, արժեմ, աւ խոնարհման՝ 11 բայ՝ լվալ, լվանալ, հուսալ, ցանկալ, կենալ «մնալ», կենալ «ապրել», համեցեր և վերապահությամբ՝ գալ, լալ, տալ, կամ: Իսկ 4 բայի՝ որ խոնարհման պատկանելը համաժամանակյա կտրվածքով որոշել հնարավոր չէ:

Գալ, լալ, տալ, կամ բայերը աւ խոնարհման կարելի է համարել պայմանականորեն. աւ ձայնավորը լծորդ համարելով՝ կիանգենը գ, տ, լ, կտարրերին, որոնք էլ համարվել են այս բայերի առաջին հիմքերը նաև արմատները⁸: Գ. Զահուկյանը գրում է, որ «.....հիմքակազմ վերջանանիկներն ու վերջավորությունները սերտորեն կապված են նախորդ բաղադրիչներին՝ մինչև դրանց սահմանների կորստի աստիճան (ձուլում կամ ֆուզիա) հմնտ. տամեն-տարա, որտեղ ա-ի «մաքուր» հիմքին պատկանելու, թե հիմքակազմ տարը լինելու հարցը դժվար լուծելի է, թեև ավելի հավանական է խոսել առաջին ենթադրության օգտին⁹: Նաև՝ «Որոշ դեպքերում էլ դժվար է որոշել ձայնավորի «մաքուր», թե ձևավոր հիմքին պատկանելը (հմնտ. տամ)»¹⁰:

Զանի որ հիմք կարող է համարվել որևէ իմաստակիր հատված, իսկ գ, տ, լ կ տարրերն իմաստակիր չեն, ուստի և հիմքեր էլ չեն: Աւ ձայնավորը, մեր կարծիքով, արմատի բաղադրիչ է. նախ՝ արմատներն են հանդես գալիս գրաբարյան ներկայի եզակի III դեմքում (հմնտ. Եմ-Ես-լ) նաև՝ զամ-զաս-զա, կամ-կաս-կա, նաև՝ մնամ-մնաս-մնա, զնամ-զնաս-զնա. Երկրորդ՝ հենց դրանք էլ մասնակցում ենք բառակազմությանը (հմնտ. որևէ, պարազա, ենթակա, ենթամնա, արտազնա):

Պակասավոր բայերից պարզ են 14, ածանցավոր՝ 4 բայ՝ լվանալ, կենալ»ապրել», կենալ»մնալ», համեցեր: Ընդ որում՝ մեկը ան ածանցավոր (լվանալ), մյուսները՝ են:

⁸ Մ. Ասատրյան, նշվ. աշխ. էջ 348:

⁹ Գ. Զահուկյան, Ժամանակակից հայերենի տեսության հիմունքները, Ե., 1974, էջ 226:

¹⁰ Նոյն տեղում, էջ 228:

Ներգործական սեոի են 8 քայ՝ տալ, զիտեմ, ունեմ, արժեմ,
ցանկալ, լվալ, լվաճալ, կարող եմ: Չեզոք սեոի՝ 10 քայ:

Ներգործական պակասավոր քայերից յուրահատուկ է ունես
քայը. անձնանիշ գոյականների ուղիղ խնդիրը այս քայի մոտ
դրվում է ուղղականաձև հայցականով՝ Ունեմ երկու տղա:

Աերոբերյալ քայերը պակասավորություն են դրսեռում նաև
քայահիմքերի առկայության տեսանկյունից:

1. Սրանցից ոչ մեկը (քացի լվալ և լվաճալ) քայի III՝ անո-
րոշի հիմքը չունի: Զնայած որ ցանկալ և հուսալ (նաև արժել)
քայերն ունեն անորոշ դերբայ, սակայն չունեն դրանով կազմվող
ապակատար և համակատար դերբայական ձևեր: Ուստի և այս
քայերի անորոշ դերբայները քայական հիմք չենք համարում:

2. Հիմքագործկ են չիք, կարելի է քայերը:
3. Միայն առաջին հիմք ունեն զիտեմ, ունեմ, արժեմ, ցան-
կալ, կարող եմ, հուսալ և որոշ պայմանականությամբ՝ գալ, լալ,
տալ, կամ քայերը:

4. Միայն երկրորդ հիմք ունի համեցեք քայը:
5. Կենալ «մնալ», կենալ «ապրել» քայերն ունեն առաջին և
երկրորդ հիմքեր:
6. Բոլոր երեք հիմքերն ունեն լվալ, լվաճալ քայերը:

Կապերի ներկայացման մի եղանակի մասին

Գոյություն ունի կախվածության ծառերի միջոցով լեզվի նկարագրման ընդունված եղանակ, ուր ծառի յուրաքանչյուր հանգույցին համապատասխանում է նախադասության որևէ անդամ, իսկ աղեղին՝ այդ անդամների միջև առկա շարահյուսական հարաբերություն: Նախադասության նման նկարագրման դեպքում առանձին հետաքրքրության առարկա է դառնում՝ 1. կապերի դիրքը կախվածության ծառի վրա, 2. դրանց հարաբերությունները ծառի մյուս հանգույցների հետ:

Կապ (առդիր՝ Jnt) ասելով այստեղ հասկացվում են ոչ միայն ավանդորեն այդ խոսքի մասի մեջ մտնող բառերը (օրինակ՝ *առաջ, առանց, դուրս, դեմ, դեպի, մոտ, հետ, միասին* և այլն), այլև այն բոլոր բառերը, որոնք նախադասության մեջ հանդես են գալիս կապի գործառույթով (օրինակ՝ *առիթով, բացառությամբ, զուգընթաց, ընթացքում, կապակցությամբ, հետևանքով* և այլն): Ըստ խնդրառվող բառի նկատմամբ ունեցած դիրքի՝ կապերը բաժանվում են երկու մեծ խմբերի՝ նախադրությունների (PrepJnt) և ետադրությունների (PostJnt). ուշադրությունից չեն վրիպել նաև երկու դիրքերով հանդես եկողները, այսպես կոչված, երկդրությունները (PrepPostJnt¹), ինչպես նաև զույգ հանդիպումները՝ *հետ միասին*:

Այս ուսումնասիրության համար հիմք են ծառայել եռանդամ կառույցները՝ հետևյալ նշանակումներով.

1. V - խնդրառող բառ,
2. Jnt - կապ (PrepJnt, PostJnt, PrepPostJnt տարատեսակներով),
3. N - կապից շարահյուսորեն կախված բառ,
4. →-շարահյուսական կապ, ընդ որում սլաքն ուղղվում է դեկապարող բառից դեպի խնդրառվողը,
5. {} - V-ի ու N - ի միջև հնարավոր այլ լեզվական միավոր,
6. * - ըստ ընդունված նորմերի անհնարին բառ կամ բառակապակցություն:

1 Այս նշանակումները, ինչպես նաև որոշ օրինակներ մենք վերցրել ենք L.Հովսեփյանի կողմից կազմված՝ UNL - հայերեն բերականական բնութագրերից(ի մասնավորի՝ կապերի ցանկից):

Տեսականորեն հնարավոր են նշված երեք անդամների հետևյալ գուգորդությունները.

1. V {} Jnt {} N Օրինակ՝ Սիայն երբեմն ման կոհակները գետի միջից երամ-երամ վազում էին դեպի ափերը:

2. V {} N {} Jnt Օրինակ՝ Սի քանի րոպե նրա գեղեցիկ աչքերը վազում էին տպած տողերի վրայից:

3. Jnt {} N {} V Օրինակ՝ Նա առանց ընկերոջ գնաց:
4. N {} Jnt {} V Օրինակ՝ Այդ քաղի շները հաչոցով եղանակում վրա վազեցին:

5. N {} V {} Jnt * եղբորս վազեցին վրա

6. Jnt {} V {} N * վրա վազեցին եղբորս

Մեր կողմից կազմված շուրջ 2000 օրինակներից բաղկացած քարտարանում հանդիպեցին միայն առաջին, երկրորդ և չորրորդ դեպքերը. Երրորդ դեպքի համար կազմված է լեզվում ոչ այնքան հազվադեպ հանդիպող օրինակ, իսկ հինգերորդ ու վեցերորդ դեպքերով դժվար է գտնել ժամանակակից հայոց լեզվի նորմերին բավարարող որևէ նախադասություն:

Սակայն «... ասույթի շարահյուսական կառուցվածքը նկարագրվում է ոչ միայն խնդրառությունների համակարգով, այլև քառերի շարադասությամբ: Ընդ որում, խնդրառությունն ու շարադասությունը իրարից անկախ չեն: Նրանց միջև գոյություն ունի կապ, որը պարզագույն դեպքում ընդունված է անվանել լեզվի «պրոեկտիվության» հատկություն: Այդ հատկությունը, կոպիտ ասած, դրսնորվում է հետևյալում. Եթե խնդրառության ծառի հանգույցները դասավորված են ուղիղ գծի վրա անհրաժեշտ կարգով և բոլոր սլաքները տարված են այդ ուղղի վրա միևնույն ուղղությամբ, ապա այդ սլաքները կարելի են տանել առանց միմ-

յանց հետ հատելու, իսկ խնդրառության ծառի հիմքին ոչ մի սլաք չի դրվի»²:

Այս մոտեցման հաշվառմամբ միայն առաջին ու չորրորդ կառույցները պետք է ուսումնասիրվեին, բայց քանի որ պրոյեկտիփության նշված հատկությունը կարող է խախտվել լեզվում գործող պրոյեկտիփության բույլատրելի խախտման դեպքերի հիման վրա, ուստի և ուսումնասիրվում են առաջին չորս կառույցները:

Այժմ թերենք այն ձևական հատկանիշները, որոնց օգնությամբ սահմանվում է ետաղություն հասկացությունը և որոնցով էլ վերջիններս սահմանազատվում են նախադրություններից:

1. Կախյալ բառի՝ N-ի ձևը պայմանավորվում է կապի շարահյուսական հնարավորություններով (սրանք վերջում ներկայացվում են աղյուսակով),

2. Ետաղության ու կախյալ բառի միջև հնարավոր չէ որևէ այլ բառ, այսինքն այս պարագայում {} - ը 0 է (2 -րդ ու 4 - րդ դեպքերում),

3. Չպետք է խախտվի խիստ պրոյեկտիփությունը:

Սակայն թե՛ ձևական հատկանիշների սահմանումը, թե՛ զուգադրությունների վերհանումը և թե՛ դրանց պրոյեկտիփության որոշումը օժանդակ միջոցներ են ընդհանուր խնդիրը լուծելու ճանապարհին, այսինքն որոշելու կավերի տեղը կախվածության ծառի վրա ու սահմանելու դրանց շարահյուսական ազդեցությունը կախյալ բառի ձևի վրա:

Գտնվելով կախվածության ծառի վրա՝ կապն ունի երկու շատ բնորոշ շարահյուսական հատկանիշ՝


1. այն խնդրառության է անմիջապես գագաթի կամ ենթագագաթի կողմից և իր հերթին խնդրառում է մեկ և միայն մեկ բառ՝ չդառնալով երբեք տերմինալ ու դրանով իսկ տարրերվելով V-ից ու N-ից, որոնք կարող են ինչպես սերել մեկից ավելի սլաքներ, այնպես էլ փոխել իրենց մակարդակը,

2. կախվածության ծառի կապ պարունակող հանգույցները, ի տարրերություն չպարունակողների, չեն կարող դառնալ ենթագագաթ որևէ ենթածառի համար:

Առաջին հատկանիշից բխում է, որ անհրաժեշտ է տարրերակել V—> Jnt և Jnt—>N հարաբերությունները ծառի վրա:

2 Шрейдер. Ю. А. Свойства проективности языка, Научно - техническая информация, М., 1964, 8

V—> Jnt հարաբերությունը զուտ իմաստային հարաբերություն է, մինչդեռ Jnt—>N .ը՝ շարահյուսական, որ N-ի ձևը խիստ դետերմինացված է Jnt-ի ֆունկցիայով: Օրինակ՝ «Դրեցի սեղանի վրա» նախադասության մեջ՝




դրեցի —> վրա հարաբերության մեջ վրա կապի առկայությունը բխում է դժել բայի իմաստից, անկախ այն բանից՝ այդ բառը գագաթում է, թե՛ ենթագագաթում: Ու թեև այդ իմաստ կարող է դրսևորվել նաև առանց կապի՝ «Դրեցի սեղանին», արդյունքում ստացվում են հոմանիշ կառույցներ (շարահյուսական մակարդակում):

Jnt—>N հարաբերության դեպքում N-ի ձևը պայմանավորված է Jnt - ով: Նայած, թե սկզբունքորեն ինչպիսի ձևեր կարող են ընդունել N - ի տեղում հանդիս եկող անդամները, անհրաժեշտ է ունենալ ծառի վրա Jnt-ի տեղում հանդիպող բոլոր բառերի ցանկը: Այդ բառերի այն մասը, որը կրավարարի վերը բերված երեք պնդումներին, ետադրությունները են, իսկ մյուսները՝ նախադրություններ:

Այսպիսով, ստացվում է մի աղյուսակ, որը ներկայացված են կապերը, դրանց դիրքերը (Prep, Post և PrepPost), պահանջած հոլովները (նաև անհրաժեշտ դեպքերում՝ առումները) և օրինակներ (եռանդամ շարահյուսական կառույցներ): Նվազի որ աղյուսակում ընդգրկված են ոչ միայն կապեր, այլև կապի գործառույթով հանդիս եկող գոյականների, ածականների ու խոսքի այլ մասերի հոլովված և ուղիղ ձևեր (օրինակ՝ *ազդեցությամբ, առկայությամբ, բացառությամբ, մասնակցությամբ, օգնությամբ* և այն), ուստի այս իմաստով աղյուսակում կապերի ցանկը բաց է:

Ասվածը հիմք է ծառայում փորձելու ստանալ գագաթ - լրացնում հարաբերությունները նկարագրող կադապարներ:

Ուսումնասիրությունը բույլ է տալիս ենթադրել, որ վերջիններիս թիվը սահմանափակ է (նկատի ունենք եռանդամ կադապարները):



(ուղղահայաց ընդհատ գծերը՝ կետագծերը, տարված են ակնիայտ դարձնելու համար բառերի շարադասությունը վերլուծվող նախադասության մեջ):

Ժամանակակից հայերենին բնորոշ զուգադրությունները կարելի են ստանալ, ունենալով՝

1. վերը բերված եռանդամ կառույցների ծառերը,
2. այդ ծառերից յուրաքանչյուրի վրա Jnt - ի տեղում հանդես եկող միավորների ցուցակը,
3. V - ի տեղում հանդիպող իմաստների հարացույցը:

Կաղապարների թվի ենթադրվող սահմանափակությունը բխում է բայական հարացույցից, ինչպես նաև այն բանից, որ որոշ բայեր չեն ենթարկվում նշված ընդհանուր օրինաչափությանը և անկախ իմաստից՝ ընդունում են այս կամ այն կապը, ինչը առանձին ուսումնափրության նյութ է: Եթե հնարավոր լինի տալ ամփոփ հարացույց, ապա կաղապարների թիվը ևս կլինի վերջնական:

Կապերի խնդրառությունը ներկայացնող աղյուսակ

Կապեր	Դիրք	Հոլով	Օրինակներ
առ	Prep	ուղղ., ուղղ.որոշյալ	հղել աղոքք առ աստված, հաստատել առ մեկը մայիսի
առանց	Prep	սեռ., տր.	գնալ առանց ընկերոջ, ապրել առանց քեզ
անց	Post	ուղղ., ուղղ.որոշ., բաց.	հանդիպել մի օր անց, հանդիպել հիճն անց, հանդիպել հիճնցից անց ...
առաջ	Post	ուղղ., սեռ., բաց.	մեկնել մեկ օր առաջ, կանգնել տաճ առաջ, պատրաստվել դասից առաջ
առջև	Post	սեռ.	կանգնել տաճ առջև
առջևից	Post	սեռ.	անցնել տաճ առջևից
առջևով	Post	սեռ.	անցնել տաճ առջևով
առջևում	Post	սեռ.	հավաքվել տաճ առջևում
առիվիվ	Post	սեռ.	նվիրել ծննդյան առիվիվ
առջնորդ	Post	սեռ.	գործել կառավարությանն առջնորդ
անկախ	Prep, Post	բաց.	կատարվել անկախ մարդուց, մարդուց անկախ կատարվել
անցած	Prep, Post	ուղղ.	անցած մի օր, մի օր անցած
բացի	Prep, Post	բաց.	բացի Արամից, Արամից բացի
բացառությամբ	Prep, Post	սեռ.	հեռացնել բացառությամբ ընկերոջ, ընկերոջ բացառությամբ ընդունել
դեմ	Post	սեռ.	սպասել տաճ դեմ
դեպի	Prep	ուղղ.	գնալ դեպի տուն
դեպում	Post	սեռ.	շանել բացակայության դեպում
դիմաց	Post	սեռ.	կանգնել տաճ դիմաց
դիմացից	Post	սեռ.	անցնել տաճ դիմացից
դիմացով	Post	սեռ.	վագել տաճ դիմացով
դեմից	Post	սեռ.	սկսել տաճ դեմից
դուրս	Post	բաց.	գտնվել տնից դուրս
երեսից	Post	սեռ.	տուժել ընկերոջ երեսից
զատ	Post	բաց.	ապրել կնոջից զատ
գուգընթաց	Post	տր.	կատարել դասին գուգընթաց

ընդառաջ	Post	սր.	գնալ ընկերութն ընդառաջ
ընդեմ	Prep, Post	սեռ., սր.	պայքարել ընդեմ բշնամու, բշնամուն ընդեմ գնալ
ըստ	Prep	սեռ.	հանդիպել ըստ պայմանավորվածության
ժամանակ	Post	սեռ.	կատարել համերգի ժամանակ
ընթացքում	Post	սեռ.	լսել համերգի ընթացքում
ի	Prep	ուղղ.	ընդունել ի գիտություն
ինչպես	Prep	ուղղ.	վարդել ինչպես ընկեր
իբրև	Prep	ուղղ.	վարդել իբրև ընկեր
ի վար	Post	ուղղ. որոշ.	իշխել սարն ի վար
ի վեր	Post	ուղղ. որոշ.	բարձրանալ սարն ի վեր
ի հաշիվ	Prep	սեռ.	ապրել ի հաշիվ ընկերոց
ի փառս	Pr cp	սեռ.	գործել ի փառս հայրենիքի
ի դեմս	Prep	սեռ.	հարգել ի դեմս ընկերոց
ի լրումն	Prep, Post	սեռ., սր.	հավելել ի լրումն ասվածի, ասվածին ի լրումն ընդգծել
ի հավելումն	Prep, Post	սեռ., սր.	ընդունել ի հավելումն ասվածի, ասվածին ի հավելումն ընդգծել
ի հեճուկս	Prep	սեռ.	գնալ ի հեճուկս ընկերոց
կապակցությամբ	Post	սեռ.	նվիրել ծննդյան կապակցությամբ
կողմ(ը)	Post	սեռ.	թերվել տաճ կողմը
կողմից	Post	սեռ.	անցնել ետի կողմից
կողմով	Post	սեռ.	գնալ ետի կողմով
կողմում	Post	սեռ.	գտնվել ետի կողմում
կողքը	Post	սեռ.	կանգնել ընկերոց կողքը
կողքին	Post	սեռ.	կանգնել հոր կողքին
կողքից	Post	սեռ.	անցնել շենքի կողքից
կողքով	Post	սեռ.	անցնել տաճ կողքով
կից	Post	սր.	կառուցել այգուն կից
հակառակ	Prep, Post	սեռ.	վարդել հակառակ ընկերոց, ընկերոցը հակառակ վարդել
հանդերձ	Prep, Post	գործ.	իրավիրվել հանդերձ ընտանիքով, ընդունել թերություններով հանդերձ
հանուն	Prep	սեռ.	մարտնչել հանուն հայրենիքի

հանձին(ս)	Prep	սեռ.	հանձին ընկերոց (ընկերների) տեսնել
համաձայն	Prep,Post	սեռ.	ազատվել համաձայն դիմումի, դիմումի համաձայն ընդունվել
համապատասխան	Post	տր.	գործել պայմանին համապատասխան
հեռու	Post	բաց.	ասրել ընտանիքից հեռու
հետ	Post	սեռ.	մեկնել ընկերոց հետ
հետ միասին	Post	սեռ.	ընկերոց հետ միասին պարապել
հետեղ	Post	սեռ.	բարձրվել պարապի հետեղ
հետից	Post	սեռ.	անցնել շենքի հետից
հետևով	Post	սեռ.	անցնել տաճ հետևով
հետևում	Post	սեռ.	գտնվել տաճ հետևում
հետևանքով	Post	սեռ.	առաջանալ հիվանդության հետևանքով
համար	Post	սեռ.	գնել բրոց համար
հանդես	Post	սեռ.	տածել մոր հանդես
համեմատ	Post	սեռ.	ունենալ ... ընկերոց համեմատ
հանդիման	Post	տր.	գնալ ընկերներին հանդիման
հասցեին	Post	սեռ.	ասել... բեկնածովի հասցեին
հավասար	Post	տր.	դարձնել հոդին հավասար
հիման վրա	Post	սեռ.	ընդունել սավածի հիման վրա
հետո	Post	սեռ.	մեկնել համերգից հետո
հօգուտ	Prep	սեռ.	գործել հօգուտ ժողովրդի
ձեռքից	Post	սեռ.	տուժել ընկերոց ձեռքից
ձեռքով	Post	սեռ.	գործել ընկերոց ձեռքով
մասին	Post	սեռ.	մտածել կատարվածի մասին
մեկ	Post	գործ.	վագել վողողով մեկ
մինչև	Prep	ուղղ.	վագել մինչև տուն
մոտ	Post	սեռ., տր.(Prep)	ընկենալ սահմանի մոտ, հայտնվել ինձ մոտ
մոտից	Post	սեռ.	անցնել տաճ մոտից
մոտով	Post	սեռ.	անցնել տաճ մոտով
մեջ	Post	սեռ.	դնել դարակի մեջ
միջից	Post	սեռ.	հանել դարակի միջից

միջով	Post	սեռ.	անցնել ծովի միջով
միջև	Post	սեռ.	հայտնվել երկուսի միջև
մեջտեղ(ը)	Post	սեռ.	կանգնել սենյակի մեջտեղը
մեջտեղի	Post	սեռ.	հանել մեջտեղի մասից
մեջտեղից	Post	սեռ.	կտրել էջի մեջտեղից
մեջտեղով	Post	սեռ.	անցնել մայրի մեջտեղով
մեջտեղում	Post	սեռ.	գտնվել շարքի մեջտեղում
միջոցով	Post	սեռ.	գնել ծանորի միջոցով
միջոցին	Post	սեռ.	կատարմել աշխատանքի միջոցին
մեջտեղին	Post	սեռ.	կախել տոնածառի մեջտեղին
միասին(հետ միասին)	Post	սեռ.	կատարել ընկերոջ հետ միասին
նախրան	Post	ուղղ.որոշ.	ներկայանալ նախրան զգուշացնումք
նայած	Post	տր.	կատարել նայած պահանջին
ներառյալ	Prep,Post	ուղղ.որոշ.	վճարել ներառյալ ընկերոջը,ընկերոջը ներառյալ վճարել
ներս	Prep	բաց.	մտնել դռնից ներս
ներսում	Post	սեռ.	հայտնվել շենքի ներսում
ներքո	Post	սեռ.	գտնվել հովանու ներքո
նկատմամբ	Post	սեռ.	տածել ... ընկերոջ նկատմամբ
նման	Post	սեռ.	վարվել ընկերոջ նման
նպատակով	Post	սեռ.	ժամանել հանդիպման նպատակով
նվիրված	Prep,Post	տր.	տարեղածին նվիրված կազմակերպել,կազմակերպել տարեղածին նվիրված,
ներքև	Post	բաց.	կառուցել տնից ներքև
շնորհիվ	Prep,Post	սեռ.	շնորհիվ ընկերոջ հասնել ... ընկերոջ շնորհիվ հասնել ...
շուրջ	Post	սեռ.	արտահայտվել հարցի շուրջ
որպես	Prep	ուղղ.	աշխատել որպես ինժեներ
չանցած	Prep,Post	ուղղ.	չանցած մի օր հանդիպել, կատարվել մի օր չանցած
չնայած	Prep	տր.	մեկնել չնայած անձերին
չհաշված	Prep,Post	ուղղ.որոշ.	չհաշված բացակայությունը գնահատել, գնահատել բացակայությունը, չհաշված
չափ	Post	սեռ.	ուտել մեծի չափ

պատովին	Post	սեռ	կատարել դեկավարի պատվին
պես	Post	սեռ.	վարվել հարազատի պես
պատճառով	Post	սեռ.	հրաժարվել իիվանդության պատճառով
պահին	Post	սեռ.	զանգել դասի պահին
ջոկ(հնց.)	Post	բաց.	ներկայանալ ընկերներից ջոկ
սիրուն	Post	սեռ.	երգել կնոջ սիրուն
սկսած	Post	բաց.	հաշվել ընկերոջից սկսած
սկզբում	Post	սեռ.	ներկայացնել գեկուցման սկզբում
վար	Post	բաց.	սահել պատիք վար
վեր	Post	բաց.	բռչել ամպերից վեր
վրա	Post	սեռ.	դնել սեղանի վրա
վրայից	Post	սեռ.	վերցնել սեղանի վրայից
վրայով	Post	սեռ.	բռչել քաղաքի վրայով
վերև(ը)	Post	սեռ., բաց.	նստել տաճ վերև, անցնել տնից վերև
վերից	Post	սեռ.	բռչել գլխի վերիցից
վերևով	Post	սեռ.	ցատկել գլխի վերևով
վերևում	Post	սեռ.	պտտվել գլխի վերևում
վերջում	Post	սեռ.	հայտնվել շարքի վերջում
վերաբերյալ	Post	սեռ.	արտահայտվել հարցի վերաբերյալ
վերաբերմամբ	Post	սեռ.	ունենալ ... ընկերոջ վերաբերմամբ
տակ	Post	սեռ.	նստել ծառի տակ
տեղ	Post	սեռ.	ստորագրել ընկերոջ տեղ
տեղակ	Post	սեռ.	ստորագրել ընկերոջ տեղակ
ցած	Post	բաց.	գլորվել սարից ցած
ուղղությամբ	Post	սեռ.	գնալ տաճ ուղղությամբ
փոխանակ	Prep	սեռ.	ժպտալ փոխանակ ամաշելու
փոխարեն	Post	սեռ.	կատարել ընկերոջ փոխարեն
օգտին	Post	սեռ.	բլեարկել ընկերոջ օգտին
օրոք	Post	սեռ.	կատարվել տնօրենի օրոք

ՀԱՅԵՐԵՆԻ ՏԱՐԱԾՔԱՅԻՆ ՏԱՐԲԵՐԱԿՆԵՐԻ ՇՏԵՄԱՐԱՆ

Բնական լեզուն, որը մարդու միջնորդությամբ ստեղծված ու կատարելագործված ամենաբարդ ֆենոմենն է, միշտ էլ զանվել է գիտության տարբեր բնագավառների ուսումնասիրության կենտրոնում: Այսօր, հենվելով լեզվաբանության նվաճումների վրա լեզվական առանձնահատկությունները ուսումնասիրվում են փիլիսոփայության, հոգեբանության, կիբեռնետիկայի, անգամ բժշկագիտության կողմից, որոնցում ստացված գիտական արդյունքները, չնայած գիտական հենքերի ու հայեցակետերի տարբերությանը, միահյուսվում, ավելի ճիշտ, հարում են իրար և դա բնական է, քանի որ ուսումնասիրության առարկան նույնն է՝ լեզուն: Նույնիսկ չի զարմացնում այն փաստը, որ այսօր տեխնիկական բարդ համակարգեր նախազգող մասնագետները հաճախ դիմում են լեզվական երևույթների ուսումնասիրությանը կամ հենվում նշված բնագավառներում ստացված գիտագործնական արդյունքների վրա, եթե այդ համակարգերի համար անհրաժեշտ է մշակել են գործընթացներ, որոնք ունենան տարածամասնակյա ու համաժամանակյա, ընդհանուր ու մասնակի, անփոփոխական ու տարբերակային, կանոնական ու բացառիկ, ընդհանուր և մասնակի բնույթ (այս հակադրությունների ցանկը կարելի է շարունակել շատ երկար): Դժվար չէ համոզվել, այս ամենը համատեղ ձևով հանդես են զայիս լեզվի մեջ և այդ իսկ պատճառով դրանց համայիր ուսումնասիրությունն առաջին հերթին լեզվաբանության գործն է:

Նշված առանձնահատկությունները լեզուն ձեռք է բերել իր պատճական զարգացման և տարածքային բաշխման շնորհիվ: Այդ նշանակում է, որ լեզուն զարգանալով ժամանակի ու տարածության մեջ, նրա զարգացման տարբեր փուլերի արձանագրությունները մեզ մեզ հասել են տեքստերի տեսքով, որոնց մեջ պետք է առանձնանան են թե՛ ժամանակայնությունը, թե՛ տարածքայնությունը: Դա մեզ հիմք է տալիս պնդելու, որ լեզվի մեջ հանդես

Եկող ցանկացած օբյեկտ կամ երևույթ կարելի է դիտարկել թե՝ ժամանակային, թե՝ տարածքային պլանով: Հարկ է նշել, որ այդ առանձնահատկությունների բազմազանության պատճառով էլ լեզվական միավորների սահմանազատումը ժամանակային կամ տարածքային առումով ինչտ գործ չէ, քանի որ լեզվի բնականու զարգացման ընթացքում նրանում փոփոխությունները տեղի են ունենում ոչ թե շեշտակիորեն, այլ դանդաղ և սահմաները հաճախ ուրվագծվում են են ոչ թե գծերի, այլ լայն շերտերի տեսքով ու այդ աղոտ տարածքում (ժամանակային և տարածական առումով) միաժամանակ կարող են հանդես են զայ սահմանակից տարածքի միավորներ: Չնայած այս անորոշությանը, այնուամենայնիվ, լեզվաբանական գիտության մեջ մշակված են մերողներ այդ սահմաները որոշելու համար: Մասնավորապես հայերենի համար մեր հետազոտություններում հիմք ենք ընդունել ակադեմիկոս Գևորգ Զահուլյանի կողմից կատարված սահմանաբաժանումը, որ հրապարակված է լեզվի պատմությանը և բարրառագիտությանը նվիրված նրա աշխատություններում: Աղոտ սահմաններով միջավայրերի ուսումնասիրությանը այսօր զբաղվում է նաև մաքենատիկան: Այստեղ առաջացել է մի նոր ճյուղ, որն զբաղվում է աղոտ սահմաններով բազմությունների ուսումնասիրման և նոտավորություններ պարունակող խնդիրների, մասնավորապես լեզվաբանական, վճռման համար մերողների մշակման հարցերով: Այսօր առանձին իրողությունների ձևային նկարագրություններ կազմելիս լեզվաբանությունը փոփոխարձաբար օգտվում է մաքենատիկայի ընձեռած հնարավորություններից:

Ասվածը բույլ է տալիս պնդելու, որ ժամանակակից ինֆորմատիկայի տեսակետից լեզուն կարող ենք ներկայացնել իբրև ժամանակատարածքային վեկտոր, այսինքն՝ մի օբյեկտ, որի հետազոտման համար իբրև առանցներ կարելի է ընտրել ժամանակը և տարածությունը: Գործնական առումով դա նշանակում է լեզվի համակարգային ուսումնասիրության համար անհրաժեշտ է հետազոտման ոլորտ պետք է մտցնել մի կողմից հնագույն ժամանակներից մինչև մեր օրերը ստեղծված տեքստերը, իսկ մյուս կողմից՝ աշխարհագրական առանձին տարածքներում գործող տարբերակները: Այս պնդումը նորություն չէ, քանի որ լեզվի ժամանակային հարցերով զբաղվում է պատմական

լեզվաբանությունը, իսկ տարածքային հարցերով՝ աշխարհագրական կամ արեալային լեզվաբանությունը: Խնդիրն այստեղ նոր միջոցների և մեթոդների օգտագործումն է, որը մեր կարծիքով, կրածրացնի լեզվաբանական հետազոտությունների արդյունավետությունը և հուսալիությունը, քանի որ հնարավորություն է ստեղծվում ուսումնասիրել շատ անգամ մեծ թվով փաստեր:

Հարցադրումից արդեն երեսում է խնդիրի ծավալայնությունը և բարդությունը: Կիրառել այս կաղապարը, նշանակում է լեզվական ցանկացած միավորի կամ երեսույթի համար կարողանալ ստանալ նրա ժամանակային և տարածքային բնութագրերը: Իսկ այդ անելու համար անհրաժեշտ է ունենալ շտեմարաններ, որտեղ գրանցված լինեն լեզվի ժամանակային ու տարածքային տարբերակները, և մեխանիզմ, որը թույլ կտա հաշվելու, որոշելու կամ սահմանազատելու այս կամ այն անհրաժեշտ պարամետրը:

Ենթերվ խնդրո առարկայից մեր հիմնական խնդիրը տեսնում ենք հայ լեզվաբանական գիտության հետագա զարգացման համար ստեղծել մի շտեմարան, որն իր մեջ ամփոփի հայերենի տարածքային տարբերակները: Այնուղ պահիվելու են բարբառային բառերի բառարաններ, բարբառային նյութեր և լեզվաբանական ատլասներ, այսինքն՝ այն, ինչով դրսերվում են հայերենի տարածքային առանձնահատկությունները: Դրանք կազմելու են հայերենի տարածքային շտեմարանի ինֆորմացիոն հենքերը: Այդ հենքերը սպասարկելու համար անհրաժեշտ է ունենալ նաև օգտատերի գերապատվությամբ աշխատող օպերացիոն համակարգ, որը թույլ կտա փորձարկել լեզվաբանական այս կամ այն վարկածը նշված ինֆորմացիոն հենքերի նկատմամբ:

Լեզվական խնդիրների ուսումնասիրության և վճռման հարցում արմատական բեկում մտցրին ժամանակակից համակարգիչները, որոնք բանող գործիքից աստիճանաբար վերափոխվում են բանական գործիքի, իրենց վրա վերցնելով հսկայական բանական բեռնվածություն: Կիրառել ժամանակակից համակարգիչները լեզվաբանական ուսումնասիրություններում նշանակում է ստեղծել մեր ունեցած ողջ ինֆորմացիայի էլեկտրոնային տարբերակը, որն առաջին հայացքից թվում է անընդգրկելի: Բավական է ասել, որ համակարգիչների մեջ անհրաժեշտ է գրանցել հարյուրավոր, նույնիսկ հազարավոր տեքստեր և տասնյակ բա-

ուարաններ, բառացանկեր, դրոնց համար ստեղծել սպասարկման համակարգեր, և միանգամից պարզ կղաղոնա թե ինչ հսկայական ծավալների հետ մենք գործ ենք ունենալու: Սակայն, մյուս կողմից, չսկսել այդ աշխատանքը, նշանակում է քողնել, որ հետագա լեզվաբանական ուսումնասիրությունները մտնեն փակուղի, որի նշանները արդեն 1-2 տասնամյակ է, ինչ առկա են: Այսօր շատ թե քիչ արժեքավոր աշխատանք հնարավոր չէ կատարել առանց համակարգիչների կիրառության: Գիտության բազմաթիվ ճյուղեր վաղուց արդեն ընդունել են այս իրողությունը, սակայն լեզվաբանությունը դեռ հապաղում է: Իհարկե կան օբյեկտիվ պատճառներ, սակայն իմ կարծիքով հիմնական պատճառը կրում է սուրյեկտիվ բնույթ: Իհարկե, կարելի պնդել, որ լեզվաբանության համար հիմնական խոչընդոտը համակարգիչների աշխատանքի ոչ բարձր հուսալիությանն է, գործելու նվազ արագությունը և ինֆորմացիայի կուտակիչների սահմանափակ ծավալը: Սակայն համակարգիչների աշխատանքի հուսալիության բարձրացման միտումը և արագության ու կուտակիչների ծավալի շեշտակի աճը հույս է ներշնչում, որ ապագայում կստեղծվեն այս կարգի խնդիրների վճռման համար պիտանի համակարգիչներ: Մի հարց, որ միշտ եղել է և այսօր էլ մնում է օրակարգում դա համակարգչային ծրագրերի ոչ լիովին հարմարվածությունն է լեզվաբանական խնդիրների վճռման համար: Լեզվաբանությանը օգնելու նպատակով ժամանակակից համակարգիչների հիմքի վրա անհրաժեշտ է ստեղծել լեզվաբանական գործընթացների (կազմել բառարաններ, համեմատել լեզվական միավորներ որոշ պարամետրերի ընդգրկումով, ուսումնասիրել զուգորդումներ և այլն) ավտոմատ կատարման հնարավորություն, որոնց համակցման միջոցով կարելի լինի հենքերի հիման վրա վճռել լեզվաբանական տարրեր կարգի խնդիրներ: Պրակտիկան ցույց է տալիս, որ այսօր միևնույն տեքստը համակարգիչների մեջ մուտքագրվում է կամ միևնույն ինֆորմացիոն հենքը ստեղծվում է բազմապատճիկ անգամ տարրեր ուսումնասիրողների կողմից: Այսպես օրինակ, միևնույն տեքստի համարը կազմողները, վիճակագրական հարցերով զբաղվողները կամ լեզվանոնական առանձնահատկություններն ուսումնասիրողները ձգտում են ստեղծել իրենց խնդիրներին համապատասխանող ինֆորմացիոն հենքեր և մշակել անհրաժեշտ գործընթացներ և

դա կրկնվում է տարբար կազմակերպություններում տարբեր ստեղծագործական խմբերում: Այս զեկուցմամբ ես ցանկանում եմ կոչ անել հայերենագիտությամբ գրաղվող մասնագետներին լնդիանուր ջանքերով, ինչպես անում են գիտության այլ բնագավառի ներկայացուցիչները, ձեռնամուխ լինել ընդհանուր միջոցների ստեղծմանը, որոնք կօգտագործվեն առանձին հետաքրքրություն ունեցող խնդիրների վճռման համար: Դրանք կարող են վերաբերել թե տեքստերի ընտրությանը, թե բառարանների անհրաժեշտությանը և այլն:

Հայ բարբառների լեզվաբանական շտեմարան: Հայենք որպես աշխարհի բարբառներով հարուստ լեզուներից մեկը վերջին հարյուրամյակում մեծ հետաքրքրություն է առաջացրել օտարազգի հայագետների շրջանում: Վերջիններս հաճախակի արտահայտել են իրենց մտահոգությունը հայերենի բարբառազիտական ատլասի կազմության հապաղման առիթով՝ հույս ունենալով, որ ատլասի ընձեռած նյութերի ուսումնասիրությամբ կլուսաբանվեն նաև հնդեվրոպարանության և լնդիանուր լեզվաբանության մի շարք խնդիրներ:


Հայագիտության զարգացման համար այս շատ կարևոր, վերջին տարիների հայ լեզվաբանության ամենաառաջնահերթ և հրատապ ձեռնարկումներից մեկն է: Այն պետք է սկսված ու ավարտված լիներ դեռևս 40-60-ական թվականներին, երբ ըստ ամենայնի կենդանի և գործուն էին թե արևելյան, թե արևմտյան տարածքների խոսվածքները: Այժմ, երբ ուժեղացել է բարբառների խառնման, համահարթեցման և վերացման գործընթացը, երբ կյանքից հեռանում են Արևմտյան Հայաստանից վերաբնակեցված հին սերնդի ներկայացուցիչները, ավելի քան հրատապ է դառնում բարբառային նյութի համալրման ու դրանց մշակման գործը: Եթե այդ շարվի առաջիկա մի քանի տարվա ընթացքում, ապա այլև երբեք չի արվի, և կկորչի հայերենի բարբառների ճոխ, հարուստ գաճարանը ապագա սերունդներին փոխանցելու հնարավորությունը:

Հայ լեզվաբանության մեջ առաջինը Հ.Աճառյանն էր, որ անմիջականորեն ծանոթ լինելով ֆրանսիական բարբառագիտական ատլասի ստեղծման աշխատանքներին, դարասկզբին նախանձախնդրությամբ փորձեց միայնակ ձեռնարկել հայերենի

բարբառների նյութերի հավաքման գործը: Սակայն Հ.Աճառյանի սկսած գործը ավարտին շիասավ:

1976 թվից Հայաստանի Հանրապետության Գիտությունների ազգային ակադեմիայի Հ.Աճառյանի անվան լեզվի ինստիտուտում սկսվել և շարունակվում է գիտարշավների միջոցով բարբառային նյութերի հավաքումը, և առ այսօր արդեն կուտակվել են նյութեր մոտ 500 քնակավայրերից, որոնք ընդգրկում են հայերենի բարբառաների թե՛ արևելյան, թե՛ արևմտյան տարածքների խոսվածքները: Բոլոր նյութերը հավաքվել են Հայ բարբառների լեզվաբանական ատլասի ծրագրին համապատասխան, որը բազմից քննարկվել է ազգային և միջազգային գիտաժողովներում և հավանության է արժանացել աշխարհի հայտնի բարբառագիտների կողմից: Այն բաղկացած է չորս բաժնից՝ բառանվանողական, բառահմասատային, քերականական և հնչյունային, որոնց հիման վրա կազմված 800 բարտեզները կարտացոլեն հայերենի բարբառների բառային, իմաստային, քերականական և հնչյունային ընդհանրություններն ու տարբերությունները: Նյութերի ընդհանուր ծավալը կազմում է մոտ 1000 մեգաբայթ, որի միայն մուտքագրումը տարիների աշխատանք է: Այս նյութերից առանձին լեզվի ինստիտուտում մշակված ունենք հայ բարբառների բառարանը, որն ամփոփում է ավելի քան 100000 բառահոդված, որոնց մեջ նկարագրվում են հայերենի բարբառային միավորները՝ նշված ըստ բարբառային պատկանելիության:

Եթե սխեմատիկ ձևով ներկայացնենք հայերենի տարածքային տարբերակների շտեմարանը, ապա կունենանք հետևյալ տեսքը.



Աշխատանքում առաջ քաշվող առաջնային ու հիմնական խնդիրը հայերենի բարբառագիտական ատլասի կազմումն է, որի

Մեջ ընդգրկվելիք քարտեզները կներկայացնեն հայերենի բարբառների հնչյունական, քերականական և բառային հատկանիշների տեղաբաշխումը ըստ բարբառախոս վայրերի: Քարտեզների գիտական մեկնաբանությունը կբացահայտեն բարբառային երևույթների տարածքային բաշխման պատմական հիմքերը, բարբառների և խոսվածքների փոխհարաբերությունը, նրանց միջև ուրվագծվող սահմանները:

Հայ բարբառների լեզվաբանական շտեմարանի տվյալները լայնորեն կկիրառվեն հայագիտական (լեզվաբանական, պատմական, ազգագրական, բանասիրական և այլն) հետազոտություններում:

Այսօր նախապատրաստվում է շտեմարանի առաջին հասվածք: Դա բառանվանողական գուգաբանությունների ներկայացումն է: Հիմնական ծրագրային միջոցը Access համակարգն է, որ բույլ է տալիս ինտերակտիվ ռեժիմով կատարել ծրագրով նախատեսած փորձարկումները:

Հարկ է նշել, որ թեև Ժամանակակից համակարգիչները հսկայական հնարավորություններ են ընձեռում ինֆորմացիայի արագ և արդյունավետ վերամշակման համար, սակայն խնդիրն այլ է բարբառային նյութերի վերամշակման Ժամանակ: Բանն այն է, որ բարբառային միավորների ներկայացման համար անհրաժեշտ են բավականին շատ գրանցաներ, որոնք բացակայում են համակարգիչների գրանցանային ցանկերից: Տողերիս հեղինակը բարբառագիտական բաժնի աշխատակիցներ Ա.Հանեյանի և Մ.Աղաբեկյանի աշխատակիցությամբ ստեղծել է գրանցաների համախումբ՝ հայերենի բարբառների գրանցման համար: Խնդիրն է, համատեղել այդ գրանցաները Access համակարգի հնարավորություններին:

Ստորև տրված է հայերենի բարբառային գրանցաների ամփոփիչ աղյուսակը.

	Հնչյունական հատկախներ	Գրա-նշան	Font 0 - 5	Լրացուցիչ ստեղն	Font-ի անվանումը
1.	Չայնավորի կարծ արտաքերում	՚	Ctrl + 1	Shift	HnchaGir-1
2.	Սասն. քմ. ծայնավորի կարծ արտաքերում	՚	Ctrl + 5	Alt	HnchaGir-5
3.	Քմ. ծայնավորի կարծ արտաքերում	՚	Ctrl + 5	-	HnchaGir-5
4.	Տևական արտաքերում	՚, ՚	Ctrl + 1	-	HnchaGir-1
5.	Սասն. քմ. ծայնավորի տևական արտաքերում	՚	Ctrl + 5	Shift	HnchaGir-5
6.	Քմ. ծայնավորի տևական արտաք.	՚	Ctrl + 1	Alt	HnchaGir-1
7.	Չ. փակուրյուն	՚	Ctrl + 2	Shift (՞ -)	HnchaGir-2
8.	Չ. մասնակի փակուրյուն	՚	Ctrl + 3	Shift	HnchaGir-3
9.	Չ. բացուրյուն	՚	Ctrl + 2	-	HnchaGir-2
10.	Չ. մասնակի բացուրյուն	՚	Ctrl + 3	-	HnchaGir-3
11.	Բաց ծայնավորի շրբնայնացում	՚	Ctrl + 4	-	HnchaGir-4
12.	Շրբնայնացում	՚, ՚	Ctrl + 3	Shift	HnchaGir-3
13.	Չ. մասնակի շրբնայնացում	՚	Ctrl + 3	Alt	HnchaGir-3
14.	Քմայնացում	՚	Ctrl + 2	Shift	HnchaGir-2
15.	Մասնակի քմայնացում	՚	Ctrl + 2	Alt	HnchaGir-2
16.	Բ. ծայնեղ շնչեղացում	՚	Ctrl + 4	-	HnchaGir-4
17.	Ծայնեղ Բ. բուլ շնչեղացում	՚	Ctrl + 2	-	HnchaGir-2
18.	Ծայնորդ Բ. խլացում	՚	Ctrl + 4	-	HnchaGir-4
19.	Կոկորդային Բ. ծայնեղացում	՚	Ctrl + 4	Shift	HnchaGir-4
20.	Բ. հիմն. ծայնաք. հատկ. ուժեղաց.	՚	Ctrl + 3	-	HnchaGir-3
21.	Բ. հիմն. ծայնաք. հատկ. բուլացում	՚	Ctrl + 3	Shift	HnchaGir-3
22.	Բ. առաջընթաց արտաքերում	՚	Ctrl + 1	Shift	HnchaGir-1
23.	Բ. հետընթաց արտաքերում	՚	Ctrl + 1	Shift	HnchaGir-1
24.	Յնչյունի ըմպայնացում	□	Ctrl + 1	Alt	HnchaGir-1
25.	Յնչյունի ըմպայնային արտաքերում	՚	Ctrl + 1	Shift	HnchaGir-1
26.	Յնչյունի կոկորդային հպում	՚	Ctrl + 4	Shift	HnchaGir-4
27.	Կիսաշփական Բ. շփականացում	՚	Ctrl + 4	Alt	HnchaGir-4
28.	Ծփական Բ. հպականացում	՚	Ctrl + 4	Alt	HnchaGir-4
29.	Յնչյունի ռնգայնացում	՚	Ctrl + 4	Alt	HnchaGir-4
30.	Գ-րական լեզվի այբուբն	՚ - ՚	Ctrl + 0		HnchaGir-0
31.	Լրացուցիչ	՚	Ctrl + 0	3	HnchaGir-0
32.	Լրացուցիչ	՚	Ctrl + 0	Shift + 3	HnchaGir-0
33.	Լրացուցիչ	՚	Ctrl + 0	Shift + 4	HnchaGir-0
34.	Լրացուցիչ	՚	Ctrl + 0	Shift + 5	HnchaGir-0

Իբրև օրինակ ցուցադրենք գրանշանների գրանցման մի հատված, որ հեղինակին տրամադրել են Ա.Հանեյանը և Մ.Աղաբեկյանը.

ա) Զայնավորի բացություն՝ ա, է, ո

օր.՝ խաց, պատ (Վան), մէս «միս», ծէտ «ծիտ», կէր «կեր» (Ղրբ.), գլազ «կասի, ասում է» (Հազզոն), զիկր «զալիս է», գուզը «ուզում է», ըմմէն «ամեն», հրնդը «ահա (Սասուն).

բ) Զայնավորի փակություն՝ ը, է, օ

օր.՝ խընամը «խնամի», հօքը «հոգի» (Ղրբ. Հավարիկ), մէս «միս», վէզ չ«վիզ» (Քեսաբ), քօլօխ «զլուխ», զօձու «կծու» (Մալարիա), կօլօխ (Չալթը Ն.Ն.).

ԲՈՎԱՆԴԱԿՈՒԹՅՈՒՆ

Աբրահամյան Անահիտ, Արոր գործիքանիշ հասկացության բառազուգաբանությունները հայերենի բարբառներում.....	5
Ասիլբեկյան Շուշան, Լրացուցիչ տվյալներ Շամշադինի խոսվածքի մասին	16
Բառնայան Ջեմմա, Ցուցական դերանունների ձևախմասուային դրսաբումները հայերենի բարբառներում	25
Բարսեղյան Ամալյա, Խնդրառական կապակցությունների սխալ դրսաբումները արդի մանուլում	35
Գևորգյան Գայանե, Բայի անդեմ ձևերի գործառական տարարժեքության վերացումը բարբառներում	44
Գրիգորյան Աստղիկ, <i>Օժիտ հասկացությունը հայերենի բարբա- ռներում</i>	55
Դալալյան Տորք, «Արևելաիրանական միջնաշերտի» որոշ նմուշներ հայոց բառապաշարում	61
Դիլրարյան Նարինե, Տեղանվաճակներտ կենսունակ ածանցներն արդի հայերենում	70
Խաչատրյան Հասմիկ, (Որմնախորշ) հասկացության զուգաբանություն- ները հայերենի բարբառներում	80
Կատվալյան Վիկտոր, Ընդհանուրհայերենյան լեզվական հատկա- նիշները բարբառներում	90
Հանքարծումյան Վազգեն, Նկատառումներ լատինաբան հայերենի տարրերակիշ հատկանիշների վերաբերյալ	98
Հովսեփյան Լիանա, Հայոց լեզվի պատմության հիմնախնդիրներն ու սկզբունքները	107
Սիքայելյան Ժաննա, Առկայացման քերականական կարգը Ղարաբաղի բարբառում	123
Մեսրոպյան Հայկանուշ, Տէր բառով կազմությունները հայերենի բարբառներում	130
Սիսիքարյան Գայանե, Քարոզը և գամճը հայերենի երաժշտական տերմինահամակարգում	142
Պապիկյան Սիլվա, Ասորերենից փոխառյալ կրոնական մի բանի տերմինների իմաստուային փոփոխությունների մասին	148

Զիհանյան Վոամշապուհ, Հին հայերենի բայերի վերադասակարգման մի փորձ	156
Սանթոյան Արեն, Արդի հայերենի պակասավոր բայերի մասին	164
Տիոյան Սուսաննա, Կապերի ներկայացման մի եղանակի մասին	168
Ուռուտյան Ռոբերտ, Հայերենի տարածքային տարբերակների շտեմարան	178

ԶԱՀՈՒԿՅԱՆԱԿԱՆ ԸՆԹԵՐՅՈՒՄՆԵՐ-2008
Հանրապետական գիտական նատաշրջանի գեկուցումներ
(Երևան, մայիսի 7-8, 2008թ.)

ДЖАУКЯНОВСКИЕ ЧТЕНИЯ-2008
доклады республиканской научной сессии
(Ереван, май 7–8, 2008г.)

JAHKIAN REDINGS – 2008

Republican Scientific session reports
(Yerevan, May 7–8, 2008)

Խմբագիր՝ Ա.Սահակյան
Համակարգչային էջաղումը՝ Վ. Պապյանի

Հրատ. պատվեր՝ N 209
Հանձնված է արտադրության՝ 28.07.2008 թ.:
Չափակ՝ 60 x 84 ¼; Թուղթ՝ օֆսեր N 1:
11.8 տպագր. մամուլ: Տպաքանակը 200 օրինակ:
Գինը՝ պայմանագրային:

ՀՀ ԳԱԱ «Գիտություն» հրատարակչություն,
Երևան, Բաղրամյան 24գ:

1500ր]

ԳԱԱ Հիմնարար Վիտ. Գրադ.



FL0081554

A-II
93746